





UNIVERSITÄTSBIBLIOTHEK
— Medizinische Abt. —
DUSSeldorf

V 3074

HIERONYMI DAVIDIS
GAUBII,

Medicinae & Chemiae in Academia
Batava, quae Leidae est,
Professoris,

L I B E L L U S

D E

M E T H O D O
C O N C I N N A N D I
F O R M U L A S

M E D I C A M E N T O R U M .



LUGDUNI BATAVORUM.

Apud CONRADUM WISHOFF,

M D C C X X X I X.

СИДИВА
КРСИА

СИДИВА
СИДИВА
СИДИВА

СИДИВА

СИДИВА

СИДИВА

СИДИВА

СИДИВА

СИДИВА

СИДИВА

СИДИВА

СИДИВА

СИДИВА

СИДИВА

СИДИВА

СИДИВА

VENERANDO SENI,
JOANNI GAUBIO,
Poliastro Amstelaedamensi, primum Patruo,
nunc & Socero suo,
HIERONYMUS DAVID GAUBIUS.

Vix exspectaveris, hodie
quod obvenit. Toties, quâ
es, liberalitate, anno ver-
tente, me meosve strenâ
cumulasti, nihil vicissim a
me recipiens. Nunc & Tibi ego stren-
nam offero: at quâ dvitiae haud cre-
scunt: triobolari modo Bibliotheca
auctior erit libello, quem, dignioris
impos muneris, Tuo consecro Nomi-
ni. Quaeris: cur ita? Titulos adspice,
quibus Te adloquor: splendidiores
enim, ut potuisse, addere nolui, ne
obscurior esset factiratio. Non pae-
sidium Foetui huic a Te peto, qui,
adversus neminem injuriosus, par a
Cordatis mihi polliceor, reliquos te-
mno. Neque Favorem capto Tuum: hoc
enim fruor maximo, datâ etiam in
matrimonium mihi Filia Tuâ, nunc
unicâ, ut pignore carissimo, ejusdem
certus. Quid tandem? Monimentum
*

* 2. dividens po-

RENTI osbio. libri

ponere conor, quo constet publico,
quantum devenerer utrumque illud
arctissimae necessitudinis vinculum,
quo & commune Genus, & Tuus in
me Amor, tot tantisque documentis,
maxime in conjugalibus meis votis,
probatus, Tibi me adstringunt.
Neque id, ut parvi forte aevi fuerit;
spernes; cum aliud perennius, Tuis
in me meritis respondens, vires recu-
sent. Quin & scio, solam Tibi, ut
Optimo cuique, satis esse gratam ac-
ceptorum recordationem. Gratulor
hinc Tibi, mihi gaudeo, Te quod, in
quinti decimi aetatis quinquennii jam
ferè constitutum exitu, eò superstitem
servaverit usque Propitium Numen, id
ut propositum exequi mihi liceat; dum
Magnum BOERHAAVIUM, Tu
quem Nomi*n*i heic jungere animus
erat, votis maturius eruptum meis lu-
geo. Manum quietem temere violasse
nefas. Soli ergo Tibi fructus hic qualif-
cunque mei laboris cedit. Tu, ut publi-
cam pietatis in Te meae tesseram, co-
mis accipe, viridique valens senectu-
te, quod reliquum dederit DEUS,
vitae spatium felix vegetusque decurre!

Dedi Leidae 17³¹₁₂38.

MEDICINAE TYRONIBUS

S.

x quo ad Medicinam facien-
dam animum adipicare coe-
pi, inter caetera quidem
maxime me torsit illa istius
Operis pars, quae Remedii
inventi eam postulat descri-
ptionem, ut & concinne respondeat Indi-
cationi, & rite ab iis, id qui negotii sibi
adsumserunt, praeparari, aegroque apte
adhiberi queat. Facile quippe videbam,
non heic sufficere Generalia in hanc rem,
quae sola plerumque in Academiis addi-
scuntur, petenda esse ex singularibus, imo
& singularissimis Aegri Remediique condi-
tionibus, justam quae heic determinatio-
nem figere possunt; non dari Medicamen-
torum Formulas eidem scopo in universum
aptas; idemque Indicatum aliis quandoque
& alis modis formisque esse adipicandum,
ut singulari, circa quem solum Practicus
versatur, homini proposit, satisfaciat. No-
tabam insuper, heic, si uspiam, usui esse
Divi Senis monitum: μηδὲν εἰκῇ, μηδὲν ὑπερ-
αγέν: si quid enim in praescribendo Re-
medio temere, si quid perfunctoriè, pos-
tum fuerit, facile Medicum scopo aberra-
re, utcunquè caeterum rectè collineaverit;
reliquum omne, quod agit Practicus, solà

* 3 fe-

P R A E F A T I O.

ferè speculazione absolvì, juvare nihil, nisi
praescripto adplicatoque justè Remedio
velut in actum deducatur; tum demum
finem obtineri Artis, id si dextrè curatum
fuerit; neque adeò ex iis, quae animo
conceperis, sed quae mandaveris chartae,
decerni; esse hinc rem, cum Aegri, tum
Medici respectu, non levi periculo plen-
nam. Nec molestia exemptum me com-
periebam, si quando, improbo conatu,
memoriae inprimerem Formulas a Prae-
ceptoribus aliisve fide dignis Authoribus
concinnatas: praeterquam enim, quod pue-
rile id molimen crederem, facile praevi-
debam, haud mihi semper in Praxi occur-
furos casus, quoad omnem conditionem
iis geminos, quibus illae a suis Conditoribus
fuissent admodatae, ideoque reddituram
vel novas componendi, vel edocetas mu-
tandi, necessitatem. Extemporanea etiam,
quam praeceps in multis morbis occasio sae-
pe exigit, consuetudo autem plurimis in
locis in universum quoque introduxit, Prae-
scriprio, tum servilis jugi horror, obsta-
bant, quo minus a me ipso impetrarem, ut
ex aliis tantum sapere, aliorum exemplis
semper inhaerere constituerem. Neque
placebat quod Veterani, his in angustiis
a me consulti, dictitabant, Experienciam to-
tum

P R A E F A T I O.

tum hoc opus, ut arduum Tyroni videatur, reddi levissimum: timebam quippe, ne per eventus infelices, ipfasque mortes, & non reparanda famae dipendia, eò me duceret demùm isthaec Magistra. Putavi ergo in id mihi prius, quam ad Praxin accederem, incumbendum esse, ut animo comprehendenderem, quidquid de hac recerti ac legitimi a Medicinae Antistitibus limitatum esset. Quare me dedi evolvendis omnibus, quae adsequi poteram, Medicorum hoc super Themate scriptis, reguisque, quas ibi statutas inveniebam, generalibus comparandis ad ipsa Formularum exempla ab Optimis Practicis descripta. Quumque sic satis citò deprehenderem, regularum multas adeò esse instabiles, ut saepius negligantur, quam observentur; alias verò etiam inter se pugnare; exceptiones dari Regulis longè numerosiores, si quae quotidie sub ipso Artis exercitio etiam a Peritissimis praescribuntur, conseras; plurimos autem eorum, qui hac in parte Tyronum taedia lenire erant conati, sui velut obliatos, tamquam Magistros Magistris, non vero imperitis Tyronibus, scripsisse; alios, brevitatis nimium studiosos, spissiores etiam nebulas mihi saltem obfundere: hinc eo consilii tandem perveni, ut in adver-

P R A E F A T I O.

faria conjecterim omnes, quas de singulari
quavis Formularum specie conditas in-
veniebam, Regulas, his dein junxerim,
quotquot occurrabant, exceptiones, ac
tum ex utrisque inter se collatis, facto mo-
deramine, generalia, mihi visa clari-
riora, deduxerim Theorematum, quae
post, in ordinem ad suos quaeque titulos
redacta, Encheiridion mihi exhibuere, quod
mentem manumque in Praxi exercenda di-
rigebat.

Sic enatum est, quod videtis, corpo-
sculum. Neque id nunc publici juris facio,
quod vel perfectius esse iis, quae hac de re
prodierunt hactenus, vel nova aut ante
inaudita continere, stulte mihi persuadeam.
Imò verò fateor, paucissima in eo reperiri,
si ulla, quae aliis indicta sunt. Docet hoc
candidè modò a me exposita ejus origo.
Quod si laudare vellem omnes, quorum e-
scriptis heic profeci; laudandi forent in-
numeri, &, paucis exceptis, stirè omnes,
quos datum fuit consulere: ut ideo quis-
que suum si hoc ex opusculo decerneret,
literarum forte remansurum esset nihil.
Unde & abstinui vel heic, vel in ipso ope-
re, Authores adlegare; ne vel fatigem
numero, vel multam videar lectionem o-
stantare.

Haec

P R A E F A T I O.

Haec tandem unica fuit edendi occasio. Quum Chemiam publicè in hac Academia docendi muneri admotus, Summo suadente BOERHAAVIO, annuo Cursui Chemicò subjungere adgrederer Pharmaceuticum; non inutile fore videbatur, si, una cum Officinali Medicamentorum Praeparatione, simul & Magistralem exhiberem Auditoribus. Recurrens ergo ad ea, quae olim de hoc Themate meos in usus collecta digesferam, inde, ut sua cuique placent, hausi normam materiemque dicendorum; ut generales haberent regulas, qui me audiebant, ad quas in exercitio, quod simul offerebam, se conformare posset. Quia vero exiguum temporis, quo cursus hic absolvi debbat, spatiū lentorem dictationis non permittebat; neque interim properatae elocutionis impetu exposita animo distincte satis inprimi poterant, ut domi recocta Formulas ad datos casus ex arte praescripturis usui essent; constitui tandem hanc Meorum molestiam praelo levare, putans sic magis me prodesse iis posse. Id si obtineo, satis est. Si simul & in alios boni quid inde redundat, exsulto. Sin minus: laudabilis faltem conatus conscientia pro solamine laborum est. Valete!

Scripsi Leidae 17²⁹₁₂; 8.

ELENCHUS CAPITUM.

Προλεγομένα.	Pag. I
Regulae Generales ante Praescriptio-	
nem Formularum observandae. 3	
De Formularum Dotibus Generalibus. 13	
Externis: <i>Inscriptione, Initio, Ordine,</i>	
<i>Modo designandi Ingredientia & Men-</i>	
<i>suras, Subscriptione, Signatura. 13</i>	
Internis. 23	
Formula Simplice: <i>hujus Dosi,</i>	
<i>Quantitate Generali. 24</i>	
Formula Composita: <i>hujus Partibus,</i>	
<i>Basi, Adjuvante, Corrigente, Con-</i>	
<i>stituente; harum Proportione mu-</i>	
<i>tua; Dosi; Quantitate Generali;</i>	
<i>Qualitatibus, Consistentia, Colore,</i>	
<i>Odore, Sapore, Virtute Medica-</i>	
<i>ta. 32 & seq.</i>	
De Formulis in Specie. 52	
De Formulis Internorum Medicamento-	
rum. 52	
<i>De Pulvere Interno. 52</i>	
<i>Bolo. 66</i>	
<i>Electuari. 74</i>	
<i>Eclegmate. 81</i>	
<i>Pilulis. 86</i>	
<i>Trochiscis internis. 98</i>	
<i>Electuari solid. 105</i>	
<i>Rotulis. 112</i>	
<i>De</i>	

<i>De Infusis internis.</i>	118
<i>Decoctis internis.</i>	136
<i>Succis Expressis.</i>	153
<i>Emulsis.</i>	165
<i>Mixturis Internis.</i>	180
<i>Julapio.</i>	180
<i>Mixtura Media.</i>	192
<i>Mixtura Contracta.</i>	202
<i>De Formulis Medicamentorum Externo-</i>	
<i>rum.</i>	210
<i>De Formulis Externis Communibus.</i>	210
<i>De Injectione.</i>	210
<i>Adspergine.</i>	218
<i>Epithemate in genere.</i>	222
<i>Epithemate Liquido.</i>	223
<i>Sicco</i>	234
<i>Cataplasmate in genere.</i>	244
— — — <i>Cocito.</i>	244
— — — <i>Crudo.</i>	254
<i>Balneo in genere.</i>	261
<i>Humido.</i>	261
<i>Vaporoso in genere.</i>	269
<i>Vaporatione humida.</i>	270
<i>Suffitu.</i>	277
<i>Emplastro.</i>	287
<i>Cerato.</i>	301
<i>Unguento.</i>	304
<i>Balsamo Odorato.</i>	314
<i>Linimento.</i>	324
<i>Epispaſticis.</i>	331
	Fri-

<i>De Fricio.</i>	334
<i>De Formulis Externis Propriis.</i>	335
<i>De Formulis Capiti dicatis.</i>	336
<i>Cucufa.</i>	336
<i>Frontali.</i>	336
<i>Collyrio.</i>	339
<i>Nasalibus in genere.</i>	343
<i>Errhinis.</i>	343
<i>Odoramentis.</i>	348
<i>Stomaticis in genere.</i>	351
<i>Dentifricio.</i>	352
<i>Apophlegmatismo.</i>	355
<i>Gargarismate.</i>	363
<i>Scuto.</i>	367
<i>Clymate Intestinali.</i>	367
<i>Suppositorio.</i>	380
<i>Pesso & Nascali.</i>	388

HIER.

HIER. DAVIDIS GAUBII

A D

Methodum Concinnandi Formulas
Medicamentorum

ΠΡΟΛΕΓΟΜΕΝΑ.

I.

EORMULA vocatur Medicis Remedii Pharmaceutici, ex arte inventi, quoad materiem & formam, rationalis consignatio, juxta quam id a Pharmacopœo aptè parari, atque ægro commodè & fructuose applicari potest.

2. Illa autem Medicinae Practicæ pars, quæ tradit regulas, secundum quas Consignatio ista (1) perfici debet, Methodus audit *Concinnandi Formulas*.

3. Materiem Formulæ (1) suppeditat γ' ἡ δι-
cta iætrix, tam naturalis, quam factitia. Formam, quæ varia est, diversæ, tam in ægro, quam in materie selecta, obviæ conditions determinant: ut infra patebit. Finis est legitima præparatio atque applicatio illius auxilii, quo Indicationi suæ satisfacere conatur Medicus.

4. Complectitur ergo Methodus isthæc (2) ul-
A ti-

2 ПРОДЕГОМЕНА.

timum eorum, quæ Medicō artem suam exercenti agenda sunt. Ad eam tendit, quidquid ferè in aliis Disciplinæ Medicæ partibus docetur. Hæc demum Fine suo beat Artificem.

5. Unde Necessitas, Utilitas, & Nobilitas ejus abunde patent.

6. Dividitur Formula (1) in *Officinalem* & *Magistralē*: quarum illa Remedium spectat in Officinis Pharmaceuticis ad usus futuros parandum atque asservandum; hæc vero ex tempore conficiendum & applicandum. De Posteriore præprimis heic agetur.

7. Hæc (6) ut ex arte præscribi possit; supponatur prius cognita

α. *Indicationum Doctrina*, utpote instruens Medicum, an, quid, tum per quæ, & qual modo, tempore, ordine &c. applicata, Instrumenta sit agendum.

β. *Universa Triplicis Regni Materies Medicæ*; quatenus haec præscribendæ Formulae Materiem (3) præbet: præprimis tamen illa, quae ibi locorum, ubi Medicus Praxin exercet, præsto haberi potest.

γ. Tandem & *Pharmacia*, hujusque omnes Operandi modi, atque Effecta, tam simplicia præparata, quam composita: illos enim dirigit, his utitur, cum Formulam præserbit Medicus.

8. Nec sanè superficiaria saltem, ut vulgo occurrit, binorum posteriorum (7. β. γ.) heic requiri-

quiritur cognitio. Qui enim Pharmacopoeo dabit leges ignarus ipse agendorum? Quomodo delectus fieri cum ratione potest rerum ignorantum? Quo fundamento effectus applicatorum praevidebit, horum natura quem & vires latenter?

9. Ex quibus (7 & 8), collatis ad (4), primum est colligere, non adeo, ut fertur, levis esse operae atque exigui temporis negotium, cuius heic regulas, pro virium modulo, exhibere adgredimur. Facilitatem tamen dabit exercitatio justo doctrinae ordini juncta.

10. Supponentes igitur aliunde satis cognita, quorum scientia ad rationalem Formularum Praescriptionem addiscendam in antecessum requiritur (7 & 8), partiemur materiem dicendorum in tria summa Capita: quorum prius, specie *Introductionis*, succinctas dabit Regulas, Artem hanc exercituro observandas; alterum *Generales* sistet Formularum Dotes; tertium exponet ea, quae ad *Singulares Formularum Species* pertinent.

REGULAE GENERALES

Ante Praescriptionem Formularum observandae.

11. Medicus, Vir prudens, praescribat nihil, nisi cuius sufficienciam queat redere
A 2

4 REGULAE GENERALES.

dere rationem, cum requiritur: hinc nunquam tumultuario, sed semper ex Indicatione prius rite deducta, agat.

12. Ante omnia ergo justa methodo determinet, an oblato in casu aliquid agendum incumbat.

13. Unde, si vel cognitum Naturae solius ad morbi propulsionem sufficiens robur, vel absoluta mali immedicabilitas, vel praevisum ex morbi curatione pejus nasciturum malum, vel dubia haec tenus morbi indoles &c. agendum nihil dictant; probum est a praecriptione abstinere: ne vel noceatur aegro, vel is sine necessitate emungatur.

14. At quum plerisque durum sit, a Medico penitus deslitui; aliquando etiam ignominiosum, artis prodere imperfectionem; hinc, si conditio aegri fert, praefstat nonnunquam, in dictis casibus (13), praescribendo ejusmodi, quae dum non prosunt, quoque haud obsunt, in speciem saltem aliquid agere. Flabeat hunc in finem Medicus familiares sibi Formulas quasdam, ex inferioribus conflatas, Emulsiones, Mixturas, Pulvisculos inefficaces, &c. quibus nihil effecturis tranquillum reddat aegrum, qui saepe mavult pia hac fraude decipi, quam prognostico relinqu. Id, quod vel maximè in Gravidarum aegritudinibus, Virginumque & Mulierum morbis dubiis, notandum.

15. Si vero omnino agere jubet Medicum In-

REGULAE GENERALES. 5

Indicatio; jam porro quid, per quae &c. sit agendum determinare convenit: quorum utrumque per eam ipsam Indicationum doctrinam, quam heic supponimus cognitam, inventur: unde eò ablegantes Tyronem, nonnulla saltem, proprius ad nostrum institutum pertinencia, nunc subjungemus.

16. Finis primarius Artis, tuta nimirum, cœta & jucunda curatio, semper ante oculos versetur Medico; ut ad hunc omnes actiones suas, quoique fieri potest, dirigat.

17. Eligantur hinc Remedia efficacia, & scopo consequendo maximè appropriata, tam ratione materiae, quam formae,

18. Sint tamen simul ejusmodi, quae tuto, sine periculo, exhiberi queant: quamvis, in casibus desperatis, nonnunquam aliquid tentare liceat; modo id fiat cum judicio, dubique eventus praedictione.

19. Nova ideo, nondum probè explorata, ne adhibe, si aliis idem praestare possis: si minus, utere illis summa cum prudentia; ne famae incurras periculum. Audacia saepe magis, quam ignorantia, invisum reddit Medicum.

20. Effoeta, & obsoleta, facile per moram corruptibilia, si potes, cave; ne nauseam noxamve aegro parias, aut saltem effectu frustris. Unde hoc respectu praefstat, caeteris pa-

6 REGULAE GENERALES

ribus, ex officina Pharmaceutica celebriore Medicamenta depromere; quia distractio ibi celerior frequentiorem exigit renovationem; quamvis interim bona fides atque peritia Pharmacopoeum magis commendent.

21. A Draſticis abſtinendum, ſi mitiora ſufſcient: ſin minus, dentur circumſpectiſſime: id quod vel maxime animadvertendum in ſubjectis debilioribus, aut valde ſenſibilibus; ne vehementiae Remedii ſuccumbant in Artis Artificiſve opprobrium.

22. Quae diſſiciliorſunt praeparationis, vel exhibe propria manu conſecta, vel non praefcribe; niſi de fide & dexteritate Pharmacopoei certus ſis.

23. A Pretiosioribus tibi tempera, ſi minus cara ejusdem efficacie praefto ſunt: quod plerumque obtinet. Ditionum interim luxui heic dandum aliquid; utpote qui ſaepius ex pretio vim Remedii aeftimant.

24. Exotica haud temere Indigenis antehabento. Praefstat his uti, ſi scopo ſufficient: mi- nus enim fraudibus & corruptioni obnoxia ſunt, quae domi naſcuntur.

25. Quae nomine, ſapore, aliisve qualitatibus, in vulgus nota ſunt, aut minus uſitato ſub titulo, aut aliis mixtis reſta praefcribere aliquando prudentiae eſt; ne vel horreant ea aegri, vel tanquam nihil praefituraaspernentur.

26.

REGULAE GENERALES 7

26. Satius est consuetum, quam inconsuetum, dare Medicamentum: id quod circa Emetica, Purgantia, Opiata &c. praeprimis locum habet.

27. Ingrata, nauseosa, molesta, quoad fieri potest, vitentur, aut saltem parciore quantitate cum aliis remixta abscondantur artificiose. Praefat nullum, quam tale exhibere Remedium, a quo Natura abhorret: cuius regulae praeprimis in Foeminis delicatioribus, Infantibus &c. ratio habenda.

28. Hinc & aegri Idiosyncrasiam, ratione singularis cuiusdam Pharmaci, aliquando expiscari convenit; quippe quae Remedium, etiam caeteroqui maxime appropriatum, nonnunquam inutile, imò noxiū reddit: licet interim saepe imaginaria potius, quam nativa, sit.

29. Simplicitati quam maxime in praescribendis Remediis studeat Medicus, nec adeo molem aut numerum, sed concisam brevitatem, non pompam, sed efficaciam, affectet. Unde ex immensa Materiae Medicae sylva non quaevis promiscue congerenda, sed probatorum saltem delectus habendus.

30. Junior tamen Practicus, nondum fama florens, seculi, loci, hominumque, inter quos degit, moribus atque opinionibus, quoisque scopus ejus permittit, tantillum sese accommodet; ut, aliunde minus notus, hac sibi via

8 REGULAE GENERALES.

interim existimationem comparet. Veteranis, aut in Praxi confirmatior, securè demum talia vilipendit.

31. Natura Praeparatis, Simplicia Compositis, praferantur, si utrorumque virtus eadem est. Praeparatio atque Compositio, praeterquam quod ex se aliquando mali plus, quam boni, adferant, insuper & a Pharmacopoei fide ac dexteritate, nonnunquam minimè laudandis, dependent. Simplicium contra genitrix est Natura, bona semper, sibique constans.

32. Ut universae Materiae Medicæ notitia utilis est Medico; sic illa præprimis accuratius requiruntur cognita, quae in Pharmacopœis loci, in quo praxin exercet, prostant: ne talia præscribat, quibus carent Officinae. Qui error facile corrigendus foret; nisi Pharmacopœus quandoque sibimet ipsi arrogaret licentiam, inconsulto Medico, aliud pro alio substituendi.

33. Porro, praeter vires atque doses efficaces, varias itidem Medicamentorum appellations, usitatas, scire convenit; ne idem Remedium, eadem in Formula, variis sub nominibus saepius præscribatur. Disce hinc generales titulos, quibus plura quandoque singularia, compendii ergo, simul insigniri solent, ex Morell. Meth. præscr. Form. in Prolegomenis.

34. Tcm

REGULAE GENERALES. 9

34. Tempora etiam, quibus Herbae & alia magis minusve vigent, aut acquiri poslunt, memoria teneantur; ne Autumno vel Hyeme desiderentur recentia, quae aestate dudum emarcuerunt.

35. Variae itidem variorum tam simplicium, quam compositorum, consistentiae gnarus sis; ne formam alienam, aut mensuram impropriam, praescribas.

36. Principia atque mutuas Medicamentorum ad te invicem, & ad Instrumenta, quibus preparantur, habitudines nisi ex Pharmacia rationali didiceris, absurdissima, & vel Pharmacopoei famulo risum moventia, utinam nec aegro noxia! quandoque in chartam conjicies

37. Officinalium Compositorum ingredientia noscito; ne velex tempore componenda mandes, quae jam composita prostant; vel officinalibus praescriptis talia addas, quae ipsorum compositionem jam ingressa sunt: quamvis posterius aliquando postulet Indicatio.

38. Nec congeras in unam Formulam plura, quae, licet nomine, origine & praeparatione diversa sint, prorsusitamen ejusdem sunt naturae & efficacie: perinde enim est, ac si peccares contra (33.).

39. Una quae Formula commode comprehendi poslunt, haud, praeter necessitatem, in plures dispescito. Tempori interim atque opinioni

A 5

haç

10 REGULAE GENERALES

hac in re subserviendum (30.): sunt enim, qui paucitatem Receptarum longe ferunt difficilis, quam numerum nimium.

40. Contra haud combinentur in unam eandemque Formulam, quae simul aptè & sine mutatione incongruā upiri, aut mista commodè adhiberi nequeunt: id, quod circa Olea meraca, Balsama liquida, Pinguia, cum aquosis exhibenda, tum alia fese mutuo destruentia &c. quorum postea mentio fiet, paeprimis notandum.

41. Ideo nec singulis, sed urgentibus saltem, symptomatibus oppone Remedia: effecta enim Morbi, hoc hujusve causa succifis, sponte cefant, quae nonnunquam adeo diversa sunt; ut nimis opposita ad sui sublationem requirant.

42. In Morbis, aut symptomatis, maximè urgentibus, promptissimè parabilia exhibeto; ne occasio paeceps subterfugiat; aut Pharmacopoeus festinando peccet.

43. Si indicata Remedia in quamcunque Formulae speciem commode redigi poslunt; aegrum interroga, quamnam pae reliquis amet magis, aut horreat, cuinam adsueverit, cui minus? Artem sic teque iplum commendabis, & laetorem reddes paecripti usum.

44. Nec tamen, palato aegri dum studes, Morbi naturam, vim, symptomata, & si qui forte alii in aegro morbum primarium comitantur affectus, obliviscere. Non omnes omnis fert

mor-

REGULAE GENERALES. II

morbis Formulas. Difficili Deglutione laborantem Bolis , Pilulis &c. ingerendis malè torsis &c.

45. Quin Medicamenta etiam non omnia omnibus sunt Formulis accommodata. Sudorifera formam amant liquidam, Absorbentia siccum, Foetida, nauseosa , Pilularem, & sic porro: prout in singularibus Formularum historiis postmodum indicabitur.

46. Aetatis quoque ratio habeatur in determinanda Formulae specie. Infantem si externis aequè facile sanare potes, internis ne vexato: sin minus, abstine saltem a Pilulis , Bolis, & similibus.

47. Temperamenti quoque varietas aliam quandoque & aliam postulat Formulae speciem. Siccis liquida , Humidis siccá magis quadrant: quanvis interim, si priorum(43.ad 46.) aliqua huic conditioni obstiterint, illorum potior sit ratio.

48. Quae peregrè mitti , per longa itinera circumferri , aut quotidianos ad usus in pera gestari debent , Medicamina , quousque fieri potest , in maximè compendiosas , diutissimè conservabiles , facillimè portatiles redigantur Formulas.

49. Si ex praescripto Medicamento melius habet aeger , ejusdem usus continuandus est ; donec aliud exigat Indicatio: neque enim sine ratione ullam facere mutationem decet (II).

12 REGULÆ GENERALIS.

50. Interim , manente eadem Indicatio-
ne , variare quandoque Formulas , & ingredien-
tibus alia substituere aequivalentia convehit ; ut
viribus eadem diversâ saltē sub facie exhi-
beantur : quod in morbis Chronicis , aegrisque
morosioribus , praecipue expedit ; ne longior
eorundem usus fastidium moveat , aut in con-
suetudinem abeat . Quin & suam sic dexterita-
tem , Artisque opulentiam , ostendit Medicus .

51. Ubi autem datum Remedium non juvat ;
haud pertinaciter in eodem perstandum , sed
aliquando , vel ex parte , vel in totum , mutandum
pro Medici perspicacia . Si vero & noceat ;
prositus inde absistendum : a juvantibus enim &
nocentibus praecipua Indicatio .

52. Tandem , uti Medicus nunquam , nisi
serio intenta mente , praescribere Remedium
debet , ita nec praescriptum manu mittat , nisi
prius sedulo revisum ; ut certus sit clare ex-
pressa & benè distincta esse omnia . Ars praee-
parandi Medicamenta , abusu pessimo , hodie
tyronibus fere , aut amanuensibus , saepe impe-
ritis , saepe incuriis , commissa , periculi inte-
rim , uti fructus , plenissima , a Medico pruden-
te , sibique & aegris suis consulente , hanc o-
mnino accurationem reposcit .

D E
F O R M U L A R U M

Dotibus Generalibus.

53. Proximè de Formulis in genere acturi,
harum *Externas* prius, dein & *Internas*
Dotes, omnibus communes, considerabimus.

54. EXTERNAS voco, quae vel ad ornatum faciunt, vel ad scriptionis compendium, vel ad clariorem intellectum eorum, quae ipsam preparationem, & applicationem, spectant.

54. Harum I^{ma} est INSCRIPTIO in fronte chartae, arbitraria, a plerisque omissa, notami aut literas ut plurimum exhibens pium votum indicantes: uti sunt, t. C. D. JD. JJ. a & o. & similia, quae pro lubitu sibi quisque fingere, aut & sine peccato praetermittere potest.

56. II^{da} est Formulae INITIUM, constantius usitatum, notis Rec. vel Rx. i. e. *Recipe* designandum, quo velut jubetur Pharmacopoeus, quae sequuntur, promere.

57. III^{to} Huc pertinet ORDO, quo Formulae Ingredientia scribuntur. Varius is est in variis Formularum speciebus; imò nec unus & idem in iisdem constanter observatur: uti patebit in singularum Historiis, In genere heic notandum.
». Quod

14 DE FORMULIS IN GENERE.

α. Quod singulari cuivis ingredienti singula-
ris detur linea , nec duo vel tria continuo juxta
se mutuo scribantur.

β. Ingredientia ejusdem speciei sibi mutuo
proxime subjungantur : Radix Radici , Aqua
Aquaee , &c.

γ. Specie diversa juxta quantitatem , qua re-
cipiuntur , plerumque inter se digerantur ; ut
ordinem ducant copiosissima , claudant parcio-
ra , vel & vice versa.

δ. Alias & Basis primum tenet locum , alte-
rum *Adjuvans* , tertium *Corrigens* , postremum
Constituens.

ε. Quae praescribuntur quantitate non defi-
nita , aut ex reliquorum ingredientium quanti-
tatis saltem definienda , fere semper ultimum
locum occupant.

Dantur interim harum regularum exceptio-
nes , postea commemorandae.

§8. IVto Notandus est Modus tam ipsa For-
mulae Ingredientia , quam horum Mensuras ,
DESIGNANDI. Quò hic distinctior & intellectu fa-
cilior , eò commendabilior. Hinc

α. Adsuescat Medicus distinctae scriptio-
ni , neque negligenter , aut properè nimis , literas
pingat.

β. Nec peccet contra Orthographiam , ri-
dendus Pharmacopoeo.

γ. Inconditum scriptio-
nis excessum vitet.
Unde

DE FORMULIS IN GENERE. 15

Unde, si plura ejusdem speciei ingredientia sibi mutuo subjunguntur, juxta (57. §); primo saltem nomen speciei, omnibus commune, praefigitur, reliquorum vero nomina tantum propria deinceps, directè sub nomine proprio primi, Ordine (57. a) dicto, collocantur. Simile quid obtinet, si plura proximè sibi invicem subjuncta aequali singula quantitate prescribuntur: quo in casu ne cujusvis quantitatem sigillatim adscribere necesse sit, vocabulo *ana* vel *aā* utimur; quippe quod ante postremi illorum ingredientium quantitatem designata possum notat, de priorum singulis tantum esse recipiendum. Plura ejusmodi compendia in usu sunt: quae tamen in decursu sponte innotescunt, atque ideo saltem, si tuta fuerint, negligi non debent; quia ubivis more recepta sunt.

§. Pejores noxas nimia infert scriptionis brevitas; praecipue cum, non vulgaribus literis, sed introductis Characteribus, saepe male pictis, tam Ingredientia, quam horum Pondera & Mensoriae, quandoque non sine ostentatione, designantur: quo nimis frequenter factum est, ut Pharmacopoeus nonnunquam aliud pro alio, vel majorem minoremve praescriptam quantitatem, summo cum aegri periculo, exhibuerit. Unde prudentius est, vel nullis ejusmodi uti compendiis, vel nonnisi distinctissimis, pervulgatis, minimè aequivocis; ubi fortè, juxta
(25.)

16 DE FORMULIS IN GENERE.

(25), materiem Formulae celare animus est. Ponderum praeprimis signa accuratissimè exprimenta, si quis his uti amet. Opus tamen est, usitatos Medicis Charakteres saltem cognoscere, quum plena iis sint omnia. Discantur ergo ex Schröderi *Pharmacopoea*, aut alibi.

¶. Iстis nominibus ad designanda Ingredientia utere, quae in Officinis recepta sunt; licet vel barbara vel improposita fuerint. Cavebis sic, ne Pharmacopoeus quid pro quo sumat. Si tamen, ob (25), minus vulgatum adhibes vocabulum, praemone Pharmacopoeum.

ζ. PONDERA hodie in Officinis usitata sunt

℔. Libra Medica, continens Uncias XII.

℔. Uncia, quae aequat Drachmas VIII.

℔. Drachma, pendens Serupulos III.

℔. Scrupulus, qui constat Granis XX.

gr. Granum, quod raro ulterius, nisi in duas partes aequales, dividitur, & Piperis albi vel Hordei minori grano circiter aequale habetur: quamvis tamen satius foret, Grano exacte definiti ponderis, adeoque eo, quod Aurifabri adhuc, juxta Fernelii consilium uti; quum alias reliqua omnia Pondera, majora, utpote Granum pro basi habentia, incerta sint.

η. MENSURAE, hodie in re Medica usu receptae, sunt vel *Aridorum* vel *Liquidorum*.

Aridorum sunt

Fasciculus (Fasc.), qui, quantum brachio com-

DE FORMULIS IN GENERE 17

complicato capi potest, continet, & aequalis
habetur Manipulis XII.

Manipulus (M.) quantitate, quam tota
manu complecti possumus, determinatur, at-
que reducitur ad Pugillos IV, vel Unciam di-
midiam.

Pugillus (Pug.), qui continet, quantum
pollice duobusque digitis primoribus unius ma-
nus apprehendi valet, & fere respondet Drach-
mae dimidiae vel integrae.

Numerus (Nº), par vel impar.

Liquidis metiendis adhibemus, praeter Men-
suras vulgares, inter Mercatores usitatas, quo-
que

Cyathum, qui circiter Sesquiunciam capit.

Cochlearium (Cochl.), quod pro Semun-
cia habetur.

Guttam (gutt.), quae, minima liquido-
rum mensura, Grano inter Pondera substituitur:
quamvis interim varium ejus sit pondus, pro va-
ria liquidi stillantis gravitate specifica atque
consistentia: quod ipsum in Cyatho etiam &
Cochleario ex parte locum habet.

9. Circa haec (ζ & η) nota sequentia.

1. Ponderibus designantur omnia, non arida so-
lum & mollia, sed & liquida, quorum quantitas
accuratius determinata requiritur.

2. Mensuras Aridorum ad mole & vi diffusiora,

B

Her-

18 DE FORMULIS IN GENERE.

Herbas , Folia , Flores , Semina &c. adhibe-
mus. Numero praeprimis Fructus , Semina
majora , Bulbos quandoque , Albumina & Vi-
tellos Ovorum &c. praescribimus.

3. Liquidorum Mensuris rariis utendum , nisi
ad Doses saltem Speciales definiendas : Vulgares
enim in variis locis ad varia liquida adhibentur
variae: reliquae autem, haud magis constan-
tes, pro diversitate liquorum plus minusve
continent. Certior hinc Ponderum usus est:
aut si Mensurae tamen placent, scire expe-
dit, quantum pondus de variis liquoribus ca-
piant. Guttis interim liquidorum quantitates,
Drachma dimidia aut Scrupulo minores , com-
modè praestituuntur.

4. Numerus Ponderum & Mensurarum , non
barbaris (1. 2. 3 &c.) , sed Romanis notis ,
(I. II. III &c.) , quippe distinctioribus , scri-
bitur.

5. Omnia Pondera & Mensurae , Gutta excepta ,
bilecari solent , ipsorumque pars dimidia tunc
designari charactere (§).

6. Mensurae & Pondera majora , integra vel
dimidia , per proprias suas notas , nequaquam
per Mensuras & Pondera minora , quibus con-
stant , exprimuntur.

7. Aliquando Ponderis aut Mensurae determi-
natio Pharmacopoei arbitrio relinquitur , & scri-
bitur saltem , quantum sufficit (q. s.). Ferri id
pot-

DE FORMULIS IN GENERE. 19

potest, si ex cognito consistentiae debitae gradu, aut alia quadam regula stabili, determinationem hanc juste facere licet Pharmacopoeo: at in casibus nimis vagis omnino vitari debet; prout in singularibus patebit.

8. Veteres aliis usi sunt & Ponderibus & Mensuris, quae, licet hodie exolēta, Medico tamen cognita sint oportet; ut eorum scripta intelligat. Videantur hinc apud *Fernelium*, *Sennertum*, aut alias.

59. V^a Dotum Formulae externarum est SUBSCRIPTIO, quae docet Pharmacopoeum, quamnam expetat Medicus Formulae speciem, quomodo haec paranda, &, quoisque ex officio Pharmacopoei est, exhibenda aut applicanda sit. Heic

α. Si Formula uno saltem constat Ingrediente, quod nulla eget praeparatione extempora-nea; subscribitur *Fiat* (F.), addito Formulae nomine, v. g. *Pulvis, Bolus &c.*

β. Si vero pluribus constat saltem permis-
scendis, haud alio modo praeparandis; ponitur
primò *Misce* (M.), dein *Fiat* (F.), & tan-
dem Formulae nomen: sic e. g. *M. F. Bolus.*
Aliquando tamen, in Misturis liquidis praeser-
tim, sufficit simpliciter M. adscribere: aliquan-
do & singulari monitione miscelæ aquabilitas
inculcanda.

γ. Si tamen, praeter miscelam, alia insuper
desideratur praeparatio, Conscissio v. g. Tu-

20 DE FORMULIS IN GENERE.

sio, Digestio, Coctio &c.; haec quoque designanda est vel ante vel post (M), prout miscellam vel praecedere vel sequi debet.

δ. Divisio dein Medicamentū jam parati in suas Doses, si requiritur, subjungenda: ubi quandoque sedulō monere Pharmacopoeum expedit, ut Doses singulas exactissime faciat aequales; quia saepe, compendii ergo, ad oculū saltem, partitionem instituunt.

ε. Receptaculi etiam, cui indendum Remedium, mentio nonnunquam fit; imo & Obthuramenti, cum facile avolantia aut aëre liquefcentia ingrediuntur. Patebunt haec in singularibus.

ζ. Instrumentum denique, quo, & Subiectum vel Pars corporis, cui applicandum est Praescriptum, aliquando commemorantur, si haec ad Pharmacopoeum attinent: uti postea in Emplastrorum, Linctuum, Enematum &c. historiis docebitur.

η. In omnibus hisce (ꝝ ad ζ) praefituendis brevis sit Medicus, at clarus & distinctus, terminis utens technicis, licet barbaris; ne ipsius culpa committatur error, aut Pharmacopoco creetur molestia.

60. VI^{um} locum SIGNATURA habet, quae, utur haud ubivis, alicubi tamen usitata, nec sane prorsus contemnda, quandoque etiam absolute necessaria, exponit praescripti Remedii formam, vim, dosin, applicationis modum, tempus,

DE FORMULIS IN GENERE. 21

pus, vehiculum, regimen &c., quousque haec aegro vel adstantibus cognita requiruntur. Hac ut ordine fiant,

a. Infra Subscriptionem (59. ad ζ.), a linea, ponitur lit. S. i. e. *Signetur.*

b. Tum, si plura, similis praecipue consistentiae aut formae, Remedia eidem aegro simul exhibenda sunt; singula per literas maiusculas A. B. C &c. vel numeros 1. 2. 3 &c. in fronte vel margine cuiuslibet Formulae positos, a se mutuo discerni, haeque ipsae notae dein cuiusvis etiam Signaturae post lit. S. adscribi debent: e. g. (S. lit. A. vel No 1.). Id quod supervacaneum est, si una saltem, aut plures facile a quovis distinguendae, Formulae praestituuntur.

c. Adponitur porro Medicamenti Titulus, ex forma & virtute ejus compositus: v. g. *Potio purgans &c.*

d. Denique Dasis, Utendi Modus, Tempus, Vehiculum, Regimen, & si quae alia observari debent, commemorantur.

e. Quum Signatura haec (ad d.) normam praescribat aegro, juxta quam in Remedii applicatione procedendum est; hinc is vel rescissam sibi servat, vel Pharmacopoeus eandem, in singulari chartula accurate descriptam, Remediique receptaculo adfixam, una cum hoc, aegro tradit.

B 3

ζ. Idio-

22 DE FORMULIS IN GENERE.

¶. Idiomate igitur vernaculo , & distincta brevitate, heic utendum.

¶. In dando Titulo evitanda p̄aeprimis circulatoria ostentatio , nec sesquipedalia aut hyperbolica adhibenda Epitheta : *Aureus*, *Incomparabilis* &c. Risum haec movent intelligentibus, Iudibrioque exponunt Medicum; quamvis plebeculam capiant.

¶. Cavendum insuper, ne reticenda efferantur in Signaturis eorum, quae ad morbos pendentes , v. g. Luem Venereum, vitia Menstruorum, Sterilitatem, Impotentiam &c. aut & partibus obscenis adipicanda, praescribuntur. Ejusmodi vel nullis vel minus apertis titulis insignienda; ut Emmenagoga vocentur Aperientia, Antivenerea Sanguinem depurantia, Aphrodisiaca Roborantia &c. Quae vero ad applicandi modum pertinent, viva tunc potius voce, si fieri potest, injungenda.

¶. Dosis heic per ejusmodi designari debet quantitates, quae aegro vel adstantibus cognitae, nec determinatu difficiles sunt, v. g. per Cochlearia, Cyathos, Digitabulum, Nucis magnitudinem, Guttas &c. Si vero exactissime ad pondus definita requiritur, Pharmacopoei potius industriae divisio est committenda; ut hic Remedium in suas doses jam distributum exhibeat.

¶. Modum & Tempus applicationis , pro Mor-

DE FORMULIS IN GENERE. 23

Morbi, Remedii, & aliarum conditionum varietate, discrepantia, in genere sic dirigere expedit; ut scopo Medici quam maxime congrua, aegro, quantum potest, commodissima sint. Scrupulosae Temporum determinantes, ex Astrologicis observationibus extortae, Cordatiores hodie nec juvant nec decent. Ludent his superstitiones Agyrtae, quibus lucri & famae bonus odor e re qualibet.

λ. Vehiculo si opus est, Remedii naturae & viribus eligatur accommodatum, Remedio ipso haud injucundius, hinc ex gravioribus aut saltem consuetis, si fieri potest, depromptum. Cerevisia, Vinum, Juscula, Infusum Thee, Coffe, Nebula, Prunum maceratum, Julapia, & similia, heic usu veniunt.

μ. Regimen, ante, sub, & post Remedii applicationem observandum, determinare aliquando absolute necessarium est: saepe enim auget, minuit, mutat, destruit actionem Medicamenti. Indicationum vero Doctrina heic in auxilium vocanda.

61. Atque haec tenus de Externis Formularum Dotibus in genere. Progredior ad earundem REQUISITA INTERNA, quae partium eas constituentium numerum, naturam, quantitatem, mutuam habitudinem, & similia, complectuntur.

62. Formula (1 & 6) vel unico saltem ingrediente, simplici, aut composito offici-
B 4 ci-

24 DE FORMULIS IN GENERE.

cinali, constat, vel pluribus. Haec *Composita* vocatur; illa *Simplex*. De hac primo.

63. *SIMPLEX* Formula quum pluribus uno carreat *ingredientibus* (62.), praeter *Quantitatem* vix aliud quidpiam exhibet determinandum.

64. *Duplex* autem est ejus *Quantitas*; vel quae simul & semel praescribitur; vel quae una vice aegro ingeritur aut applicatur. Illam vocabo *Generalem*; hanc *Specialem*, sive *Dosin*, quae, cum constitutat priorem, prius pertractabitur.

65. In Dosi duo spectanda veniunt: *Moles* nimirum atque *Numerus*.

66. *Molem* determinant variae tam aegri, quam Medicamenti adhibendi, conditiones, a Medico probè prius ponderandæ; ne, excessu vel defectu peccans, Remedio etiam apte selecto aut noceat, aut saltem boni praestet nihil. Hinc adtendum.

a. Ad *Morbi* naturam, sedem, statum, vim, causas, symptomata &c.; ut nodo aptus adhibetur cuneus. Vehementia, velocia, altius radicata, vix nisi grandiore Dosi superabis; quam si leviori malo opposueris, Remedium novi causa morbi evadet.

b. Ad *Vires Vitae*: quum enim per hanc remedia in actum deducantur; utique requiritur, haec ut illi sint proportionata, nec suffocent, a qua dirigi debebant. Fortes hinc validam,

mi-

DE FORMULIS IN GENERE. 25

minutam Debiles ferunt Dosis. Oppressas interim Vires ab Exhaustis probe distinguit.

v. Aetatis dein ratio habenda. Quocirca sequentes ferè obtinent generales regulae quoad Remedias Internas (a).

Pone Dosis efficacem esse pro Homine consistentis aetatis i vel Drach. j.

Erit pro Ann. XIV ad XXI $\frac{2}{3}$ vel Scrup. ij.

— — VII ad XIV - $\frac{1}{2}$ vel Drach. f.

— — IV ad VII -- $\frac{1}{3}$ vel Scrup. i.

— — IV — — $\frac{1}{4}$ vel gr. XV.

— — III — — $\frac{1}{6}$ vel Scrup. f.

— — II — — $\frac{1}{8}$ vel gr. VIII.

— — I — — $\frac{1}{12}$ vel gr. V.

Senes bis pueri, ut viribus & vietu, sic & Medicamentis: unde in his Sexagenarium cum Juvene tertii septennii, Septuagenarium cum Adolescenti secundi, Octuagenarium cum Pueri primi, & sic porro, comparare forsitan licet. Neque tamen adeo haec constanter obtinent, quin multas ferant exceptiones: prout facile patet diversos ejusdem aetatis homines, ratione virium, inter se conferenti. Quare ex Aetate sola vix recte calculum posueris.

d. Moles quoque Corporis nonnunquam Dosis variat: licet interim Viribus haec non semper sit proportionata.

s. Temperies etiam limites hec figit. Bilioſi,
Me-

(a) Vid. Junckeri Consp. Form. p. 4.
B 5

26 DE FORMULIS IN GENERE.

Melancholici, Humequantum, Refrigerantium, Laxantium, majorem plerumque copiam ferunt facile; laeduntur a minore etiam quantitate contrariorum, quae tamen, majore licet Dosi, applicata Phlegmaticis ut plurimum pulchrè conducunt.

¶. Sexus item huc facit. Foeminarum plerumque tenerior, quam Virorum, constitutio restrictiore Dosin postulat. Quin viribus etiam accommodatam quantitatem respuunt nonnunquam delicatulae. His igitur, quoisque fieri potest, vel diminutione, vel partitione majoris in plures minores, subveniendum.

¶. *Dispositio* etiam *singularis*, morbosa, vel naturalis, perpetua vel temporaria, a Conformatione, Habitū corporis, Sexu, Morbis praegressis &c. pendens, primario morbo complicata, aliter quandoque determinat Dosin. Mensium fluxus, Graviditas, Puerperium, Lactatio, Passio Hysterica in Foeminis, Hypochondriaca in Viris, Obesitas, Gracilitas, Viscerum quorundam Debilitas, Gibber, Calculus, proclivitas ad Vomitum, & alia plurima hujus sunt loci.

¶. Singularissima insuper, quam *Idiosyncrasiam* vocant, cuiusdam Individui habitudo, respectu hujus illiusve Medicamentorum clas- sis, aut peculiaris etiam Remedii, summopere nonnunquam observanda; quamvis interim, per generalia inexplicabilis, sola experientia aut aegri

DE FORMULIS IN GENERE. 27

aegri relatu cognoscatur. Sunt, quos vel odor Purgantis movet; dum alios vel duplicita Dosis ordinaria vix afficit.

i. *Consuetudo* pariter locum heic habet; quum eorum, quibus natura adsuevit, Dosis grandior plerumque lenius agat, quam minor insuetorum: quod Nicotianae usus exemplo ubivis obvio commonstrat.

ii. *Nec Vitae Genus* plane praetereundum: ut enim varios id sanitatis gradus atque morbos efficit; sic varias etiam saepe corporibus inducit habitudines, quae Medicamentorum actiones augent vel imminuant.

iii. *Nationes universæ* heic quandoque singulare quidpiam sibi vendicant. Saxones, Westphali, difficilius moventur (a). Siamenses Pouculo Arsenicali, loco Antimonialis; Indi Ipecacuanhae Dosi vigecuplo majore, quam Europaei, ad Emesin ciendam opus habent (b).

iv. Quin & *Anni Tempus* nonnunquam aliquius est momenti: quatenus ardentior Sirius, faciens gelu, aut aura temperatior, suadent vel lenius movenda corpora vel validius.

v. *Remedii* tamen adhibendi nota *Efficacia & Pe-*

(a) Wedelii de Compos. Medic. Tab. II.

(b) Histoire de l'Academ. Royale. 1703. p. 63
Edit. Belg.

28 DE FORMULIS IN GENERE.

Penetrabilitas, ad priores conditiones compara-ta, vel maximam heic diversitatem parit. Unde per experientiam legitimè stabilitas usitatorum quorumvis Medicamentorum, praecipue gene-rosiorum, Doses efficaces, harumque gradus, exæte cognitos habeat Formula ex arte prae-scripturus. Si quae autem nova, nondum rite explorata, in usum vocare libuerit, regulæ (19.) memor, minima primò quantitate expe-rimentum capiat, circumspetè dein aucturus Dosis, animadverfa prioris inertia.

ξ. *Premium* quandoque Remedii, caeterum haud adeo potentis, Dosis restringit. Margari-tae, Gemmae, Lap. Porcini, Bezoar &c. te-stes sunt.

ο. *Specifica* etiam *Levitas* materiae, majore saltem quantitate efficacis, de Dosi detrahit; ne moles nimia, simul ingerenda, nauseam mo-veat: prout circa Herbas, Flores &c. non nunquam obtinet.

π. Hinc & Odoris, Saporisve, aut qualitatís alterius, *Injucunditas* Remedium aliquando par-ciore Dosi simul exhibendum suadet. Aſa Foe-tida, Castoreum, Pinguia &c. id docent (27.).

ε. Ipla *Formulae Species* Dosis quantitatem saepe determinat. Habent enim certos pluri-mae terminos modosque, quos egredi vix sine summa necessitate licet: uti patebit postea.

ι. *Uſus* denique *Remedii* varius, externus, in-ter-

DE FORMULIS IN GENERE. 29

ternus, & *Applicatio* ad diversas corporis partes multiplex, heic consideranda. Haud parum interest discriminis, Purgans an Clysmatis specie injiciendum, an ore hauriendum, dederis &c.

Nota. *Vetat instituti mei ratio, plura aut magis specialia hoc de themate superaddere.* *Vetat haec ipsa, amplitudini rei, certis limitibus vix generaliter definienda, simul juncta, Tabulam, ut fieri solet, heic subjungere, aptas singularium quorumvis Remediorum Doses exhibentem.* Tot hae obnoxiae sunt exceptionibus; ut nonnisi in casu speciali, determinatis prius conditionibus (66. a ad s), & forte pluribus aliis, stabiliri ex arte queant. *Sed Indicationum quoque Doctrinam, & Materiem Medicam, tam simplicem, quam arte factam, Tyroni meo cognitas suppono* (7. a ad r); quae quidem, uti Vires, ita Doses etiam, quousque in genere fieri potest, edocent. *Quin &, quae postmodum de Formularum speciebus sigillatim tradentur, multam bis lucem adfundent.*

67. *Numerus Dosum* (65) *simplex*, vel *multiplex*, quandoque *arbitrarius* est; saepissime tamen certis itidem conditionibus *limitatur*. Quocirca sequentes ferè regulae usu veniunt.

a. Si Dosis unica scopo Medici sufficit; quid opus pluribus?

b. Si Remedium fuerit injucundum, aeger ad usum tardus aut difficilis, ingestio vel applica-

30 DE FORMULIS IN GENERE:

plicatio molesta , quantum potē , paucissimas Doses exhibe.

v. Quae mora facile corrumpuntur , deliquescent incommodè , exhalant , nimis arefcent , parciore quantitate simul praescribe. Varius Atmosphaerae calor , tum conditiones aliae , vitia modo dicta magis minusve promoventes , heic specialius determinant.

g. Ubi Dosis efficax praescripti mole major est , quam quae una vice commode queat ingeri; expedit , si per alia licet , partiri eam in plures Doses minores , per intervalla adsumendas; ne aegro nauseam , vel & vomitum , cieas: id , quod in Vomituerintibus praeprimis observandum.

t. Si Generosiora adhibes aegri Naturae aut Idiosyncrasiae haud benè gnarus; satius est , Dosis efficacem partitis vicibus paullatim dare ; ut tempestive abstinere liceat. Idem circa usum novorum , minus probatorum , quoque obtinet (66. v.).

z. Si incognita , vel dubia , morbi indoles incertum facit Remediī effectum; coactus ad praescribendum , ob (14) , saltem ne multas Doses exhibe: minus sic aegro molestus , facilius insuper , dum requiritur , mutare poteris.

n. Quorum praeparatio difficilior est aut longior , nisi quid obstet , ad plures Doses praescribe; ut parcas Pharmacopoei operae nimium saepe pretiosae.

o. Hinc

DE FORMULIS IN GENERE. 31

1. Hinc & quae peregrè mittuntur ad loca bene instruetis Pharmacopoliis destituta, si per alia licet, **majore quantitate dare convenit.**

2. **Contra** si proximus aegro Medicus hunc frequenter invicit, Dosis numerus contrahatur; ne crebrius sine facta praescriptione abundum sit: quod aliquibus minus acceptum.

3. Ubi autem diu continuatus ejusdem Remedii usus requiritur; quoisque fieri potest, plurimas in Doses id exhibe. Parsimonia emtis suadet usum, vix tamen, praecipue si fastidio jungitur, ad novi emtionem compulsura.

4. Si per brevia intervalla adhibendum est Medicamen; itidem multiplicandae sunt Doses; ne iteratae praeparationis necessitas molesta sit.

5. Denique si, in Chronicis maxime, varietatem amat aeger, aut postulat Indicatio (50.); minorem quantitatem simul praescribe; ut crebrius, & leviore sumtu, variare possit.

68. Numero & Mole Dosum juxta (66 & 67) determinatis, QUANTITAS GENERALIS Formulae (64) levi negotio detegitur. Si enim Mole multiplicatur per Numerum, productum erit Quantitas tota simul praescribenda. Unde sequitur.

a. Quantitatem Generalem aequalem esse Speciali (64), si Dosis tantum unica simul praescribitur.

b. Si vero plures una Doses eadem Formula com-

32 DE FORMULIS IN GENERE.

complecti animus est, Quantitatem Generalem
ad minimum duplo requiri majorem Speciali.

72. Si Dosis exakte ad pondus determinatur,
Quantitatem Generalem ita esse proportionan-
dam, ut ea per Dosis pondus dividi queat sine
residuo. Haec tamen regula haud ubique
observatur; praecipue si ad plurimas Doses sit
praescriptio.

69. Caeterum memento Consistentiae In-
gredientis, in Formula Simplice praescribendi;
ut id in formam, quam desideras, redigi ex
se aptum natum sit.

70. Denique heic eō quidem magis abstinen-
dum ab acrioribus, odore vel sapore molestis,
difficulter īgerendis &c. (27); quia necessaria
horum correctio aut obvolutio per aliorum mi-
scelam in Formula Simplice locum non habet:
nisi forte idonei vehiculi electione aegro con-
fusas.

71. Tantum de Formula Simplice. Proxi-
mum est, ut de COMPOSITA (62) agamus, quae
uti pluribus constat Ingredientibus, ita majus
quoque ad sui concinnationem postulat artifi-
cium.

72. Videretur equidem, in tanta Simplicium
atque Compositorum Officinalium affluentia,
vix, nisi rarius, Compositione Magistrali (6)
opus esse, ob (31 & 37): sed frequentiorem
tamen ejus necessitatem faciunt sequentia.

a. Sim-

DE FORMULIS IN GENERE. 33

α. Simplicis vel Compositi Officinalis, morbi & aegri conditionibus accommodati, defensus. Nimia hinc Dosum efficacium moles, suspecta praeparatio, minus curiosa, aut nimis diurna ad corruptionem usque servatio, &c. saepissime usum Compositorum Officinalium, licet caeteroquin Indicationi satis respondentium, dissuadent.

β. Virtus Remedii debilior, debellando morbo impar, aliorum additione augenda.

γ. Violentia ejusdem, minus tuta, appropriatis cicuranda.

δ. Diversitas simul concurrentium Indicationum, quibus Simplice uno, aut Composite Officinali, satisfieri nequit; dum interim variorum, quae requiruntur, apta miscibilitas in unam ea Formulam componi postulat (39.).

ε. Partis, cui applicari, vel per quam transmitti debet Remedium, Situs, Sensus vividior, aliaeque conditions.

ζ. Formulae facta electio (43 ad 50.), cui constituendae materies indicata sola, ex se, minus idonea est.

η. Necessaria Medicamenti occultatio (25.).

ι. Coloris, Saporis, Odoris, aliarumve qualitatum injucundarum desiderata correctio.

κ. Tandem &, pessimè quidem, introductus mos, nulla licet urgente necessitate, plura semper in unam Formulam congerendi, cu⁴

C

ob:

34 DE FORMULIS IN GENERE.

obsequi quandoque jubet Medicum, praesertim juniores, Prudentia (30.).

73. In Formula Composita, ob conditiones (72.), aliasve, requisita, adtendendum. α . Ad Partium, ex quibus componitur, numerum, usum, proportionem. β . Ad Quantitatem Generalem, quam Specialem (64.). γ . Ad Qualitates totius Compositi ex miscela oriundas.

74. PARTES numerantur quatuor. α . Basis. β . Adjuvans. γ . Corrigens. δ . Constituens. Quod enim alii, quinto loco, superaddunt, Dirigens dictum, si datur, commode Adjuvantis accenseri potest.

75. BASIS est pars in compositione princeps, qua, utpote ad affectum profligandum selectissimam, Indicationi suae potissimum satisfacere conatur Medicus. Requiritur hinc in omni Formula praesens, etiam in Simplice (63.), quam saepe constituit totam: sola ideo quandoque sufficit, nullius additione egens; quandoque tamen aliorum permixtione saltem accommodanda, ut tutto, cito, & jucunde agat, quod agere debet.

76. Est ea (75.), ratione Virtutis, Simplex vel Composita. Simplex dicitur, quae uni saltem Indicationi respondet; Composita, quae pluribus diversis. Utraque vero, ratione Materiae, iterum Simplex vel Composita esse potest; prout vel uno, vel pluribus, constat ingredientibus.

77. Quae-

DE FORMULIS IN GENERE. 35

77. Quaenam harum (76.) eligenda sit, docent regulae sequentes.

a. Quod uno vales efficere, ne tentes pluribus. Unde, ubi uni saltem Indicationi satisfaciendum, Basis & Materie & Virtute Simplex; ubi pluribus, Simplex Materie, Virtute Composita, si sufficit, praeferenda.

b. Si tamen plura simul unita efficacius praestabunt, quod intendis; compone.

c. Tum vero cave, ne confundas, quae vel misceri inter se nequeunt, vel mixta alienas fortiuntur vires. (vid. 29. 30. 31. 36. 40. 41. & paulo post tradenda.)

78. ADJUVANS (74) dicitur, quod actionem Basis (75.) promovet, cum haec effectui desiderato sola impar est. Ejus ergo haud perpetua in omni Compositione necessitas.

79. Triplex vero modus est, quo Basin adjuvamus. Vel enim a. Vim ejus directe intendimus. Vel b. Materiem, in quam agere, & Vias, quas permeare debet, ita disponimus, ut minus resistant. Vocatur Praeparatio. Vel denique c. Actionem ejus ad hanc illamve partem aut locum corporis dirigimus.

80. Primum (79. a) usu venit, ubi Basis ex se inertior est, aut majore, quam commode adhiberi potest, mole efficax (66. a. c. z. o. p.). Perficitur addito efficaciore ejusdem virtutis, aut alio, singulari virtute, experimentis cognita, id praestante: uti cuan Purgantibus lenio-

36 DE FORMULIS IN GENERE.

ribus Trochisci Alhandal, aut & fortioribus parciore Dosi sumis Stibium Diaphoreticum, junguntur. Frequentius in Evacuantibus, in Alterantibus rarius, locum habet. Saepe autem pars potius Basis dici meretur.

81. Altero (79. β.) itidem vix nisi in Evacuantibus utimur; cum vel Materies eliminanda difficulter mobilis est, aliave dote Basin enervatura; vel Viae permeandae iusta carent libertate. Juvant tunc Attenuantia, Diluentia, Antacida, Antalcalica, Aperientia, Laxantia, Antispasmodica, & similia.

82. Postremo (79. γ.) locus est, si quando Basis actio ex se adiaphora certam ad partem magis duci debet. Mercurium sic Purgantium additamento determinamus ad Alvum, Opio vel Adstringentibus mistis ad Glandulas Salivales &c. Haud constat interim, utrum Directio isthaec, praeprimis per Specifica Topicā, adeo ubivis efficax sit, ac olim solebat adhiberi.

83. CORRIGENS (74.) vocatur, quod vel noxiām vel injucundām aliorū Ingredientium qualitatē tollit, virtutes tamē relinquens illibatas. Absente hinc vitio haud opus Correctore.

84. Noxiae Qualitates (83.), quae vulgo, in Emeticis maxime, Purgantibus, & Opiatis, culpantur, sunt Acrimonīa, Flatulentia, Viscerum Enervatio, Frigus vel Calor nimia, & similia. His corrigendis adhibentur Demulcentia;

DE FORMULIS IN GENERE. 37

tia, Acrimoniae singulare opposita, Carminantia, Roborantia, Calefacientia, Refrigerantia &c. At nota

a. Male vocari Correctionem (§3.), quae simul cum vitio & virtutem succidit.

b. Pleraque, quorum tantopere urgetur Correctio, vitia vel adeo inseparabilia esse ab ipsa eorundem Remediorum virtute, ut, illa imminuendo aut tollendo, haec quoque pari gradu aboleatur; vel saltem usu potius intempestivo, quam sua culpa, nocere: ne dicam adulterationes, corruptiones per longorem aut incuriosam aslervationem contractas, & minus legitimas praeparationes &c. solas quandoque noxarum esse causas.

c. Correctionum hinc plurimas male tales vocari, male institui; quia, dum vel nihil profunt, vel & obsunt, Dosis interim efficacis quantitatem tam mole Corrigentis additi, quam ob vim Basis mutilatam, incommodè nonnunquam augent.

d. Prostare insuper pleraque sic dictorum Malignorum jam Correcta in Officinis; ut ideo Correctione Magistrali supersedere possit, iis qui uti volet.

e. Optimam plurimorum Correctionem in genuina bonitate, praeparatione dextra & fida, usu intempestivo, ac Dosi accommodata (66.) sitam esse.

C 3

z. Ves

38 DE FORMULIS IN GENERE.

§. Verius tamen vitium dari circa Olea inflammantia, Resinas, Pinguia, acria; dum haec per se ingesta, aquosis difficulter solubilia, hinc viscerum vasorumque parietibus tenaciter adhaerentia, stimulos faciunt aegrè abs tergendos. Saccharum heic, Ovi Vitellus, Sapones, Olei blandioris tantillum, Alcalini Sales, Absorbentia, intertrita, ex usu sunt.

§5. Injucunditas (83.) Corrigenda Saporem respicit, Odorem, & Colorem. Priori serviunt Saccharum, Syrupi, Acida &c. Alteri Aquae & Olea fragrantia, Ambarum, Moschus &c. Coloris gratia conciliatur Cinnabari, Santalo rubro, Auri & Argenti foliolis, &c. Notandum tamen

¶. Haud tantam in Medicamentis, ac in Ci bo & Poru, gratiam vel obtineri semper posse, vel & ab ipsis aegris exigi. Appetentiam his invitat morbi molestia: hinc Coquinaria eò non opus.

β. Sapores & Odores eosdem haud omnibus promiscuè aequè vel gratos, vel utiles esse. Alios delectari & juvari aliis. Dulcia & suaviter fragrantia quibusdam infestissima.

γ. Esse, quibus male olent & sapiunt omnia e Pharmacopolio petita. His, utcunque corregas dederis, placebit nihil. Vis tunc in modum minimam compacta, parciorque Dosum numerus, si ita licet, jucundissimam praestant Correctionem.

¶. Si

DE FORMULIS IN GENERE. 39

3. Si tamen & aliter corrigere juvat, dextre id & considerate faciendum; tum ne sublato uno injucundius aliud nascatur vitium; tum praecipue, ne virtutem ipsam male pervertas destruasve.

4. Abstinendum esse a nimia sedulitate in concilianda praeprimis Coloris gratia per Auri Argentique folia ubique intermixta. Ferri haec possunt in Pilulis quandoque &c.: at nunquam omissa ridiculam produnt vanitatem.

5. Ingratas Qualitates saepe oriri ab incondita nimis discrepantium in unam Formulaam congestione; vitari hinc posse delectu congruorum, aut partitione in plures Formulas (40.).

6. Quin & solam Formulae speciem, Remedio aut aegro accommodatam, nonnunquam Correctionis loco esse (43. 45.).

86. CONSTITUENS denique (74.) est, quod alia Ingredientia in debitam Formulae desideratae consistentiam, quandoque & molem, redigit. Eo igitur minimè opus, nisi cum reliqua per se in formam expetitam coire nequeunt, aut justo minoris sunt voluminis. Sequentia heic observanda.

7. Si una & Adjuvans (78.), aut Corrigens (83.), aut utrumque requiritur, videndum, an alterutrum horum inveniri queat tale, quod simul & Constituentis vices impleat; ne, praeter necessitatem, multiplicentur Ingredientia.

8. Sin minus: eligatur aliud, reliquorum vi-

40 DE FORMULIS IN GENERE.

ribus vel respondens, vel saltem non oppositum.

γ. Quin & miscibile id cum reliquis sit opportet: aut si aliud postulat Indicatio, interventu Saponaçei cuiusdam, Sacchari, Vitelli &c. miscela perficienda.

§7. Hactenus (74 ad 86.) enumeratarum Partium PROPORTIO MUTUA determinatur. α. Ex cognita Dosi efficace & Consistentia singularum (35. 66.). β. Ex notis Viribus earundem inter se mistarum. γ. Ex justa Formae desideratae Consistentia ac Quantitate speciali (66. ε.)

88. Basis (75.) quidem, licet non semper quantitate, at vi tamen debet superare alia omnia, &, sive Simplex sit sive Composita, ea Dosi sumi, qua sufficiat scopo exsequendo. Interim

α. Habenda simul ratio Adjuvantis (78.), si quod additur: id enim, de prima potissimum specie (79. α. 80.) petitum, si insigniter auget vim Basis, haec pro rata restringatur necesse est.

β. Corrigens itidem (83.) si adhibetur, vindendum, an & quoisque debilitet Basin (84. β. γ.); haecque tum proportione augenda.

γ. Quin &, si Constituens additum simul vel adjuvat vel corrigit (86. α.), similia modo dictis obtinent.

§9. *Adjuvantis* ea est ad Basin Proportio, ut huic

DE FORMULIS IN GENERE. 41

huic saltem vi, si non & quantitate, cedat: secus evim Basis potius pars, quam Adjuvans, vocabitur; praecipue sicubi virtute Basí simile fuerit (80.). Neque heic ulterius quidpiam in genere determinare licet; nisi quod opera danda sit, ut Adjuvans cum Basi simul justam, nec vi vel mole nimiam, Dosis constituant.

90. Circa *Corrigentia* utriusvis classis (84 & 85) generatim ferè consultius est parciorem esse; ne incurratur in peccata (84. β. γ. 85. β. δ. ε.). Hinc neque tutum, ea, quae Saporum Odorumve Correctionem spectant, Pharmacopoei arbitrio relinquere determinanda (58. 9. 7.). Caetera patebunt in singularibus.

91. *Constituentis* (86.) haud ubique eadem est Proportio: prout enim vel ipsum natura varium est, vel Formulae parandae species alia atque alia, vel Ingredientium reliquorum consistentia aut moles huic magis minusve respondent; ita parcius illius sive major quantitas requiritur. Si solam id molem augere debet; tantum ejus addendum, quantum reliqua a justa Formulae Dosi absunt: quod determinatu facile est ex hujus cognita quantitate. Si autem formae exigitur constitutio; Pharmacopoeo saepissime, neque adeo cum periculo, committitur determinatio (58. 9. 7.).

92. *Dosis*, vel *Quantitas Specialis*, Formulae Compositae (73.), quoad Molem, aequaliter, quæ

42 DE FORMULIS IN GENERE.

què ac Numerum, iisdem definitur conditionibus, quibus in Formula Simplice (66. 67.). Id saltem discriminis heic notandum.

a. Plenae Doses singulorum Formulae Compositae Ingredientium, praecipue Basis & Adjuvantum huic congenerum, simul junctae tot conficiunt Doses efficaces, quot sunt Ingredientia efficacia: ut ideo horum numerus numerum Dosum tunc exprimat.

b. Ubi igitur numero Ingredientium efficaciam pauciores, vel & una tantum, requiruntur Doses; de singulorum Dosibus tales saltem capi debent portiones, quae simul sumtae tot modo, quot desiderantur, Doses constituant.

c. Neque tamen vis Simplicium post miscelam semper eodem in gradu perstat; sed saepe inertior, saepe fortior sit: quod omnino adtendendum. Multum interest, Adjuvans an adderis Basi, an Corrigens, an utrumque, & quale. Hoc minuit quandoque, illud intendit virtutem, manente mole eadem (79. 84. 85.). Exempla quaedam mox, ubi de Qualitatibus, proponemus.

d. Quin & ex variis inter se mixtis composita saepe emergunt longè vel minus vel magis corruptibilia, quam erant singula seorsim constituta. Emulsa quam cito acescunt! Alcalica contra fixa, cum Absorbentibus subiecta, quamdiu persistant sine deliquio! Inde ergo nonnunquam numeri Dosum simul praescribendarum

in

DE FORMULIS IN GENERE 43

in Formula Composita quaedam varietas
(67. v.).

93. QUANTITAS GENERALIS Formulae Compositae (73.) ex dictis (68.) collatis ad (92.) sponte innotescit.

94. QUALITATES (73.) denique ex variorum miscela oriundae, haud raro ab iis eorundem seorsim constitutorum diversissimae, in Formula Composita vel maxime considerari debent: haud enim solummodo superficiariae sunt, sed vires etiam Medicatas, intimamque rerum naturam saepe afficiunt, quae hinc nascuntur, mutations: ut vel ex hoc quoque satis constet, quam male, praeter necessitatem (72.), Composita Simplicibus preferantur (31.).

95. Qualitates, quarum heic ratio habenda (94.), sunt praeprimis *Consistentia, Color, Odor, Sapor, atque Virtus Medicata.*

96. *Consistentia*, cum sua cuivis Formularum speciei propria sit, ne per variorum mixtionem temere pervertatur, omnino cavendum. Secus enim nauseam, usum minus commodum, aut malae praeparationis suspicionem aegro, Pharmacopoeo taedium, quandoque & risum, Remedio saepe minorem efficaciam, aut vires alienas, creabis.

97. Vitiatur ea (96.). α . Inequalitate miscelae. β . Spissitudine vel Siccitatem nimia, γ . Nimia Fluiditatem vel Mollitie.

98. Haec (97.) ut caveantur, nosse oportet
 α . Con-

44 DE FORMULIS IN GENERE.

α. Consistentiam cuilibet Formulae propriam: de qua postea in Singularibus.

β. Consistentiam cuiusvis Ingredientium seorsim (35). quae ex (7. β. γ.) addiscenda.

γ. Mutuas miscendorum ad se invicem habitudines (36.). Cognoscenda hinc sedulo ea, inter quae mutua datur Repulsio, Effervescentia, Fermentatio, Praecipitatio, Deliquum, Concretio &c. Haec vero cum sola doceat Chemia, hujus in Pharmacia summus inde usus patet.

99. *Colore* nihil mutabilius; praesertim si cubi varia permiscentur. Eo interim sunt qui adficiuntur. His igitur ut, quantum fieri potest, subveniatur, ad sequentia adtendendum.

α. Nullus, diaphanus, albus, aureus, ruber, caeruleus, Colores in universum jucundiores sunt; minus jucundi luteus, viridis, niger, ex his mixtus, opacus.

β. Est sius quibusdam Formularum speciebus Color magis familiaris. Emulsa lacteus, Julapia ruber, caeruleus, nullus, Mixturas contractas aureus, rubicundus, diaphanus, commendat, & sic porro, Insuetus nauseam parit vel scrupulum delicioribus; aliquando tamen prudenter adhibetur (25.).

γ. Ex Coloribus miscendorum nulla datur Coloris, post miscelam nascituri, determinatio Physica generalis. Ex Colore earentibus, inter se mis-

DE FORMULIS IN GENERE. 45

misticis, album, flavum, rubrum, caeruleum, fuscum, atrum &c. producit Chemicus; imo fere dixero, quosvis ex quibusvis: ut ideo sola propemodum Chemia & exempla det & regulas, quibus heic opus. Adde his supra (§5.) memorata.

100. *Odorum* haud minor ferè, quam *Colorum* (99.), est mutabilitas: at major etiam & verior efficacia. Curandum hinc, ne quid in his vitii ex miscela diversorum oriatur. Quare nota

a. Valde limitatas incertasque esse circa *Odorum* gratiam regulas; nec placere omnibus, qui nonnullis (§5. β. v.).

b. Suavitatem heic & utilitatem haud pari paſſu ambulare. Hypochondriaci, Hystericae, Epileptici, &c. a suaveolentibus saepe pellimè multantur.

c. Inodora, tum medio vel suavitatis vel foetoris gradu constituta, ferè in universum amari magis: Putrida contra, & Stercorea, ferri difficilime: Foetidissima interim, aequè ac Fragrantissima, ad bene maleque adſciendum corpus maxime valere.

d. Omnem saepe rerum virtutem ab *Odoribus* horumve principiis pendere; his deſtructis illam simul perire, mutatis mutari.

e. Ex *Odoribus* miscendorum haud posse genere

46 DE FORMULIS IN GENERE.

neraliter determinari Odorem misti. Docet sane Chemia.

1. Ex Inodoris inter se junctis nasci Odoratissima. Sali Ammoniaco si miscueris Alcali fixum vel Calcem vivam, inodoro inodora, quam vehementer exsurgit odor subitissime! Vitrioli Acidum adfunde Nitro, Sali Marino, Ammoniacum, Tartaro regenerato, & similibus: eveniet idem.

2. Ex Odoratissimorum permixtione effici odore omni carentia. Spiritus Salis Ammoniaci cum Acido Nitri vel Salis junctus pro exemplo fit.

3. Foetores pessimos a minus foetidis, aut & suaveolentibus, commixtis posse excitari: suavissimos contra odores a foetidissimis. Sulphur Alcali fixo solutum, Aceto adfuso, nonne Ova olet putrefacta? Male olentes interim Succi simul eadem in crumena gestati Lemeryo Moschi exhibuere suavitatem (a).

Quocirca, ut heic quoque circumspetè agatur, aequiter iterum utilis est ac necessaria Chemiae cognitio.

101. *Sapor*, iisdem, quibus Odor, conditionibus obnoxius (100.), similes etiam cautelas reposcit. Sincerus, dulcis, acidus, amarus, fak-

[a] Hist. de l'Acad. Royal. An. 1706. p. 7.

DE FORMULIS IN GENERE. 47

falsus, &c. optimi : rancidus, putridus, urinous, ingratissimi: diversissimi, saepe & absurdissimi sunt, docente rursus Chemia, qui ex variorum permixtione enascuntur.

Acidum & Alcali nonne destruuntur ambo inter se commissa?

Quid ingratius Salsedine, quam fatuus Cannerorum Lapillus, & Marina quaevis Absorbentia, conciliant Acidis?

Terrae pingues, insipidae, cum Acido fiunt Aluminosae.

Plumbum cum Acidis Saccharinam generat dulcedinem: Ferrum ex dulci stipticum; Metalla reliqua quam terribiles sapores!

102. Ferri tamen quandoque possent Qualitatum haec tenus (96 ad 102.) recensitarum vitia; nisi his saepissime comitem se jungeret incongrua Virtutis Medicatae mutatio. Imo haec, illis etiam vix notabiliter alteratis, haud raro nascitur inexpectata. En quaedam exempla!

a. Acida & Alcalica inter se mixta vires suas singulares perdunt utraque, quippe in Salem neutrum abeuntia.

β. Acida & Absorbentia vera se mutuo destruunt; ut nec horum nec illorum virtus superfit, sed nova penitus nascatur.

γ. Terrae bolares, medicatae, Acidis junctae,
viii

48 DE FORMULIS IN GENERE.

vim adstringendi adquirunt fortiorem, Aluminosam.

δ. Purgantibus aliis nocent vel profundt Acidia, aliis Alcalica. Scammoneum Acidi miscela reddit, arenae instar, inertissimum: Alcali fixum contra adjuvat. Jalappam & Cologynthidem fere cicurat penitus Sal Tartari.

ε. Opiata Sudoriferorum & Sialogogorum actionem promovent: reliquorum vero Evacuantium fere suppressunt.

ζ. Mucilaginosa & Adstringentia Sacchari mixtione debilitantur.

η. Hydrargyrum, cum Sulphute in Aethiopem aut Cinnabarim mutatum, Sialogogum esse definit. Idem, cum Sacchari aut Lapid. Cancrior. duplo accurate tritum, fit inertior Aethiops albus. Vide tamen (a). Turbith Minerale, cum Pilul. de Duobus & Camphora remixtum, ex Evacuante in Alterans mutatur (b). Mercurius Dulcis, Sulphuri Antimonii sociatus, Ptyalismum, Vomitum, Alvum, Urinam, vix movet (c). Sublimatus Corrosivus, admitti pluris crudi, fit Dulcis. Calces Mercurii plurimae, adhaerente acido acres, per Alcalica,

[a] Medical Essays of the Society in Edinburgh, Vol. III. p. 388.

[b] Ibid. Vol. IV. p. 32.

[c] Ibid. Vol. I. p. 46. Vol. III. p. 389.

DE FORMULIS IN GENERE. 49

calica; vel Terrestria Absorbentia, intertrita mitescunt. An Aethiops, aut Cinnabaris, cum Alcali fixo permista manent eadem?

9. Calx viva, ex se fatua, quantum Alcali fixo inurit acrimoniam! Quantam parti Salis Ammoniaci!

10. Alcalicā Acidis, Acida Alcalicis soluta, plerumque excutiunt cum insigni virium alteratio-ne: Martis Vitriolum Alcalicis mistum in speciem abit Tartari Vitriolati, Ochra inque indomabilem. In reliquis Metallis & Semimetallicis, excepto Cupro, similia obtinent. Alumen ab Alcali in Calcem praecipitatur inertissimam: unde Magisteriorum Aluminosorum natura patet: Sulphur, Alcali solutum, Acidō inde exturbatur, &c.

11. Terrestria Absorbentia, vi Antacidā Alcalicis similia, simili quoque modo mutant & mutantur.

12. Alcali Fixum ejicit de corporibus concretis tum Volatile, tum Absorbentia Terrestria. Volatile idem praefat ratione Absorbentium. Calx tamen viva excipitur, quae contra Alcali Volatile excutit (9.). Quam immanes hinc mutationes, ubi Alcali Fixum vel Calx vivā, cum Sale Ammoniaco aliisque Alcali Volatile continentibus; aut utrumvis Alcali cum Magisteriis Solubilibus Coraliorum, Perlarum & similiū, combinatur!

D

m. Aci.

50 DE FORMULIS IN GENERE.

μ. Acidum natura fortius expellit aliud Acidum debilius de sua basi. Fortissimum autem est Vitriolicum; debilissimum, quod ex Vegetantibus habetur. Quid igitur? Si Vitrioli, Sulphuris, Aluminis, Acida, utpote ejusdem omnia indolis, jungantur Sali Communi, Ammoniaco, Nitro, Febrifugo Sylvii, Tartaro Solubili, Regenerato, & similibus? Quid? Si ea ipsa Acida, laxiore in sede haerentia, Vitriolum v. g., Alumen, &c. iisdem Salibus permisceantur. Constat hinc, quid de Tinctura Martis Zwelferi, quid de aliis hujus farinae, statuendum.

ν. Acida, praesertim Fossilia, ne temere jungas quibusvis Metallicis aut Mineralibus: nascuntur enim mirae hinc quandoque mutationes; imo Venena faepe violentissima. Mercurius Sublimacus, Ruber Praecipitatus, Lapis Infernalis, Butyrum Antimonii, alia plurima, id loquuntur.

ξ. Idem corpus, alio atque alio Menstruo solutum extractumve, vires Medicatas exserit diversissimas. Purgantium Vegetabilium plerique, cum Menstruo Aquoso primitus extracta, agunt felicissime; cum merè Spirituoso torminalia sunt & purgant parcus. (a). Antimonii

Vi-

[a] Boulduc dans les Memoir. de l'Acad. Roy.
3701. p. 256.

DE FORMULIS IN GENERE. *si*

Vitrum, vel Crocus, Vino vim Emeticam communicant; non item Aquae, Aceto destillato, Vino adusto, hujusve Alcoholi (*a*). Cuprum Acidum solutum Emeticatōn est; Alcali Volatili Urinas pellit efficacissime; Sale Ammoniaco fit Purgans per Alvum (*b*), &c.

103. Plura memoratis (102.) adferre possem: atque utinam omnia! Sed uti miscendi hodie & componendi nec modus est nec finis (72. i.); ita tamen longissimē abest, quin oriundas inde alterationes ad amissim cognoscamus; utpote de quibus tum demum constabit accuratius, cum & naturalia Simplicium principia, & mutuae singulorum ad se invicem habitudines, & veri, quibus agunt, modi, plenē fuerint detecta.

104. Qui interim, non ignarus Chemiae, miscelam adgreditur Medicamentorum Pharmaceuticam, vel ideo cautus erit; quia prae alio quovis novit, & mutationes stupendas e variorum mixtione nasci, & forte infinitas superesse nobis haētenus ignotas: neque enim omnium corporum inter se mutuo adapplicationes, quae fieri possunt, omnes tentatae sunt, nec tentatarum producta rite examinata.

De

[*a*] Lemery Traité de l'Antimoine, p. 413 &c.
561 &c.

[*b*] Boerhaave Elem. Chem. Vol. II. p. 475.
& seq.

D 2

D E

F O R M U L I S*In Specie.*

105. **D**octrinae commoda distinctaeque ratio probat receptam usu *Formularum* in *Internas & Externas* Divisionem. *Internae Medicamenta* praescribunt, quae ori ingesta deglutiuntur: *Externae* vero talia, quae vel extrinsecus adplicantur, vel variis corporis partibus alio quocunque modo immittuntur. Eam igitur sequemur ut normam dicendorum, de *Internis* prius acturi.

D E

**F O R M U L I S M E D I C A M E N T O R U M
I N T E R N O R U M .***De**Pulvere Interno.*

106. **P**ULVIS INTERNUS est Medicamentum siccum, uno vel pluribus ingredientibus, in parvas particulas, inter se non cohaerentes,

rentes, comminutis & aequabiliter mistis, constans.

107. Tenuitatis gradu trifariam is (106.) dividitur; ut sit (a.) vel *Subtilissimus*, qui *Alcohol* audit; (b.) vel *Craspor*, quem *Grossum* vel *Trageam* vocant; (c.) vel *Mediae Subtilitatis*, qui simplici *Pulveris* vel *Specierum* nomine venit.

108. Natura materiae in Pulveris forma exhibenda; requisita ejus major minorve penetrabilitas; citior vel tardior, aut hanc illamve in partem determinanda actio; miscelae magis minusve necessaria aequabilitas; facilis vel difficilis aegri deglutitio; praeprimis indicant, quinam Subtilitatis gradus (107.) conveniat. Hinc

Absorbentia, Duriora, Ingratiora, Resinosa, Exactissime dividenda, Altius penetratura, Citius actura, &c. saepe primum (a.) postulant.

Aromatica, Volatilia, ut longo sub tritu, sic deinde & diutius asservata, multum virtutis perdunt.

Sunt, quae ruditer pulverisata Alvum, subtilius vero Urinas movent, &c.

109. MATERIEM Pulveri (106.) praebet, quidquid, interno usui aptum, vel ex se, vel sub aliorum miscela, in formam sicciam, pulvrentam, redigi potest; ut ideo nec liquida penitus hinc excludantur.

54 DE PULVERE INTERNO.

110. Unde huc recipiuntur (α.) Simplicia quaevis Regni Triplicis solida, sicca, pulverulenta, vel friabilia, interne usitata. (β.) Praeparata & Composita Officinalia similia. (γ.) Quin Spissa etiam (α & β.): ut Succi densi, Extracta, Electaria, &c. (δ.) Imò & Liquida, Balsama v. g. Olea, &c.

111. **D E L E C T U S** interim habendus, ne promiscue quaevis congerantur. Quare nota.

α. Specifica leviora, simulque haud exigua Dosi efficacia, rarius ad Pulveres Subtiliores (107. α. γ.) adhibentur: frequentissimè interim ad Grossos, seu Trageas [107. β.]. Eiusmodi sunt Herbae, Folia, Flores, &c. Neque tamen ideo illa quoque, quae parva mole agunt, licet specificè leviora sint, excluduntur.

β. Si vero transgredi regulam [α.] jubet necessitas; curandum, ut intermixtis aliis, minore mole efficacibus, priorum inertiae succurratur.

γ. Liquidis si uteris, memento quantitatem sufficientem siccorum interponere. De spissis & lentiis idem obtinet.

δ. Gummata hinc sola vix in Pulvere danda: sunt enim & difficulter plerumque friabilia, & sub adsumptione per salivam dissoluta facile lentescunt.

ε. Mucilagine etiam plena aut Oleo, uti sunt multa Semina, nonnisi cum aliis aridioribus sub-

DE PULVERE INTERNO. 55

subacta exhibeantur: lento enim tritu evolutus
in pastam cogitur, & morâ saepe tanto citius
rancescit.

ξ. Foetida, si potes, apage! Commodius
haec Pilulari forma ingeruntur.

η. Acriora, Amarissima, aliove sapore molesta, si
danda, saltem ne meraca des, sed lenioribus fra-
cta. Cavebis sic faucium rosionem, nauseam,
vomitum, aliquando subsequentes.

η. Resinas ideo, praeprimis aceriores, Saccha-
ro, Absorbentibus Terreis, Salibus appropri-
atis, quin & Olei idonei tantillo, subigere ex-
pedit; ut solubiliores redditae in actum dedu-
cantur, nec partibus moleste adhaerecant.

ι. Praeparata Mercurialia generosiora satius
est Pilularum vel Boli, quam Pulveris, specie
exhibere. Meraca saltem sic dare minus tu-
tum: repugnat etiam Dosis saepe parvitas. Ad-
denda autem caute feligit [86. 102. η. η].

κ. Alcalina fixa, quo minus sola dentur,
dissuadet Urinosa acrimonia & facile deli-
quium.

λ. Alcalina volatilia, ut odore & sapore offend-
dunt, ita cito in auras dissipantur minus exacte
conservata.

μ. Sapores ingratos Saccharo, aut &, in
Trageis praecipue [107. β.], Confectionibus
Saccharatis, solidis, & similibus, corrigere li-

D 4

cet:

56 DE PULVERE INTERNO:

cet: Odores injucundos Oleis fragrantibus, quandoque Moschi Ambarique tantillo: utriq[ue] simul scopo adhibentur Elaeosacchara. Coloris gratiam conciliant Cinnabaris, Santalum rubrum, Auri foliola, &c. intermixta. Memor tamen cautelarum [§5. 99. 100. 101.] his utere.

¶. Simplicitatis studiosus ne congeras ultra 2, 3, summum 4, ingredientia, si minorem Pulveris quantitatem praescripturus es. In Trageis [107. β.], aliisque mole majoribus, auctior paullo numerus ferri potest.

112. ORDO in praestituendis Ingredientibus concinnior est, si Basí praemissæ [75.] Adjuvans [78.], tum Corrigens [83.], denique Constituens [86.], subjungitur juxta [57. δ.]. Alias & Quantitas seriem digerit [57. γ.]. Utробique saltem speciei similitudo simul observanda [57. β.]. Saccharum, si accedit, praecipue ponderē ex reliquorum quantitate determinando, semper ordinem claudit [57. ε.].

113. Dosis [64.] Pulverum, praecipue [107. α. γ.], commoda est Drachma dimidia. Augetur tamen quandoque & ad Drachmam usque integrum; sed rarius, nec nisi aegris minus nauseantibus, aut speciebus ex se ponderosioribus, vel admodum solubilibus. Ultra vix adscenditur; uti nec infra Scrupulum sit imminentio, nisi ingredientia fuerint specificè leviora. Trageas interim [107. β.], utpote plerumque & diffusiores, &

gra-

DE PULVERE INTERNO. 57

gratiories, vel ultra Drach. j. facile exhibueris: quin saepe dantur pondere non determinato, ad Cochlearium, Cultri apicem, &c. Ubique heic

a. Moles nimia, quoisque fieri potest, vitanda, maxime cum injucunda fuerit materies, aut aeger fastidiens, delicatior, vomituriens, deglutitione haud expedita laborans, &c.

b. Habenda ratio, uti omnium Conditionum [66.], ita maxime Aetatis tenerioris [ibid. v.]; ne Dosi hanc grandiore torqueas.

v. Convenit hinc saepe Numerum potius, quam Molem, Dosit augere, juxta [67. d. s.]; ut usu frequentiore, minus molesto, compensetur parvitas.

d. Sunt tamen, quae, Vehiculo compoda facile solubilia, ideo ad Drachmas aliquot pro Dosi exhibita, haud difficulter ingeruntur. Salia hujus sunt classis. Ebshamense datur vel ad Unciam.

114. QUANTITAS GENERALIS [64.] in varijs varia est. Trageae [107. b.] ab $\frac{3}{4}$ ss, ad j, ij, imo plures, praestituuntur. Evacuantum saepissime una saltem Dosis simul praescribitur; nisi cum animus fuerit continuo quodam tempore, aut per breviora intervalla, eidem operi instare. Alterantia, ut quandoque ad unam duasve saltem Doses, ita frequenter ad $\frac{3}{4}$ ij, $\frac{3}{4}$ j, $\frac{3}{4}$ ss, praescribi simul solent. Nota tamen

D 5

e. Con-

58 DE PULVERE INTERNO.

a. Constantes heic limites in genere vix dari posse; determinari autem facile in casu singulari ex perspectis Aegri conditionibus, Ingredientium natura, Medici Indicatione, &c. Confer [67. a ad u. 68. 92. d.].

b. Maxime quidem in hac Formula curandum esse, ut Quantitas Generalis per pondus Dosis, sine residuo, divisibilis sit, si discretio in Doses certi ponderis a Pharmacopoeo perficienda exigitur (68. v.).

v. Quandoque, ubi a minus accurata Generosiorum divisione periculum timendum, consultius esse, ut singulas Doses seorsim adaptare jubeatur Pharmacopoeus: quod uti fiat, postea in Subscriptione trademus.

115. PROPORTIO Ingredientium mutua, si plura miscentur, determinatur ex Dosi efficacce singulorum [66.], ex Dosi Pulveris stabilita [113.], & denique ex Quantitate Generali, quam Medicus praescribere in animo habet [114.]. Ergo

a. De singulis tantum cape, ut quantitates omnium computatae constituant Remedium intento scopo par, cuius Dosis & Quantitas Generalis nec major nec minor sit, quam requiritur.

b. Si Ingredientium Dosis efficax excedit justam Pulveris Dosis [113.]; vel utere regula [ibid. v.] data; vel additis, quae minore mole

DE PULVERE INTERNO. 59

mole agunt, vim illorum auge [80.] : quod in specifice levioribus notandum [III. a. β.].

v. Si contra Dosis efficacis volumen longe minus est commoda Dosi Pulveris (113.) ; idoneo Constituente [86. 91.] intermixto in aptam ea molem diffunde : quod in Emeticis, Opiatis, Metallicis, &c. saepe requiritur.

δ. Dum Liquida adhibes, memento regulae [III. v.]

ε. Sacchari quantitas, maxime in diffusoribus Trageis [107. β.] , saepe reliquorum ponderis aequalis, hujusve dupla, imo tripla, praestituitur.

ϛ. Ubique tamen, mutationibus Virium aliarumque qualitatum, ex miscela oriundis [94 ad 102.] , intentus cave, ne scopo excidas, aut profuturus laedas.

116. SUBSCRIPTIO [59.] exponit Pulveris Praeparationem, Divisionem, & Receptaculum.

117. Praeparatio tritu absolvitur, &c, si plura ingrediuntur, mixtione. Injungitur autem hisce verbis: *F.* vel *M. F. Pulvis* [59. a. β.]. Additur *Grossus*, aut una voce, *Tragea*, si talis expetitur : si tenuissimus, hoc quoque, aut, loco Pulveris, *Alcohol* adscribitur [107.]. Quandoque insuper monetur, miscelam & tritum diu,

60 DE PULVERE INTERNO.

diu , citò , aequabiliter , mortario testo , esse perficiendum , si ita postulat natura materiei . [108.]

118. *Divisio Pulveris* in suas Doses si a Pharmacopoeo exigitur ; subjungendum prioribus [117.]: *Divide in tot partes aequales.* Nec omissienda quandoque in Draſticis ſolicita monitio , ut partitio fiat exactissima : quin cautiores tum ſaltem unicam praescribunt *Dofin* , hancque toties , quot Doses expetunt , ſingulatim confici jubent , adſcribendo : *Fiat idem bis , ter , &c. [114. v].* Nullo horum opus eſt , ubi Dofis pondere haud determinatur [113.] , aut aegro vel adſtantibus dimetienda committitur.

119. *Receptaculo* alia alio egent : ejus hinc , maxime si curatiore opus , facienda mentio . Volutilia , aëre liqueſcentia , in Vitris ſervantur . Pulveres in suas Doses divisi Chartulis induntur : alii Capsis , vel , ut vocant , Scatulis . Adſcribitur ergo : *D. in Vitro , Chartis , Scatula.* Subjungitur , ſi Nebula pro Vehiculo erit : cum *Nebula* vel *Nebulis*.

120. *SIGNATURA* Titulum ponit Pulveris , tum Dofin , Vehiculum , Tempus ingerendi , Regimen , &c. juxta ea , quae dicta ſunt (60. a. p. v &c.). Ergo

121. *Titulus* ſit : v. g. *Pulvis* , vel *Pulveres* , vel *Tragea* : addita deinde virtute : v. g. *Absorbens*,

DE PULVERE INTERNO. 61

dens, Pectoralis, &c. observatis simul cautelis
(60. n. 9.).

122. *Dosis* vel committitur aegro dimetienda
pondere, mensurave minus exacta (60. i. 113.),
scribendo v. g. *Sumatur Drachm. j.*, vel *ss.*, vel
quantum Digitabulo, Cultri apice, Cochleari, &c.
capi potest. Si vero a Pharmacopoeo jam divisi
exhibentur Pulveres (118.) ; sufficit scribere
v. g. *Capiatur una Dosis.*

123. *Vehiculo* utimur vario.

a. *Trageis* quandoque nullo opus est, utpote
ex se sat gratis (115. s.): saepe tamen Panis Me-
dicatus, Saccharatus, Biscoctus, tostus vulga-
ris, Vino Generoso, Rhenano, Hispanico,
Rubro Gallico, Hydromelle, &c. imbutus, cuī
justa dein *Trageae* quantitas inspergitur, heic
usu venit.

b. *Pulveribus* aliis *Nebula* saepe pro *Vehi-
culo* est; quippe qua madefacta involutus Pul-
vis, vix adfecto Gustus organo, per fauces la-
bitur. Monetur tum in *Subscriptione Pharma-
copoeus*, ut totidem *Nebulas*, quot sunt Do-
ses, simul exhibeat (119.); in *Signatura autem
illarum usus exponitur.*

c. *Liquidi* tamen *Vehiculi* crebrior est usus
quod dotibus (60. 2.) memoratis praeditum re-
quiritur. Unde

i. *Ad Pulveres Alcalinos, aut ex Absorben-
tibus*

62 DE PULVERE INTERNO.

tibus Acidi conflatos , haud adhibe Vehiculum Acidum ; ne concitata Effervescentia nauseam parias , aut virtutem destruas (102. *a. b.*). Est tamen , ubi ex composito talia conjunguntur : uti in Antemetico Riveriano .

2. A nimis Pingui abstine : plerisque enim uti ingratum est , ita & vires saepe Remedii obtundit : quod circa Carnium Juscula notandum .

3. Calidum , tepidum , frigidum , an adhibendum sit Vehiculum , quandoque monere expedit . Pinguiscula actu frigida plurimis naufragoa . Tepida vomituros juvant . Calida Gummosos Pulveres in grumos cogunt ; Volatiles dissipant ; Ingratiiores magis evolvunt ; flatus cent & spasmos Hystericis . Ipsa etiam liquidis natura , receptus utendi modus , & aegri consuetudo , quandoque limites heic figunt .

124. *Tempora* demum , & *Regimen* , circa usum observanda adscribuntur varia , pro Indicationum varietate (60. *n. p.*) ; quibus expoundendis heic locus non est (7. *a.*).

125. Usus Pulveris pene universalis est , & evacuandi & alterandi scopo accommodatus . Videndum modo , an Morbi indoles , sedes , symptomata , Aegri temperies , consuetudo , ipsiusque Auxilii indicati natura , isthuius Formulae non repugnant (35. 43 ad 48. 109. 110. 111.). Difficultas aut impotentia deglutiendi in Angina , Ulceribus Faucium , Apoplexia , Epilepsia ,

DE PULVERE INTERNO. 63

lepsia, Syncope, &c. Pulveris usum ve-
tant.

126. SPECIMINA haec sunt.

*

Pulvis Emeticus pro Adulto nimia cibi co-
pia replete.

R. Tart. Emetic. gr. v.

Resin. Jalapp. gr. iii.

Sacch. Albiss. Scrup. j.

M. F. Pulvis.

S. Pulvis Emeticus cum Cerevisia calida su-
mendus pro una Dosi.

*

Purgans pro Adulto.

R. Resin. Jalapp. gr. x.

Elaeosacch. Foenicul. gr. xxv.

M. terendo diu, F. Pulvis.

S. Pulvis Purgans, pro Dosi, mane cum In-
fuso Caffe sumendus.

*

Alius in Canero nondum Exulcerato.

Vid. H. Boerh. Mat. Med. p. 110.

R. Resin Jalapp. gr. vij.

Diagrydii. gr. viij.

Stibii Diaphoret. non ablut, gr. xxiv.

M. F. Pulvis.

S. Ut prior.

Alius

64 DE PULVERE INTERNO:

*

Alius in Scorbuti initio. Ibid. p. 184.

R. Tart. Vitriol. non acid.

Cryſtall. Tartar.

Sal. Polychrest. ana drach. f.

M. F. Pulvis.

S. Pulvis Purgans mane ex Sero Lact. hau-
riendus: superbibantur dein Seri Lact.
Unc. xij.

*

Alius Antihelminticus pro Infante:

Vid. Eund. p. 234.

R. Aloës gr. iij.

Reſin. Jalapp. gr. j.

Vitriol. Mart. gr. ij.

M. F. Pulvis.

S. Mane, jejuno ſtomacho; pro una doſi ſu-
matur.

*

Pulvis Refolvens, Antipyreticus, in Peripneu-
monia. Ibid. p. 148.

R. Flor. Sulphuris drach. jj.

Olibani ferup. j.

Spermat. Ceti drach. J.

Stibii Diaphoret. non ablut. drach. j.

M. F. Pulvis, dividendus in xij doſes.

S. Sumat unam omni hora cum unc. j. Miſturae
ibid. p. 147. praefcriptae.

Pul-

DE PULVERE INTERNO. 65

*

Pulvis Stimulans & Resolvens. Ibid. p. 43.

R. Ol. destill. Menth.

Majoran.

Tanacet. ana gutt. vi.

Sacch. alb. siccis. unc. j.

F. s. a. Elaeosaccharum, cui admisce

Rad. Zingib. alb.

Cort. Magellanic. ana unc. J.

S. ut in fronte. Capiat Drach. J. ter de die ex
Vino.

*

Tragea Peptica, Ventriculo debili, frigido,
apta.

R. Specier. Diagalang. unc. J.

Rad. Gentianae

Cort. Winteranor.

Myrrb. rubrae ana drach. j.

Confect. Sem. Coriandr.

Rad. Calam. arom. ana drach. iij.

Sacch. albiss. unc. j.

M. F. Pulvis, dandūs in Scatula.

S. Tragea Stomachica : de qua Cochlear. J. Panz
biscocto, Vino Hispanico imbuto, insper-
sum capiat post pastum.

*

Pulvis Narcoticus in Peripneumonia.

Vide H. Boerh. Mat. Med. p. 145.

E

R

66 DE PULVERE INTERNO.

R. Opii lamellatum tenuiter scissi & lente
exsiccati. gr. j.

Corall. rubr. gr. xij.

Olibani. gr. vij

M. F. Pulvis tenuis, quavis vespera i-
terandus.

S. Pulvis Pacans, vesperi ante somnum sumendus.

*

Pulvis Antacidus.

R. Lap. Cancror. ppt.

Osteocoll.

Cretae

Conch. Ostreor. calcin.

Corall. rubr. ppt. ana drach. ij.

Rad. Zedoar.

Nuc. Myristic. ana drach. if

M. F. Pulvis tenuissimus, detur in
Scatula.

S. Pulvis Temperans. Sumatur, quantum apice
cultri capi potest, Acido infestante.

De

Bolo.

127. **B**OLUS est Medicamentum internum,
molle, cohaerens, Melle paullò spis-
sus, Buccellæ quantitate definitum: unde &
Buccella quibusdam audit.

128,

128. MATERIEM ei (127.) praebet , quidquid interno usui aptum , vel ex se , vel permixtione aliorum , consistentiae dictae capax est . Quare hoc recipi possunt .

α. Sicca omnia , minore Dosi efficacia , Pulveri constitendo idonea (110. 111.). Vocantur haec *Excipienda* , & sola inepta sunt .

β. Mollia , magis minusve spissa : Conservae , Electuaria , Extracta mollia , Rob , Pulpae , Confectiones molles , Balsama densiora , nativa , artefacta , Unguenta potabilia , Syrupi , &c. *Excipientia* haec audiunt ; quia prioribus (α.) misla Boli formam (127.) constituunt : quin & eorum aliqua hanc ipsam ex se habent .

γ. Liquida contractiora : uti Balsama liquida , nativa , artefacta , Olea , Spiritus , Tinctuae , Essentiae , Elixir , &c. Haec itidem ex se inepta vel *Excipiuntur* aliis , vel haec *Excipiunt* tanquam accessoria .

129. DELECTUM Materiae (128.) limitant sequentia .

α. Laudatur in Bolo maximè Cohæsio non diffluens , Mollities , & Miscela aequabilis .

β. Hinc Sicca (128. α.), aut Liquida (γ.), sola non convenient : sed Molle quid (β.) , glutinantis loco , intercedat oportet .

γ. Mollium etiam (128. β.) pleraque Siccī accessu spissanda sunt , ut Bolum forment .

E 2

Non

Nonnulla tamen ex se sola sufficient: ut Conservae, Electuaria & Rob, spissiora. Hujusmodi igitur opus in Bolo Simplice (62.).

8. Ingredientia omnia ejusmodi sint, ut inter se misceri queant in compositum aquabile.

9. Acria, Odore vel Sapore molesta, Viscida, heic potius, quam in Pulvere (111.), locum habent; cum magis tegi queant. Unde & Mercurialibus draisticis forma haec commodior.

ζ. Pinguia, Balsama v. g., Unguenta potabilia, Saccharo, aliisve fccis intertritis dividere expedit, ut facilius ingeri solvique in Ventriculo possint.

η. Sales Alcalini fixi & volatiles, aliive cito liquefcentes, in Bolos aliquamdiu conservandos haud recipiantur: deliquio enim justa conscientia, exhalatione virtus, perit.

9. Ideo nec inter se effervescentia, aut facile fermentantia, huc quadrant, nisi cum ingestio praeparationem statim sequitur.

ι. Ingredientium numerus vix unquam ultra 3 vel 4 augeatur.

130. ORDO, in praescribendis Ingredientibus heic usitatior, Excipiens (128. β.) determinatae quantitatis primo ponere loco jubet; dein Excipienda Sicca (ibid. α.); post Liquida (ibid. γ.); tandem, si quod accedit, Excipiens, cujus

cojus quantitas Pharmacopoeo relinquitur determinanda.

131. Dosis (64.) Boli a Drach. j. ad iij. vel ij. usque extenditur, haud temerè ulterius augenda, nisi cum specificè ponderosiora recipiuntur, aegerve in adsumendo haud difficilis est. Imo vix Drachmā major sit, si ex levioribus conflatur. Unde, ubi Ingredientium Dosis efficax hos limites excedit, satius est, massam in plures Bolos dispescere, quam offa grandiore praefocare aegrum. Compendium, uti Pulverem (113. a.), sic & vel magis etiam Bolum commendat. Nimiā hinc parvitate heic vix peccatur; licet ne Scrupulum quidem superet Buccella,

132. QUANTITAS GENERALIS (64.) saepissimè unam saltem, aut duas, raro plures, quam tres vel quatuor, Doses (131.) complectitur, nisi cum per brevibus intervallis capi debent. Quum enim a Pharmacopoeo jam partitae exhibeantur; facile vel nimis siccescunt, vel deliquescent, ad servatae diutius. Qui ergo Numerum Dosum Molemque (131.) inter se multiplicat, quantum simul praescribendum sit, novit,

133. PROPORTIO mutua Ingredientium ex varia horum consistentia & efficacia determinatur. Confer (87. 115.). Unde haud eadem obtinet in omnibus.

a. Si Mollia (128. s. 129. v.), ex se formando

do Bolo apta ; sola recipiuntur , Proportio inventur ex singulorum Dosi efficace (66.) , Dose que Boli (131.) , cognitis . Consistentia enim tum nihil limitat.

β. Ubi Sicca (128. a.) excipi debent , horum pro Dosi Drach. β , Scrup. ij , sumnum Drach. j , capienda . Excipientium vero (128. β.) varia tum requiritur Proportio , prout magis minusve spissa fuerint .

Conseruae , hunc in finem usitatisimae ; Ele-
ctuaria ; Mel ; Balsama spissa , & Unguenta , a
Scrup. ij. ad Drach. j. iſſ. sumuntur .

Rob ; Pulpae ; Confectiones molles , a
Drach. β . ad j. Scrup. iv.

Syrupi , utpote liquidiores , a Scrup. j. ad
Drach. β . vel j.

Scilicet , posita Siccorum mole eadem , tanto
exigitur ad ea subigenda minor Excipientium
quantitas ; quo haec sunt liquidiora .

γ. Hinc patet , ubi Siccorum moles minor
est , Excipientia spissiora adhiberi commodius ;
ubi vero major , dilutiora : ne Boli Dosis (131.)
justo plus augeatur .

δ. Quodsi prioribus (§.) etiam accedant Li-
quida (128. γ.) , horum vix ultra gutt. j ,
ij , iij , sumnum iv , pro singulis Bolis recipi-
tur .

tar. Tum vero minuenda pro rata Excipientium mollium proportio.

$\varepsilon.$ Alias &, Siccis Liquidisque quantitate determinata ($\varepsilon.$ $\delta.$) saltem praestitutis , Excipientium mollium quantitas arbitrio Pharmacopoei relinquitur , scribendo : q. f. (58. 9. 7.). Quae tamen methodus adhiberi nequit, si horum Dosis efficax limitatior est.

$\zeta.$ Frequentissimè autem , si Siccorum moles paullò major est , aut Excipiens Primum desideratur spissius parciusque ; ut ideo dubium sit , an sat mollicula inde Boli consistentia emergere queat ; alius Secundarii , liquidioris , v. g. Syrupi , q. f. superadditur.

$\eta.$ Contra , ubi nimia Boli praevidetur mollietas (129. $\alpha.$), Sacchari , Pulveris Liquirit. & similiū adpropriatorum q. f. adjungi solet : quod quidem maximè in Terebinthinaceis finceris , &c. obtinet.

134. SUBSCRIPTIO ita habet : *M. F. Bolus vel Boli No ij, iij, &c. Quoad Divisionem, eadem nonnunquam heic cautela adhibetur, qualis circa Pulveres (118.), inde repetenda. Aliquando, ornatus aut commodaे ingestionis gratia, injungitur simul : Auri folio, aut Nebula obvolvatur; aut exhibetur cum Nebula. Confer. (119.). Receptaculum plerumque est Vasculum fictile porcellanum, aut Charta: cuius tamen commemoratione vix opus.*

135. SIGNATURA ex dictis (120 ad 125.) facile intelligitur. Nebulam alii pro *Vehiculo* amant; alii Liquidum, quo Bolum prius dissolvant. Juvat & Liquorem idoneum dare superbibendum, si Boli tardior aut difficilior in Ventriculo metuitur dissolutio: quod circa Terebinthinaea & similia maxime notandum.

136. USUS est, qualis Pulverum (125.); minus tamen frequens: haud enim adeo expedite semper agunt Boli, ac quandoque requiritur (135.). Gratificamur hac forma iis, qui varietate, aut Bolo magis, quam Pulvere, delectantur.

137. SPECIMINA hæc sunt.

*

Bolus Emeticus pro Adulto.

R. Vitrioli alb. gr. xxv.

Rob. Juniper. q. f.

M. F. Bolus. Detur cum Nebula.

S. Bolus Emeticus, ex pauxillo Cerevisiae aut Infusi Theae viridis hauriendus: post quamlibet vomitionem superbibantur Cyathi aliquot Infusi ejusdem tepidi.

*

Bolus Purgans in Anxietate Febrili.

Vid. Boerh. Mat. Med. p. 124.

R. Electuar. Diaprun. Sylv. drach. ii.

Fol. Senn. Pulv. scrup. j.

M. F. Bolus.

Bo-

*

Bolus Antihystericus.

*R. Mithridat. Damocr. drach. j.**Troch. de Myrrb. scrup. f.**Ol. Stillat. Succin. gutt. ij.*

M. F. Bolus, Auri folio obducendus.

S. *Bolus Pacans cum Aquae Pulegii Cyatho sumendus,*

*

Boli Balsamici.

Vid. Harris de Morb. Infant. Lib. II, Obs. II,

*R. Terebinth. e Chio drach ij.**Pulv. Liquirit. q. s.*

M. F. Boli No ij.

S. *Boli Nervini, quorum alter mane, alter vesperi, ex Vitello Ovi recentis sumatur, superbibendo singulis Aquae Lact. Alexiter. Unc. ij.*

*

Boli Sialogogi.

Vid. Boerh. Mat. Med, p. 251,

*R. Conserv. Rosar. rubr. drach. f.**Mercurii dulc. trit. gr. ix.*

M. F. Bolus : cui similes duo alii, seorsim confecti, exhibeantur cum totidem Nebulis.

S. *Boli Aperientes, quorum unum singulis quadriliboriis capiat aeger, corpore prius Ptisana adpropriata bene impleto.*

E 5

Boli

*

Boli Adstringentes

R. Rob. Cornor. drach. iij.^l*Extract. Tormentill.* drach. j.*Boli Armen. laevig.* scrup. ij.*Lap. Haemat. ppt.* drach. f.*Syr. Myrtin.* q. f.

M. F. Boli No IV.

*S. Boli Adstringentes. Capiat omni triborio
unum ex tantillo Vini rubri, auferiusculi.**De**Electuario.*

138 **E**LECTUARIUM, rarius *Mistura*, frequen-
tius ab ingredientibus Conditis *Conditum*, ab Opio *Opiata*, dictum, est Medicamen-
tum internum, Bolo (127.) simile, paullo tamen
mollius, & pluribus unâ Dosibus, a Pharma-
copoeo non dividendis, praescriptum.

139. MATERIEM agnoscit eandem, quam Bo-
lus (128.). Accedunt saltem Conditurae; ut-
pote quae frequentius ad Electuaria recipiun-
tur.

140.

140. DELECTUS quoque idem fere, qui (129.), haec tamen peculiaria sibi vendicat.

α. Odore, Sapore, Colore, injucunda magis heic vitanda, ob usum crebriorem.

β. Deliquescentia, Exhalantia, Putrescentia, Effervescentia, facile Fermentantia, aut Ace-
scentia, tanto minus convenient, quo & mol-
lities heic major & adservatio longior requiritur.

γ. Ob easdem rationes miscela etiam exigitur accuratissima, tritu Pulverum exactiore, suba-
ctione Pinguum, Resinosorum, Balsamicorum,
per Vitellum Ovi, &c. perficienda; ne mora
secedant.

δ. Hinc &, si specificè graviora recipiuntur,
paullo spissior consistentia ex usu est.

ε. Draſtica quoque, maximè Metallica & Mer-
curialia, ideo absint; ne vel mistione minus ae-
quabili, vel secessu per moram, vel minus cu-
riosa Dosium partitione, quae heic plerumque
aegris vel adstantibus committitur, periculum
inferatur.

ζ. Numerus Ingredientium paullò quidem ma-
jor, quam in Bolo (129. 4.), ferri potest: ne
tamen nimius sit (29.).

η. Auri Argentive folia, ornatus ergo, quan-
doque intermifcentur; quibus, qui volet, uta-
tur, memor interim regulæ (85. e.).

141. ORDO, vix alias, quam in Bolo (130.), Mollia pondere determinata primo ponit loco, tum Sicca, Liquida dein, tandemque ea, quorum saltem quantitas sufficiens praescribitur. Sponte hinc patet, Mollium si nullum pondere determinato accedat, Siccis primum deberi locum.

142. DOSIS, haud temerè Bolo major (131.) constituenda, rarius pondere definiuntur, ut plurimum mole, v. g. ad Nucis Avellanae, Juglandis, Moschatae, Castaneae, magnitudinem, aut quantum Cochleari, vel Cultri apice, capi potest, &c. Quandoque saltem totum portionibus aliquot, v. g. 3. 4. 5. &c. per intervalla certa ingerendum jubetur. Tum tamen caudendum itidem, ne portio quaeque Buccellam excedat.

143. QUANTITAS GENERALIS vix minor Unici praescribitur, nec facile Uniciis iv vel v major: prout usum magis minusve frequentem aut diuturnum postulat Indicatio. Moles grandior, diutius adservata, saepe vel nimium spissescit, vel liquefcit, aliove modo corrumpitur.

144. PROPORTIO Ingredientium, ob molliorem Electuarii, quam Boli, consistentiam (138.), paullò alia, quam (133.), sequentibus limitatur.

*. Prout Excipientium (128. s.) varia est
conse

consistentia, ita eorum plus minusve ad eandem Siccorum (128. $\alpha.$) quantitatem excipiendam requiritur. Hinc, posita Siccorum v. g. Drach. j., si Excipientia sunt spissiora, uti Conservae, Electuaria Officin. &c, opus erit horum Uncia j: si minus spissa, v. g. Röb, Pulpa, Mel, Confectio mollis, &c, drach. iij: si liquidiora, ut Syrupi, Drach. ij sufficient. Confer (133. $\beta.$).

$\beta.$ Ubi ergo variae consistentiae recipiuntur Excipientia, facile ex modo dictis ($\alpha.$) determinatur cuiuslibet Proportio. Tum vero usitatisimum est, Spissiorum saltem definita quantitate, Liquidiorum modò q. s. subjungere, juxta (133. $\zeta.$).

$\gamma.$ Liquidorum meracionum (128. $\gamma.$), si adduntur, Proportio intelligitur ex dictis (133. $\delta.$), collatis ad Electuarii praescribendi Dosin & Quantitatem Generalem (142. 143.). Excipientium tunc moles pro rata imminui, aut Siecorum augeri debet.

$\delta.$ Auri Argentive folia No j. vel ij. sufficient pro totius massae quantitate (143.).

$\epsilon.$ Quandoque solito mollius mavult aeger Electuarium; ut commodius dilui ingerique possit. Obtinetur id facile aucta praeprimis Liquidiorum Excipientium quantitate ($\alpha.$ $\beta.$), monitoque Pharmacopoeo in Subscriptione, si huic illorum quantitas determinanda relinquitur.

ξ.

ζ. Caeterum heic quoque locum habent dicta
(133. γ. ε. ζ. n.), quae inde repitantur.

145. SUBSCRIPTIO injungit simpliciter : *M.*
vel *M. F. Electuarium*, vel , si Condita acce-
dunt, *Conditum* (138. 139.). Additur (*molle*),
si tale expetitur (144. ε.). Vas fictile, album,
Receptaculi loco servit, quod adponi, si libue-
rit, potest.

146. SIGNATURA ex (135. 138. 142.) sponte
patet. Nonnunquam saltem heic monendum,
ut ante usum agitur massa ; maximè , si spe-
cifice ponderosiora , aut facile a se mutuo sece-
dantia , ingrediantur.

147. USUS idem est , qui Boli (136.), Hyste-
ricis insuper grandiore dulcium mole nonnun-
quam minus aptus.

148. SPECIMINA haec sunt.

*

Electuarium Antihelminticum.

Vide H. Boerh. Mat. Med. p. 230.

℞. *Sem. Absinth. vulg.*

Santonic.

Tanacet. ana drach. ij.

Mellis unc. ij.

M.

S. Sumat Drach. ij omni mane.

Aliud

*

Aliud purgans Antiphlogisticum. Ibid. p. 86.

Rx. Tamarind. elect. Pulp. unc. ij

Cryftall. Tartar. minutim pulver.
drach. ij

M.

S. Capiat omni $\frac{1}{2}$ horae Drach. j., donec com-
mode purgetur.

*

Aliud Stipticum, incrassans.

Rx. Conserv. Ros. Rubr. unc. ij.

Mivae Cydonior. unc. j

Flor. Granat. drach. i*fl*

Boli Armen. laevig. drach. ij.

Lap. Haematit. ppt. drach. j.

Syr. Myrtin. q. f.

M. F. Conditum. D. ad fistile album.

S. Conditum Adstringens, de quo ter vel qua-
ter de die ad Castaneae magnitudinem ca-
piatur.

*

Excitans in Febrili Languore. Ibid. p. 119.

Rx. Confect. Alkerm. drach. j.

Zingib. condit. drach. vij.

Rad. Contrayerv.

Serpentar. Virgin. ana drach. j.

Syrup. V. Radic. Aperient. q. f.

Ut F. Conditum.

S. Capiat Drach. &c. omni quadriborio.

Con-

*

Opiata Aphrodisiaca.

Rx. Electuar. de Satyrio unc. ij.

Theriac. Andromach. drach. vi.

Confect. Sem. Erucae. drach. iii.

Troc. de Viperis.

Borac. Venet. ana drach. ii.

Essent. Ambari liquid. gutt. xxx.

Syrup. Condit. Zingiber. q. f.

M. F. Opiata.

S. Opiata Roborans. Capiatur Cochleare ℥.
pro necessitate.

*

Electuarium Antifebrile.

Rx. Cort. Peruvian. opt. unc. ℥.

Sal. Polychrest. drach. ij.

Syr. V. Rad. Aperient. q. f.

M. F. Elec̄tuarium.

S. Sumatur, tempore Apyrexias, omni bicho-
rio octava pars totius, ex Vino.

*

Aliud Aperiens & Detergens in Peripneu-
monia Suppurata. Vide l. c. p. 145.

Rx. Myrrae.

Olibani. ana drach. j.

Mellis albi. unc. ij.

M. f. a.

S. Sumat drach. j. omni herba:

D

De

Elegmate.

149. **E**CLEGMA, *Linctus*, *Looh*, vocatur Medicamentum internum, Ele-
ctuario (138.) liquidius, crassioris instar Syrupi
lentè diffluens, ex mollioribus compositum,
quod per vices linctum, ore detentum, sensim
liquefcens, deglutitur.

150. MATERIES eadem fere est, quae Ele-
ctuarii (139.), vel Boli (128.). Accedunt in-
super *Looh* Officinalia, *Olea* pressa blandiora,
Mucilagines, *Vitelli Ovorum*, quandoque &
Aquae stillatitiae.

151. DELECTUS interim notare jubet

a. Tenerima requiri, aut facile liquefcentia,
si quae ingrediuntur, sicca vel solida (128. a.);
ne apta *Linctui* mollities (149.) pervertatur:
saepissime hinc abesse penitus.

b. Ideo & rarius hoc recipi Conservas &
Condita: trajectu tamen per Setaceum aptari
posse delicioribus.

c. Draistica vix tuto ingredi; cum & facilior
secessus, & Dosis *Linctus* ad statuam haud e-
xacta, nihil promittant certi. Verum nec sco-
pus talia hec exigit.

F

8.

3. Acria, odore & sapore ingrata, si uspiam, heic vetari; cum lenta Linctus deglutitio, isthaec evolvens magis, usum reddat molestissimum.

4. Pinguia, Mucilaginosa, ut frequenter heic adhibentur, ita cavendum, ne rancida sint, aliove modo corrupta: quod facile evenit Officinaibus diu adservatis.

5. Vitellum Ovi subigendis Oleosis adprime convenire: cui proximum Saccharum, Mel, & ex his confecta.

6. Numerum Ingredientium esse, qualem Boli (129. 4.).

152. ORDO in praescribenda Materie vix datur ullus constans. Quae subigendis difficulter solubilibus (151. 5.) serviunt, his proximè adjungito, caeterum observans regulas (57. 8. 7. 8.).

153. Dosis rarius pondere præstituitur: nec tunc Unc. fl. excedit. Usitator est vulgaris vel parvi Cochlearis mensura, aut quantum Baculo Liquiritiae capi potest.

154. QUANTITAS GENERALIS, eadem fere, quae Electuarii (132.), vix unquam Unc. vi superat; nisi cum usus frequentissime repetendus sat celerem facit consumptionem. Saccharatum facilis fermentatio, Pinguium & Mucilaginosorum corruptio, calida præprimis tempestate

state majorem molem simul praescribere vetant.

155. PROPORTIO maximè ex cognita Ingre-
dientium ipsiusque Eclegmatis (149.) consisten-
tia definitur. Hinc

a. Ex Looh Officinalibus , Melle , Cremore
Lactis , Vitellis , Confectionibus mollibus , Sy-
rupis , & quae ad horum lehtorem accedunt ,
Mucilaginibus , Oleis pressis , blandis , & simili-
bus , quacunque fere proportione junctis , Lin-
ctus exsurgit . Virtus tum medicata singulorum ,
Pretium , & alia (66. n ad π.) limites figunt .
Saponum modo satis sit ad subigenda Pinguia
(151. ζ.). Vitelli fere subtriplo , Mellis aut
Sacchari plus requiritur .

b. Conservae , Electuaria , Pulpae , triplum
vel quadruplum diluentis Syrupi fere exigunt :
Sicca octuplum . Unde utrorumque simul in-
gredientium proportio patet . Ubi autem Seta-
ceo arcentur partes solidae de Siccis aut Con-
servis (151. θ.) , major eorum quantitas recipi
potest .

z. Olea stillatitia , Balsama liquida , Elixir ,
Essentiae , Tincturae , Spiritus , & similia effica-
ciora , Dosi restrictiore , ut in Electuariis (144.
γ.) , accedunt , vix ideo mutata reliquorum
proportione .

δ. Aquae stillatitiae , cum nimia metuitur
erassities , addenda quantitas Pharmacopoei re-

F 2 lin-

linquitur arbitrio : quo fine frequentius etiam Syrupi q. s. adhibetur. Dilutior consistentia Sacchari q. s. cogi potest.

154. Haud tamen adeo proprius est Linctui consistentiae gradus (149.), quin saepiuscule ultra vel citra excedatur : ut hinc nec proportionum leges modò exhibitae inviolabiles sint. Metus divertii Pinguium paullo majorem quandoque suadet crassitatem.

156. SUBSCRIPTIO jubet : *M. F. Linctus.* Trajectu per Setaceum si opus , is ante injungitur. Cum difficulter miscibilia accedunt , exactior commendanda subactio. Ficile pro Receptaculo est : quod addi potest. Baculus Liquiritiae , rarus , altero extremo contusus , quandoque Dosin veluti determinat , de quo in Eclegma intineto lingitur. Subjungitur ergo : *Detur ad Ficile cum Bacillo Liquiritiae.*

157. SIGNATURA , praeter communia , quae ex (120. 121. 122. 146.) patent , injungit saltem , assiduo , vel certis temporum intervallis , portionem (153.) ore continendam esse ; ut lente liquefcens deglutiatur. Si per moram divertii metus est , agitatio ante usum instituenda praecipitur.

158. Usus in morbis tantum , internas Oris partes , Fauces , Oesophagum , Laryngem , Tracheam , Bronchia , infestantibus , viget : frequens hinc est in Aphthis , Tussi , Peripneumonia

nia, Phthisi, &c. scopo emolliendi, demulcenti, adstringendi, &c; rarer in aliis.

159. SPECIMINA sunt.

*

Linctus ad Sputa suppressa in Peripneumonia.

Vide H. Boerh. Mat. Med. p. 148.

Rx. Olei Amygdal. dulc. recens press.

unc. iij.

Syrupi Violar.

Mell. Virgin.

Vitell. Ovi recent. ana unc. f.

M. accuratè.

S. Lingat Unc. f. omni horâ, donec Sputa re-deant.

*

Alius ad partes Aphthis delapsis excoriatas.

Ibid. p. 170.

Rx. Syrup. Papav. alb.

Cremor Laet. dulc. ana unc. ii.

Vitell. Ovorum No ii.

Aq. stillat. Rosar. unc. ij,

M.

S. Hujus pauxillum ore assiduo contineat.

F 3

Alius

*

Alius Tussim leniens.

R. *Looh sani & expert.*

Syr. *Diacod.*

Mucilag. Rad. Altheae Aq. Rosar. ex-tract. ana unc. j.

Spermat. Cet. Vit. Ovi solut. drach. j.

Sacch. crystall. q. f.

M. F. Linctus. Detur in Fistili cum Baculo Liquiritiae.

S. Lambat saepius, cum Tuffis urget.

*

Alius Incrastans Sydenhami.

R. *Conserv. Ros. rubr.*

Syr. *Violar.*

de Meconio ana unc. j.

Sem. Papav. alb. drach. iii.

Contusis simul, & per Setaceum trajectis, adde

Ot. Nuc. Mosebat. express. gr. vij.

F. Eclegma.

S. Ut supra.

De

Pilulis.

¶
PILULA, alias Catapotium, est Medicamentum internum, siccum, pressum tamen

tamen sequax , ex materie cohaerente in globuli formam coactum.

161. MATERIEM exhibet, quidquid, interno usū probatum , vel ex se , vel mixtu aliorum , in justam Pilulae consistentiam (160.) denseri aptum est. Quare generatim eadem , quae (110.) enumerata sunt , heic adhibentur.

162. DELECTUM tamen diversum ordinant cohaesio heic requisita , Dosis parvitas , & forma minus evoluta. Hinc

a. Ingredientium alia vocantur *Excipientia* , alia *Excipienda*. Confer (86. 128.). Haec enim, utpote primaria , saepissime ejusmodi sunt , ut sola , sine addito , in Pilulam (160.) apte cogi vix queant.

b. *Excipienda* sunt vel (1.) Sicca Coharentia : uti Gummi , Gummi-resinae , Resinae , Extracta solida , Succi densi , Massae pilulares , Officinales , Sapones solidi , Trochisci efficaciores , &c. Vel (2.) Sicca Pulverulenta , ex quovis Regno petita.

c. Haec inter tamen & aptissima sunt & usitatisima priora (b. 1.). Posteriorum (b. 2.) ea praecipue , quae specificè graviora & minuta Dosi efficacia sunt , adhibentur , exclusis Pulveribus levibus , macilentis , haud facile cohaerentibus , majore saltem mole actuosis , minus subtilibus.

δ. Massæ autem Pilulares Officinarum, exceptis paucis, quae concinniores & frequenti in usu sunt, rectius omittuntur; cum diutius adservatae plerumque vel arescant nimis, vel alio modo corruptantur.

ε. Salibus etiam vel cito liquecentibus, vel exhalantibus, non adeo locus heic est; quamvis restrictior tamen quantitas, aliis subacta, ferri possit.

ζ. At Generosiora quaecunque, Acria, Mercurialia, Metallica, & similia, aptissime hac forma exhibentur.

η. Quin & sapore aut odore molestissima huic recipiuntur: neque enim his tegendis accommodatior alia est Formula.

θ. *Excipientium* (*α.*) loco serviant vel (1.) Spissiora: ut Mel, Terebinthina, Extracta mollia, Electuaria rarissimè, Mica Panis recentis, quae huic referri potest, & ejusmodi alia. Vel (2.) Minus Spissa: ut Confectiones molles, Syrupi, Vitellus Ovi, Balsama similia, Mucilagines, &c. Vel (3.) Liquidiora: ut Essentiae, Elixir, Extracta Essentialia, Tinctoriae, Spiritus fermentati, Olea Aromatica, &c.

ι. Haud tamen Excipientium quaevis (*θ.*) quibusvis Excipiendis (*β.*) quadrant. Sicca tenacia (*β. 1.*), praeprimis Resinosa, Liquidioribus (*θ. 3.*), tum & Vitello Ovi, & Balsamis

mis (9. 2.), aut Terebinthina (9. 1.), gaudent.
Sicca Pulverulenta (8. 2.) glutinantibus (9. 1.
2.) eagent.

z. Quandoque vel omnia vel aliqua Excipienda (a.) ex classe Excipientium (9.) feliguntur, magis minusve spissa. Excipientum tunc vices implet sicca, pulverulenta, bibula: uti Farinae, Pulvis Liquiritiae, & similia.

λ. Ingredientium numerus est, qualis in Bolo (129. 1.), si massa minor praefititur; si major, qualis in Electuario (140. 2.).

163 ORDO (57.), vix constans, Excipienda tamen (162. β. z.) plerumque jubet praemittere juxta speciei similitudinem & singulorum quantitatem (57. β. z.) digesta, subiunctis dein Excipientibus (162. 9. z.), horumque illis loco ultimo, quae non definita quantitate praescribuntur (57. ε.). Ubi Partes Compositionis (74.) obtinent, regulam (57. δ.) sequimur: quod in Purgantibus saepe usu venit.

164. MOLES cuiusvis Pilulae, hodie, quam olim, minor, haud tamen ubivis eadem, aliis Aegris, Medicis, Nationibus, alia arridet. Major est, si massae granis viii vel x constat, Anglis tamen & Gallis usitatissima, imo vel hac quoque grandior. Mediocrem dant grana iij ad v, quae inter Belgas ferè recepta est. Minimam grani j Germani amant, quorum nonnullis haec etiam, major visa, nonnisi in ii, iij,

F 5

vel

vel iv, discerpta Pilulas demum placet. Notet
heic Tyro

a. Specificae gravitatis Ingredientium differen-
tiam ex eodem massae pondere Pilulam alias
maximae, alias minimae, molis dare posse: ut
ideo illius ratio omnino habenda sit.

b. Parvitati favere faciliorem in Ventriculo
dissolutionem, hinc promptiorem actionem;
quum magis aucta detur superficies.

c. Molem contra grandiorem, diutius adser-
vatam, eadem de causa, haud adeo cito exare-
scere, durari, exhalando vim perdere.

d. Scopum igitur suum, materiae naturam,
masiae Quantitatem Generalem, Dosis molem,
&c. dum inter se comparat Medicus, Aegro
loeoque simul se accommodans, (30. 43.), fa-
cile heic legem sibi statuit.

165. Dosis qud minor, ed ferè gravior, mo-
dò efficax sit; ut ideo defectu peccari heic vix
queat. Scrup. j. ad Drach. 8. commodè inge-
ritur simul. Ad Scrup. ij. vel Drach. j. raro
adscenditur, nisi Indicatione urgente, Materie
specificè graviore, Aegro facilis. Caeterum

a. Alterantia, lentè actura, sensim in sanguinem
insinuanda, aegrè solubilia, minuta po-
tius quantitate crebrius iterata, quam grandiore
simul, prudenter dederis.

b. Sialogoga Mercurialia, Purgantia draistica,
&

& similia, tutius itidem partita in minores Dosi efficace ingeruntur; nisi cum Indicatio exigit, conatu validiore morbum adgredi, nec alia repugnant. Confer. (21. 66. v. 67. e.).

v. Ubi absque insigni motu, aut per Epicrasis, purgandum, ex usu est, Dosis efficacis partem tertiam vel quartam exhibere vesperi, reliquum proximo mane.

2. Numerus Pilularum pro Dosi definitur facile ex quantitate Dosis haec tenus exposita, per pondus Pilulae desideratum (164.) divisa.

e. Sunt, qui, superstitione a Medicis etiam introducta moti, Numerum Pilularum, maxime Purgantium, parem pro Dosi horrent. His gratificari parvae molis est.

166. QUANTITAS GENERALIS heic, si uspiam, laxissima est, nec nisi in casu singulari determinanda ex pondere & numero Dosium (165.), quas Indicatio rite deducta, collata ad varias Aegri conditiones, & Ingredientium naturam, simul praestituendas jubet. Repetantur dicta (67. 92.). Evacuantia ad unam saepe, aut duas, tresye, Doses saltem praescribuntur; Alterantia quandoque ad totidem Uncias. Memor heic itidem sis regulae (114. 8.). Quin &, quae proxime sequitur (v.), nonnunquam hac in Formula conduceat.

167. PROPORTIO mutua Ingredientium facile invenitur per sequentia.

α. Excipienda (162. β. 2.), utpote primaria, suis capiantur Dosibus efficacibus, Indicationi adpropriatis, (66. 67. 87 ad 91. 165. 166.), tanquam si sola forent exhibenda.

β. His (*α*), si fuerint Sicca Tenacia (162. β. 1.), tantillum quia sufficit Excipientis (162. δ.), id q. s. saltem adscribitur; imò quandoque penitus omittitur, tam delectu, quam mole ejus, si opus est, Pharmacopoei dexteritati commissis.

γ. Si vero Excipienda Sicca Pulverulenta sunt (162. β. 2.), varia requiritur Excipientis quantitas pro varia hujus consistentia (162. δ.); In genere tanto plus, quo id ex se spissius est. Unde tum speciatim

Posita Excipiendorum

Unc. j.

Spissi (162. δ. 1.) Drach. v. ad vi.
Excipientis Minus spissi (ibid. 2.) Drach. iiiij. ad iv.
Liquidioris (ibid. 3.) Drach. iiij. ad iij.

opus est, ut obtineatur justa Pilulae spissitudo (160.). Quandoque tamen & heic, ut ante (*β.*), determinatio quantitatis arbitrio Pharmacopoei relinquitur.

δ. Scitur hinc facile Proportio necessaria, cum Excipientia plura diversae consistentiae, aut Exci-

cipienda utriusque classis (162. β. I. 2.), simul adhibentur.

$\alpha.$. Excipienda (162. x.) Pilulâ liquidiora subiguntur Pulveris adpropriati q. s. : licet vel hujus etiam Proportio ex regula (γ.) intelligatur.

$\zeta.$ Si Excipientum quantitates determinatus anceps metuis, ne justo nimiae aut parciores sint, cape proxime tam parum, ut non sufficere certo scias, ac secundarii Excipientis q. s. subjunge !

$\beta.$ Pateat hinc, quantae necessitatis sit Regula (35.). Quin & gravitatis specificae variorum cognitio heic adprime utilis est ; quem multa inde proportionis discrepantia oriatur.

$\delta.$ Caeterum memento (§6. 88. γ.) ; ut Excipientium, si qua virtus est vel adjuvans vel deprimens actionem Excipientium, eam in Dosi determinanda simul computes, aut Excipientium quantitatem pro rata modereris. Confer supra (α.).

163. SUBSCRIPTIO est: *M. F. Pilulae.* Additur semper vel numerus omnium: v. g. No. j, ij, iij, & sic porro: vel, praecipue si grandior est massa, quotnam ex certo hujus ponderi formari debeant: v. g. *Ex Scrupulo No v. viij, &c:* vel denique quanti ponderis exigatur quaelibet: v. g. *Singulæ gr. ij. iij. iv. &c.*

Sub-

Subjungitur quandoque *Involucrum*, si peculia-
re expetitur: Pulvis nempe quidam subtilis, ut
Glycyrrhizae, Cinnamom. Lap. Cancer. Chinae,
&c; quo obvolvendae jubentur, ne inter se
cohaerescant. Vel adscribitur: *Auri* aut *Argen-*
ti foliis obducantur: quod tanto heic magis ferri
potest, quia & colores corrigit, & sapores o-
doresque, saepe injucundissimos, compescit, &
consistentiam a diffluxu, durius nimia, aut col-
lapsu in pulvetem, defendit; quamvis interim
mora longiore fucus fordeat. *Charta paucio-*
rum, *Scatula plurium Receptaculum* est.

169. *SIGNATURA*, post *Titulum*, ex nomine
& virtute compositum (60. v.), *Dosis* (165.)
determinat Pilularum Numero (ibid. d. 1.); nisi
cum omnes una vice capienda sunt. *Tempus*
& *Regimen* limitat Indicatio: ubi cavendum, ne
Doses Generosiorum, juxta (165. 6.) partita,
altera alteri citius superingerantur, quam de
prioris effectu aliquid statui queat; cum tardior
Pilulae dissolutio actionem saepe minus expedit-
tam reddat. *Vehiculo* alii nullo utuntur: alii
solido vel spisso, *Nebula* v. g., *Paslula* majore,
Pruno cocto, *Gelatina* vel *Rob gratiore*, &
similibus: alii liquido, quod frigidum ferè a-
ptius est; quum calido emollita materies &
gutta magis adficiat, & colligescens fauibus
quandoque adhaerescat incommodè. Liquore
etiam superbibendo nonnunquam opus; tum ut
abstergantur saporis ingrati reliquiae; tum
ut

ut solutio & actio promoveatur. Confer. (60.
2. 123. 3. 135.).

170. Usus aequè ferè universalis est, ac Pulverum (125.), Evacuationi pariter ac Alterationi, maximè tamen in Chronicis, conveniens. In Acutis rarius, nisi Narcotich, Emetica, & similia, hac forma dari solent. Ingratissimis commodò ingerendis aptissima Pilula. Sunt tamen &, quibus minus placet: his ergo alia forma consulendum (43.). Infantibus male offertur, quia mandunt. Temperiei siccae minus convenit (47.): quod tamen liquido idoneo, ante vel post exhibito, corrigi potest. Difficultas aut impotentia deglutiendi magis etiam Pilulae, quam Pulveris (125.), usui obstat. Promptissimae tandem actionis necessitas eam quoque excludit (169).

171. SPECIMINA haec sunt.

*

Pilulae Emeticae in Febre Intermittente.

Vide H. Boerh. Mat. Med. p. 131.

B2. Tart. Emetic. gr. v.

Micæ Panis q. f.

Ut F. Pil. No. v.

S. Pilulae Emeticae pro una Dosi, cum Cervisia calida capienda.

Pilulae

*

Pilulae Purgantes in simili casu.

Rx. MPilul. Ruffi scrup. i.

Resin. Jalapp. gr. iv.

Sal. Absynth. gr. iiij.

Elix. Propriet. f. acido. q. s.

M. F. Pilulae No. ix.

S. Pilulae Purgantes, die intermissionis, mane,
pro Dosi capienda.

*

Purgantes in Scorbuti principio.

H. Boeth. l. c. p. 184.

Rx. Pil. Coch. Maj. drach. j.

F. Pilulae No. xxi.

S. Capiat duas vesperi ante somnum, mane
quinque ante jentaculum.

*

Adstringentes in Fibra laxa, ad similitudinem Ibid. p. 8.

Rx. Extract. Tormentill. drach. j.

Bistortae.

Pulv. Cort. Granator. ana drach. g.

Lap. Haematit. ppt. scrup. j.

Syr. Myrtin. q. s.

M. F. Pilulae singulæ gr. ij.

S. Pilulae Roborantes. Capiat Aeger unam
ter, quater, de die, ex Unc. j. Infusi,
Decociti, vel Vini Medicati, Ibid. p. 5 ad 7.
descriptorum.

Pilulae

*

Pilulae Resolventes, Stimulantes, in Morbis a Glutino Spontaneo.

R. Sapon. Alcalici, vel Starkejani dicti drach. iij.

Extract. Centaur. min.

Gummi. Galban. ana drach. j.

Sagapen. scrup. ij.

Ol. Stillat. Absynth. gutt. xij.

Cort. Winteran. subtil. pulveris. q. f.

Ut F. Pilulae ex Scrup. j. No. x, deaurandae.

S. Ut in fronte. Capiat Aeger ij. ter vel quater de die ex Vino.

*

Pilulae Balsamicae in Gonorrhœa Venerea.

Ibid. p. 247.

R. Terebinth. vulg. unc. j.

Rhei-barb. unc. jj.

Glycyrrhiz. sicc. q. f.

Ut F. Pilulae, singulæ Gr. iv.

S. Capiat unam omni horâ.

*

Pilulae Narcoticae. Ibid. p. 62.

R. Opii purissimi. gr. ij.

F. Pilulae No. iii.

S. Detur una pro Dosi, repetendo post horam, si prior nihil efficit, sic & tertio.

G

De

Trochiscis Internis.

172. **T**ROCHISCUS, *Pastillus*, est Pilula (160.) non globosa, quae non integra, sed, instar Eclegmatis (149.), sensim in ore dissoluta, deglutitur: ut hinc *Eclegma solidum* ferè dixeris.

173. Officinalem verd à Magistrali heic omnino distinguere juvat (6.): nam, licet forma utrobique conveniat, usus tamen saepe diversus est; cum prior, conservationi ingredientium magis dicatus, compluribus aliis Formulis frequenter accommodetur.

174. MATERIES in genere est *Excipienda* vel *Excipiens* (128. a. b.).

a. *Excipienda* sunt vel (1.) Sicca Macilenta. Vel (2.) Sicca Tenacia (vide 162. b.). Vel (3.) Mollia: ut Pulpae, Electuaria, &c. Vel (4.) Liquida Diffusiora: ut Decocta, Infusa, & similia: aut Contractiora: ut Olea Aromatica, &c.

b. *Excipientium* loco serviunt vel (1.) Liquida minus tenacia: ut Aquae stillatit. Vina, Spiritus Vini, Succi, Decocta, Infusa Vegetantium. Vel (2.) Viscida: ut Albumen Ovi, Mucilagine, Syrupi, Balsama, Mel, Pulpae, &c.

DE TROCHISCIS INTERNIS. 99

&c. Vel (3.) Sicca Glutinantia : ut Gummi, Extracta solida, Succi densi, &c. Vel (4.) Sicca Macilenta : ut Farinae Orobii, Lupinorum, & similia.

175. DELECTU tamen heic opus ; cum omnia omnibus haud promiscue quadrent. Ergo

a. Excipienda (174. a. 1.) egent plerumque Excipientibus (b. 2.).

b. Excipiendis (ibid. a. 2.) sufficiunt Excipientia (b. 1.) apte selecta.

c. Excipienda (ibid. a. 3.) requirunt Excipientia (b. 4.).

d. Excipienda (ibid. a. 4.) gaudent Excipientibus (b. 3.).

e. Facile hinc intelligitur , cum Excipienda variae consistentiae simul recipiuntur , an & cuius generis Excipientibus opus sit ; tum quod aliquando nullum requiratur.

ζ. Caeterum Sapore & Odore injucunda heic vitanda , aut saltem parcius immiscenda , ob (151. d. 172.).

η. Generosiora itidem , aut valde Acria , scopus hinc & usus ferè excludit.

θ. Salibus eadem de causa , tum & ob facile deliquium , Saporemque ingratum , vix adeo locus heic conceditur.

G 2

i. Sac-

100 DE TROCHISCIS INTERNIS.

1. Sacchari contra frequens usus est, quod Saporis gratia, facilior in ore dissolutio, & amplior reliquorum diffusio obtineatur. Postremo fine & Amylum saepe adhibetur.

2. Valde tenacia pro Infantibus ne praescripto! Mansa enim dentes conglutinando molestiam creant.

3. Numerus Ingredientium haud major sit, quam in Electuario (140. §.).

4. Si Trochisci Officinales prostant scopo apti, his potius utendum (29. 37.).

176. ORDO heic idem obtinet, qui in Pilulis (163.).

177. MOLES Trochisci, olim a Drach. j ad iij. usque extensa, hodie a gr. vi. vix ultra Scrup. & augetur; imò quandoque gr. ij. vel iij. tantum aequat, si Suaveolentiae Spiritus dicatur. Saepissime autem pondere non determinatur, sed saltem Pisi, Lupini, &c. magnitudine. Neque hinc periculi metus est in Magistrali (172. 173. 175. n.).

178. FIGURA est plana orbiculata, trigona, tessulata, rhomboides, cylindrica, aut quaevis alia, cuius, aequa ac signi imprimendi, selectione Pharmacopoei arbitrio facile relinquitur.

179. Dosis saltem numero determinatur, pro mole Trochiscorum majore vel minore (177.) &

DE TROCHISCIS INTERNIS. 101

& Ingredientium natura , vario. No j. ii. iii , vel aliquot simul in ore volutandi jubentur. Cum Draſtico , quod rarissimum est (175. n.) , ingrediuntur , Opium v. gr. , ex pondere cuiuslibet Trochisci cognito numerus accurate determinari debet , juxta Draſtici ingredientis notam proportionem.

180. QUANTITAS GENERALIS Uncia j. vel i^{fl}. vix inferior praefituitur ; quum parciōr mafia Pharmacopoeo incommodet. Si tamen solis uteris Officinalibus (175. n.) , non est , cur limiti huic te adstringas , praescripturus tunc saltem , quantum scopo sufficit (67. 68.).

181. PROPORTIO Excipientium ad Excipientia , uti varia est , pro varia utrorumque consistentia , ita vix accuratē determinari in omni casu valet. Unde , cum Ingredientia generofiora heic locum non habeant (175. n.) , tutō arbitrio Pharmacopoei relinquitur (58. 9. 7.). In genere tamen sequentia notasse ex usu erit.

a. Pondus specificum in Siccis Macilentis (174. a. 1.) majus vel minus insignem facit differentiam quantitatis necessariae Excipientium.

β. Manente Excipiendo eodem , tanto minor requiritur Excipientis quantitas , quo hoc spissius est.

γ. Hinc ad Siccorum Macilentorum (174. a. 1.)

G 3

me-

102 DE TROCHISCIS INTERNIS.

mediae gravitatis , part. iij. Excipientium (β . 1.) fere requiruntur part. ij. Excipientium vero (β . 2.), pro diversa consistentia , part. iv. ad vi.

Ad Siccorum similium , levissimorum , part. iij. Excipientium (β . 1.) part. iv. Excipientium (β . 2.) part. vi ad ix.

Ad Siccorum Tenacium (174. α . 2.) part. iij. sufficit Excipientium (β . 1.) pars j.

Ad Mollium Excipientium (174. α . 3.) part. iij. opus est Excipientium Siccorum (β . 4.) part. ij.

Ad Liquidorum (174. α . 4.) part. iij. Excipientium Siccorum (β . 3.) part. ix.

3. Saccharum saepe additur pondere reliquorum aequali , duplo , triplo , quadruplo , & ultra: prout conditiones (175. 1.) requirunt. Idem de Amylo obtinet,

182. SUBSCRIPTIO est. M. F. l. a. Trochisci. Moles adscribitur vel pondus (177.): v. g. Parvi : aut Pisi , Lupini , magnitudine : aut gran. ij. vi. Scrup. β . Nullo horum opus, si Officinales saltem praestituuntur (175. μ .). Scatula , Charta , &c. pro Receptaculo est. Ubi Draistica ingrediuntur (179.), Excipientium interim quantitate non determinata ; prudentiae est, nec magnitudine , nec pondere , sed numero defini-

re

DE TROCHISCIS INTERNIS. 103

re Trochiscos, ex tota mastà formandos ; uti in Pilulis (168.). Siç certior eris , quantum de Draftico in quovis Trochisco detur.

183. SIGNATURA sponte patet ex (60. 157. collat. cum 172. 179.).

184. Usus minus frequens est, nec fere ulterius hodie extenditur, nisi (1.) ad mala Fau- cium, Pharyngis, Laryngis, Asperae Arteriae, &c. instar Eclegmatis (158.) : (2.) ad Foetorem Spiritus: (3.) ad Prophylaxin a contagio.

185. SPECIMINA funto.

*

Trochisci ad Ptyalismum ab Aphthis de- lapsis.

R. Succ. Catechu drach. ij.

Sang. Dracon.

Cort. Granat.

Extract. Agrimon. ana drach. j.

Mucilag. Sem. Cydonior. cum Aq. Ro-
far. extract. q. f.

M. F. l. a. Trochisci Pisí magnitudine.

S. Trochisci Roborantes , quorum unum assiduò
ore voluet Aeger ac lente deglutiat.

G 4 Tro-

104 DE TROCHISCIS INTERNIS.

*
Trochisci Opiati in Pulmone suppurato, rupto.
Vide H. Boerh. Mat. Med. p. 145.

R. Succ. Liquirit.

Flor. Sulphur. ana drach. ij.

Oliban. scrup. ij.

Opii puri scrup. j.

Bals. Copayb. q. s.

Ut exakte mistis F. Trochisci No. XL.

S. Trochisci Pacantes, quorum duos sumat qua-
libet vespera ante somnum.

*

Trochisci Suaveolentes ad Foetorem Spiritus.

R. Resin. Cort. Thymiam. Hoffm. scrup. j.

Ambar. grys. gr. xv.

Moschi gr. vij.

Ol. Cinnamom. gutt. vj.

Sacch. albissimi unc. j.

Cum Mucilag. Gumm. Arab. in Aq.

Cinnam. factae s. q. F. l. a. Tro-
chisci minimi.

S. Unum vel alterum pro necessitate ore vo-
luteat.

Tro-

*

Trochisci Sublinguales ad Prophylaxin a
contagio.

R. Theriac. Andromach. drach. ij.

Myrrh. elect. drach. j.

Ol. still. Cort. Citri gutt. xij.

Succ. Citri recent. unc. f.

Pulv. Cort. Aurant. q. s.

Ut F. l. a. Trochisci singuli Scrup. f.

S. Mane exiturus capiat unum, alterum sub
lingua detineat.

De

Electuario Solido.

186. **E**LECTUARIUM SOLIDUM, *Morsulus*, *Ta-*
bella, est Medicamentum internum,
ficcum, variae figurae, ex varia materie, inter-
ventu Sacchari soluti & cocti, in formam soli-
dam, fragilem, coacta, constans. Unde patet
ejus a Trochisco (172.) discrepantia.

187. MATERIES iterum est vel *Excipienda*,
vel *Excipiens*.

Excipienda sunt ea ferè omnia, quae ad Elec-
tuaria recipiuntur, tam *Excipientia*, quam *Ex-
cipienda* (139. 128. a. b. v.). Ex quo nominis
(186.) manifesta est ratio.

Excipiens semper est Saccharum minus pin-
G 5
gue,

106 DE ELECTUARIO SOLIDO:

gue, liquore idoneo, maxime aquoso, solutum;
ad justam consistentiam incoctum.

188. DELECTUS tamen nonnulla habet singula-
laria. Videlicet

α. Requiritur heic cum Soliditate Fragilitas,
Cohæsio non lentescens, facile in ore Deli-
quium, nec injucundus Usus.

β. Hinc Gummi, Extracta, Succi densi, Ter-
restria pingua, & id genus alia, quae tenacita-
tem inducunt, parcius immiscenda.

γ. Ideo nec Saccharum adhibetur pinguitu-
dine propria aut misto glutine lento; sed ferè
albissimum simplex, aut Rosatum.

δ. Nec Sapore vel Odore molestioribus adeo
heic locus est; quum deliquium in ore, aut
manductionem, usus exigat.

ε. Salia quoque, praesertim facile liquecen-
tia aut exhalantia, vix recipiuntur.

ζ. Crassiores quidem Pulveres heic in usu
sunt, at simul molliculi. Duriora, nisi tenuis-
simè comminuta, inter mandendum moleste
strident.

η. Absint & Acida Fossilia, utpote Sacchari
obstitura coagulo.

θ. Unguinositatem itidem ne utaris vetat eadem
ratio & injucunditas.

ι. Nu-

DE ELECTUARIO SOLIDO. 107

i. Nucleos, Oleo facile rancescente scatentes, Carnes, & similia, male adhibueris, si longos in usus praeseribis.

x. Adstringentia, Incrassantia, exulent; quum vires perdant Saccharo copioso suffocata.

λ. Generosiora, quin & specificè graviora, admittit Morsuli soliditas; modo miscelae aequabilitas accedat.

μ. Suaveolentiam Ambaro, Moscho, Zibetho, parcè intermissis, aut Liquidis fragrantibus, Oleis, Essentiis, &c. massae jam congekatae allitis; Coloris gratiam adpressis Auri Argentive foliis, aut Flosculis varii coloris, minutim concisis, paullò ante refrigerium inspersis, adfectet, qui volet, memor tamen (85.).

ν. Numerus Ingredientium haud sit major, quam in Electuario (140. §.).

189. ORDO heic idem obtinet, qui in Trochiscis (176.) & Pilulis (163.); quamvis saepe minus respondeat Ordini justo praeparationis.

190. FIGURAM alii aliam huic Massae conciliant; quae tamen ut virtuti addit vel demit nihil, ita rectè Pharmacopoei arbitrio committi potest. Vel enim gelascentem pyxidi infundunt, hujus ut figuram induat, Pandaleon tunc dicta: vel & totam simul, aut per partes, super planum effusam scindunt singuntve in massulas
qua-

108 DE ELECTUARIO SOLIDO.

quadratas, quadrato-oblongas, rhomboideas, &c., quas *Morsulos*, *Tabellas*, *Tessellas*, *Lozangias*, &c. adpellant; licet satius foret, unicum *Morsulorum* vel *Tabularum* nomen, exterminatis reliquis, constanter adoptare.

191. MOLES Morsuli vel pondere, vel mensura, determinatur ratissime; nec adeo limitata est, quin a Drach. j. ad Unc. β , & ultra, se extendat.

192. DOSIS praeslituitur Numero, ad dimidium, j, ij, &c. Morsulos; prout majores minoresve sunt; aut Frustulo, si massa indivisa est: aut & Pondere, si efficaciora continentur: tum verò itidem major minorve est, pro varia Ingredientium vi & proportione. Unciam tamen vix excedit.

193. QUANTITAS GENERALIS minor Unc. IV, haud commode præparatur. Si tamē Officinali uteris Composito, quantum scopo sufficit, praescribere licet; quamvis ne Unc. β . quidem id excedat.

194. PROPORTIO Ingredientium, quoad Exciplienda inter se, determinatur ex cognita singulorum natura, collata scopo intento, & cautelis datis (188.). (Vide & 66. 67. 115. a. §.). Excipientis autem respectu illorum proportio ex sequentibus liquet.

* In genere Sacchari quadruplam aut sextuplum.

DE ELECTUARIO SOLIDO. 109

plum ratione Excipientorum aptè adhibetur. Sunt tamen, quibus octuplum, & vel plus etiam placet: at minus rectè; quum mole tanta nimis diffundatur virtus reliquorum, quandoque & obtundatur: unde Dosis efficax praeter necessitatem augescit.

β. Ratio interim habenda ponderis specifici, & consistentiae, Excipientum. Levissima, ob volumen auctius, copiosiore gaudent Excipiente. Sicea, dura, bibula, cum Saccharo parciore ferè lapidescent (188. a.).

γ. Si Excipienda ipsa Saccharum continent, quantitas Excipientis pro rata imminui debet: quod circa Conservas, Condita, Confectiones, &c. notandum.

δ. Saepe tamen Sacchari Proportio Pharmacopoei arbitrio relinquitur (58. 9. 7.): a quo tamen abstinendum, si Dosis pondere requiritur determinata (192.); quum constans limis omnibus in Officinis non obtineat, nec tantae hec molis sit dubium tollere.

195. SUBSCRIPTIO praecipit: *M. F. l. a. Morsuli, Tabulae, Electuarium solidum, Pandaleon, vel Confectio in Morsulis, &c. (190.), commisso caeterum praeparationis modo & ordine Pharmacopoei dexteritati. Subjungitur dein, si ita visum fuerit, quo Liquore illinenda, an Auro, vel Flosculis, ornanda sit massa (188. μ.). Quandoque & Pondus commemoratur cuiusvis Morsuli (191.), & Scatula pro Receptaculo,*

culq.

110 DE ELECTUARIO SOLIDO.

culo. Quodsi verò Officinale adhibes (193.), vix ullo horum opus; nisi forte libuerit, exteri ornatūs quidpiam superaddere (188. μ.).

196. SIGNATURA ex (60. 186. 190. 192.) li-
quet. *Vehiculi necessitatē tollit Saccharum.*
Utendi Tempus & Modum definit Scopus: vel
enim commanducatum, vel saliva paullatim li-
quatum, deglutitur.

197. Usus hodie in universum rarer est.
Pandaleon ferè prorsus exolevit. *Morsulī* adhuc
locus. *Purgantia*, *Antihelmintica*, *Stomachica*,
Carminantia, *Antacida*, *Antiglutinosa*, *Aphro-
disiaca*, *Alexipharmacā*, *Bechica*, halitus gra-
veolentiam corrigentia, quandoque sic exhiben-
tur. Grata caetetum Formula, domestico usui,
iter facientibus, non inepta, sat diu incorrupta
manens, fuso Infantibus, Delicatis, faciendo
commoda, expeditae tamen actioni, Sanguine
nimis tenui laborantibus, Hystericis saepè, tum
quibus dulcia infesta sunt, quin & Pauperibus,
minus convenit.

198. SPECIMINA sumto.

*

Morsuli Antihelmintici, Vermium nidum
destruentes.

R. *Conserv. Absynth. vulg.*

Semin. Santonic.

Tanacet ana drach. ij.

Aet:

DE ELECTUARIO SOLIDO. 112

Aethiop. mineral. drach. iij.

Resin. Jalapp. drach. iiſ.

Sacch. albif. *Infuso Tanacet.* solut.
unc. v.

M. F. l. a. Morsuli, singuli Unc ♂.

S. Capiat unum mane & vesperi, vacuo Ven-
triculo.

*

Morsuli Purgantes.

R. *Pulv. Rad. Jalapp.* drach. iij.

Scammon. opt. drach. ij.

Antimon. diaphoret. unc. ♂.

Flaved. Cort. Citri rec. drach. iij.

Sacchar. albif. in *Aq. Ros.* solut.
unc. viij.

M. F. l. a. Confectio in Morsulis.

S. Dosis Drach. iij ad v. Adultis ; Drach. ♂.
ad j. Infantibus.

*

Morsuli Antacidi.

R. *Matr. Perlar.* ppt.

Cret. albif. ppt. ana drach. ij.

Rad. Zingiber. condit. drach. iiij.

Cinnamom. grossè triti. drach. j.

Sacch. albif. in *Aqua pura solut.* q. s.

Ut F. l. a. Morsuli.

S. Morsuli Antacidi, quorum unus vel alter
pro necessitate capiatur.

Mor-

*

Morsuli Stomachici, Carminantes, in easdū frigido.

R. Conserv. Menth. drach. iij.

Nuc. Moschat. in Ind. cond.

Cort. Winteran.

Aurantior. ana drach. ij.

Macis. drach. j.

M. F. cum Sacch. alb. in Aq. Rosat.
solut. q. f. Morsuli, Ol. Still. Cort.
Citri oblinendi. D. in Scatula.

S. Sumatur unus ante & post pastum.

De

Rotulis.

199. **R**OTULAE, Orbiculi, sunt Morsuli (186.) plano-rotundi, ex materie faltem subtiliore, aut solubiliore, Saccharo itidem excepta, compositi: ut hinc nonnisi levis detur inter haec & priorem Formulam differentia. Quum tamen non sit nulla; doctrinae facili aptius videtur, paullo forte scrupulosius dividere, quam nimio exceptionum numero impeditre regulas.

200. MATERIES in genere eadem est, quae Morsulorum (187.). Excipiens & Glutinans heic

heic quoque semper est Saccharum. Unde Rotulas cum Trochiscis (172.) confundunt, qui Mucilagine exceptis istud nomen dant.

201. DELECTUS saltem ex parte discrepat.
Nam

a. Praeter dotes (188. *a.*) in Rotulis etiam semidiaphana amatur soliditas. Unde

b. Quae sat tenuiter & aequabiliter diffundi nequeunt, Conservae v. g. Condita, Pulveres crassiores, Fructus Nuclei, & similia, tum quae in grumos facile coëunt, huc minus recia piuntur.

c. Saccharo hinc albissimo heic tanto magis opus est (188. *c.*): quin caetera etiam (ibid. *b.*, *d.*, *e.*, *f.*, *g.*, *i.*, *x.*) urgent fortius.

d. Quandoque, exclusis fccis spissisve, li-
quidi saltem Succi, gratiores, maximè acidi,
ut Ribium, Berberum, Citri, &c. cum Sac-
charo rotulantur, usu jucundissimo. Operam
tamen perdunt, idem qui cum Aquis stillatitiis
moliuntur.

e. Sola alii Olea aromatica, aut Essentias
contractiores, Saccharo aqua soluto, & incocto,
excipiunt, certo tamen cum virtutis dispendio.

f. Elaeosacchara igitur qui aquis soluta eo-
dem fine coquunt, an, praeter Saccharum, bo-
ni quid retinent?

H

n. Sy;

7. Syrupum qui solum igne in Rotulas spif-
fiant , videant , qualem seligant.

8. Compendii ergo Rotulas Officinales ido-
neo Oleo aut Essentia oblinendas praescribere ,
si scopus fert , licet : qua encheiresi Magistrali-
bus etiam consulunt , qui volatilium calenti-
masiae immistorum jaeturam recte metuunt.

9. Extero ornatui reliquo (188. μ.) nullus
heic locus.

* Numerus Ingredientium minor , quam in
Morsulis (188. v.), qualis in Bolo (129. t.),
conceditur.

202. ORDO idem , qui in Morsulis (189.),
obtinet.

203. MOLES Rotulae , minor , quam Morsuli
(191.) , plerumque Scrup. j. aut Drach. fl. sal-
tem aequans , itidem vix unquam pondere aut
mensura determinatur.

204. DOSIS quoque , ut (192.) , definitur nu-
mero j. ij. iii. &c. aut pondere juxta Ingredien-
tium efficaciam & proportionem vario.

205. QUANTITAS GENERALIS eadem est , quae
(193.) : minor tamen etiam magistraliter parari
commode potest , si materies (201. d. n.) adhi-
betur.

206. PROPORTIO Ingredientium intelligitur
ex dictis (194.) : eadem enim est , ac in Mor-
sulis , si pauca excipias. Nempe

* Fre-

a. Frequentius heic majore Sacchari utimur mole respectu Excipientorum (194. a.), ob (201. a. d. e.).

b. Succis hinc Acidis (201. d.) in Rotulas cogendis Sacchari fere adhibetur sextuplum vel octuplum: Essentiarum (ibid e.) Drach. j. aut iß. Sacchari Unc. ij; hujusque tantundem ad Oleorum aromaticorum (ibid.) gutt. xx.

c. Illinitio (201. g.) simili Essentiae vel Olei proportione (b.) efficitur.

207. SUBSCRIPTIO, nomine saltem mutato, ut in Morsulis, se habet (195.). Praeparatio justa cognita supponitur Pharmacopoeo, ita adornanda, ut minima, quoad fieri potest, volatile fiat per calorem dissipatio. Succi Acidii, Essentiae, Olea (201. d. e.), non miscenda Saccharo, nisi perquam incocto, jamque gelascenti, aut ne liquato quidem, sed saltem valde calefacto; tum ob rationem modo dictam, tum quia Sacchari concretioni obstant.

208. SIGNATURA haud alia est, quam (196.).

209. USUS quoque idem fere, ac (197.). Ade saltem, quod & in Acutis Rotulae de Succis acidis paratae vi gratissima adversus fistum se commendent.

210. SPECIMINA funto.

H 2

Ros

* Rotulae Purgantes , Antihelminticae , pro
Infante : ad exemplum

H. Boerh. Mat. Med. p. 233.

R. Semin. Absynth. drach. ij.

Mercur. dulcis. scrup. iv.

Diagrydij drach. j.

Sacchar. Aq. still. Tanaci soluti
unc. iiij.

M. exactissimè F. Rotulae.

S. Ut in Fronte. Dosis Drach. ij. ad iij. al-
ternis diebus , manè , vacuo ventriculo ca-
pienda.

* Aliae contra Dolores a Partu
Vide l. c. p. 220.

R. Matris Perlar.

Corall. rubr. ppt. ana drach. ij.

Laudan. pur. gr. vi.

M. exactissimè , dein cum

Sacchar. Aq. Cinnam. solut. & inspissat.
unc. ijij.

Redige in Rotulas , paullo ante effusio-
nem addendo

Ol. Cinnam. stillat. gutt. iv.

S. Rotulae Anodynæ . Capiat Drach. ij. omni
semibora , superbibendo Vini Rhenan. Unc. 8.
donec dolor mitescit : dein detur tantundem
mane saltem & vesperi.

Ro:

DE ROTULIS.

117

*

Rotulae Roborantes Ventriculum debilem,
frigidum.

R^c. *Ol. stillat. Menth.*

Alfsynth. ana gutt. x.

Effent. Myrrb. Boerb. drach. ij.

*Sacch. albiss. Aq. Menth. solut. & in-
spiss. unc. v.*

F. l. a. Rotulae.

S. Rotulae Stomachicae. *Cupiat Drach. ij. vel iij.
ter, quater de die, horis Medicis.*

*

Aliae adversus Sitim.

R^c. *Sacch. albissimi, subtiliss. pulveris.
unc. iiij.*

Leni igne calefactis immisce

Succi Pomi Citrei rec. drach. v.

*Flaved. ejusdem tenuiter rosae.
scrup. j.*

F. l. a. Rotulae.

S. Ut in Fronte. *Unam alteramve ore detineat
affiduè.*

Nota. *Saccharata reliqua, olim inter Medico-
usitata, Pastam regiam, Massam panis, Pineo-
latum, Mustaceum, Buccellatum, &c. quid
opus commemoratione? Cum e Pharmacopoliis hodie
relegata ad Pistores Dulciarios transierint.*

H 3

D 4

De

Infusis Internis.

211. **I**NFUSUM est Medicamentum internum, fluidum, ex Menstruo liquore, Materiae idoneae parte aliqua, ope Macerationis, citra Ebullitionem, imbuto constans. Menstrui & Praeparationis diversitas varia huic nomina peperit infra memoranda.

212. MATERIES triplex est: *Menstruum seu Solvens: Solvendum: denique Accessorium.*

a. *Menstruum* est vel (1.) *Aquosum*: ut Aqua Simplex, Stillatitia, Lac, hujus Serum, Decoctum aliquod Aquosum, Phlegma Vitrioli, &c. Vel (2.) *Vinosum*: ut Vina Uvarum, Mosellianum, Rhenanum, Gallicum, Hispanicum, &c. Ribium, Berberum, Cerasorum, &c. Hydromel, Cerevisia, Mustum. Vel (3.) *Spiritusum*: ut Spiritus Vini vulgaris, aut arte purior, Frumenti, Juniperi, aliisque ardentes fermentati.

β. *Materiem solvendam* praebet, quidquid, interno usui aptum, virtute gaudet Medicata, per Macerationem frigidam calidamve, sine Ebullitione, in *Menstruorum* (α.) aliquod transente: cuiusmodi plurima offert Regnum Vegetabile, pauciora Fossile, Animale paucissima.

v. Ac-

DE INFUSIS INTERNIS. 119

7. *Accessoria* sunt (1.), quorum adminicula Solutio promovetur, vel Menstruum (2.) acuendo, vel Solvendum (3.) aperiendo, vel huic illud adcommodando: cujusmodi habentur maximè Salium varia genera, Acida, Alcalina, Neutra; quin &, licet rarius, Spiritus ardentes, fermentati, simplices, aut vegetantium aromaticorum virtute impregnati. (2.) Sunt &, quae Infusione jam peracta, admiscentur in augmentum virtutis Medicatae, vel correctionem noxiae injucundaeve qualitatis. Huc pertinent Syrupi, Elaeosacchara, Mel, Confectiones molles, Tincturae, Essentiae, Spiritus, Vinum, &c.

213. *DELECTUS* tamen heic, si uspiam, omne fert punctum. Neque hunc quis aptè fecerit, quem natura rei extrahendae (212. p.), vis solvens Menstruorum (ibid. 2.), & Accessorii (7.) respectu horum & illius efficacia, latent. Quum igitur cognita haec supponamus (7. p. 7. 8. 104.); paucis, quae hue spectant, complectimur.

2. *Aqua* solvit Sales, Gummi, Mucilaginem, Sapones, Spiritus Rectores vinculo non tenacissimo illigatos. Id praestat eò ferè felicius, quo purior est, minusque permista, aut saturata prius heterogeneis. Non solvit Olea meraca, Pinguia, Balsama, Resinas, Sulphura; nisi juvetur Sale Alcalino, Saccharo, accessu Spiritus fermentati. Nec sola Lapidès, Terras, Metalla,

120 DE INFUSIS INTERNIS.

talla , Semimetalla , solvit. Aptatur tamen & his Sale Acido, quandoque & Neutro vel Alcalino.

β. *Alcohol Vini* solvit Spiritus Rectores Aromaticos , Olea similia , Balsama , Resinas , Sapones teneriores , Sales Alcalinos volatiles , fixos siccissimos. Sales reliquos , Lapidés , Terras , haud solvit : neque & Metalla , Semimetta , Sulphur , Gummi : haec tamen Alcali fixi interventu adgreditur.

γ. Quum igitur *Spiritus ardens* (212. *a.* 3.) constet Alcoholē , Aqua , Acido , varia proportione , pro majore vel minore puritate , inter se unitis ; patet ex (*α.* , *β.*) , quid de Menstrua ejus virtute statuendum.

δ. His ipsis principiis (*γ.*) si addideris subtile Oleum , similis ferè , ac *Alcohol* , Menstruae virtutis , habes & ea , e quibus *Vina* (212. *a.* 2.) coaluerunt ; ita tamen , ut Spiritu alia gaudeant copiose , alia parciore , Acido alia liberiore , alia per Oleum magis obvoluto . Unde & horum vis solvens intelligitur.

ε. Constat hinc etiam , quaenam *Materies* (212. *β.*) ex Regno triplici huc quadret ; modo notetur , non Ebullitione , sed frigida saltē candidave Maceratione (211.) solutionem heic promoveri.

ζ. Ex Vegetantibus ergo ea potissimum conveniunt ,

veniunt, quae vel per se, calore leni, aut cum aqua ebulliente tractata, Aquas & Olea praebent stillatitia, Medicata (a.): tum Succi densi, saponacei, gummosi, Resinosi, aut ex his compositi: dein &, quorum virtus, ad ignem fixior, in parte haeret Menstruis heic usitatis solubili (a. b. v. d.), nec tam profundè reliquis immersa, quin citra Ebullitionem queat erui: cuiusmodi dantur plurima in Classibus Emeticorum, Purgantium, Demulcentium, Emollientium, Adstringentium, Vulnerariorum, Refrigerantium, Aperientium, Saponaceorum, Stimulantium, &c.

2. Regnum Animale vix multa, praeter Insecta aliquot, tum Castoreum, Moschum, Zibethum, Calculos quosdam & Stercora, suppeditat. Fosse preprimit Succina, Sulphura, Cuprum, Ferrum, Antimonium, & ex his preparata.

3. Cum vero Materies, hactenus (z. n.) exposta, haud promiscue Menstruis quibusvis (a ad d.) accommodata sit; curandum, ut illi, ex arte prius selectae, quoad Principia extrahenda cognitae, maximè idoneum jungatur Solvens. Si minus conveniat unum, combinanda duo. Si nec hoc aptum est, aut Indicationi repugnat; Accessoriis (212. v. 1.) utendum. Horum vero & virtus & selectio liquet ex (loc. cit. & 213. a. ad d.).

4. Cae-

(a) Vide H. Boerhaave Elem. Chem. Vol. II. Proc. I. XV. XXIII.

122 DE INFUSIS INTERNIS.

1. Caeterum, quo usque fieri potest, Odore & Sapore injucundiora vitentur; maximè cum pro Infantibus, Delicatulis, aut potu familiaris, praescribitur.

2. Accessoriis alterius classis (212. v. 2.) saepe non opus. Si tamen requiruntur, sint in eodem Menstruo integrè solubilia, sine praeципitatione prius solutorum. (Confer. 102. i. x. λ. μ.). Corrigentibus si uteris, cave, ne abutaris. (Vide 84. 85. 96 ad 103.).

3. Numerus Ingredientium heic paullò major conceditur. Ne tamen quid nimis (29.).

214. ORDO Infundendis primum defert locum: atque haec inter Vegetantibus Animan-
tia, his Fossilia, postponit. Qui minutias cu-
rant, iterum Vegetantium partes ita digerunt;
ut primae sint Radices, tum Herbae, Folia,
Summitates, Flores, Semina, Baccae, Ligna,
Cortices, Aromata, Fructus, Succi, denique,
si quae accedunt, Purgantia cum suis Corri-
gentibus. Infundendis subjunguntur Accessoria
primae classis (212. v. 1.). Sequitur Menstruum.
Claudunt agmen Accessoria classis posterioris
(212. v. 2.).

215. Dosis pro Materiae Infusae & Menstrui efficacia, Medici scopo, Aegri aetate, facilitate, &c. (66.) variis major minorve est. Aquosa ferè ab Unc. j. ad iij. v. vi. Vinosa ab Unc. β. ad j. ii. iv. Spirituosa a Drach. ij. ad Unc. β. j. ii.

ex-

exhibentur. Quandoque & heic usu veniunt regulae (67. §. 1.). Saepe tamen nec Pondere determinatio fit, sed Mensurâ: v. g. ad Cochlearum j. ij. &c. Cyathum, Vasculum Theae aut Coffé hauriendis dicatum, &c. aut quantum libet pro potu ordinario. Tandem, si Materies ipsi aegro vel adstantibus committitur partitis vicibus, instar Infusi Herbae Theae, cum Aqua fervente infundenda, hujus Drach. ij. iiiij. Unc. ss. aut quantum Pugillo, Digitabulo, Cochleari, Vasculo Theae potui serviente capi potest, simul adhibendum jubetur.

216. QUANTITAS GENERALIS, vix constantes agnoscens limites, unicam saltem Dosis (215.) quandoque complectitur: quod in Emeticis, Purgantibus, &c. cum Aqua vel Vino infusis, obtinet. Frequentius, cum alterandum aut per epicrasin purgandum, Lib. j. iiiij. iv, & plures simul praescribuntur: prout Indicatio, aliaeve conditiones, exigunt. (Conf. 67. 68. 92. §.). Pretiam nonnulla exhibere jubet pareius (66. §.): quare Infusum Lapid. Hystricis ad Unc. iv. viiij. saltem datur. Aliquando Cerevisiae aut Vina Medicata, pro familiari potu, aut longos in usus, ad $\frac{1}{4}$ vel $\frac{1}{2}$ partem Tonnae praestituntur. Ex his, & mox de Proportione dicendis, haud difficulter colligitur, quantum Materiae infundendae simul exhibendum, si hujus infusio aegro vel adstantibus committitur perficienda.

217. PROPORTIO Ingredientium mutua, genera-

124 DE INFUSIS INTERNIS.

neralibus itidem regulis haud figenda, pro Materiae infundendae, Menstrui, Usus, ipsiusque Aegri, variis conditionibus plurimum variat. Notetur ergo

a. Materiem (212. β.) utplurimum duplo, triplo, imò & quadruplo majore quantitate pro Dosi exhiberi in Infuso, quam in Substantia, ut vocant: prout nimirum virtus ejus per minus majusve volumen est diffusa, aut tota, vel saltem ex parte, adhibito Menstruo elici valet.

β. Herbas, Folia, Comas, Flores, heic saepe ad Manipulos vel Pugillos, Fructus ad Numerum (58. n. 2.) praescribi: Emetica tamen & Purgantia Pondere determinanda esse. Afari saltem Folia exceperis, quae Numero frequenter praestituuntur.

γ. Caeterum Materiae (212. β.) eam capi quantitatem, quae effectui & Dosibus (215. 216.) desideratis sufficiat: neque strictiores regulas heic in genere posse statui. (Confer. 87. 88. 217. α.).

δ. Menstrui (212. α.) etiam, ratione Materiae infundendae, laxissimam esse Proportionem: saepissime quidem sextuplam, octuplam, duodecuplam: alias tamen & quadruplam saltem: aliquando longe maiorem, vigecuplam, tricecuplam, fere ad centuplam usque.

ε. Scilicet ut specifice gravior est, leviorve
Ma-

Materies; virtus ejus magis minusve coacta, solutu facilior aut difficilior; Menstruum ipsum potentius aut debilius; & scopus requirit liquorem vi medicata magis minusve saturum; ita Menstrui minor majorve capienda quantitas.

ζ. Porro, quae Infantibus, Delicatis, aut pro potu familiari, exhibentur, vel injucundiore constant Materie, majorem fere Menstrui proportionem exigunt. Hinc ad Clareta, Musta, Cerevisias Medicatas, praeprimis ope Fermentationis parandas, Menstruum tricesies, imò centies quandoque, Materie Infundenda magus est.

η. Accessoria primae classis (212. γ. 1.), prout vel ex se debiliora sunt aut potentiora, vel Materies magis minusve refractaria, vel Menstruum fortius aut imbecillius, magis minusve accommodatum; ita maiore minoreve quantitate adduntur: ut hinc eorum Drach. j. vel ij. quandoque ad singulas Menstrui Libras recipientur, alias tamen longe minus. Spirituosa interim (ibid.) non definita saepissimè copiam adscribuntur, si irrorationi saltē, ut plerunque, Materiae subserviunt.

θ. Accessoria alterius classis (212. γ. 2.) adduntur ea proportione, qua scopo intento sufficiunt. Neque heic limes ullus generalis obtinet. Sacchari tamen, & similiū, pars j. fere ad part. VIII. vel x. Liquoris communiter recipi-

pitur: in Claretis vero pars dimidia, tertia, vel quarta, ratione Menstrui. Alias & ipsius aegri arbitrio relinquitur dulcatio. (Conf. 85. 90.).

218. SUBSCRIPTIO alia est, si, quidquid huc pertinet, Pharmacopoeo committitur; alia, si Materies infundenda tantum ab eo petitur, aegro vel adstantibus Infusionem ipsam curaturis.

219. Si prius (218): injungitur

a. *Materiae ad Infusionem Praeparatio.* Haec postulat (1.) Comminutionem ejus in crassum pulverem, quae scissione vel fusione fit, & omissitetur circa pulverulenta, Limatur. Mart. v. g. Cineres Vegetantium, &c. (2.) Colligationem in Nodulum, Petiam, vel Sacculum, ex Sindone paratum; quae usu venit, ubi saturatior haud reposcitur extractio, aut colatione supersedere animus est, aut Materies valde ponderosa in Menstruo suspendi debet, ne in fundo se compingens difficiliter solvatur. Unde vel omnia Ingredientia simul, vel horum saltem aliqua sifillatim sic coercentur. (3.) Irrorationem, si liquido utimur Accessorio (212. v. 1.), v. g. Spirits Vitrioli, Sulphuris, Vini, Rosarum, &c. Quin & Aqua fervens heic nonnunquam ex usu est, cum aridiora caloris humidi ope emollienda sunt, ut Menstruo frigido facilius pateant. (4.) Vas aptum, cui Materies immittatur. Id tamen rarius adscribitur; nisi dum metuenda virtutis dissipatio. Phialae Chemicae usum heic com-

commendat, aut Fermentatio cum Cerevisia aut Musto instituenda. Dolium exigit.

β. Infusio, quae Menstruo perficitur calido vel frigido. Aquosa sola (212. a. 1.) infunduntur calida vel fervida: caetera (ibid. 2. 3.) frigida.

γ. Maceratio, quae itidem frigida vel calida est. Priore utimur, cum vel levior saltem poscitur extractio; vel Materies minus refractaria, Menstruumque adeo potens est, ut calore nullo opus; vel alterutrius incongrua per calorem alteratio praevideatur. Calida, quae usu venit, ubi modo dictis obtinent contraria, vel sustinet Infusionis calorem (*β.*), vel hanc frigidam calore deinceps admoto foveat. Is vero vel ita dicta Insolatione, vel Digestione in loco aut Furnulo apto, Balneo maris, cinerum, arenae, &c. vario quidem gradu, semper tamen citra Menstrui Ebullitionem (211.) excitatur; prout magis minusve favet anni tempus, solutio facilis vel difficilis est, aut citius tardiusve peracta requiritur. Quandoque & interposita subinde concussione promovetur extractio. Tempus Macerationis vel determinatur ex effectu, dum color, sapor, odor, docent vim expeditam in Menstruum transiisse; vel saepissime ad horas, dies, noctes, &c.: prout vel ex indole Menstrui & Materiae solvendae magis minusve prompta cognoscitur extractio, vel haec saltem superficiaria aut intimior exigitur. Vas sub Maceratio-

ne

ne claudendum ferè semper jubetur ; nisi vel ejus construētio id minus postulat , vel Macerationis modus prohibet . Illud Phiala , hoc Fermentatio docet .

δ. Depuratio. Haec vel (1.) non necessaria est , cum Materies Nodulo inclusa (α, 2.) maceratur : tumque peracta extractione debita vel relinquitur Nodus sub usū etiam in liquore suspensus , vel exemptus fortiter exprimitur , ut liquor magis saturetur . Vel (2.) Speciebus laxis , non valde levibus , quiete & mora perficitur ; ut de Materie non soluta , sensim in fundum collecta , purius liquidum queat defundi , ultima hujus parte turbida vel relicta , vel Collo Filtove repurgata : qui modus Vinis , Cerevisiis Medicatis , Infusis Spirituosis , maximè convenit . Vel (3.) Trajectu omnis liquidi per Colum aut Manicam Hippocratis : ubi rursus sub finem expressio fortis Materiae injungitur , si saturatior , nec limpidissimus desideratur liquor . Infusa Aquosa , Vina Hippocratica , vel Claretia , sic purgantur . Quin posteriorum claritas addito quoque ante Colationem Lacte , feces inviscante , augetur . Vel (4.) Filtratione per Chartam bibulam , quae dum & nitidissima est , & tardissima , adhibetur , ubi summa claritas , & exactissima Materiae non solutae separatio exigitur , nec interim magna datur quantitas filtrandi . Infusis Spirituosis , tum Vinis Emeticis , Antimoniatis , hinc convenit . Cavendum de-

denique in (3 & 4.), ne Volatilia etiamnem calida sic tractentur, jacturam quippe virtutis factura.

1. *Admissio Accessoriorum* (212. v. 2.): ubi, praeter (213. n.), notandum, in Vinis Hippocraticis & Claretis Saccharum & similia ante Depurationem (§. 4.) addi; ut simul trajecta minus turbent liquidum.

2. *Receptaculum* praebet Vas vitreum, oris angusti: cuius & obthuratio exacta commendatur, si Liquoris corruptio, aut Volatilium dissipatio, a liberiore aëris accessu metuitur.

220. Si vero Materiem tantum praebet Pharmacopoeus (218.), omnibus (219. a. 4 ad 220.) omisis, Comininutio saltem, Miscela, & Colligatio in Nodulum (219. a. 1. 2.), si opus est, injunguntur, subscribendo v. g. *Conscissa, tusa, groso modo, M.* Si Species laxae exhibendae, additur: *F. Collectio*, vel *D. ad Chartam*; quippe quae tum loco *Receptaculi* est. Si autem in Nodulem colligandae, adponit: *Includantur Nodulo vel Sindoni. Irroratio* (219. a. 3.) tamen alias Pharmacopoeo, alias Aegro, committitur: si posterius; liquorem eo adhibendum, nisi vulgaris est, una cum Materie saltem exhibet Pharmacopoeus.

221. *SIGNATURA* itidem discrepat pro diversitate (218 ad 221.). Unde

a. Si obtinet (219.); Nomen Formulae variata
I riam

rium est, prout Menstruum (212. α .), Materies soluta (ibid. β .), Accessoria (ibid γ .), Quantitas Generalis (216.), Depuratio (219. δ .), sunt diversa. Infusum ad Dosin unicam praescriptum (216.), quoconque caeterum Menstruo, Materie, Modo, paratum, vocatur *Haustrus*: ad plures, simpliciter *Infusum* audit, si Aqua loco Menstrui est. Si vero Lac, Serum Lactis, Vinum, Cerevisia, Hydromel, &c. pro Menstruis adhibita sunt, ab his nomen accipit Formula. Si Menstruum fuerit Spirituorum, *Tinctura* cluet. Si tandem Materiem dant Aromata; Menstruum Aquae stillatitiae, Aromaticae, Vinum, Spiritus Vini; Saccharique multum (217. η .) accedit & Depuratio limpidissima (219. δ . 3.) ; Claret vel Nectaris dari solet nomen; aut sigillatum *Vini Hippocratici*, si Basin Aromatum constituit Cinnamomum, & pro Menstruo Vinum est. Ubique Nomini addi potest Virtus, ac deinceps reliqua, quae ad usum pertinent, subjungi, facile intelligenda ex (60. 215.). Monendum insuper quandoque, praesertim tempore aestivo, & Quantitate Generali majore (216.), Vas continens liquorem loco frigido esse reponendum; ne Fermentatio, Acor, Situs, noceant.

β . Si (220) locum habet, & Materies Sindoni inclusa datur (219. α 2.); *Noctulus* audit: sin exhibetur soluta; *Species*, *Collectio*, aut & *Thea Medicata*, ubi, instar Theae vulgaris,

gatis, paullatim infundi debet (215.), adpellari solet. Virtutem heic quoque addere licet. Dein adscribitur, quo Menstruo, modo, proportione, ordine, tempore, &c. Infusio, Maceratio, Depuratio, instituenda sit, prorsus uti in casu (219.) postulat Subscriptio, terminis tamen atque encheiresibus captui & opportunitati aegri vel adstantium adcommo-datis (60. & 7.). Reliqua, quae usum & con-servationem spectant, similia heic sunt, ac (4.).

222. Usus Infusorum maximè universalis est, omni ferè morbo, aetati, scopo, conve-niens; modo & Materies, & Menstruum, in-ter se atque Indicationi congrua feligantur (213.). Infantibus quidem aliquando mole-stior haec Formula, dum eminentioris saporis odorisve materie constat, alias tamen & com-modè sub potus familiaris specie instituat, ad quae sub aliis formis ingerenda vix adduci pos-sunt. Caeterum ut profundissimè penetrabilis est, ita saltem ob minus promptam praepara-tionem excluditur, ubi mora periculum parit.

223. SPECIMINA funto.

*

Vinum Emeticum, Antimoniatum, validè
movens.

Vid. H. Boerh. Mat. Med. p. 131. 209.

R. Croci Metallor. gr. viij.

Vini Rhenan. unc. ij.

I 2

Stent

132 DE INFUSIS INTERNIS.

Stent in frigida Infusione per noctem;
mane per Chartam filtratis adde
Oxymell. Scillit. drach. vi.

M. F. Haustus.

S. *Haustus Emeticus*, *Adulto pro Dosi, mane,*
exhibendum.

*

Aliud, mitius, pro Infante Rachitico.

Vid. Ibid. p. 256.

R. *Radic. Tpecacaanhae* scrup. j.

Vini albi Galici unc. j.

Sacchari drach. ij.

Infusa totam noctem, depurata, exhibe
mane.

S. *Haustus Emeticus pro Dosi, mane,* ca-
piendas.

*

Collectio Purgans, Roborans, Anti-Ra-
chitica. Ibid.

R. *Rhei selecti* unc. 5.

Myrobalan. Citrina. sine nucleis.

drach. iij.

Agaric. Trochiscati scrup. ij.

Conscissa, iusa, grosso modo, M. D.
ad Chartam.

S. *Species pro Cerevisia Medicata, quae infun-*
dantur frigidae cum Cerevis. fortioris Lib.
iv. per xxiv. horas. Utatur hoc potu pro fa-
miliari quotidiano, spatio lv. septimana-
rum, &c.

Nc-

DE INFUSIS INTERNIS. 133

*
Nodus Diureticus, in Hydrope conve-
niens.

R. Ciner. Stipit. Fabar.

Genistae ana Lib. 8.

Inclusa Nodulo exhibeantur.

S. Nodus Diureticus, cui infundantur Vini
Rhenani Lib. iv. frigidae, stent per noctem:
tum, relicto intra Vinum Nodus, illius
Unc. iiij. ter de die bibantur.

*

Serum Lactis Anti-Scorbuticum.

Vid. H. Boerh. Mat. Med. p. 195.

R. Acetosellae. m. iß.

Betonicae.

Chaerophylli ana m. f.

Tamarindor. unc. iß.

Conscissa infunde cum

Seri Lactis aestivi Lib. iiij.

Spatio horae, in calore ferè fervido,
absque ebullitione tamen, dein per lin-
teum expressis admisce

Syrup. e Succo Citri

Rubi Idaei

Violacei ana unc. j.

S. Ut in Fronte. Bibat bujus Unciam usq.
omni semikorio ipsediu.

I 3

Thea

*

Thea Medicata, Anti-Phthisica.

Vide l. c. p. 199. & seq.

R. Rad. Caryophyllat. mont. unc. iiij.

Liquiritiae unc. iij.

Herb. Veronic.

Hederac terrestr. ana m. j.

Flor. Hyperic.

Centaur. min. ana pug. iiiij.

Semin. Foenicul. dulc. drach. iiij.

Conscissa, tusa, mista, D. ad Chartam.

S. Thea Balsamica. Hujus Unc. B. infundatur cum Aquae ferventis v. vel vi. Vasculis Theae potni dicatis: stent vase clauso, calida, per aliquot minuta, tum bibat omni hora Vasculum simile plenum, in quo prius dissolutum sit Mellis virginis Cochl. parv.

*

Infusum Anti-Hydropicum, Fluorem Lymphae concilians pro Plebejo.

Vid. H. Boerh. l. c. p. 204.

R. Rad. Aristoloch. utriusque ana unc. iij.

Zingiber. drach. vii.

Summit. Absynth. vulg.

Centaur. min.

Baccar. Juniperi ana unc. j.

Sal. Absynthii unc. B.

Conscissa, tusa, mista, D. ad Chartam.

S. Species. Infundantur cum Spiritus Juniperi vulg. Lib. iv. insolentur per aliquot dies, vase clauso, tum bibat Unc. j. quater die, vacuo stomacho, cum regimine.

Cla-

DE INFUSIS INTERNIS. 135

*

Claretum Purgans & Roborans.

R. Rad. Calam. aromat. drach. vi.

Cort. Magellanic.

Rhubarb. opt.

Fol. Senn. s. stip. ana unc. 5.

Agaric. trochiscat. drach. iij.

Cinnamom. acut. drach. ij.

Cubebar. drach. j.

Conscissa infunde in *Vini Rhenani* opt.

Lib. iv, per triduum, vase clavio,
loco tepido, subinde concute: tum
adde *Sacchari alb.* Lib. 5, trajice aliquo-
ties per Manicam Hippocratis. D. usui.

S. Ut in Fronte, Dosis manè unus vel alter.
Cyathus.

*

Cerevisia Anti-Scorbutica.

Vid. H. Boerh. I. c. p. 191.

R. Fol. recent. Cochlear.

Erucae

Erysimi

Trifol. aquat. ana m. 3.

Semin. rec. contus. Nasturt. hort.

Raphan. hort.

ana unc. ij.

Flor. Centaur. min. unc. j.

Rad. Raphan. rustic. unc. v.

Conscissa reconde in Cerevisiae recentis &
fervescentis $\frac{1}{2}$ Dolio.

S. Sit pro Pota assiduo.

I 4

De

*De**Decoctis Internis.*

224. **D**ECOCTUM, *Apozema*, est Medicamentum internum, fluidum, simile Infuso (211.), sed Menstruo liquore, cum Materie solvenda, ad ignem Ebulliente param. Unde ejus ab Infuso (l. c.) discrepantia patet. Variis id quoque nominibus gaudet, quae, quoisque hodie in usu sunt, intra tradentur.

225. MATERIES heic in genere eadem, quae Infusi (212.), trifariam quoque dividitur: in *Menstruum* nempe, *Solvendum*, & *Accessorium*.

a. *Menstruum* itidem hic adhibetur triplex: *Aquosum*, *Vinosum*, *Spirituosum*; uti ad Infusa (212. a.).

b. *Materies Solvenda*, pariter ex triplici Naturae Regno deproposita, talis heic requiritur, quae aptam usui interno virtutem, vel plane non, vel difficilius tardiusve sola Maceratione (219. v.) eliciendam, ope Ebullitionis cum Menstruo (a.) communicare queat illibatam.

v. *Accessorum* idem heic usus, eadem generalis obtinet divisio, ac in Infusis (212. v.). Quin & Priorum (ibid. 1.) eadem natura eit.
At

At Posteriora (ibid. 2.) ex parte discrepant: uti
Delectus indicabit.

226. DELECTUS ex arte faciendus, praeter
dictorum (213.) scientiam, exigit quoque no-
tam Ignis heic adiplicandi (224.) actionem in
Menstruum & Solvendum (225. a. b.). Sed &
hac instruunt Tyronem, quae cognita heic
supponimus (7. b. v. 8. 104.). Breviter hinc
moneo.

a. Aquosi, prae aliis Menstruis, frequen-
tiorem in Decoctis esse usum; cum Ebullien-
do minus, quam reliqua, energetur. Quare
nec Aguis stillatitiis adeo heic locus est. Si
etiam adhibueris efficaces, Coctione virtus dissi-
patur; si inertes, quid inde boni prae Aqua
simplice? Mulsæ Veteribus præprimis placuit:
nec semper ineptè. Hodie tamen potius Mel
Decocto addimus jam parato. Aqua quòd pa-
rior est, eo ferè felicius solvit (213. a.).

b. Vinum, aptius Infusis, utcunque vase
clauso, aut vaporum exitni obstante, coxeris,
in pejus semper abit. Peracta igitur Ebulli-
tione, si eo opus est, addi malum. Mustum
excepferis, quod, Mulsæ simile, Aquosis potius
adnumeraadum, nisi fermentando Vinum fiat.

c. Spirituosa (212. a. 3.) tamen, in Phialis
Chemicis, sine notabili jactura aut alteratione,
Ebullitionem ferant; ut ideo Vinis huc magis
sint idonea.

138 DE DECOCTIS INTERNIS.

d. Menstrua vis singulorum (225. a.) eadem est, quae descripta (213. a. ad d.), intensior saltem ob accedentem Ebullitionis motum: qui ipse tamen, ut juvat, ita simul & dissipat principia volatilia, & teneriora saepe mutat, & quandoque justo plura elicit.

e. Calor interim Ebullitionis haud idem est in omnibus. Spiritus leniore, quam Vinum, Aqua utrisque majore demum ebullit: cui differentiae effectus (d.) itidem respondent.

f. Quia fortitudo etiam & duratio Coctionis minor majorve multam heic adfert diversitatem; ut sint, quibus longior validiorve nocet, sint, quibus prodest, & contra.

g. Patet hinc Materiem (225. b.) aptè decoqui, si (1.) virtus ejus expedita per Menstruum determinatum (225. a. 226. a. ad d.) solubilis est; neque interim (2.) aequè commode per Macerationem, ac per Ebullitionem (d. s. 2.); nec (3.) hujus vi dissipatur; nec (4.) mutatur; nec (5.) alia virtute, minus scopo apta, simul elicita, pervertitur.

h. Idonei ergo Menstrui selectio, aut ex se minus sufficientis per Accessorium aptatio, ut in Infusis (213. 9.), ita & heic maximè requiritur, iisdemque legibus (l. c.) definitur: neque enim Ebullitio accedens vim illorum mutat, sed saltem auget.

i. An-

DE DECOCTIS INTERNIS. 139

1. Antecedens dein justa Praeparatio materiae, alias Decoctioni inhabilem, huic adcommendare valet. Quo pertinet Comminatio & Maceratio prævia, durioribus, aridis, difficulter solvendis, utilissima.

2. Vas etiam Cocturae adhibendum si rite delegeris, ea quoque decoques fructuosè, quae alias operi huic inepta forent. (Vid. 2. & 219. 4. tum de *Subscriptione* post dicta.).

3. Minus ideo re&è decoquuntur cum Aquæ meracis Terrea macilenta, Lapidea, Resinosa, Sulphurea, Pinguia: vix enim quidpiam dant boni, nisi Accessoriis utaris (213. 4.).

4. De Metallis & Semimetallis non Salinis idem (3.) verum: quamvis tamen ignitione praemissa, aut longa fortique Coctura, mutare quodammodo Aquam videantur.

5. Ex plerisque Animantium partibus duris vix, nisi Coctione diu protracta, quidpiam eliciueris. Cum paucis tamen aliis, Lapidem Hystricis, eo si retuleris, excipe; quippe qui frigida etiam Maceratione solvitur.

6. Quae macerando vim suam in Menstruum transfundere valent, Coctione neutiquam torquenda; quum calor major talia ferè semper plus minusve mutet (n. 2.). Lenior interim

140 DE DECOCTIS INTERNIS.

terim breviorque Ebullitio, dum solutionem accelerat, ferri quandoque heic potest. Molles, tencrae, recentes, Vegetantium partes hujus sunt census.

•. Quae virtutem Coctura avolantem habent, potius infundenda sunt: si Coctio requiritur, mitior haec, brevior, & in vase idoneo, instauranda (§. x.). Huc pertinent Aromatica, Alcalescentia, Aquarum & Oleorum destillationi apta (a).

- π. Quorum virtus Ebullitione in aliam, minus scopo respondentem, mutatur, vel non, vel leniter saltem, nec diu, decoquenda. Asarum coctum magis Diureticum, quam Emeticum est. Liquiritia diu cocta amarescit. Sennae Folia longiore Coctione purgans exhibent terminosum, &c.

ε. Quod si virtus tantum ex parte in Menstruum transferri debet, nec interim difficulter solvitur, Maceratio potius, aut lenis saltem Ebullitio ex usu est. Rheum, Myrobalani, &c. diutius cocta vi purganti adstringentem jungunt. Mucilaginosa, Rad. Symphyti, Altheae, Malvae, Semina, Fructus, Succi, similia, Coctione longa lentorem inferunt liqtori injundum, &c.

ς. Mul-

(a) Vid. H. Boesh. Elem. Chem. lōcō supra alleg.

DE DECOCTIS INTERNIS. LXI

¶. Multum interest, recens an faerit Materies decoquenda, an vetusta, viridis an secca; quum illius plerumque longè sit facilior solutio per Menstrua etiam minus accommodata, hujus quandoque difficillima (a).

¶. Ubi varia Materies simul decoquuntur, vendendum, quoisque altera alterius juvet impenetrative solutionem; tum an omnibus aequa Ebullitionis vis & duratio conveniat, nec ne. Sunt, quae sola iners praebent Decoctum, juncta vero aliis efficax, & contra. Tempora autem Coctionis, prout aliis atque aliis varia competit, paullò post terminabimus.

¶. Quoad Odorem denique & Saporem eadem heic obtinet regula, quae in Infussis (213. i.). Spissitudo insuper lentescens evitanda (e.).

¶. Accessoria classis posterioris (225. y.) heic usitata sunt (1.) similia recensis (212. y. 2. 213. x.). Sed & (2.) quandoque, ubi Volatiliū sub Alembico instituta Ebullitio excusit partem virtutis desideratae, vapores collecti in Decoctum frigescens refunduntur. Quin (3.) nonnunquam Materies etiam alia, tenerior, vi praedita volatili, Infusioni aptior quam Coctioni (213. s ad y.), virtutis augmentum vel gratiam adlatura, peracta Ebullitione, Liquori infusa-

(a) H. Boerh. Ibid. Vol. II. p. 22. n. 5. 6.

42 DE DECOCTIS INTERNIS.

funditur ad normam Infusorum (211 ad 223.) ; ut Formula tum , ex Decocto & Infuso composita , *Decocto-Infusum* audiat.

χ . Ex dictis (φ. 3.) intelligitur Decoctorum *Aromatisatio*, veteribus usitata ; cui hodie compendiosior Aquarum Aromaticarum , Spirituum , Tincturarum , Elaeosaccharorum , &c. miscela substituitur (212. γ. 2.).

ψ . Numerus Ingredientium idem , qui in Infusis (213. λ.), obtinet.

227. ORDO in genere similis heic observatur , ac in Infuso (214.), si Materies decoquenda omnis uno Ebullitionis tenore tractari , aut saltem , specie Collectionis (220.), a Pharmacopoeo exhiberi debet. At , si Cocturam alia longiorem , breviorem alia , postulant , reatis co Ordine sibi mutuo subjunguntur , ut primo sint loco , quae longissimam , postremo , quae brevissimam exigunt ; nisi Pharmacopoei dexteritate freto esse liceat. Nota igitur

α . Fossilia pleraque (226. λ. μ.) ; Animantium annosorum Ossa , Cornua , Carnes tenaces ; Ligna compacta , Radices & Cortices similes , arida , Atomatis expertia , valde resino-
sa , &c. protractam ad 3. 4. 6. & plures horas Cocturam ferre & requirere. Unde & praein-
fa

DE DECOCTIS INTERNIS. 143

sa saepe opus est horum Maceratione; ut virtuti exitus paretur (226. s.).

s. Animantium deinde juniorum Carnes partesque durae; Ligna, Cortices, Stipites, Radices, paullò minus compacta, neque tamen Aromaticæ, sed Adstringentia, Amara, Saponacea, &c; tum Frumenta & Legumina Nutrientia, Demulcentia, Diuretica, Incrassantia, &c. sequuntur, quibus horae 1, aut 2. Coctio sufficit.

y. His (s.) succedunt Vegetantium teneriora; Radices puta moliores, non Aromaticæ, Refrigerantes, Nutrientes, Adstringentes, Apertientes, Diureticæ, Saponaceæ; tum & Purgantes quaedam magis resinosa; Fructus dein pulposi, dulces, acidi, austeri. Haec ultra $\frac{3}{4}$ aut unius horae spatium vix coquenda.

d. Herbae porro & Folia paullo firmiora, Aromate & Sale volatili carentia, Einollientia, Adstringentia, Incrassantia, Refrigerantia, Apertientia; Semina similia, non tamen Mucilaginosa; Ligna, Radices, Cortices, densiora, Aromate paullò fixiore praedita, horae $\frac{1}{2}$ Cocturâ satis emunguntur.

s. Tandem partes Vegetantium tenerimæ, Flores; tum Herbae & Folia Subaromatica, Vulneraria, Amara, Uterina, &c. Semina, Baccae, Fructus, Cortices, Radices, similes, mol-

molliores ; quo & Purgantia quaedam retuleris , Sennae Folia , Rheum , Myrobalanos , &c. ; & Liquiritiam ; denique Radices & Semina Coctione mucilaginem fundentia : quae omnia vix ultra $\frac{1}{4}$ horae coqui debent. Imo horum pleraque , maximè recentia , mollicula , Decocto ab igne remoto, et fannum fervido, infundere tantum satius est (226. q. 3.).

2. Est tamen , cur Medicus quandoque ultra citraque terminos Coctionis datos (α ad 1.) eat ; dum vel superficiatiam tantum , vel hac neglecta intimorem , coquendo exauriri vim scopus reposcit.

3. Haec tamen (α ad 1.) dicta de Aquofisis potissimum Decoctionibus intelligi velim. Vinosae , minus laudabiles (226. p.) , & Spirituosa , quum Phialas requirant , aut vasa exacte clausa , vix ejusmodi regulas admittunt. Quin posteriores etiam , calore minore bullientes (226. s.) , haud tantam exigunt accuratatem.

228. Dosis, quae Infusi (215) , eadem est : inde ergo repetatur.

229. QUANTITAS GENERALIS itidem simili modo habet , ac (216.) : vix tamen ultra Lib. vij vel viij. extenditur unquam ; imò nec eosque , nisi dum praeparatio difficilior , Dosis ingens , & brevibus intervallis haurienda , id re-

DE DECOCTIS INTERNIS. 145

reponscunt, annique tempus ac Decocti durabilitas permittunt.

230. PROPORTIO mutua Ingredientium, praeter ea, quae (217.) tradita sunt, vix multa complectitur.

α. Quoad Materiem (225. β.) similia dictis (217. α ad γ.) obtinent.

β. Menstrui (225. α.) ad Materiem decoquendam Proportio itidem discrepat juxta conditiones (217. ε.), tum prout Coctio sine vel cum Evaporatione perficitur (226. γ. κ. θ.).

γ. Ubi ergo nulla per Evaporationem jaegura fit, aut Vapor collectus refunditur (226. φ. 2.); Menstrui Proportio eadem est, ac in Infusis (217. δ.), nisi, quod rarius ultra duodecimam aut paullo majorem augeatur.

δ. Si contra sub Coctione dissipatio fit; tanto requiritur Menstruum copiosius, quo illa major; ut Liquor superflues sit nec justo dilutior, nec saturatior.

ε. Tum igitur Medicus vel determinat Menstrui adfundendi quantitatem ex (γ.) & quantitate dispendii, certò aut per conjecturam definita, simul sumtis; prout Coctionis durationem aut ad aliquotae partis evaporationem, aut saltē ad tempus, limitat.

K

ξ. Vel,

¶. Vel, quod tutius & usitatis est, Menstrui q. s. praescribens, & Coctionis duracionem alterutro modo (¶.) definiens, denique saltem determinat, quantum residui superesse velit: ut Pharmacopoeo tunc relinquatur computandum, qua Menstrui quantitate opus sit, ut, dato Coctionis termino, praescriptum Decocti pondus remaneat. Facilis autem Medicina hinc nascitur determinatio; quia perinde est, ac si absque Evaporatione fieret Coctio (¶.).

¶. Accessoria primae classis (212. v. 1. 225. ¶.) haud alios limites agnoscunt, quam (217. ¶.); nisi quod, ob Ebullitionis adminiculum (226. d. s. ¶.), saepe minor eorum quantitas exigatur.

¶. Accessoria classis secundae (225. v. 226. ¶.), quoisque eadem sunt illis Infusorum, simili quoque Proportione gaudent (217. ¶.). Quae vero, peracta decoctione, Liquori infundantur (226. ¶. 3.), regulas sequuntur in Historia Infusi datas (217.). Notetur modo, tantò fere minus maceratione solvi posse, quo liquor ante per Coctionem magis saturatus est; neque in Decoctis, majore praesertim quantitate hauriendis, admodum placere spissitudinem.

231. SUBSCRIPTIO paucis discrepat ab illa Infusorum (218 ad 221.). Si enim, quod &
hunc

heic usitatum est, Materiem decoquendam tantum praebet Pharmacopoeus, praeter dicta (220.) singulare nihil obtinet. Si vero & ipsam Decoctionem is curat, mandantur

a. Ante Coctionem agendum. Haec autem (1.) quoad Communionem, Colligationem, & Irrorationem nihil differunt a dictis (219. *a. 1. 2. 3.*); nisi quod Humeatio cum aqua fervente heic vix usu veniat. (2.) Vasis etiam idonei mentio facienda, si minus familiare vel volatilitas vel acrimonia Materiae, vel modus Coctionis, postulat, Phialam v. g. Chemicam, Cucurbitam Alembico instructam, Lagenam flanneam, Ollam fistilem, Diploma, &c. Mos inter Pharmacopoeos receptus in Vasis aeneis, stanno etiam non obductis, Cocturas promiscue faciendi, vel tanto magis necessitatem hujus monelae inculcat. (3.) Maceratio nonnunquam praemittitur (226. & 227. *a.*) vel totius, vel partis cuiusdam Materiei difficilior solubilis. Injungitur haec juxta leges (219. *b. 2.*), & Formulam facit *Infuso-Decoctum.*

b. Decoctio ipsa. Quae limitat (1.) Ignis adhibendi Gradum Modumque; an leni, an fortis, Ebullitione (226. *d. g. m. t. &c.*) agendum? An Igne nudo, an in Diplomate? Hoc Cocturae longiori aptius & empyreuma arcit, & caloris inaequalitatem. (2.) Ordinem; ubi alia aliis diutius breviusve decoquenda sunt (Vid. 227.): quod ipsum quandoque & de Menstruo

148 DE DECOCTIS INTERNIS.

Secundario , aut Accessorio quodam (212. γ. 1.), Coctionem longam non ferente , valet . (3.) Vasis Occlusionem magis minusve exactam ; prout Evaporatio magis minusve nocet. Plerumque Vase clauso decoquendum. Calor inde aequabilior , minor inquinatio . (4.) Coctionis Terminum , qui , dum Evaporatio conceditur , saepe vel ex quantitate residui , vel ex aliquotae partis dissipatione , minus tamen certò , definitur. Satius est Tempora figere juxta (227. α ad ε.), aut ex Decoceti colore , sapore , &c. limitei ponere. Ebullitio fortior , Ienior , Vas magis minusve repandum , diversissimam faciunt intra idem tempus exhalantis quantitatem.

γ. Post Coctionem agenda. Quo pertinet (1.) Infusio novae Materiei (226. Φ. 3.), quae iisdem legibus perficitur , ac dictum (219. α. β. γ.). (2.) Depuratio similis etiam (219. δ.); nisi quod heic quandoque in Aquosis Colationi jungatur Clarificatio cum Albumine Ovi , limpidissimum quidem exhibens liquorem , at simul plerumque minus efficacem ; quum Albumen igne coiens virtutis Medicatae partem saepe retineat : unde vix , nisi pro delicatissimis , praecipienda . (3.) Accessoriorum Miscela , quae intelligitur ex (226. Φ. 1. 2.), (4.) Receptaculum simile , ac (219. ζ.).

δ. In haec tenus (α ad γ.) dictis mandandis memento regulae (59. η.).

232.

DE DECOCTIS INTERNIS. 149

232. Quae ad SIGNATURAM spectant, haud difficulter eruuntur ex (221.) : vel ipsa enim Nomina quoque ex parte eadem heic adhibentur : ut hinc Decoctum ad Dosis unicas praescriptum vocetur *Hauftus* vel *Potio* : ad plures, si Menstruum spirituosum est, *Tinctura* ; si Aquosum, *Decoctum* vel *Apozema* ; si Animantium partes Basin Materiae (75.) constituant, *Jus* vel *Juscum* ; si Materies semel decocta cum recente Aqua iterum coquitur, *Bochetum* vel *Decoctum Secundarium*. Reliquae denominationes hodie ferè exoluuerunt.

233. USUS idem est, qui Infusi (222.).

234. SPECIMINA funto.

*

Hauftus Emeticus, Ventriculo cibis nimium infarcto.

Vid. H. Boerh. Mat. Med. p. 117.

R. Rad. Tpecacuanh. pulv. scrup. iv.

Cum *Vini albi* unc. iij.

Coque in Phiala alta horas quatuor.

Colaturam exhibe pro una Dosi.

*

Nodus Purgans, minus calefaciens.

R. Fol. Senn. sine stipit. drach. iij.

Agaric. optim. drach. ij.

Nitri pari drach. j.

K 3

Con-

150 DE DECOCTIS INTERNIS.

Conscissa , tusa , includantur Sindoui.

S. Nodulus Purgans. Coquatur per $\frac{1}{4}$ horae
in Cerevisiae dulcis Pint. ℥, Vase clauso.
Exprimatur. Capiat Aeger Cyathum omnis
semihora, donec purgetur.

*

Jus Cancrorum Fluvialium.

Vid. H. Boerh. Mat. Med. p. 16.

R. Cancror. fluvialil. vivor. Lib. iij.

Coque spatio horae cum Aq. Lib. xij ,
tum exemtos contunde una cum testis, atque
coque in priore Jure proprio adhuc per horas
iv , addendo semper tantum Aquae , ut a Co-
etione Lib. viii. circiter supersint, tum Jus for-
titer exprime , atque ei infunde

Flor. Borragin. unc. ij.

Buglossi unc. j.

Rad. Tragopogoni unc. iv.

Sisari unc. ij.

Dein ebulliant simul spatio $\frac{1}{16}$ horae.

S. Ut in Fronte. Sumatur ad Unc. ij. omni
biborio.

*

Decocto-Infusum Adstringens, Incrassans ,
ad Haemoptysin.

Vid. Ibid. p. 196. 197.

R. Rad. Consolid. maj.

Cort.

DE DECOCTIS INTERNIS. 151

Cort. Tamarisc. ana unc. f.

Cum Aq. pur. q. s. per $\frac{1}{2}$ horae decoctis, adhuc fervidis, infunde

Herb. Agrimon.

Betonic.

Fior. Hyperic.

Papav. Rhoead. ana m. f.

Stent, vase clauso, in Infusione calida per horae spatium. Colatura Lib. ii. admisice

Syr Myrtin. unc. j.

S. Liquor Vulnerarius. Bibat Usq. ij. omni biborio diei.

*

Tinctura Anti-Hydropica, ad Exemplum

H. Boerh. Ibid. p. 204.

R. Rad. Helenit unc. j.

Aristolochiae utrinusque

Zedoariae ana drach. vij.

Zingiber. unc. f.

Summit. Absynth.

Centaur. min.

Semin. Dauci

Bacc. Juniper.

Lign. Sassafras rasi ana unc. j.

Cort. Winteranor. unc. f.

K 4

Con-

152 DE DECOCTIS INTERNIS.

Conscissa , tusa , cum Spirit. Juniper.
Pint. ij. in Phiala alta Chemica ebulliant per
6. horas. Tinctura frigida , pura , decantetur.
D. usui.

S. Ut in Fronte. Capiat Unc. ℥. quater de
die , vacuo stomacho , cum regimine.

*

Infuso-Decoctum Abstergens , Antisepti-
cum , in Spina ventosa.

Vid. H. Boerh. p. 112.

℞. Lign. Guajaci virid. ponderos. rasi.
unc. x.

Sal. Tartari drach. ℥.

Cum Aq. comm. Lib. vj. spatio xxiv.
horar. digestum in diplomate , decoque spatio
2. horarum , sub finem admiscendo

Spir. Vini rectific. unc. iv.

Ebulliant iterum parumper , tum exhibe.

S. Sumat Unc. iv , quater de die , vacuo sto-
macho : mane hora septima , dein hora un-
decima , iterum quarta pomeridiana , & ul-
timo hora septima vespertina.

*

Bochetum ex Residuo prioris.

Ibid.

℞. Residuum Decocti prioris

Aq. pur. Lib. iij.

Ebul-

DE DECOCTIS INTERNIS. 153

Ebulliant per iv horas. Colatura D.
usui.

S. Sit pro potu quotidiano.

Nota. *De Hydrosaccharo, Hydromelle Medicato, Ptisana Veterum & Recentiorum, Diæta, Sero Lætis Medicato, Decocto Galli, Consummatis, Destillato Instaurante, &c. addo nihil; cum facile ex hac tenus (211 ad 234.) traditis Infusorum & Decoctorum Historiis, quo usque etiamnum in usu sunt, intelligi queant, ex parte vero hodie eviluerint. Conf. P. Morelli Method. Praescrib. Form.*

De

Succis Expressis.

235. **S**UCCUS EXPRESSUS est Medicamen-
tum internum, liquidum, ex Succo
Aquoſo, tritura & pressione de partibus Vege-
tantium recentium in rem praesentem educto,
potissimum conſtans.

236. MATERIES in Genere duplex est: Pri-
maria & Secundaria.

a. Primaria est, quidquid tritu & pressu Suc-
cum fundit Aquosum, usui interno idoneum:
cujusmodi fere nonnisi Regnum Vegetable
suppeditat.

K 5

β Se.

154 DE SUCCIS EXPRESSIS.

β. Secundaria vel (1.) promovendae confert Succi Expressioni, aut hunc diluendo, aut solidam, quibus is coercetur, emolliendo. Aqua, Serum Lactis, Lac ipsum, & similia, id praestant ante Expressionem addita. Vel (2.) Succo jam expresso admiscenda hujus virtutem auget, aut noxiā injucundamve qualitatem corrigit. Salia Acida, Neutra, Alcalica, Vīnum, Aquae stillatiae, Saccharum, Mel, Elaeosacchara, Syrupi, &c. hic apta sunt.

237. DELECTUS, ob minorem Materiae (236.) amplitudinem, paucis absolvitur. Ergo

α. Succosae & recentes Vegetantium partes tantum Primario (236. *α.*) huc adhibentur: Folia, Flores, Fructus, Radices, Herbae totae, molliora, Succo liquido, Aquoso, plena.

β. Excluduntur Sicca & Compactiora omnia. Ligna hinc, Cortices, Stipites lignosi, &c. inepta.

γ. Neque & Seminum adeo heic usus est; quia Oleo magis, quam humore Aquoso, scatent.

δ. Minus etiam idonea sunt, quorum Succus, licet copiosus, nimium lentescit; quum difficulter eliciatur. Secundarii tamen Liquidi (236. *β.* 1.) admistio, & calor, opem heic ferre queunt.

ε. I-

DE SUCCIS EXPRESSIS. 155

8. Item, si scopus exigit paullò minus succosis, aut humore lentiore plenis (d.), uti, appositè junxeris, quae Succo liquidiore turgent, vicem quippe adminiculi (236. s. 1.) praestitura.

9. Qui de Animantibus vivis, horumve Stercoribus &c. premuntur Succi Medicati, magis ad vulgum pertinent: vix enim ex Medici consilio aut praescripto fiunt.

10. Patet hinc, non quorumvis esse temporum nec locorum haec Medicamina: ut ideo cavidum sit, ne intempestive, aut plura simul praestituantur Ingredientia, eodem quae tempore haud vigen, aut viridia desiderentur, quae nonnisi sicca ad nos pervenire possunt.

11. Secundaria (236. s.) utriusque classis omittuntur frequentissime. Priora tamen (ibid. 1.), cum nativus Materiae primariae humor aut parcior est aut lentior, pulchre conducunt. Seligenda igitur ejusmodi, quae vel eidem scopo serviant, vel Succo mixta noxiā haud subeunt efficiuntve mutationem. Posteriora easdem, tum (213. n.) memoratas, exigunt cautelas.

12. Numerus Ingredientium minor (213. a.) heic commendatur. Plura congerenti facile obrepit error (v.), aut incongrua ex variorum mixtione Qualitas (94 & seq.).

156 DE SUCCIS EXPRESSIS.

238. ORDO , vix heic limitatus, idem tamen adhiberi posset, qui in Infusis (214.) , quounque Materiae se extendit convenientia.

239. DOSIS , major minorve pro variis conditionibus (66.) , tum prout brevibus longisve intervallis repetendam jubet Indicatio. Quandoque Mensurā saltem determinatur ad Cochlear. j. ij. iij. , aut ad Cyathum j. ij. &c : saepius tamen Pondere , a Drach. ij. ad Unc. i. ij. iij. : raro ultrà , nisi cum dilutus admódum & gratus fuerit Succus. Flatuosa horum liquidorum Cruditatis , Color , Odor , Sapor , plerumque satis injucundi , suadent , si Dosis efficax major est , regula (67. 8.) potius uendunt.

240. QUANTITAS GENERALIS , prout varius requiritur juxta conditions (67.) Dosis (239.) Numerus , variè definitur. Nonnunquam , pro Emesi v. c. movenda , &c. Dosis unica in universum sufficit. Saepissimè tamen , si alterandum , vel per Epicrasin purgandum , in plures dies , imò septimanas , Curae instar , ut vocant , usus protrahitur. Tum igitur vel (a.) , quantum satis est in unum aut duos dies continuos , simul praestituitur ; ut singulis alternisve diebus recens paretur : quod quidem , si per Aegri conditions (67. 9.) licet , omnino faciendum jubet facilis ejusmodi Succorum per moram alteratio. Vel (8.) , si prius (a.) minus

minus commodum, quantitas in plures dies aut & integrum hebdomadam suffectura exhibetur simul: quod dum fit, Sulphuratione, Incoctione, Condimentorum admistione, Vasis obthuratione & collocatione in cellam frigidam, corruptio quaevis arcenda.

241. PROPORTIO Ingredientium mutua, quum plenam nec exigat, nec admittat, determinationem, ex sequentibus facile intelligitur.

a. Quantitate Succi Generali (240.) ad Pondus determinata, de Materie Primaria (236. a.) faltem q. s. capiendum jubetur.

b. Aut Succi Quantitate non determinata, Materiae (236. a.) quantitas limitatur Pondere vel Mensura (58. §. 7. 9. 1. 2.): utramque enim certò statuere vix licet.

c. Prius (a.) in genere usitatissimum est, quin & necessarium, si vel unica modo Dosis, vel plures, Mole & Numero definitae requiruntur (239. 240.). Posteriore (b.) dum ute-
ris, considerans Succi in Materie majorem minoremve copiam, tum Dosis expetitae molem & magis minusve frequentem usum, cave ne excessu pecces vel defectu, risum moturus Pharmacopoeo aut taedium expressionis eodem die aliquoties iterandae. Unde hic modus vix adhibetur, nisi dum Quantitas Generalis grandior, yaga tamen, reposcitur.

d. Quod-

158 DE SUCCIS EXPRESSIS.

3. Quodsi igitur Materies (236. a.) pluribus constat diversis , mutua singalorum proportio ita limitatur , ut major minorve cuiusvis efficacia & succositas , collata scopo , postulat. Quæ parciore vel magis viscido gaudent Succo (237. d. e.), caeteris paribus , minore quantitate , respectu succosiorum , capiuntur ; ut & copiosior & minus lentus acquiratur Liquor (l.c.).

4. Unde in casu priore (a.) , ubi omnium aequalis quantitas non exigitur ob conditiones (d.) , ex duplo , triplo , subduplo , &c. proportio saltem determinatur : v. c. Radicum pars j. Herbar. part. ij. Baccar. part. iij. aut aliter. In casu posteriore (a.) quid tum agendum , sponte patet.

5. Quandoque determinata saltem Quantitas Succi , ex una vel pluribus Speciebus expressi , & depurati , praestituitur , non commemoratis sigillatim ipsis Speciebus aut expressionis modo & ordine : quae methodus ut simplicissima , ita & communodissima est , si vulgari tantum modo procedendum.

6. Secundaria Materies (236. b. 1.) parciore saltem quantitate heic adhibetur ; ne Emulso , Infuso , vel Decocto , similior , quam Succo presso , fiat Formula : haud enim veri loco Menstrui est , sed dilationi tantum inservit , (ibid. & 237. 9.). Prout ergo eâ magis minusve eget Materiae Primariae habitus , ita plus mi-

minusve additur; modo ne superet Succi ipsius quantitatem.

9. Reliqua (236. §. 2.) haud alios agnoscunt limites, quam datos (216. §.). Curandum, ut Succus, tanquam Basis (88.), Addendis potior sit, nec horum mistione nimis spissescat; tum ut ex omnibus simul junctis justa & efficax Dosis emergat (239.). Ubi autem Succi pondus haud determinatum est (§.), Addendorum Proportio ad certam illius partem saltem definitur: unde dein Pharmacopoeo facile est computare, quantum pro toto requiratur.

242. SUBSCRIPTIO varia injungit. Quo pertinet

a. Materiae Primariae (236. a.) ad Succi Expressionem Praeparatio. Haec autem includit (1.) Comminutionem, quae vario in variis perficitur modo, conserendo, radendo, tunendo in pastam succulentam. Lapideum Mortarium, Pistillum ligneum, prae Metallicis, operi huic aptiora sunt. (2.) Diluentis Liquidi (236. §. 1.), si quo opus est (237. §.), Adfusionem. (3.) Pastae tusae, humectatae, (1. 2.) Digestionem aut & Coctionem: quae tamen saepissime omittitur; nec adeo usu venit, nisi cum Materies in universum parciore aut viscidiore Succo praedita, neque interim calore incongrue mutabilis est. Id autem boni simul

simul adfert, quod flatulentam Succi cruditatem minuat.

s. Expressio ipsa, quae, praeter vulgaria, nihil habet singulare.

v. Expressi Depuratio. Haec quidem vel Quiete fit & Mora, vel citius Trajectu per Colum (219. d. 2. 3.), nec praetermitti debet; quum ingratam Succis demat spissitudinem. Imò nec malè agunt, qui, Digestione aut Coctione non praemissis (v. 3.), Succos, prinsquam colant, leni igne ad primum usque Ebullitionis signum, vase clauso, si virtus volatilis est, sīn minus, ad tantillam quoque Ebullitionem usque calefaciunt, ac tum demum vel frigefactos prius (219. d. 4. in fine), vel adhuc calentes, Colo depurant: ita enim & Despumatio simul fieri potest, & flatuosa eorum materies magis dissipatur, & faeces separantur pulchrius, & Insecta horumve Ovula, si quae insunt, destruuntur, quia & longiori aptantur Conservatiōni.

d. Miscela Materiae Secundariae (236. s. 2.), quae, praemissis (v.), demum peragitur: licet interim satius foret, quae difficilius in Suco frigido solubilia sunt, huic calefacto, ante Colationem (v.), immittere. Imò vel suaserim, ubi major Succi Quantitas simul praescribitur, Salia, quae frigore rursus aut tota, aut ex parte

parte, excutiuntur, seorsim, specie Pulverum, in suas Doses divisa, aegro exhibenda esse; ut is dein haec partitis viciibus cuilibet Succi Dosi, paullò ante usum, intermisceat.

2. *Succi parati Adseratio*, quae in casu (240. 2.) minoris quidem momenti est, at, si obtinet (ibid. 2.), omnino curam meretur; quum & nativa horum Succorum indoles, & tempus anni, quo magis usitati sunt, corruptioni maximè faveant. Neque sufficit semper vase oris angusti, probè clauso, loco frigido, eos servasse: sed insuper vel, confilio Helmontii, Vas prius accensi Sulphuris vapore imbendum; vel, nisi Materies Secundaria (236 2.) corruptioni obstans jam addita sit, nec Indicatio repugnet, tantillo Spiritus Vini condensus Succus; vel, si dilutior sit & calorem innoxie ferat, ad dimidiis inspissandus.

243. *SIGNATURA ex (60. 235. 239.) fatis intelligitor*: neque enim, praeter communia, quidquam hec monendum superest, nisi quod Succus, in plures dies suffucturus, vase clauso, loco frigido, sit adservandus.

244. *Usus in Chronicis, ad inveterata humorum & solidorum vitia, Viscerum, praeprimis Abdominalium, obstructiones, &c. quin & in Acutis, ad Sitem testinguendam, Putredinem arcendam, &c. commendatissimus est, tam Alterationi, quam Evacuationi per Vomitum,*
L tum,

tum, Alvum, Urinas, idoneus. Infantibus tamen, Delicatis, quibusvis anni temporibus, usque quaque haud convenit: quamvis nec desint Succi vel maximè nauseanti etiam Palato arridentes. Denique nec ad promptissimè parabiles pertinet haec Formula.

245. SPECIMINA funto.

Succus Emolliens, Aperiens, Humectans,

Solidorum nimiam Rigiditatem corrigens.

Vid. H. Boerh. Mat. Med. p. 9. & seq.

Rz. Rad. recent. Scorzoner.

Rapar. ana unc. IV.

Herb. recent. Cichorei

Taraxaci

Endiviae ana man. ij.

Conscissis, tufsis, adfunde

Seri Lact. recent. Pint. g.

Ebulliant leniter spatio 6. horæ minutorum in Balneo Maris: tum Succum exprime: cuius per Colum depurati singulis Unciis admisce

Syrap. Rubi Idaei drach. j.

D. in Lagena Sulphurata.

S. Ut in Fronte. Servetur in loco frigido. Dosis Cochlearium omni biborio diei.

Suc-

*
Succus Emeticus, in Hydrope utilis.

Vide H. Boerh. Mat. Med. p. 209.

R. Cort. medii Sambuc. recent. q. f.

Ut consciſſ. tuſ. exprimatur Succi unc. j.

Cui adde

Syr. Violar. unc. 5.

D. uſui.

S. Haſtus Emeticus pro una Doſi.

*
Succus Antipyicus in Statu Phlogistico
Variolarum.

Ibid. p. 239.

R. Succi recens expreſſi Cichorei

Lactucae

Taraxaci

Fumariae ana

unc. ij.

Radic. Scorzoneri

unc. iv.

Nitri puri. drach. iſſ.

M.

S. Bibat Unc. j. omni hora diei.

L 2

Suez

Succus Diluens, Resolvens, Abstergens,
ad Aphthas.

Vide H. Boerh. Mat. Med. p. 168.

R. *Bulb. Rapa.* cum cortice q. s.

Tyrocnesti, vel radula ex bractea ferra-
ta, radantur: tum exprimatur Suc-
cus, qui ebulliens leniter despumetur:
hujus Unc. **xvi.** admisce

Vitell. Ovor. N. ij.

Syrup. Violar. drach. **iv.**

S. *Bibat Unc. & omni semibohna.*

Succus Antiacidus, in frigida Scorbuti
Specie: ad Exemplum H. Boerh.

Ibid. p. 189. 190.

R. *Rad. recent. Raphan. rusticana.*

Ari ana part. j.

Herb. recent. Trifol. Aquatic.

*Nasturt. Aquat. ana
part. ij.*

Radula rafis, concisis, tuis, expime

Succi Unc. **vi.** quibus admisce

Spirit. Antiscorbut. F. D. unc. ij.

Sacchar. alb. unc. j.

D. Vase clauso.

S. *Capiat ononi triborio Unc. & vel Cocklear-
rium.*

Alius

Alius in Scorbuti Specie Alcalina.

Vide H. Boerh. Mat. Med. p. 192.

Rec. *Herb. recent. Acetosae*

Taraxaci ana q. f.

Pom. Citreum N. j.

Conscissis, tuis, exprime Succi Unc. v.

His per Colum trajectis adde

Sacchari alb. drach. vij.

*D. usui : iterentur quovis die per duas
hebdomadas.*

Rec. *Crem. Tartari drach. v.*

Sal. Effent. Acetosell. drach. iiij.

M. Divide in xiv. partes aequales.

D. Singulae in Chartulis seorsim.

S. Capiat mane hora septima dimidium Succi,
cui admisceat unam Dofin Pulveris : reli-
quum hora nona sine Pulvere. Id fiat per
xlv. dies.

De

Emulsi.

246. **E**MULSUM, *Emulso*, est Medicamen-
tum internum, liquidum, Oleoso-
Aqueum, consistentia & colore utcunque La-
eti simile, ex partibus Vegetantium oleosis cum

L. 3

Men-

Menstruo Aquoso tritis, & emulctis, paratum.
Unde Nominis patet ratio, & differentia hujus
a priore Formula (235.).

247. MATERIES & hoc tripdex , uti (212.
225.), accedit : *Menstruum puta, Emulgendum,*
& Accessorium.

a. *Menstruum* vix aliud in usu est , quam
Aqueum : Aqua v. g. Simplex , Stillatitia Of-
ficialis , Decoctum vel Infusum Aquosum ,
&c. Quandoque tamen & Vinum , sed rarius ,
adhibetur.

b. Materiem *Emulgendam* praebent (1.) Nu-
clei & Semina Plantarum Oleo grida. (2.)
Succi Vegerantium Oleosi : Resinae, Gummi-
Resinae , Balsama ; quin & Radices nonnun-
quam valde Resinosae , &c.

γ. *Accessorium* vel (1.) solutionem Materiae
(β.) promovet , estque corpus saponaceum :
uti Vitellus Ovi , Saccharum , Mel , aut tene-
rior Materies oleosa , facilius solubilis , ex (β.
1.) deprompta. Vel (2.) , Emulso jam parato
addendum , hujus virtuti aut gratiae augendae
serviens , in genere simile est (212. γ. 2.).

248. DELECTUS tamen ut ex arte fiat , no-
tandum , duas dari Emulsorum Species ; dum
alia (1.) , proprie sic dicta , parantur ex Ma-
terie (247. β. 1.) ; alia (2.) potissimum ex
(ibid. 2.). Quae alii ex Pulveribus Terreis ,
albidis , Margaritis v. g. & similibus , cum
Men-

Meastruo Aquoso tritis , confecta huc referunt , data opera omittimus ; quum isthoc Titulo indigna simplices saltem sint Mixturae : prout Lacteus Color , pulvisculo citissime in fundum cadente rursus perieus , sat docet .

249. Priora (248. 1.), ut Colorem & Consistentiam (246.) , sic Odorem quoque & Saporem , Lactis aemulos , aut saltem minimè injucundos , exigunt , nec fere , nisi Refrigerandi , Nutriendi ac Demulcendi , rarissime Calefaciendi , scopo parantur . Hinc

a. *Menstruum* non admittunt aliud , quam Aqueum (247. a.) , nec spissitudine , nec alia dote , injucundum , acrimoniae expers , quò simplicius , cò aptius . Optima ideo Aqua simplex , cocta ; Decoctum Aquosum , tenue , insipidum & inodorum , aut gratum , v. g. Hordei , Avenae , Cornu Cervi , Rad. Scorzoneræ , Liquiritiae , Cicerum , &c ; Infusum simile .

b. Aquae Stillatitiae inertiores si , ut creberime fieri solet , adhibentur , sint ex arte de stillatae , sine empyreumate . Aromaticas , Spirituofas , Vinosas , Sapor Odorve nimis eminentes , aut Scopus , saepe excludit , vel saltem , Accessorii loco (247. v. 2.) , parciore copia addendas jubet . Acetofas eadem rationes , tum Acor , Emulsis infestus , prohibet .

c. *Materiem Emulgendam* heic constituunt

L 4

Nu-

Nuclei & Semina (247. §. 1.) ; non quaevis tamen promiscue , sed quae mox memoratis Emulsi dotibus & scopo quadrant.

¶ Minus hinc apta sunt , quorum medulla alieni est coloris : amantur , quae gaudent.

¶ Quin & majora ideo suis prius tunicis orbantur , si lacteum hae colorem obfuscare possunt intertritae : licet interim majorem saepe gratiam Saporis adferant , nec virtute leniter adstringente scopo semper repugnant.

¶ Valde amara , acria , aromatica , calida , quoque vix adhibentur ; quum horum virtus , color , odor , sapor , rarius convenient . Aromaticie tamen leniore praedita quandoque scopus admittit : uti Semina Citri , Aurantior . Nucleos Cerasor . Amygdala amar . &c. Imo restricta horum quantitas aliis magis fatuis accedens vel Palato quoque placet.

¶ Quae trita Mucilaginem fundunt , itidem minus quadrant : cujusmodi sunt Sem. Cydonior . Lini , Psyllii , Hyoscyami , & similia ; quin & Hordeum ad crepaturam coctum , quo hinc saltē leviter cocto uti satius est.

¶ Cavendum maximē , ne rancida sint , quae recipiuntur : quam quidem corruptionem plurima heic usitata subeunt facile , nullo tunc nomine hoc apta.

¶ Qui

i. Qui Emulgendis alia, praeter hactenus
(*y ad i.*) dicta, intermiscent, uti Cortices
Citri, Aurantior. Myrrham, &c. nec Colori,
nec Saporis horum Emulsorum consulunt. Elaeosacchara priorum, Myrrhae Tinctura,
Accessoriis loco addita, idem comodius praefare videntur.

ii. Accessoriis primae classis (247. *y. 1.*) heic non opus: at alterius (*ibid. 2.*) admittuntur.
Haec tamen & sint ejusmodi, quae, scopo congrua, justas Emulsi dotes non pervertant.
Optima hinc Aquae Stillatitiae Aromaticae, jucundiores; Syrupi excolores, grati; Julepi;
Saccharum; Elaeosacchara; Salia neutra.

iii. Pulveres si addis haud in Emulso solubiles, sint saltem tenerimi, albi, minus ponderosi, nec in grumos abire proni: unde vix, nisi Terreis subtilissime laevigatis, heic locus est.

iv. Conservae, Electuaria, Extracta & similia, quum consistentiam, colorem, saporem, heic requisitos turbent, excluduntur.

v. Acida quoque exulent; nisi cum postulat Indicatio Emulsum verè acidum aut citissime acescens.

vi. Alcalina Saporis urinosi injucunditas prohibet.

vii. Tincturas, Spiritus, Essentias, Elixiria, & similia, raro admittit scopus: licet tamen aliquando admisceantur.

L 5

ii. Sa-

π. Saporis Odorisve gratiam ne sedulo nimis adfectes, memor (65. 100. 101.). Plurimis Emulsum tantò arridet magis, quo similius est Laeti Animali.

ε. Sunt, qui depositos se credunt, cum Medicus Emulsum propinat. Hos facile deceperis vel Menstruum adhibendo alieni coloris, v. g. rubri, vel similes Pulveres, Syrupos, Tincturas, &c. intermiscendo.

250. Posteriora (248. 2.), Laeti minus aemula, hujus modo Consistentiam & Colorem, imo ne hunc quidem semper, similant, ideo saltem Emulsa dicenda, quod & Mulctūs specie parentur, & Oleum Menstruo Aquoso ad tempus dissolutum exhibeant. Differunt hinc plurimum a Prioribus (249.). Nam

η. Tanta heic jucunditas nec exigitur, nec acquiri potest; quia hanc vix admittunt, quae hoc pertinent, Emulgenda.

β. Nec Scopus etiam similis est (249.); cum saepius Calefactio, quam Refrigerium, heic obtineatur.

γ. Materiem Primariam (247. β. 2.) dant Oleosa meraciora, difficilius in Aqua solubilia: ut Olea & Balsama liquida, spissa, solida, Peruvian. Copalb. Terebinthina, Tolutan. &c. Resinæ & Gummi-Resinæ, Jalapp. Scammon. Juniper. Mastiche, Myrrha, Opoponax,

Am-

Ammoniacum; Rad. Jalappae, & similia. Haec ut reddantur meabiliora, facilius ingerenda, commodè sub hac forma exhibentur.

3. Et heic tamen abstinentium a Foetidissimis, quibus forma Pilularis aptior (162. n.).

4. *Menstruum* non adeo discrepat ab illo Priorum (249. a.). Aquis tamen, (ibid. b.), Aromaticis, Spirituosis & Vinosis, potior heic locus est, tum ob (b.), tum quia Materiem (v.) solvunt facilius. Unde & Vinum ipsum nonnunquam adhibetur.

5. *Accessoria* primæ classis (247. v. i.) heic potissimum usui sunt: pleraque enim Emulgendorum (v.) sine iis Menstruum Aquosum (s.) planè respuunt. Utendum igitur tantò potentioribus, quo & Materies (v.) tenacior est ac difficilius solvenda, & Menstruum (v.) magis Aquosum, & Solutio exactior desideratur.

6. Vitellus Ovi, saponacea vi reliquis superior, vel tenacissima etiam Aquae aptat. Saccharum, Syrupi, Mel, minus efficacia sunt. Mel insuper colorem magis obfuscatur. Sapo vulgaris itidem heic adhiberi potest; modo Indicationi, Aegrique gustui, non repugnet.

7. Quandoque, dum minor est Emulgendi (v.) quantitas, Materies Primaria Emulsi prioris (247. b. i.) Accessorii loco recipitur:

v. g.

v. g. Semina aut Nuclei oleosi, Amygdala quaedam, &c. Haec enim intertrita, dum farinam & oleum minus tenax fundunt, ac Materiei difficilis solubilis particulis interponunt, sic satis pulchre Saponis vices praestant, simulque Emulsum praebent priori (249.) similius.

4. Accessoria alterius classis (247. γ. 2.) similia sunt ante (249. ζ. &c.) memoratis. Spirituosa saltem (ibid. α.) crebrius heic locum habent ob (250. β. ε.): neque Saponi, Odoni, Colori, tantopere studetur (ibid. α.).

251. ORDO, utrobique (249. 250.), Emulgendis primum dat locum: his subjungit, in Emulsis (250.), Accessorium Saponaceum: Menstruum dein; ac tandem Accessoria classis posterioris (247. γ. 2.). Varias autem singulorum Species pro suo quisque arbitrio digerit.

252. DOSIS eadem ferè est, quae Succi Expressi (239.), pariterque vel Pondere vel Mensura determinatur. Priora quidem (249.), magis quippe ut plurimum diffusa, ad Cyathum, Unciam j. ij. &c. quandoque & ad Iabitum pro potu familiariter exhibentur: Posteriora (250.) ad Cochlearium, Drachmam j. ij, alias tamen & ad Unc. j. & plures; prout magis minusve potentia sunt, diluta, aut nauseosa, scopus varius, Ager facilis vel difficilis, &c. (Vid. 66, & 67. δ.).

253.

253. QUANTITAS GENERALIS nonnunquam Dosis unica (252.) haud major est : quod maximè obtinet in Emulsis (250.). Neque expedit haec in usum plurium dierum praescribere, nisi exactissimè sint ligata ; quum mora diuinorum faciat. Emulsa (249.) facile acescunt, & eò quidem citius, quo calidior est tempestas ; ut hinc aestate calidâ vix ultra 6. vel 7. horas, hyeme tamen nycthemeri spatio ferè incorrupta persistent. Dosis igitur Molem (252.), usus frequentiam, & Atmosphaerae calorem inter se comparans haud plus praescribe simul, quam ante acorem natum queat consumi ; nisi forte Indicatio hancce mutationem commendet, nec Aeger ab ea alienus sit.

254. PROPORTIO mutua Ingredientium plurimum heic variat pro horum & Indicationis diversitate.

a. Emulsa (249.), prout vel Refrigerandi, solū ac Humeandi, vel Nutriendi, Sopiendo, &c. scopo inservient, plus minusve diluta parantur.

b. Spissiora fiunt, si Menstrui ad Materiem Emulgendam Proportio tripla, quadrupla, quintupla est : Dilutissima, si duodecupla ad vigecuplam usque : Media, si octupla.

c. Ratio tamen habeatur magnitudinis Seminum & Nucleorum (247. b. 1.): quo enī minora haec fiunt, eo parciore Medulla, plure Cor-

Cortice, constant. Medulla autem est, quae in Emulsum transit. Unde Seminum minorum quantitas eadem eandem Menstrui copiam saturabit minus, quam tantundem Nucleorum.

¶ Plerumque Menstrui q. s. praescribitur, nec nisi quantitas Colatura determinatur: imo quandoque ne haec quidem; tumque Pharmacopoeus medium ferè sequitur Proportionem (β.).

¶ In Emulis (250.) & Materiae (247. β. 2.) major minorve solubilitas, & hujus atque Accessori (ibid. γ. 1. & 250. ξ. &c.) requisita quantitas, simul spectandæ veniant, ut Menstrui Proportio ritè determinetur; quae caeterum datae (§.) haud absimilis est, & quandoque Pharmacopoei etiam arbitrio committitur (δ.); maximè si Emulsum unicum saltem Dofin (252.) continet.

ξ. Accessori autem (247. γ. 1.) quantitas, ratione Materiae, sumitur dupla, tripla, quadrupla; prout id potentius est vel debilius (250. ξ. 1. §.), & Emulgendi indeles magis minusve refractaria. Hinc ferè usitissimum est, Vitell. Ovi q. s. praestituere: quod ipsum & obtinet circa Accessorium (250. §.).

η. Accessoria classis secundæ (247. γ. 2.) vix strictiores ferunt regulas, quam (217. & 241. §.). Pulverulentorum (249. λ.) Scrup. j. Dulcium Drach. g. sufficit pro Uncia j. Emulsi-

mtisi. Vide tamen in Emulis (250.), an & Saccharo aut Melle jam sis usus loco Saponis (247. v. 1.), tum quounque Materiae injunctitas correctionem postulet, & num Infantia, an Adulto, &c. praescribas. Emulsa (249.) ne Salibus nimis ingratiiora reddas. Emulsi Unc. iv. vix ultra Scrup. j. recipient. Reliqua, ut scopus exigit, addantur.

255. SUBSCRIPTIO in Emulso Priore (249.) jubet simpliciter, *F. l. a. Emulso*. Determinatur dein Colaturae quantitas, si Menstrui q. s. praescriptum est (254. d.). Tandem memorantur Admiscenda. Vasis mentione haud opus. In Posteriore (250.) praecepitur Emulgendi cum suo Sapone (247. v. 2.), si quis accedit, accurata subactio, Menstruique postea & reliquorum admistio partitis vicibus facienda. Modus autem Emulgendi, & caeterae encheireses huc pertinentes, ut Pharmacopoeo, sic & Medico, supponuntur cognitae (7. v. 8.).

256. SIGNATURA, praeter vulgaria saepe memorata, commendat saltem, Emulsum (249.), sicubi in plures Doses datum est (253.), sub Aqua frigida, aut in loco subterraneo, frigido, servandum esse, ne acescat (*ibid.*). Quandoque & Concussio ante usum instituenda jubetur, si Pulverulenta non solubilia accesserunt, aut Emulsi Posterioris (250.)cessus per moram metuitur.

257. Usus Emulorum minus universalis est, quam (222.). Priora tamen (249.), vel delicioribus etiam gratissima, appositi dantur, ubi Refrigerandum, Demulcendum, Humectandum, Incrassandum, leviter Nutriendum, Sopiendum, sine calore Reficiendum, Acrebiliosum, putridum, Alcalinum, temperandum: quandoque & Diaphoresi, Urinis, rarius Alvo, movendis adcommodantur. Facili Acore nocent Acido laborantibus, Frigidis. Posteriora (250.) in universum iis apta sunt Indicationibus, quibus Materies eorum (247. p. 2. 250. v.) laudatur; utpote quam sub forma meabiliore exhibent. Plerisque tamen ingratoria sunt, si Odore & Sapore molesto praedita, ut saepissime fit, recipiunt. Alvo caeterum, Urinis, Sudoribus, movendis, Vermibus fuggandis, Ulceribus internis abstergendis, Nervis roborandis, &c. idonea habentur.

258. SPECIMINA FUNTO.

*

Emulsio Anti-Alcalica.

Vide H. Boerh. Mat. Med. p. 51.

R. Avenae excortic. unc. iii.

F. cum Aq. pur. q. s. Emulsio, cuius Lib. B. admisce

Nitri puri drach. B.

Syrup. Violar. unc. j.

Aceti Squillit. drach. ij.

S. Utatur pro potu familiaris.

E.

DE EMULSIS.

177

*

Emulso Nutriens, Demulcens, Incrassans,
spissa.

R. Amygdal. dulc. excoctis. unc. ij.

Amaror. excoctic. No. ij.

Aqua pur. fervent. unc. x.

F. l. a. Emulso. Colatura fortiter ex-
pressae admisce

Aq. stillat. Cinnam. unc. j.

Sacchar. albiss. drach. vij.

M.

S. Amygdalatum, de quo capiat Aeger omni
semibura Cochlearium.

*

Emulso Narcotica.

Vid. H. Boerh. Mat. Med. p. 64.

R. Sem. Papav. alb. contus. unc. ij.

Cum Aq. Decoc. Hord. F. Emulso, cu-
jus Unc. x. admisce

Syrup. Diacod. unc. iß.

Tinct. Opii cum Spir. Vini rectif.
gutt. xx.

Aq. stillat. Cinnamom. drach. ij.

Cortic. Citrei, drach. x.

S. Capiat Unc. iß. omni $\frac{1}{2}$ hora, donec incipiatur
leniti Dolor.

M

E

*

Emulsio Lubricans, Diuretica.

Vide H. Boerh. Mat. Med. p. 243. 244.

R. Semin. Cardui Mariae

Bardanae

Foeniculi ana drach. vij.

Papaver. alb. unc. j.

Amygdal. dulc. No. xx.

Infusi Rad. Liquirit. q. f.

*F. l. a. Emulsio. Colatur. Lib. iij.
admisce*

Sal. Prunellae. drach. ij.

Syr. Papaver. alb. unc. iiß.

D. usui.

*S. Bibat omni semihora Unc. ij. Servetur La-
gena sub Aqua frigida, aut in cella.*

*

Emulsum Antihelminticum.

Vid. Ibid. p. 229.

R. Gumm. Opopanax. drach. j.

Vitell. Ovar. drach. ij.

M. f. a. dein adde

Sapon. Venet. drach. j.

Syrup. Artemis. unc. iiß.

Aq. stillat. Foeniculi unc. iij.

M.

*S. Capiat Drach. j. omni quadriborio, cum re-
gimine.*

E-

*

Emulsum Purgans, forte, Scammoneatum,
ad Hydropem.

Vide H. Boerh. Mat. Med. p. 210.

Rec. *Semin. Carthami* drach. ij.

Scammon. pur. gr. viij.

Contusis adfundere paullatim

Aq. stillat. Cort. Aurant. unc. j.

Tum colatis misce

Syrup. de Spina Cervina. drach. ij.

S. Sit pro Dofi, mane.

*

Emulsio Balsamica, ad Ulcera interna,

Phthisin, Gonorrhoeam, Paralysin.

Vid. Ibid. p. 197. 247.

Et Harris de Morb. Infant. Lib. II. Obs. II.

Rec. *Terebinthin. nativ.* drach. iij.

Vitell. Ovor. q. s.

Probè subactis admisce sensim

Mellis alb. drach. iij.

Aq. stillat. Bacc. Juniper. unc. iij.

S. Ut in Fronte. *Sumat Aeger omni quadri-*
horio Cochlearium, semper ante usum con-
ciendo Lagenam.

*De**Mixturis Internis.*

259. **M**IXTURAE sunt Medicamenta interna, fluida, solâ variorum inter se mistione parata. Unde facile a prioribus (211. 214. 235. 246.) distinguuntur.

260. Tres earum (259.) Species usitatae sunt. (1.) Diffusissima, quae *Julapium* audit. (2.) Media, quae proprie *Mixtura* vocatur. (3.) Contracta, cui nomen varium; ut infra patebit. *De singulis scorfis.*

*De**Julapio.*

261. **J**ULAPIUM, *Julepus Recentiorum*, est Mixturae Species dilutissima, fere diaphana, ex Sapore, Odore, Colore, jucundioribus confiata, Potum hinc suavem exhibens pluribus Dosibus destinatum. Veterum ergo *Julepus*, qui dilutior Syrupus est, a Nostro discrepat Spissitate.

262. MATERIES in genere vel *Excipit*, vel *Excipitur*.

a. *Excipiens*, ut Basis vel Menstruum, est Li-

Liquor tenuis, limpidus, saepe aquosus, non injucundus, diluendis reliquis inserviens.

β. *Excipienda* sunt, quaecunque in (*α.*) soluta gratiam huic & virtutem expetitam conciliare queunt.

263. *DELECTUM* utriusque (262. *α. β.*) limitant Dotes in Julario requisitae. Noteatur ergo

α. Dari id frequentissime loco potus familiaris, aut grati vehiculi Medicamentis aliis superbibendi, hinc in eo desiderari maxime Tenuitatem, Claritatem, Saporem reficiensem, ex dulci acidum, aliumve non injucundum, Odorem suavem vel nullum, Colorem nullum vel hilarem, rubellum praeprimis. Quare

β. *Excipiens* ferè praebent Liquores, Sapore, Odore, Colore, nullis aut in universum suavibus praediti.

1. *Aqua Simplex*, cocta, praे reliquis aptissima, cito parabilis, *Excipiendis* pulchre se adcommodans, nec horum dotes destruens, aut vi aliena pervertens.

2. *Vel Aqua Stillatitia*, *Officinalis*, *Iners*: ut *Acetosae*, *Borraginis*, *Buglossi*, *Endiviae*, *Lactucae*, *Sempervivi*, &c. His tamen *Simplex* (1.) praferenda; quum ferè semper De-

M 3 fili-

stillationem sapient. Aut alia Sapore & Odore leni suavior: ut Melissae, Rosarum, Ceratror. nigr. Citri totius, &c.

3. Vel Infusum Aquaeum (211), jucundius, prompte parabile: ut Flor. Tunicae, Rosar. Violar. Bellidis, Rhoeados, Pomor. Citrei, aut Conservarum similiūm, &c.

4. Vel Decoctum (224.) simile, dilutum: ut Hordei, Rad. Scorzoner. Cornu Cervi, Passular. Tamarindor. Panis, &c.

5. Vel Vinum Rhenanum, Mosellatum, aliudve acidulum: quae scopo Cardiaco aptiora, cum motus humorum paulò auctior non nocet.

6. Vel Phlegma Vitrioli dilutius, aut Serum Lactis tenuē, acidulum. Hoc tamen probe purum, nec turbidum, requiritur.

7. Vel denique haec tenus (1 ad 6.) recensifitorum aliqua conjunctim.

γ. *Excipienda* (162. β.) ejusmodi heic conveniunt, quae simul & suavitatem Excipientis angere, & integre in hoc dissolvi queunt. Qualia sunt

i. Aquae Stillatitiae Aromaticae, fortiores: ut Cinnamom. Pulegii, Majoran. Rosmarin. Florum & Cort. Aurant. Citri, &c. Quan-

do-

doque & Vinum simile (β. 5.) , nisi id fuerit Excipiens. Atque haec quidem ut Excipientia Secundaria considerari possunt.

2. Succi dulces, acidi, recentes, Fructuum horaeorum: uti Cerasor. Ribium, Berberum Rubi Idaeи, Citri, Aurantior. Granator. Pomor. redolent. &c. Hos verò dum praestituis, vide, an recentes eo tempore acquirere liceat (237. n.): quanquam & servari in Officinis diu queant incorrupti (242. s.).

3. Tincturae Acido-aquosae, rubrae: v. g. Florum 4. Cordial. Tunicae, Bellidis, Aquileg. Rhoeados, Granor. Kermes, & similium: quae alias Excipientis etiam vicem praestant (β. 3.).

4. Tincturae Spirituosaе, suavissimae: ut Cort. Cinnamom. Citri, Aurantior. Caffiae, Croci, &c. ubi stimulo quodam opus.

5. Aut Spiritus Ardentes, Simplices, vel jucundiore Vegetantium Spiritu Rectore per Distillationem imbuti: ut Rosar. Angelic. Lavendul. Meliss. Cinnamon. Citri, Aurantior. Cerasor. nigror. Aq. Vitae Matthioli, Balsam. Embryon. &c. quorum usus in simili casu (4.).

6. Frequentius tamen Spiritus Acidii Vegetabilis, vel Fossiles: Acetum stillatit. Spiritus Salis, Nitri, sinceri vel dulces, Sulphuris, Vitrioli, Glyffus Antimon. &c.

M 4

7. Sy-

7. Syrupi Officinales, omni dote jucundissimi, excolores, rubri, aut ab Acido rubentes, e Succis Fructuum (2.) parati, aut aliis: ut Flor. Acaciae, Rosar. Violar. Tunicae, Borrugin. Rhoad. Herb. Capillor. Vener. Melissae, Cort. Cinnamom. Citri, Granor. Kermes, Caryophyllor. &c. Quo pertinent & Brodia Conditurarum, & Julepi Officinales, tum Oxymella, Oxyfachara.

8. Rob & Gelatinæ e Succis Fructuum (2.) facta: quibus & accensenda, quae de Cornu Cervi paratur, nonnunquam heic usitata.

9. Saccharum vel simplex album, vel varia arte, unà cum aliis non injucundis, in Tabulas, Rotulas, Elaeofachara, &c. redatum.

10. Salia sicca: quorum tamen vix nisi Neutris, atque haec inter soli fere Nitro, Sali Prunellæ, aut Polychresto, locus heic est.

11. Pulverulenta, non solubilia, raro adimiscuntur: crassiora saltem nunquam; aliquando tamen subtilissimè laevigata, minus ponderosa, non ingrata, aut Saporis & Odoris expertia, praecipue Absorbentia Terrestria, Corallia v. g. Margaritae, Cornu Cervi, &c. Ab his tamen abstinendum quoque, si Acida accedant ob (101. 102.).

¶. Con-

¶. Conservae vix usum habent, nisi pro partanda Infusi specie (§. 3.).

¶. Electuaria, Extracta, Tincturae, Essentiae, Spiritus, & similia, quae Spissitate, Colore, Sapore, Odore, Julapium injucundius faciunt, excluduntur (a.). Excipe saltem Confectiones quasdam gratiores: ut Alkermes, Hyacinthor. &c.

¶. Scito tamen, & nimia peccari posse Suavitate (§. 100, 101.). Cave ergo, ne Dulcibus, tum ne Acidis, abutaris. Conservae, Syrupi, Rob, Saccharata, dum ingrediantur copiosa, Saccharo superaddito non opus. Acidum Fossile defectum Vegetabilis saltem suppletat.

¶. Ubi Acidum Fossile (γ. 6.) & Salia (10.) simul jungis, memento dictorum (102. μ.).

¶. Numero denique conciso & simplicitati heic studendum: neque enim recensitorum (§. γ.) singula congerere, sed quaedam scopo aptiora arte conjungere expedit. Naturae plerumque amicissimum est, quod non multorum mistione natum (29.).

¶. Ex haec tenus dictis patet, *Hydrosaccharum* & *Oxyhydrosaccharum* Species esse Julapiorum.

264. ORDO praemittit ferè Liquidum Excipiens (263. β.); huic proxime subjungit aliud

M 5.

Secum-

Secundarium (ibid. v. 1.) ; tum Excipiēda ponit juxta (57. β. v. 8.). Quandoque & ultimus Excipienti datur locus : quod tamen minus convenit , si Infusum vel Decoctum Magistrale (263. β. 3. 4.) ejus vicem praeſtat.

265. Dosis vel Pondere definitur ad Unc. j. ij. iij. &c. vel Mensurā ad Cyathum v. g. aut Infantibus ad Cochlearium. Saepe autem , loco potus familiaris , quantum urgens fitis exigit, conceditur : ubi tamen plerumque satius est , haustu parciore , tantō frequentius repetito, uti, quam grandiore simul ingestu inundare stomachum.

266. QUANTITAS GENERALIS , pro Dosis (265.) mole , utū frequentia , siti magis minusve intensa , major vel minor , ad Libr. j. ij. iij. iv. usque angetur : quin vel Infantibus quoque vix Libr. f. minor datur. Neque hec corruptio facilis, ut in Emulis (253.), arctiores limites ponit.

267. PROPORTIO mutua Ingredientium in genere quidem talis statuitur, ut capiantur

Ad Excipientis (263. β.) - Libr. j. vel Unc. XII.
Excipient. Secundarii (ibid. v. 1.) - Unc. j. ij.
Succorum (ibid. 2.) - - - - Unc. iij. iij.
Tinctur. Acidoo-aquos. (ibid. 3.) - - Unc. j. iij.
Spirituosorum (ibid. 4. 5.) - - Drach. ij vj.
Syrup. Brodior. Julepor. Rob. Gelati-

nar. &c. (ibid. v. 8.) - - - Unc. ij. iij.
 Conſe-

<i>Confectionum</i> (ibid. §.)	- - -	Drach. ii. vj.
<i>Saliūm</i> (ibid. v. 10.)	- - -	Drach. 3. j.
<i>Pulverum</i> (ibid. §.)	- - -	Drach. j. ij.
<i>Aceti destillati</i> (ibid. v. 6.)	- -	Unc. j. ii.
<i>Acidorum Fossilium</i> (ibid.) pro varia puritate - - - -	Gutt. xx.	Drach. j.
vel q. s. ad gratum acorem.		
<i>Sacchari</i> (ibid. 9.)	- - - -	Unc. j. ii.
vel q. s. ad gratam dulcedinein.		

Circa haec tamen notari velim, praeter jam dicta (263. i.).

¶. Indicationum, Gustuum, aliarumque conditionum varietatem tot parere in casibus singularibus exceptiones; ut saepius quam longissime a modo data generali regula deflectatur. Hinc
 β. Ubi excitandum, calefaciendum, Vini, Aromaticorum, Spirituorum (263. v. 1.
 4. 5) non raro multum augeri. Proportionem: ut ideo vel Vinum quoque tum quandoque Basin constitutat (ibid. β. 5.).

v. Infusa vel Decocta Magistralia (ibid. 3. 4.) si Excipientis loco adhibentur, haec requiri diutiora. Unde Specierum Unc. j ad Menstrui Libr. j. ferè sufficit. (Vid. Histor. Infus. & Decoctor.).

δ. Saliūm (263. v. 10.) parciorem ideo addicopiam, ne amarore injunctitatem creent.

ε. Pulverum, Rob, Gelatinarum, & similiūm

Ium majore quantitate justam Julapii consisten-
tiam (261.) perverti.

¶. In Proportione Dulcium & Acidorum de-
terminanda tenendam esse regulam (263. n.).
Ipsum quandoque Excipiens acidum aut dulce
est (ibid. p. 3. 4. 5. 6.). Acidum Fossile co-
piolius austoritatem parit. Sacchari major quan-
titas, ut multis minus grata, ita sanguinem sol-
vendo in sudorem prinos diffluere facit

268. SUBSCRIPTIO ponit : *M. F. Julapium.*
D. ad Vitrum. Ubi autem obtinet (267. v.), In-
fusionis vel Decoctionis modus, ac deinde admis-
sio reliquorum, juxta ante (219. 231.) dicta,
injungitur prius : quamquam saepissime Infusa
vel Decocta heic usitata, tanquam Officinalia,
praescribantur, ut quorum praeparatio Pharma-
copoeo satis nota sit.

269. SIGNATURA ex (60. 261. 265.) facile
patet. Monetur tamen quandoque, dum mi-
nor Humorum meabilitas aetu frigida prohibet,
Julapium calidum bibendum esse. Potionem
frigidam plerumque satis amant Aegri ; ut vix
mandato peculiari opus sit.

270. Usus ut jucundissimus, ita maximè
commendabilis est in Acutis, & Chronicis; ubi
calor aut frigus nimia, corruptio Humorum Al-
calina, lensor, sitis vehemens, vires collapsae, &c.
Petuntur & hinc Vehicula aliis Medicamentis vel
facilius ingerendis, vel promovendis, aptissima.

271.

271. SPECIMINA funto.

*

Julapium in Frigore Febris Intermittentis
conveniens.

Vid. H. Boerh. Mat. Med. p. 120.

R. Aq. decoct. Hord. unc. xxx.

Oxymel. simpl. unc. iii.

Aq. stillat. Caryophyll. arom. unc. ii.

M

S. Capiat Unc. ij. omni $\frac{1}{4}$ horae, calide val-
de sorbendas.

*

Julapium Roborans, Anti-Acidum.
Calcfaciens.

R. Aq. stillat. Cerasor. nigror. unc. viij

Palegii unc. ij

Cinnamom. unc. iiij

Vitae Matthioli. unc. ii

Margarit. ppt. drach. iij

Confect. Alkermes drach. ij

Elaeosacchar. Citri drachm. iiij.

M. D. ad Vitrum.

S. Julapium Perlatum, de quo capiat Unc. j.
omni semihora in Languore: aut sit pro ve-
hiculo alterius Medicamenti.

Julap.

*

Julapium ex Decocto Magistrali, Cardiacum, ad Dolores a Partu.

Vid. H. Boerh. Mat. Med. p. 219.

Rx. *Hord. mund.*

Avenae integrae ana unc. j.

Cum Aq. decoct. spatio $\frac{1}{2}$ horae Lib. iij
admisce

Vini Rhenan. Lib. j.

Aq. Stillat. Cinnamom. unc. ij.

Syrup. Kermezin. unc. iiß.

M.

*S. Hujus Unc. ij. superbibat singulis Dosibus
Mixturae Anodynæ, ibidem descriptæ,
donec sopiatur Dolor.*

*

Julapium specie Infusi, Antiphlogisticum, in Variolis utile.

Vid. Ibid. p. 238. & seq.

Rx. *Flor. Papaver. Errat.*

Tunicae ana m.ß.

Infunde cum *Aq. puræ, calidae, Unc. xx.*
stent vase clauso, calore leni, per 3.
horas. Colaturæ expressæ adde

Spir. Sulphuris per camp. gutt. xx.

Sal. Polychrest. drach. iiß.

Syrup. Flor. Rhœead. unc. iiß.

M.

S. Bibat, quantum lubet.

Aliud

*

*Aliud; Spiritus excitans in Gangraena a
causa calida, temperie alcalina.*

Vid. H. Boerh. *ibid.* p. 95.

Rx. Rob Ribesiorum

Berberis ana unc. ij.

Spir. Salis. drach. ℥.

Aq. stillat. Melissae. unc. vj.

Vini Rhenani. unc. x.

M.

S. Capiat Unc. j. omni horâ.

*

*Julapium Confortans in metu Abortus
ab incommodis Graviditatis, ad Exem-
plum *ibid.* p. 217.*

Rx. Vini Rhenan. Libr. ij.

Aq. Stillat. Cort. Citrei. unc. iv.

Tinctur. Granor. Kermes unc. ij.

Cinnamom.

Balsam. Embryon. ana unc. j.

Gelatin. Cornu Cerv. citrat. unc. ii.

Syrup. Rubi Idaei unc. ij.

M.

S. Capiat Unc. ii, in Languore.

De

Mixtura.

272. **M**IXTURA MEDIA (260. 2.) est Mixturae (259.) Species, Julapio (261.) spissior, minore mole efficax, quacunque dose injucundiora etiam admittens, una vel pluribus Dosis, haud tamen per Guttas determinatis, constans.

273. MATERIES, ut (262.), duplex est, *Excipiens* vel *Excipienda*.

a. Excipiens est Liquor quicunque, interno usui aptus, non minima Dosi efficax (272.), saepissime hinc Aquosus, quandoque & Vinosus aut Spirituosus: ut Aquae stillatitiae, simplices, compositae; Decocta; Infusa; Vina, &c.

b. Excipienda sunt in genere Sicca, Mollia, & Liquida omnia, (128. *a. b. v.*) memorata, & quaecunque alia interno usui dicata.

274. DELECTUM sola ferè heic figit Virtus Medicata. Neque enim adeo Tenuitatis, Claritatis, Saporis, Odoris, Coloris, ratio habetur, ut in Julapio (263.): quanquam & haec tamen prorsus negligenda non sint; præcipue vero Spissitudo, cuius excessus valde heic incommodat. Pauca hinc addo.

a. A-

¶. Aquae Stillatitiae prae reliquis frequen-
tissimè Excipientis loco serviant; quum & cui-
cunque fere scopo congruae prostent, & tenui-
tate sua excipiendis aliis magis aptae sint. In-
ertiore igitur Efficacioribus junguntur, ubi
Virtus paullo magis diffundenda.

¶. Decocta & Infusa, quorum praeparatio
simul adscribenda est, huc non pertinent, sed
ad (211. 224.): haud enim alia ad Mixturas ad-
hibentur, nisi quae Subscriptione non egent
(268.). Sint autem satis tenuia, si Sicci aut
Spissi plusculum recipere debent.

¶. Pulverulenta, non solubilia, si quae huc
uti creberrime fieri solet, accedunt, requiruntur
saltē minus crassa, subtiliora; ne deglutienti
molestiam creent.

¶. Exulent quoque ponderosiora specificē,
si in Excipiente solvi nequeunt; quum citissi-
me fundum potentia Doses virtute minus ae-
quales efficiant: licet interim ferri quodam-
modo possint, si Dosis unica totam Mixturam
absolvit.

¶. Gummosa, quae aquis soluta mucilagi-
nem fundunt, vel omittenda, vel miscenda
parcius; ne lentorem heic ingratum patient.

¶. Pinguia, ut aqueo Excipienti intermiscean-
tur aequabilius, Saponem postulant interme-
dium. Ad tenaciora igitur, v.g. Sperma Ceti,

N

Te-

Terebinthinam, & similia, utimur Vitello Ovi; ad liquidiora, aut quorum parcior modo quantitas accedit, v. g. Olea Aromatica, pressa, stillatitia, Balsama liquida, nativa, artefacta, &c. Saccharum sufficit (250. v. 5 n.).

4. Gummi-resinae, ut Ammoniacum, Galbanum, &c. Aceto vel Vino ut plurimum soluta prius adhibentur.

5. Cavendum heic tanto magis, ne congerantur, quae inter se mista effervescunt, præcipitantur, mutantur incongrue, aut destruuntur; quia forma fluida his motibus excitandis plerumque aptior. (Vid. 97. ad 103.). Est tamen, ubi Medicus data opera talia conjungit, ut scopum suum obtineat felicius.

6. Saporem, Odorem, Colorem, si corrigeret paras, memento (85. 99. 100. 101.); ne vel scopo excidas, vel vanitatem prodas.

7. Tandem, ut ubique, ita & heic brevis esto & concinnus, non adeo ingredientium numero, quam efficacie & nitori compositionis, studens; ut perito facile sit scopum eruere: Chaos aliter potius, quam Mixturam, facies (29.).

275. ORDO idem, nec magis constans heic observatur, quam in Julapio (264.)

276. DOSIS, minor, quam Julapii (265.), plerumque Cochleario j. vel ij, aut Vasculo
Theae

Theae potui dicato, aut Pondere Drach. j. ad Unc. 8. determinatur. Quandoque tamen & ad Cyathum, aut Unc. j. ij. iij. adscendit: quod maxime obtinet, si unicus tantum Haustus exhibetur. Alias & per portiones totius Mixturae definitur Dosis; ut dimidia, tertia, quarta pars simul capienda jubeatur: ubi cavendum, ne portio molem Haustus excedat. Caeterum & heic ex usu est observasse dicta (67. 8.).

277. QUANTITAS GENERALIS alias unam modo Dosis (276.) complectitur, alias plures. Si prius; *Haustus* vocatur, qui Unc. iij. vix major sit (ibid.): si posterius; quandoque Unc. vi. viij. imo Libram Mixtura excedit, prout Numerus Dosium, juxta conditiones (67.), minor majorve requiritur.

278. PROPORTIO mutua Ingredientium heic maxime determinatur tum ex Virtute Medicata singulorum, & seorsim, & respectu miscelae, considerata (87. 8. 8.), tum ex justa Mixturae Consistentia (272. 274.), comparatis ad (276. 277.). Unde

a. Si nonnisi liquida sunt Excipienda (273. 8.), Consistentiae nulla habita ratione, Virtuti saltem intentus tuam sequere Indicationem.

b. Ubi autem & Sicca & Mollia (ibid.) accedunt, cavendum a nimia Spissitudine (274.). Unde tum haec ferè obtinet generalis regula, ut miscetur ad

N 2

Excip-

- Excipientis - - - Unciam j.
 Mollium: v. g. Electuarii, Rob, Conservae,
 Pulpae, & similium - Drachma j.
 Siccorum: uti Extracti, Succidensi, Massae
 Pilul. Pulveris, &c. - Scrup. j. i*fl*.
 Sacchari - - - Drach. j. i*fl*. }
 vel } vel q. f.
 Syrupi - - - Drach. j. ii*j*. iii*j*.
 ✓ Augeri ergo potest Mollium quantitas ad i*j*
 etiam Drachmas, Siccorum vero ad Drach. j.,
 si alterutrum saltem recipiatur.
 d. Quin & Excipientis Consistentia discre-
 pantium heic facit; prout vel tenuior fuerit
 Liquor, vel Infusum Decoctumve spissius
 (273. a.).
 e. Vide quoque, an Excipienda Liquida (ibid. 8.)
 accedant: haec enim & majori Spissiorum quan-
 titati locum dant.
 f. Salium Siccorum Proportio invenitur ex
 eorum efficacia, & magis minusve facilis solu-
 tione: licet tamen haud semper plenè soluta
 heic requirantur, sed, Pulverum instar, usus
 tempore, agitando diffundi queant minus disso-
 luta.
 g. Circa Sacchari & Syruporum quantitatem
 repeate dicta (267. 8.). Augetur ea quandoque
 longè ultra terminum positum (8.), ubi Resi-
 nosis, Balsamicis, Oleosis, &c. cum Aqua

COR-

constantius jungendis conferre debet ; quum paullo major Mixturae spissitudo secessu etiam magis oblet.

9. Haustus quoque (277.) auctiorem fert Siccorum & Mollium proportionem , si Dosis efficax id postulat. Plurimi malunt parcam spissioris molem , quam grandem, aut plures liquidioris Doses ingerere

279. SUBSCRIPTIO mandat. *M. F. Haustus,* si pro una Dosi est (277.) : si pro pluribus, solum *M.* sufficit. Adjungi potest *D. ad Vitrum.* Et hoc exactè obthurandum jubetur , si dissipatio vel corruptio ab aëre liberiore metuitur. Ali quando Excipienda sicca seorsim , Pulverum specie (106.), uti (242. d. in fine.) , dantur , ut demum paullò ante usum intermisceantur Liquidis. Duabus igitur formulis tunc utimur. Obtinet id , si ex mixtione nascens Effervescentia comitari usum debet , aut aequaliores majores Pulverum Doses simul ingeri scopus postulat.

280. SIGNATURA ex (60. 272. 276. 277.) intelligitur. Monendum quandoque , calidè an frigidè capienda sint Doses (Vid. 123 v. 3.). Vehiculum superbibendum saepe praebent Julapia (263. a.) : gravioribus tamen , nisi alia id exigant , nullo opus. Ubi obtinet (279. in fine.), utendi modus pro ratione determinatur.

281. Usus Mixturae ut frequentissimus est ,

N 3

&

& per quam facilis plerisque, ita aequè universalis, ac Infusi (222.) ; imò vel magis etiam, quia citissime parabilis illa subitaneis quoque in casibus promptam fert opem : ut ideo vix morbus detur interna postulans, quin hanc admittat Formulam.

282. SPECIMINA funto.

*

Hæstus Ant-emeticus.

Vid. H. Boerh. Met. Med. p. 129.

R. Succi recent. Citrei unc. ℥.

Vini Rhenan. unc. j.

M.

R. Salis Absinthii drach. j.

D. utraque seorsim.

S. Pulverem misceat Liquori, moxque in ipso actu effervescentiae hauriat.

*

Mixtura Anti-Alcalica, Saponacea,

Abstergens.

Vid. Ibid. p. 51.

R. Oxymell. Squillit. vac. iiij.

Aceti Squillit. drach. ij.

Myrrae in Aceto solutae in Tincturam.
drach. j.

Aq. stillat. Cichorei. unc. vij.

M.

S. Capiat Unc. ℥, omni hora

Mix-

Mixtura Cardiaca , pretiosa , Calefaciens ,
Diaphoretica.

R. Infus. Lap. Porcini Malacc. in Aq. Card.
Bened. fact. unc. iv.

Vin. Rhenan. generosiss. unc. jj.

Aq. Stillatit. Cinnamom. unc. 8.

Extract. Essential. Croci gutt. iv.

Confect. Alkermes drach. vj.

M.

S. Sumat omni semibora Cochlear. j.

Mixtura Opiata , Antacida , Roborans ,
ad Dolores a Partu.

Vid. H. Boerh. Mat. Med. p. 219.

R. Lapid. Cancror. drach. iii.

Corall. rubr. drach. ii.

Margarit. drach. j.

Laud. puri. gr. iii.

Syrup. Kermes. drach. vij.

Aq. stillat. Cort. Citrei

Melissae

Majoranae ana unc. iii.

M.

S. Capiat Unc. 8. omni $\frac{1}{4}$ horae, donec sopiatur
Dolor, superbibendo Unc. ij. Julapii Ibid. de-
scripti.

N 4

Mix-

Mixtura Resolvens, Saponacea.

Vid. H. Boerh. Mat. Med. p. 18..

R. Aq. Stillatit. Rutaæ. unc. xij.

Borac. Venet. drach. ij.

Sal. volat. oleos. drach. iij.

Mellis puriss. unc. iiij.

M.

S. Capiat Unc. j. omni hora diei.

Mixtura Adstringens, ad Haemoptysin.

Vid. ibid. p. 195.

R. Aq. Stillat. Flor. Rhoeados.

Plantag. ana unc. iv.

Extract. Tormentill.

Bol. Armen. laevig. ana drach. iiij.

Lap. Haematit. ppt. drach. j.

Syr. Myrtin. unc. j.

M.

S. Capiat omni hora Unc. j. concusso prius vitro.

Hauſtus Eineticus, Antimoniatus,
fortis, pro Adulto.

R. Oxyſacchar. Emetic. Ludovic.

Oxymell. Squillit. ana drach. vj.

Aq. Stillat. Cinnamom. unc. j.

M. F. Hauſtus.

S. Sit pro Dosi

Hau-

*

Haustus Purgans, in *Febre Intermittente*
utilis.

Vid. H. Boerh. Mat. Med. p. 132.

R. Pulver. Cornacchin. drach. β .

Elix. Propriet. cum Sale Tart. ppt. gutt. XL.

Elaeosacchar. Menthæ. drach. j.

Aq. Stillat. Menthæ. unc. j.

M.

5. *Capiat mane, die apyrexias, vacuo stomacho,*
pro Dosi.

*

Mixtura Balsamica, in *Gonorrhœa conve-*
niens.

Vid. ibid. p. 247.

R. Terebinth. vulgar. cum Vitell. Ovi suba-
ctae drach. ij.

Extract. Rhei.

Sal. Prunell. ana drach. j.

Syr. Althææ Fernel. unc. j.

Infus. Rad. Glycyrrhiz. unc. x.

M.

5. *Capiat omni biborio Cochlear. j. probè con-*
cussa prius lagena : superbibat Cyathum
Emulsi idonei, Ibid. p. 246. descripti.

N s

D^e

De

Mixtura Contracta.

283. **M**IXTURA CONTRACTA, *Guttae*, vocatur Mixturae (259.) species, minore, quam prior (272.), mole efficax, ex Spirituosis tantum & ejusmodi, quorum virtus exiguo sub volumine latet, conflata, Dosis plerumque per Guttas determinatam saltem admittens. Chemicis ut originem, ita varia nomina, de quibus infra, debet hoc Remedii genus.

284. MATERIEM ergo praebent ea modo, quorum Dosis ad usus internos efficax parvae molis est: uti sunt Tincturae potentiores (221. & 232.), Spiritus similes, Essentiae, Quintae Essentiae, Elixiria, Balsama liquida, nativa, artefacta, Extracta Essentialia, Olea Aromatica, Stillatitia, Liquores Salini coacti, & similia.

285. DELECTUM dictat Indicatio Medici, Virtus Materiae (284.) cognita, tum singularis variorum sub miscela mutua habitus. Neque enim tantopere heic Coloris, Odoris, Saporis, ratio habetur; dum compendium Formulam satis commendat.

286. Seligenda igitur talia, quae & Virtute con-
ve-

DE MIXTURA CONTRACTA. 203

veniunt, & amicè inter se coèunt absque vel Praecipitatione, vel Effervescentia, vel alia mutatione incongrua. Cautelas autem heic observandas vix, nisi e Chemia, hauseris.

β. Quandoque tamen & aptè conjunguntur, quae mixta effervescunt & se mutuo destruunt: Acida v. g. & Alcalina. Est, ubi mitior Medii-Salis inde nascentis indoles scopo magis respondet. Cave interim, ne & Praecipitatio simul comes sit; utpote quae heic rarissime laudatur.

γ. Aquosa, Gummosa, Oleosa lenia, quae Spirituosis non nubunt, Conservae, Electuaria, Pulveres haud solubiles, & similia, cum virtus diffusior, tum copula minus exacta & spissitas justo major, excludit.

δ. Resinae, Extracta solida, Massae Pilulares, efficaciora, quandoque recipiuntur; vix tamen nisi dum Purgandi scopus est, & Dosis unica grandior exhibetur: tum vero & Saccharum, Syrupus, vel Julepus Officinalis, admittitur, quò vel solutio fiat constantior, vel menstrui spirituosi magis temperetur ardor.

ε. Saliūm Siccorum illis modo, quae & parva Dosi agunt, & Spiritu ardente solubilia sunt, heic locus est. Vix ideo hoc pertinent, nisi Volatilia, tum Tartarus Regeneratus, & pauca alia.

§. Li-

204 DE MIXTURA CONTRACTA.

¶ 5. Liquores etiam Salini quandoque adhibentur; quos tamen, nisi solos des, vide, quibuscum misceas: saepe enim minus amant Spirituosa.

¶ 6. Numeri Ingredientium parcior esto! Tria vel quatuor sufficient. Paucis errorem facilis vitaveris, virtutis simul certior, nec molestus Pharmacopoeo. Quin vel unico saepe scopum poteris obtainere, haud quidem Mixturam tunc, at Guttas tamen (283.) datus. Congeriem majorem amanti Composita etiam Officinalia prostant, vasta satis; ut minore opus sit Compositione Magistrali.

¶ 9. Draistica denique si exhibueris hac subforma, Dosis commenda sollicitè! Haec enim Aegro vel Adstantibus plerumque demetienda committitur.

286. ORDO vix allus heic obtinet, nisi quem praescribunt regulae (57. p. 2.). Ubi autem difficilius solvenda accedunt, v. g. Resinac, Extracta, &c. (285. d.), his ferè primus datur locus; Menstruum dein & superaddenda sub junguntur.

287. DOSIS ut plurimum certo Guttarum numero, minore, majore, vix tamen ultra LX. aucto, determinatur (283.). Aliis & minus efficacium Cochlear. ℥. vel j. pro Dosi est. Imo Purgantium quandoque Dosis unica (285. d.) Unc. ℥ vel j. aequat.

288.

DE MIXTURA CONTRACTA. 205

288. QUANTITAS GENERALIS a Drach. ij. ad Unc. j. ij. ferè extenditur. Quin &, si Dosis major est, Cochleario determinata (287.), aut usus diu continuandus, aliaeve conditiones (68.) urgent, plus etiam simul praescribitur; quum Ingredientia plerumque corruptioni minus pateant. Nonnunquam Dosis unica sufficit: quae tamen si paucis Guttulis absolvitur, vix admodum huic apta Formulae, potius idoneo cum vehiculo in Haustuli molem diffunditur.

289. PROPORTIO mutua Ingredientium vix generales admitit regulas. Ex suâ heic Indicatione praeprimis, & varia miscendorum efficacia, facilique vel difficulti solutione, cognitis Medicus sibi consulit. Hinc

α. Quorum diffusior est virtus, major fere quantitas recipitur; minor eorum, quae magis coacta sunt: qualia habentur Olea, Extracta Essentialia, Salia volatilia, Balsama, &c. Sic alia aliis adjuvantur, temperantur, corruguntur.

β. Alias tamen efficaciorum quoque vel aequa vel major convenit quantitas, quam dilutiorum; ubi Dosis compendio magis studetur.

γ. Quorum definita saltem quantitas a reliquis solvi potest, potius infrà summam proportionem receperis; ne vel pars indissoluta maneat, vel justo spissior fiat Mixtura. Huc per-

206 DE MIXTURA CONTRACTA.

pertinent Balsama, Olea, Resinae, Extracta solidæ, &c.

3. Draſticorum præcipue quantitatem sollicitè ſic accommoda aliis, ut ne quid nimis contineat quaclibet Mixturae Dofis.

290. SUBSCRIPTIO plerumque eſt: *M. D.*
ad Vitrum. Quae enim Infuſione aut Decoctione parantur Magiftrali, hujus non ſunt loci, ſed pertinent ad (211. 224.). Ubi autem miſcela exætior tritum requirit, hic ſpeciatim injungitur: uti circa Resinas, Extraætæ solidæ, & ſimilia, ferè obtinet. Quin & Colatio tum quandoque iſtituenda jubetur, ſi materies impurior plenè diſſolvi nequit. *Receptaculum* ri- te commendaveris ſubere & vefca obthurandum, ubi virtus facile diſſipatur. Eſt & vefca duplex pro obthuramento ex uſu, cum Stiliſcidio demetiri Dofin debet Aeger: ſic enim, aciculæ perforando inferiorem, ex lagenula iu- versâ, concuſſâ, gattas ad numerum elicere facilius licet.

291. SIGNATURA, vix aliquid peculiare ha- bet, niſi quod *Hauſtus* vel *Hanſuli* nomine & heic utamur, ſi Dofis unica totam abſolvit Quantitatē (288.); at ſi plures, a primario ferè Ingrediente peti ſoleat denominatio: unde *Tincturae*, *Effentiae*, *Elixiris*, *Spiritus*, *Balſami*, *Olei*, *Liquoris*, nomina uſitata ſunt; quo- rum tamen multa etiam promiſcuè adhiben- tur: neque enim, quam Chemici inter haec ſta-

DE MIXTURA CONTRACTA. 207

statuant, differentia adeo exactè heic obser-vatur. *Guttas* in genere vocare licet, quorum Dosis hac mensura definitur. *Vehiculo* vix ca-re possunt efficaciora: id igitur virtute & in-dole aptum eligitur, non praecipitans, mutans, destruens, repellens, dissipans Mixturae ma-teriem vel virtutem: *Vinum saepissime*, Mix-tura *Media* (272.), aut *Julapium* (261.), In-fusum (211.), *Decoctum* (224.), *Jusculum*, &c. ex usu sunt; *Balsamis*, *Oleosis meracis*, *Saccharum* vel *Syrupus maximè* convenient.

292. Usus, uti ob compendium plurimis gratissimus est, ita praeprimis locum habet, ubi vis stimulans & calefaciens, qua Formulae hujus materies tantum non semper praedita est, conduceat: quamvis & scopo refrigerandi apta Guttas dare queant: uti sunt *Spiritus Fossiles acidi, varii, &c.*

293. SPECIMINA sunt.

Hauustus Aquam Purgans, nec acriter ta-men irritans.

Vide H. Boerh. Mat. Med. p. 78.

R. Scammon. Syriae. puri gr. xiv.

Spir. Reginae Hungariae drach. ij.

In mortario vitro f. a. tritis, & a faece separatis admisce

Syrup. Rosar. solut. cum Senn. drach. vij.

F. Hauustus.

S. Capiat pro Dosi.

Alius,

208 DE MIXTURA CONTRACTA.

*

Alius, Purgans, in Scorbuto utilis.

Vid. H. Boerh. Mat. Med. p. 184.

R. Pil. Coch. maj. scrup. j.

Elix. propr. cum Sale Tart. ppt. drach. j.

Spirit. Menthae. drach. iiſ.

Syr. Rosar. solut. cum Senn. drach. j.

M. F. Haustus.

S. Hauriat mane pro Dosi.

*

Elixir, Stimulans, Resolvens.

Vid. Ibid. p. 18.

R. Elix. propr. cum Sale Tart. ppt.

Sal. Volat. Oleof.

Purgant. Sennerti ana unc. ſ.

M.

S. Capiat Gutt. xxv. quater de die ex Vino.

*

Liquor Antipodagricus.

Vide Ibid. p. 212.

R. Alcabeſt Glauber. unc. j.

D. ad Vitrum.

S. Sumat omni mane Gutt. ix. ex Jure vitulina.

Tin-

DE MIXTURA CONTRACTA. 209

*

Tinctura Anti-Hysterica, Sopiens.

R. Tinct. Succin. drach. ij.

Castor.

Spir. Sal. Ammoniac. ana drach. j.

Ol. Corn. Cerv. rectificatiss. drach. ℥.

M.

S. Sumat Guttas xxx. ex Syrup. Kermes in
paroxysmo.

*

Mixtura Stimulans, Roborans, Anti-Hy-
dropica.

Vide H. Boerh. Mat. Med p. 204.

R. Tinct. Rad. Helen. unc. j.

Myrrh.

Spirit. Matrical. ana. unc. ℥.

Ol. Stillat. Baccar. Juniper.

Absinth. ana gutt. viij.

M.

S. Capiat Cocklear. ℥. quater de die, vacuo
Stomacho, ex Vino generoso.

O

DE

DE

MEDICAMENTORUM EXTERNORUM
FORMULIS.

294. EXTERNAE FORMULAE (105.) sunt vel *Communes* pluribus corporis partibus, vel *Propriae* tantum parti singulari. Hoc ordine reliquum hujus Historiae exponam, de *Communibus* primum dicturus.

DE

FORMULIS EXTERNIS
COMMUNIBUS.

De

Injectione.

295. INJECTIO, *Enema*, est Liquor Medicatus, qui in cava corporis, secundum vel praeter naturam foras patentia, plerumque Siphonis ope, ad varios usus, infunditur.

296. Aures, Nares, Oculi, Os, Anus, Vesica, Penis, Uterus, Vagina, Vulnera, Abscessus, Sinus, Fistulae, Cava (295.) exhibent, quibus Injectiones destinantur. De iis interim, quae Ori & Ano dicatae sunt, Gar-
ga-

garismate puta & Clysmate proprie dicto, postea sigillatim agendum suadet ordo receptus (294.), & frequentior utriusque usus.

297. Huc & retuleris *Chirurgiam Infusoriam*, seculo superiore tot moliminibus exercitam; quae tamen, dum hodie exolevit, nos porro non morabitur.

298. MATERIEM Liquoris (295.) praebent Infusa (211.), Decocta (224.), Succi (235.), Emulsa (246.), Mixturae Mediae (272.), vel Contractae (283.). Unde, quidquid hoc pertinet, ex (l. c.) facile intelligitur.

299. DELECTUM heic sola dictat Indicatio & cognita Materiae Virtus Medicata; quum Coloris, Saporis, Odoris, nulla habeatur ratio. Hinc

a. Quae Internis crebro admiscentur, Corrigentia (83. 85.) locum non habent.

b. Contra adhibentur & ea, quae vel ob Injunctitudinem, vel ob Qualitatem Noxiam, raro aut nunquam interno usui serviant: uti Olea Infusa, Cocta, Unguenta, Urina, Hydrocyamus, Mercurialia acerrima, &c.

c. At summa tamen opus circumspectione, ne injecta violentiora noceant: vasa enim bibula ubique hiantia propius in Sanguinem vehunt: quin & Nervi, Tendines, Ossa, nudius saepe

posita idem vel maximè postulant.

3. Consistentia uti paullo spissior heic fertur, ita fluida tamen & aequabilis sit oportet; tum ut Siphunculum (295.), si quo opus, minus obstruat Liquor; tum ne intermixta solida, scabritie sua, incommodent. Tenera igitur vel tenuissimè laevigata requiruntur Sicca, quae solvi nequeunt. Est & Saponi locus, ubi Oleosa Aqueis misceri debent (274. 2.).

4. Quandoque & Unguiculis utimur, quae frigore plus minusve solidescunt. Haec tamen non, nisi apto prius Menstruo, aut calore, liquefacta, injiciuntur.

300. ORDO idem heic observatur, quem variae Liquoris (298.) naturae proprium loc. ibid. indicavimus.

301. DOSIS, vix in genere determinanda, pro varia & Cavi (296.) magnitudine, & Liquoris injiciendi efficacia, plurimum discrepat. Alias una vel altera guttula sufficit: neque tum adeo Siphone opus: quod circa Aures usu venit. Alias drach. j. unc. fl. j. ij. iv. & plures simul injiciuntur. Saepissime exundatio Cavi terminum ponit.

302. QUANTITAS GENERALIS, aequa parum definita, ex Dosis (301.) mole, & injectione tardius, citius, repetenda, brevius, diutius, continuanda, facile colligitur.

303.

303. PROPORTIONEM Ingredientium mutuam docent, quae de hac dicta sunt in Historiis Liquorum heic usitatorum (298.), comparata cum Delectus regulis (299.). Addo saltem, Doses internas Efficaciorum ad triplum, quadruplum, & ultra, saepe heic augeri. Cave tamen, ne quid nimis (299. v.).

304. SUBSCRIPTIO est, qualis Formulae, quae hic adhibetur (298.). Ex ejus ergo Historia intelligitur. Aliquando tamen additur. *F. Liquor pro Injectione.* Injectio ipsa quum rarius, nec nisi Clysmatum Intestinalium, Pharmacopoeo committatur perficienda, hujus non est loci.

305. SIGNATURA, praeter Titulum Formulae (60. v. 295. 304.), explicat & illa, quae ad ejus pertinent Applicationem; quum haec plerumque vel Aegro ipsi, vel Adstantibus, vel & Chirargo, demandetur. Unde injungitur

a. Frigidus, tepidus, an calentior sit injiciendus Liquor. Frigus, plerumque infestum corpori, rarissime heic usu venit, quibusq; tamen, ubi repellendum, adstringendum, corroborandum, placet. Tepor, naturali hominis fani similis, omni parti amicissimus, ubique ferè conductit. Calor intensior haud minus, ac Frigus, urendo saepe nocet.

b. Injectio fit vel solo Stillicidio, cum ca-

O 3

vi-

vitas satis aperta, pronus defluxus, & parva simul injiciendi quantitas (301.) est, nec ad hujus actionem excitandam motus validior requiritur. Vel Instrumento adproprio, si contraria modo dictis obtinent. Siphones variae magnitudinis & materiei, emissariis variè tenuibus & figuratis instructi, pro Cavi & Liquoris injiciendi diversitate, heic ex usu sunt. Vaginae & Utero *Metrenchites* servit. Injection in Vesicam Cathetere tubulato juvatur.

¶. Situs Aegri admittendo Liquori commodus sub Injectione commendatur; qui etiam vel aliquamdiu servatus, vel apie mutatus post Injectionem, Liquori diutius detinendo conductit.

¶. Sunt & alia post Injectionem observanda, cum vel in Cavo relinquitur Injectum, vel sua functum actione citius, tardius, iterum ejicitur. Obthuratio oris Cavi, quies, agitatio apta Liquidi Cavo contenti, &c. hic pertinent.

¶. Monendum heic denique, quantum simul, quo tempore, quoties, quoisque, &c. injiciendum: quae omnia facile suo ex scopo limitat Medicus.

¶. Cave tamen in his maximè, ne Decorum vel Secreti regulam (60. §.) excedas.

306. Usus Injectionum multifarius est, praec-

praeprimis Chirurgicus, aetati nulli inimicus,
 Abstergendi, Diluendi, Eluendi, Mundandi,
 Emolliendi, Resolvendi, Demulcendi, Ad-
 stringendi, Aperiendi, Consolidandi, &c. sco-
 pis adcommodatus.

307. SPECIMINA funto

*

Clystina Auriculare, Ulceri intra Meatum
 Auditorium abstergendo, mundando,
 aptum.

R. Urinae Homin. san. unc. iv.

Sapon. Venet. scrup. j.

Tinct. Myrrb. gutt. xl.

Mell. Rosar. drach. vj.

M.

S. Hujus Liquoris tepidi, quantum Cavo capi
 potest, quotidie bis iniciatur in Aurem ae-
 gram supinatam, ac detineatur per aliquot
 minuta, dein Aure prona rursus emittatur.

*

Aliud Auri Sordibus iaduratis obstructae
 conveniens.

R. Ol. Amygdal. Dulc. drach. ij.

Amaror. drach. j.

Fell. Lucii Pisces. drach. R.

Exacte M. D. ad Vitrum.

S. Guttæ vj. ter de die infillentur Auri supi-
 natae, detineantur Gossypio immiso. Idem
 & Ant-helminticum est.

O 4

Ia-

*

Inje~~o~~gio ad Cruorem coagulatum, extravasatum, diluendum.

Vid. H. Boerh. Mat. Med. p. 75.

R. Mell. commun. unc. ij.

Sapon. Venet. drach. ij.

Sal. Marin. unc. 8.

Aq. Pluviae. unc. xij.

M.

S. *Hujus tepefacti q. s. injiciatur Cave Cruorem continentis, leniterque conquaſſatum deinde una cum Cruore diluto rurſus evacuetur.*

*

Emulſum Digestivum ad Fistulas curandas.

Ibid. p. 93.

R. Terebinth. nativ. unc. ij.

Vitell. Ovor. unc. j.

f. a. subactis admisce

Mellis commun. unc. ij.

Spir. Vini commun. unc. 8.

Aq. commun. unc. ix.

D.

S. *Calefactum & probe mixtum injice.*

De-

*

Decoctum Balsamicum, Consolidans Fistulam puram.

Vid. H. Boerh. Mat. Med. p. 94.

R_c. *Ol. infus. Hyperic. unc. iv.*

Aloës.

Myrrhae.

Olibani. ana drach. ij.

Coquendo leniter, mista, subige cum

Vitell. Ovor. unc. ij.

D.

S. *Calefactum parum in Fistulam injice.*

*
Injectio Detergens, ad Urethram Ulcere
Venereo erosam.

Ibid. p. 245.

R_c. *Mell. Rosar. unc. j.*

Aloës puriss. gr. x.

Sal. Ammon. gr. iv.

Aq. stillat. Foenicul. unc. vij.

M.

S. *Liquor Mundanus, cuius q. s. ter, quater,
de die, in Virgam, sanie prius expressa va-
cuam, & pone locum ulceratum constrictam,
ope Siphunculi iniciatur.*

O 5

De

De

Adspergine.

308. **A**DSPERGO est Pulvis (106.), qui superficie corporis externae, varios ad usus, inspergendo applicatur. *Pasma*, *Catapasma*, *Diapasma*, *Empasma*, *Sympasma*, veteribus audit.

309. Tenuitatis heic vix nisi primus & medius gradus (107. *a. v.*) usu venit; quum moleculae crassiores nec facile adhaerescant, nec, ob minorem superficiem, adeo diffundantur.

310. MATERIEM, hujusque DELECTUM ac ORDINEM, facile intelligit, qui confert dicta (109. 110.) cum sua indicatione. Neque enim differentia heic datur ulla, nisi, quod saporis, odoris, coloris, specificae gravitatis nulla habita ratione, elegantur saltem scopo adcommodata. Unde & huc recipiuntur frequentius, quorum nullus vel rarus usus internus (299 *b.*).

311. DOSIS nulla certa, nec pondere unquam determinata; utpote quam sola fere loci conspurgendi amplitudo limitat. Hinc nec divisio in Doses heic, uti (113. 118.), obtinet.

312.

312. QUANTITAS GENERALIS similibus,
ac (301.), conditionibus definitur.

313. PROPORTIO mutua Ingredientium ex
sola singulorum virtute cognita, & Medici
scopo, terminatur.

314. SUBSCRIPTIO est. *F. vel M. F. Pulvis.*
Addi potest *Tenuissimus*, si requiritur. Scatu-
la *Receptaculum* praebet. Alias & Sindoni ra-
rae includendus jubetur.

315. SIGNATURA utendi modum exponit,
qui plerumque solo inspersu absolvitur. Si
Nodus est (314.), inde super partem excu-
titur Pulvis. Si vero superficie declivitas Ad-
spergini retinendae minus apta est, haec super
panno lineo, laneo, aut papyro, distributa parti
adPLICatur, firmatur. Rarius calefacto prius uti-
mum Pasimare. Quandoque autem & ante &
post insersionem agenda injunguntur: uti
dum locus prius detergendas, fricandas, inun-
gendas, aut post deligandas &c. Sed haec sua
quemque docet Indicatio.

316. Usus Adsperginum multiplex, Chi-
rurgis praecipue frequens, conductit ad Exsic-
candum, Dissipandum, Adstringendum, De-
purandum, Acre corrigendum, Exedendum,
Consolidandum, &c. Vulnera hinc; Ulcera;
Haemorrhagiae; Offa, Tendines, Nervi, laesi
aut nudati; Catarrhi; Erysipelas; Cutis vitia,
&c.

&c. eas saepe postulant. Quin & , qui fragrantiae aut ornatus gratia corpori insperguntur , Pulveres , Cyprii dicti , huc pertinent.

317. SPECIMINA sunt.

*

Pulvis Mundans , ad Bubonem Venereum ,
apertum.

Vid. H. Boerh. Mat. Med. p. 249.

R. *Pulv. Fol. siccator. Scordii. unc. ij.*
Vitriol. alb. drach. ij.

Aloës. drach. j.

M. F. Palvis.

S. *Aperto Ulceri, deterso prius, inspergatur ad depurandum.*

*

Pulvis ad Erysipelas.

R. *Pulv. Erysipelatod. Mynsich.*

Flor. Sambuc. siccator. ana unc. ij.

Smalti. unc. ij.

Camphorae. drach. iiij.

Tenuiter trita M.

S. *Hujus calefacti prius q. s. loco adfecto inspergatur, aut super charta caerulea distributum parti adplicetur & fasciâ leniter circumvolutâ firmetur.*

Pal-

*

Pulvis Balsamicus, Offibus, Tendinibus,
Nervis, nudatis conveniens.

R. Myrrae. drach. $\frac{1}{2}$.

Olibani.

Masticæ. ana drach. j.

Sarcocoll. drach. ij.

Colophoniae. unc. $\frac{1}{2}$.

M. F. Pulvis tenuis.

S. Eo conspergantur partes adfectæ, sub qua-
libet deligatione.

*

Pulvis Adstringens, ad fistendam Hae-
morrhagiam Vulneris externi.

Vid. H. Boerh. Mat. Med. p. 104.

R. Sang. Draconis. drach. j.

Sarcocoll. drach. ij.

Lapid. Haematit. drach. $\frac{1}{2}$.

Bol. Armen. unc. j.

M. F. Pulvis tenuissimus.

S. Hujus q. s. inspergatur Vasi vulnerato, &
stupis Alcohole calido madidis, vesicaque
vel fascia circumposita, firmetur.

Dia-

*

Diapasma Acrimoniam obtundens, ad Intertriginem.

R. Amyli. unc. ij.

Cretae alb.

Cerussae. ana unc. 6.

Pulv. Rad. Irid. Florent. drach. j.

M. F. Pulvis subtilissimus.

S. Inclusus Sindoni rarae excutiatur super parte excoriata, prius detersa.

De

Epithemate.

318. **E**PITHEMA est Medicamentum externum, variae consistentiae, non Unginosum, nec Emplasticum, quod superficie corporis externae, scopo vario, imponitur. Fomentum id, vel Fokus, dicitur, si calidum admovetur.

319. Triplex ejus (318.) datur Consistentia: (a.) Liquida: (b.) Sicca vel Solida: (c.) Mollis, pulmentaris. Priora duo nomen generale (318.) retinent; Posteriorius *Cataplasma*, *Puls*, *Malagma*, vocatur. Distinctionis gratia de singulis seorsim.

De

DE EPITHEMATE LIQUIDO. 223

De

Epithemate Liquido.

320. **E**PITHEMA, *Fotus, Fomentum, LIQUIDUM* est Liquor Medicatus, simplex vel compositus, qui, frigidus aut calidus parti corporis externae, Vehiculi apti interventu, admotus, hanc aut profundius sub hac fitas partes ita mutare valet, ut Medici scopus postulat.

321. MATERIEM Liquoris (320.) dant Aqua, Lac, Vinum, Acetum, Spiritus Vini, Succi liquidi, Oleum, Urina, &c. simplicia, aut variis modis praeparata, & inter se atque cum aliis cuiuscunque consistentiae composita, Officinalia, Magistralia: ut Aquae stillitiae omnis generis; Aceta, Olea infusa, cocta; Spiritus Aromatici, Tincturae, Essentiae; Liquores salini; Lixivia; Aqua Fabrorum, Calcis &c. praecipue ethis & aliis idoneis parata Infusa (211.), Decocta (224.), Succi Expressi (235.), Emulsa (246.), Mixturae Mediae (272.), Contractae (283.).

322. DELECTUM limitat Indicatio Medici, Partis mutandae, vel cui ad applicatio facienda, conditiones sanae vel morbosae, & natura Liquoris adhibendi cognita. Nota ergo

a. In genere similia heic obtinere illis, quae dicta sunt circa Delectum Internorum (213. 226. 237. 248. 274. 285.).

s. Haud

224 DE EPITHEMATE LIQUIDO.

β. Haud tamen Saporem, Odorem, Colorem, curari; hinc omitti, quae his corrigen-
dis ad interna adhibentur, Sacchara, Syrupos, &c.

γ. Nec paullo spissior Consistentia adeo heic
obest: licet interim, ubi major penetrabilitas re-
quiritur, Spissitudo minor, caeteris paribus,
praeseratur.

δ. Haud semper solam hoc Remedio intendi
partis, cui id proximè admovetur, mutatio-
nem, sed & quandoque Viscerum profundius
sub illa sitorum (320.).

ε. Hinc convenire magis ejusmodi, quorum
virtus in principiis haeret volatilibus, tenui-
bus, facile penetrare aptis; praesertim ubi in
interiora agendum est. Quare Terrea, Lapi-
dea, Adstringentia, Incrasstantia, & similia,
tum vix boni quid efficere videntur; quum vel
ob crassitatem suam absorberi nequeant, vel o-
stio la claudendo sibi ipsis ingressum obserent.
Leni tamen adstrictioni si Aroma aut Spir-
itum junxeris penetrabiliorem, plus forte prae-
stabis.

ζ. Vide etiam, quae natura sit partis, cui
Liquor proximè applicandus est; an Oleum,
Aquam, Spiritum, Acre, ferat illaesa; ne al-
teri dum prodes, alteri noceas.

η. Caeterum &, quae interno usui raro aut
nunquam serviant, huc recipiuntur v. g. Mer-
curialia acerrima, Saturnina, Alcohol Vini fo-
lum,

DE EPITHEMATE LIQUIDO. 225

Ium, Hyoscyam. Mandragor. Solan. Cicuta, &c.

¶ Memento tamen in usu Draſticorum, ſu-
perficiem corporis omnem bibulam eſſe, &
absorpta per hanc viam infundi Sanguini, inſa-
lutato Ventriculi Janitore.

323. ORDO haud diſſert ab eo, quem in fi-
milibus Formulis interno uſui dicatis (321.)
commendavi ante.

324. Dosis nec Pondere unquam, nec
Mensurā alias conſueta, heic determinatur.
Limites ſigit varia Partis fovendae amplitudo,
tum corporis, quo interveniente applicatur
Liquor, major minorve bibacitas. Panni la-
nei prae lineis, dupliciti, triplicati prae sim-
plicibus, &c. plus liquidi imbibunt;

325. QUANTITAS GENERALIS ut raro
Lib. ſ. minor eſt, ita ſaepiſſimè Lib. j. ij. iij.
& plures aequat; prout vel una major minor-
ve, vel plures Partes ſimul foveri debent; vel
Vehiculum magis minusve bibulum eſt (324.);
vel Fokus diutius, brevius, continuatus, mi-
noribus aut majoribus intervallis renovatus
exigitur; vel ipſe Liquor magis minusve cor-
ruptioni obnoxius, facilius aut difficultius para-
bilis eſt, &c. Satius ferè eſt excessu heic quam
defectu, peccare, maximè ſi plures aut majo-
res partes fovendae ſunt; ne Liquor justò ci-
tius, aut & ſub prima applicatione deficiat.

P

326;

226 DE EPITHEMATE LIQUIDO.

326. PROPORTIO Ingredientium mutua patet ex dictis (217. 230. 241. 254. 278. 289.), collatis cum (303. 322.). Limitat hanc sola Medicis Indicatio & Virtus materiae cognita. Usus autem Externus Interno minus artatos habet terminos. Memento saltem (322. 9.), tum consistentiae; ne spissitate nimia minus penetrabilis sit.

327. SUBSCRIPTIONIS eadem leges sunt; quales similium Liquorum Internorum (218 ad 220. 231. 242. 255. 279. 290.), Nominis si exceperis internum usum indicantia, quibus heic substitui potest: *F. Liquor pro Epithemate vel Fomento.* Alias tamen & a Parte, cui applicatur, nomen accipit; uti postea sub Externis Propriis (294.) patebit: alias ab Ingredientibus: unde *Oxyrhodini* appellatio. Caeterum & heic quandoque Materies infundenda vel decoquenda saltem petitur a Pharmacopoeo, reliquum opus Aeger ipse sive Adstantes perficiunt, uti (218. 220. 231.). Specierum tunc aut *Collectionis* Nomine etiam utimur. Tandem nec Depuratione exactissima (219. 3. 231. 7. 242. 7.) heic adeo opus.

328. SIGNATURA, praeter Nomen (60. 7. 320. 327.), indicat

a. Praeparationem, si haec Pharmacopoeo non committitur (327.). Conf. (221. 8.).

b. Partes fovendas. Hae, juxta (320. 322. 8.), sunt vel (1.) Externae, quibus proxime ad-

DE EPITHEMATE LIQUIDO. 227

admoveari potest Liquor. Circa has , utpote sat manifestas , id solum noto, quod , si Vulnere aut Ulcere patulae fuerint , quandoque prius materie apta tegi debeant ; ne cruda loca tangat Liquor , hisque adglutinetur arescendo , aut alio modo incommodet. Vel (2.) *Internae.* His Fotu mutandis idonea feligitur regio extrema , pro situ Partis & Medici scopo varia. Quocirca situs & consensus partium , tum cursus vasorum , cognitus maximè conduceit. Est , ubi Fotus ipsum in partem proximè agere debet , hanc v. g. roborando , emolliendo , humectando , refrigerando , ei impactum resolvendo , dissipando , &c. Regio externa , cui illa proprius , interpositis mollissimis & minime crassis integumentis , subjacet , aptum tunc Epithemati locum praebet. Est , ubi revellere aut derivare a parte scopus postulat : tum vel inferiori vel superiori regioni applicatio fit : prout & pars ipsa sita est , & cum hac illave parte externa magis minusve consentit. Alias & in universam Sanguinis massam conamur agere ; cui scopo eliguntur loca externa , sub quibus majora & nudiora vasa decurrunt ; uti Tempora , Collum , Axillae , Carpi , Inguina , Popliteis , &c.

v. *Vehiculum* (320.). Eò plurima adhibentur : Panni linei , lanei , variis coloris , rubri praeprimis , Textum Sericum , Stupae , Panis tostus , hujus Mica , Spongia , Epithema siccum

228 DE EPITHEMATE LIQUIDO.

cum vel Sacculus , de quo postea. Alias & Vesicae suillae duplo capaciōri includitur Liquor. Selectum dictat scopi & partis fovendae diversitas, tum promtior unius p̄ae alio parabilitas. Si plurimum Liquidi applicandum, hujusque calor diutius conservandus est, Pannlanei, Spongia, Stupae, magis ex usu sunt. Vesica dissipationem Liquoris praepedit, caloremque conservat, nec inquinat: sed & nonnisi subtiliores particulas, & lente quidem, transmittit. Scitur hinc, ubi conveniat. Si regio fovenda tenerior est, & Epithema non calefactum admovetur, aut conservandi caloris non magna urget necessitas, Linteaminibus uti licet, iisque duplicatis, triplicatis, &c. si multo Liquore applicato opus est.

d. *Calidus an Frigidus admovendus sit Liquor.* Intentio Medici, Partis & Materiae natura, hoc docent. Ubi validissimē resolendum, penetrandum, adtrahendum, calor summi usus est. Nocet is gelu constrictis, repulsi, &c. Spirituosa, Volatilia, rectius frigida vel saltem tepida adhibentur, nisi alia repugnant. Vehiculi (v.) etiam calefactione, antequam id Liquido imbuatur, hujus frigus pensare licet.

e. *Quomodo Applicatus Continendus.* Huc facit Ligatura. Si vero longior humoris & caloris conservatio requiritur, Vesica suilla, Oleo priu madefacta, super Fotu extensa, & firmata,

DE EPITHEMATE LIQUIDO. 229

mata , conductit. Quin & huic Sacculum Arena calida plenum , Operculum figulinum , aliudve corpus calefactum , nec cito frigescens , superimponere juvat , quod dein , nata refrigeratione , removeri , iterumque calefactum adponi potest , Fotu ipso interim super parte retento.

¶. Quousque *Relinquendus* , *Continuandus* , an & quando *Renovandus* , &c. Multa heic datur varietas. Alias ex Symptomatis mitigandi cessatione terminus figuratur ; ubi v. g. dolor , vigiliae , frigus , calor , anxietas , vomitus , haemorrhagia , virium collapsus , delirium , &c. remiserunt. Alias ex vi Liquoris dissipata ; dum v. g. refixit , vel Vehiculum (v.) exaruit , &c. Alias tempora praescribuntur ; ut v. g. mane , vesperi , quotidie semel , bis , singulis 2. 3. &c. horis , & sic porro. Quae omnia in casibus specialibus facile limitaverit considerans suam intentionem , morbi vel symptomatis indolem , Liquoris naturam volatilem , fixiorem , &c. , Vehiculi materiem , apparatus facilem vel difficultem , & similia.

329. Usus Epithematum valde universalis , Acutis , Chronicis , Externis , Internis , malis levandis peraptus , virtute varia emolliendi , adstringendi , roborandi , repellendi , adtrahendi , calefaciendi , refrigerandi , diluendi , resolvendi , discutiendi , sopiendi , excitandi , Acre

230 DE EPITHEMATE LIQUIDO.

corrigendi, demulcendi, &c. solidis fluidisque operem fert: quin & quibuscumque fere Evacuationibus aut efficiebris aut promovendis conducit, Aetati simul omni conveniens; modo & materies arte feligatur, & tempestiva fiat applicatio. Pulchrè quandoque Remedium Interni vices supplerent Externa isthaec in Infantibus, aliisve, qui ore capienda horrent aut deglutire nequeunt. Applicatio tamen & renovatio aliis iterum molestior est, quam usus Internorum. Nocent & aliquando ineptè adhibita; dum, causa morbi non sublata, symptomata tollunt: quod maximè circa Stupefactionia obtinet: aut dum Repellentia, materie morbi haud satis mobili, vasa constringendo illam magis compingunt; aut, quae calida requirebantur, sub longiore applicatione nimis frigescunt, &c. Haec tamen, perverso saltem usui tribuenda, attis peritus facile evitat.

330. SPECIMINA sunt.

Epithema Aromaticum, promovens Saburrae intestinalis excretionem in Infante recens nato.

Vid. H. Boerh. Mat. Med. p. 223.

B. Vitell. Ovi. N. j.

Spirit. Matrical.

Tinct. Absynth.

Aq. stillat. Foenicul. ana drach. ij.

M.

S. Excepta pauxillo micae Panis Stomacho ad-
plicentur.

Aliud

* Aliud, ad Nauseam ab inordinato Liquidi
Nervosi motu ortam.

Vide H. Boerh. Mat. Med. p. 129.

R. Aq. Vitae Matthigeli. unc. j.

Spir. Rad. Angelic.

Carmin. Sylv.

Menthae. ana unc. ij.

M. D.

S. Taleola Panis triticei tosti, bene irrorata his,
adPLICetur calide Epigastrio, superadPLICetur
Vesica suilla oleo bumeccata, & dein supra
hanc ligatura: renovetur post xij. horas.

* Emulsum externum, Anodynum, Demul-
cens, leniter Aperiens.

Ibid. p. 113.

R. Semin. Pomor. Cotoneor. No. vj.

Cum Aq. stillat. Flor. Rosar.

Sambuc. ana unc. ij.

F. f. a. Emulso, cuius puro liquori
admisce

Spir. Vini rectificat. unc. 3.

Tinct. Opii. drach. j.

D. ad Vitrum.

S. Parti a Caustico aliove acri foris adPLICato
laesae & dolenti cum parvo lineo triplicato
admoveantur calide: renovetur, ubi siccescit.

232 DE EPITHEMATE LIQUIDO.

Fomentum Laxans , Resolvens , Paregoricum , ad Pleuritidem.

Vid. H. Boerh. Mat. Med. p. 149.

P. Fol. Malvae

Bismalvae

Parietar. ana m. ij.

Papaver. hortens.

Hyoscyam. ana m. j.

Flor. Samvuc.

Chamaemel.

Melilot. ana unc. iij.

Cum *Lact. dulc.* q. f. F. Decoctum pro Fomento.

S. *Vesica suilla* hoc Liquore calidissimo ad dimidias repleta admovetatur lateri dolenti ; firmetur ligamine : tum superponatur *Sacculus* arena calidissima plenus , qui frigescens iterum calefiat , aut ei mox substituantur aliis jam calefactus . Continentur haec , donec dolor remisit .

Fotus

DE EPITHEMATE LIQUIDO. 233

*

Fotus Antisepticus, calorem vitalem resuscitans, Intestino per Vulnus Abdominis egresso conveniens.

Vid. H. Boerh. Mat. Med. p. 79.

R. *Intestina pura Animalis junioris.* q. f.

Coq. in Aq. q. f. spatio $\frac{1}{8}$ horae; dein adde

Flor. Chamaemel.

Lavendul.

Centaur. ana m. f.

Fol. Menth. m. j.

Stent in Infusione per $\frac{1}{16}$ horae.

D.

S. *Liquor calidus cum panno lanceo adplicetur.*

*

Epithema Anti-Alcalicum, Cardiacum, in Gangraena: ad Exemplum Ibid. p. 96.

R. *Herb. Scordii*

Menthae

Summit. Rutae

Fol. Rosmarin. ana m. f.

Cort. Cinnamom.

Nuc. Myristic. ana drach. ii.

Conscissa, tusa, cum *Acet. Rosac.* & *Vini Rhenan.* ana unc. viij. coquuntur in Phiala alta, vitrea, per $\frac{1}{8}$ horae. Liquori decantato adde

Aq. Prophylact. Sylw. unc. ij.

M.

P. 5

S.

234 DE EPITHEMATE LIQUIDO.

S. Hoc Liquore imbutae Spongiolae admovet-
tur Parotidibus , Axillis , Scrofulo Cor-
dis , Carpis , Inguinibus . Taleola Panis
rosti eodem imbuta Naribus supponatur.
Renoveruntur quolibet triborio.

De

Epithemate Sicco.

331. **E**PITHEMA , Fots , Fomentum , SIC-
CUM est Pulvis Medicatus (106.) ,
qui , consuto plerunque panno inclusus , ex-
ternae corporis superficii , vario tam internas
quam externas partes mutandi scopo , adponi-
tur . *Sacculas , Saccus , Cucusa , Cucullus ;*
Frontale , Scutum , Lectulus , Pulvinar , &c.
audit , prout aliis atque aliis partibus aut usibus
inservit .

332. Crassior heic , aut mediocriter tenuis
tantum Pulvis (107. §. v.) ferè usitatus est ;
quia particularum ejus adhaesio , vel de conti-
nente panno excusio , haud intenditur .

333. MATERIES in genere eadem est , quae
(109. 110.) , si & similia externo usui apta ac-
censueris .

334. DELECTUM docent (III. 310. 322.)
comparata ad (331. 332.). Paucis nota-

a. Ve-

α. Vegetantium partes sicciores , Radic.
Cortic. Fol. Flor. Semina , Baccas , Aroma-
ta , Succos duros, tum ex his compositas Spe-
cies Officinales , &c. maximè huc adhiberi.

β. Penetrabilitatem (322. α.) heic vel magis
etiam requiri ob consistentiam & usus rati-
nem (331. 332.).

γ. Superaddi saepe Epithemata Liquida
(320.), tum ut horum ope Materies siccata fiat
actuofior , tum ut haec illis sit pro Vehiculo
(328. γ.).

δ. Ad Lectulos & Pulvinaria paranda Pa-
leam misceri Pulveri Medicato , quae hunc
diffundat. Idem in Cucuphis aut similibus
Sacculis , qui simul molliores requiruntur ,
nec multum madefaciendi sunt , quandoque
praestat Gossypium , aut **Lana** animalis.

ε. Sacculi **Arena** repleti huc quoque perti-
nent , vel soli , vel cum Epithemate Liquido
usitati (328. ε.) , ubi calor siccus vel humidas
diu conservatus requiritur.

335. ORDO idem , qui (112.) , obtinet.

336. DOSIN limitat Sacci implendi (331.)
capacitas , hancque superficie foveandae ampli-
tudo. Unde diversissima est. Crinita Capitis
pars , Ventriculus , Hepar , ferè unc. ij. iij.
iv. postulant : Cor , Lien , Ren , unc. j. i . ij:
re-

236 DE EPITHEMATE SICCO.

reliquae partes pro ratione suae magnitudinis.
Le^ctuli, Pulvinaria, quibus incumbendum,
plures Libras exigunt. Scito autem

a. Variam & Aetatem, & morbosam partis
extensionem, multum heic discriminis parere.

b. Non infarciri, sed laxè saltem repleri
Sacculos; ut sat sequaces & molliculi sint.

337. QUANTITAS GENERALIS definitur ex
Dosis mole (336.) & Sacculorum parandorum
numero. Plures enim saepe unà praestituantur,
ut vel diversis partibus simul, vel uni al-
ternatim, adhiberi queant.

338. PROPORTIONEM mutuam Ingredien-
tium conditiones similes (313.) terminant.

339. SUBSCRIPTIO mandat

a. Pulveris Praeparationem, quae fit con-
scifione, tuisione plerumque, ut vocant, grossò
modo facta (332.), miftione. Aliquando In-
gredientium quaedam, aut omnia, in Sartagine
torrenda jubentur; ut vel augeatur vel mute-
tur virtus: quod tamen in volatilioribus no-
cet. Alias & ante, quam immittantur Saccu-
lo, Species Liquidis efficacibus, Spiritu, Oleo,
Tinctoriis Aromaticis, &c. consperguntur.

b. Sacci Confectionem. Ubi occurrit (1.)
Panus adhibendus, qui plerumque est Lineus
tene-

tenerior, rudior, Sindon, aut Sericus, raro Laneus. Partis fovendae constitutio, Pulveris quantitas, qualitas, major minorve vis, quam Sacculus sub adapplicatione pati debet, Pretium Panni, Opinio Aegri, &c. electionem figunt. (2.) Figura, quae parti fovendae & usui accommodatur. Capiti crinito cucullaris, Fronti quadrato-oblonga, Cordi pyramidalis, Ventriculo scutiformis, Hepati lunata, Lieni Linguae bubulae aemula, Umbilico rotunda, &c. ferè tribuitur. Lectuli, Pulvinaria, magnitudine saltem aptanda, forma usitatam servant. Quandoque & pollicari mensura longitudo & latitudo exprimitur parti contegenda respon- dens. Alias tamen, partis fovendae tantum facta mentione, reliquum Pharmacopoei peri- tiae relinquitur. (3.) Numerus etiam, ubi plures simul conficiendi sunt (337.), memo- ratur.

γ. Ejusdem Repletionem. Hanc, ubi opus est, praecedens Pulveris cum Palea permixtio, aut cum Gossypio vel Lana exceptio (334. δ.). Inclusio ipsa suturâ plerumque perficitur. Aliquando tamen & simplex illigatio aut complicatio sufficit, ubi vel Figura (β. 2.) exacta, vel applicatio diurna, non exigitur. Denique & intersuuntur Sacci majores, quod barbarè interpassare vocant; ne Pulvis inclusus congle- meretur, aut versus unum locum inaequaliter coacervetur.

δ. Ha-

238 DE EPITHEMATE SICCO.

3. Hactenus tamen (§. v.) dicta saepissime Aeger hujusve Adstantes curant, Pharmacopoeo saltem Pulverem (a.) exhibente. Subscribitur tunc modo. *F. Species pro Cucusa, Sacculo, Lectulo, &c.*

340. SIGNATURA, post Nomen (331. 339. §.), exponit

a. Specierum Inclinationem, si has solutas modo tradit Pharmacopoeus (339. §.). Haec vero similis tunc est (ibid. §. v.).

§. Quae ad Applicationem pertinent. Adhibentur autem Epithemata isthaec vel (1.) sola, siccata, ut plurimum prius calefacta. Vel (2.) vi medicatâ aliorum ante imbuta, ut actuofiora fiant. Quare crebro prius Epithemate Liquido (320. 328. v.) humectantur, macerantur, consperguntur, aut & cum eo decoquuntur: alias quoque Decocti idonei vapore, aut Suffitūs accensi fumo, imbuuntur. Vel (3.) Epithemati Liquido applicato superadduntur, hujus ut calorem conservent, vim augeant. (328. v. s. 334. v.). Reliqua repetantur ex dictis (328.); utpote quorum plurima & heic locum habent.

341. Usus idem est, qui (329.). Minor saltem plerunque Sicci Epithematis est penetrabilitas, actio lentiō, nisi Liquidum accedat (340. §.). Est tamen, ubi siccus calor magis

magis prodest, facilius fertur. Pertinent huc quoque Epithemata ex Catellis vivis, Columbis, Pullis Gallinaceis, &c. disseatis, Omento, aliisve Animantium partibus etiamnum vitali calore praeditis, Pane adhuc a furno calente, & similibus, vel solis, vel aliorum accessu magis adpropriatis, parari solita, quae facile ex hac Historia intelliguntur.

34. SPECIMINA funto.

*

Cucufa Confortans, Capiti debili, frigido, Catarrhis obnoxio, proficua.

R. Rad. Angelicae. unc. j.

Herb. Majoran.

Salviae.

Folior. & Flor. Rosmarin.

Summit. Serpill. ana m. g.

Semin. Nigell. Rom. drach. iii.

Caryophyll. arom.

Masticas

Styrac. calamit. ana drach. j.

Conscissa, tusa, mista, D. ad Chartam.

S. Species pro Cucufa, quae Gossypio exceptae includantur duplicaturee Cuculli, & punctina intersuantur. Cucullo, mane & vesperi fumo Lign. Juniper. accensi imbone, semper tegatur Caput.

Scu-

240 DE EPITHEMATE SICCO.

*
Scutum Stomachicum , ad Nauseam à
motu Liquidi Nervosi inordinato ortam.
Vid. H. Boerh. Mat. Med. p. 129.

R. Pulv. Aromat. Rosae.

Diagalang.

Diarrhod. Abb. ana unc. j.

M.

S. Insuta Sindoni applica Epigastrio.

*
Epithema ad Dolores Colicos a causa frigi-
da , flatulenta , natos.

R. Semin. contus. Anisi.

Cumini ana unc. j.

Piperis drach. iij.

Nuc. Myristic. drach. ij.

Caryophyllor. arom.

Maceris. ana drach. i.

Conscissa , tusa , mista , D. ad Chartam:

S. Species Calefacientes , quae Panis adhuc à
furno calentis , transversim dissecti , super-
ficiei internae , micaceae , inspergantur ,
tum Spiritu Vini irroratae , Sindone super-
extensa contineantur , & Epigastrio vel
regioni dolentzi adplicantur : post tres quas-
que horas Sindon Spiritu Vini iterum hu-
mectetur.

Lechu-

*

Lectulus & Pulvinaria roborantia, Anti-
rachitica.

Vide H. Boerh. Mat. Med. p. 255.

Bz. Folior. recent. in umbra siccator.

Filicis maris. Lib. iij:

Majoranae:

Melissae.

Menthae, ana m. ij:

Flor. recent. in umbra siccator.

Meliloti.

Trifolii odorati.

Sambuci.

Rosarum. ana unc. ij.

Tritis in Pulverem tenuem, & mistis,

F. Species pro Lectulo & Pulvina-
ribus.

S. Species Roborantes, quibus cum duplo tanto
Paleae Hordei mistis, ac dein linteo im-
missis, fiant Lectulus & Pulvinaria, qui-
bus incumbat Aeger. Defendantur autem
ab humido, & saepe exsiccentur.

Q

Epis

242 DE EPITHEMATE SICCO.

*

Epithema Siccum ad Hydrocelen , serum dissipans , educens.

Vid. H. Boerh. Mat. Med. p. 211.

R. Sal. marin. decrepit. siccissimi , calidi , tenuissime triti. q. f.

D.

S. Intra linea consuta applicetur calidus : simul ac madescit , alius similis Sacculus , priori remoto , substituatur.

*

Fomentum Antiphlogisticum , ad Nephritidem. Vid. H. Boerh. Aphorism. §.997. n.3.

R. Herb. Parietar. m. ij.

Flor. Chamaemeli.

Meliloti.

Sambuci. ana unc. 6.

Semin. contus. Lini. unc. j.

Conscissa , lisa tenuiter , mista , laxè immissa duobus Sacculis lineis , quatuor pollines longis , duos latis , insuantur.

S. Sacculi Renales , quorum unus horae quadrante cum lacte dulci coctus , calidus , impunatur regioni lumbari dolenti ; firmetur ligamine : ubi refrixit , interea similiter coctus alter priori substituatur.

Sac-

DE EPITHEMATE SICCO. 243

Sacculus Cordialis, ^{*} excitans in Languore
ab inertia defectuve Liquidi Nervosi
orto.

A. **R.** Folior. recent. *Melissae.*

Basilic. ana drach. iij.
Flor. Lavandul. fiscator. drach. ij.

Cort. recent. Aurant.

Cinnamom. ana drach. j.

Croci Britanni. drach. 5.

Conscissa tenuiter insuantur Sacculo,
pyramidalī, serico, rubro.

B. **R.** *Aq. Meliss. magistral.* unc. ij.

Sal. Volat. Oleos. drach. ij.

Tinct. Ambari. drach. j.

M. D. seorsim vitro probè clauso.

S. *Sacculus A. regioni Cordis adponatur prius*
irroratus Liquore B.: ubi exaruit, iterum
humectetur.

Fotus Adstringens, Intestino Recto pro-
lapso, reducto, conveniens.

R. *Herb. Anserin.*

Folior. *Quercus* ana m. j.

Flor. Balaust.

Gallar. Quercis. ana unc. 5.

Conscissa, tusa, insuantur binis Sacculis
sericis, æqualibus.

S. Coquantur Sacculi in Vini rubri & Acet.
ana q. s. & calidi alternatim admoveantur Ano.

Q 2

De

Cataplasmate.

343. **C**ATAPLASMA est Epithema molle (318. 319. v.), cohaerens, pultiforme, mediae inter Unguentum & Emplastrum consistentiae, calore non colligescens, variis usus externi.

344. Coctione id (343.) paratur frequentissimè : quandoque tamen & sine hac, solo tritu & miscelâ. Unde duplex est : *Coctum* aliud, aliud *Crudum*.

Cataplasmate Cocto.

345. **C**ATAPLASMA COCTUM consistentiae non diffuenti (343.) junctam exigit particularum, quibus constat, teneritatem & cohaesione lubricam. His si accedit earrundem parvitas & mistio velut homogenea, *Puis* vocatur.

346. MATERIES triplex heic usitata est : *Liquorem* : *Corpus* huic incoquendum : *Accessorium*.

a. Liquorem praebent varia : Aqua ; Lac dulce, ebutyratum, Serum Lactis ; Succus pressus

DE CATAPLASMATE COCTO. 245

pressus liquidus ; Mulsæ ; Vinum ; Acetum simplex , aut medicatum officinale ; Urina ; Lixivium ; Oleum pressum, infusum, coctum : quin & quandoque spissiora , calore tamen liquefcentia ; Butyrum , Axungiae , Unguenta , &c. Horum quoque plura inter se mixta non-nunquam , scopo exigente , adhibentur.

¶. *Cognendum* maximè e Regno vegetabiliteretur : quo pertinent Radices ; Bulbi ; Cortices ; Herbae ; Folia ; Flores ; Fructus ; Semina ; vel ex his parati Pulveres , Farinae ; tum Succi densi , &c. Animale & Fossile Regnum pauca exhibet. Stercora , Nidus Hirundinum , Saturnina , &c. hujus sunt censūs.

¶. Accessorium , sub finem coctionis , aut hac perfecta , immiscendum , vel (1.) virtute in auget , coctionis impatiens aut non egens : uti sunt Aquae & Olea Aromatica , Tincturae , Essentiae , Spiritus , Vinum , Acetum , Balsama , Extracta , Pulpae , Electuaria , Gummi-resinae , Succi liquidi , Spissi liquefcentes , Fermentum Panis , Salia , Sapo , Pulveres teneriores , Vegetantium partes molliores , aromaticae , Crocus v. g. & similia. Vel (2.) Consistentiam & Cohesionem lubricam (345.) efficit : cujusmodi sunt Farinae , Pulveres tenues , Olea , Unguenta , Butyrum , Mel , Mica Panis , Ovi Albumen , Vitellus , Mucilagini , &c.

246 DE CATAPLASMATE COCTO.

347. DELECTUM docent Dotes Cataplasmatis (345.), Coctionis nota vis, & Indicatione Medici. Hinc

¶. Repete dicta (322.), quorum plurima & hoc quadrant.

¶. Materies decoquenda (346. ¶.) vel mollis esto, vel coctione mollescens: ut ideo dura quaevis, minus succulenta, Ligna, Stipites, Radices, Cortices, &c. ferè excludantur; Recentes Vegetantium partes praferantur Siccis.

¶. Minus etiam apta sunt, quorum virtus sub coctione, utpote heic aperto semper vase instituendā, avolat. Rectius haec, tanquam Accessoria (346. ¶) addideris, pro naturae diversitate, tritu prius vel in pulverem, vel in pastam, redacta. Confer (226. ¶. 227.).

¶. Panis, Farinae, vel Pulveres tenuiores Vegetantium, faciendis Pultibus (345.) plerumque serviunt.

¶. Alias & Residuum a Fomenti Liquidi decoctione (321.) Materiem praebet, cum & Fomenti & Cataplasmatis, ejusdem virtutis, junctus requiritur usus. Raro tum repetitā operis coctione.

¶. Liquor (346. ¶.) & Scopo & Materiae decoquendae aptus feligatur, coctionem quoque

DE CATAPLASMATE COCTO. 247

que illibata vi sustinens. Humectare, Emollire, Laxare, dum vis, Aquam, Lac, hujusve praeparata, Oleum & huic adfinia, capito: ubi Apriendum, Resolvendum, Stimulandum, Aceto, Oxycrato, Urina, Lixivio, &c. utere. Ex variis inter se junctis virtus composita nascitur. Vinum, Aquae Stillatitiae, Spiritus Vini, Olea aromatica, & similia, coctionem vix ferunt (226. *a. p. v.*), hinc satius puluae jam coctae admiscentur.

7. Accessoriis (346. *v.*) haud ubique opus. Consistentia modo, aut *virtus expedita*, in Materie cocta deficiens, ea postulat. Hinc si justo tenuius est magma, nec satis aequabile; Pulveres vel Farinas addimus: si siccius, minus lubricum; Olea vel huic analogia. Alias & Quantitatis augendae gratia utrisque utimur.

8. Sint autem Accessoria utriusque classis vel liquida, vel calore liquefentia, vel mollia pulsiformia, vel pulverulenta teneriora; nec aequabili miscelae resistant. Quae difficulter solvuntur, aut calore in grumos coeunt, v. g. Resinae, Gummi-resinae, Galbanum, Sagapenum, &c. Aceto prius, Vino, Spiritu vini, Vitello ovi, subigere expedit.

9. Olea & his adfinia ne promiscue ubivis adhibeto. Obstruendo poros saepe noceant; ni Sapone aut Menstruo idoneo ea adtenuaveris.

Q 4

a. Nu-

248 DE CATAPLASMATE COCTO.

* Numerus Ingredientium , qualis in De-
coctis (226. v.) , fertur.

348. ORDO quoque idem est , ac (227.).
Accessoria (346. v. 2.) plerumque postremum
tenent locum ; quia saepe quantitate non de-
terminata praestituuntur. Si tamen valde vo-
latilia accedunt , haec , quippe ultimò miscen-
da , reliquis postponuntur.

349. DOSIS ex partis fovendae magnitudine
cognoscitur , alio non egens limite.

350. QUANTITATEM GENERALEM similes
conditiones (325.) determinant. Unde uti
Lib. ij. iij. & plures , quandoque aequat , ita , ob
coctionis necessitatem , raro Lib. 8. minor
praescribitur.

351. PROPORTIO Ingredientium mutua ferè
tota intelligitur ex (217. 230. 303. 326.).
Addè saltem.

* Materiem decoquendam (346. 8.) ea ca-
pi quantitate , quae Scopo , Dosi (349.) , &
Quantitati Generali (350.) sufficit ; quum to-
ta ejus substantia heic in usum veniat. Repe-
tantur caeterum dicta (303. 326.).

* Liquoris (346. *) Proportionem vix un-
quam determinari , sed capi modo q. s. Suffi-
cit autem hoc pareior plerumque quantitas ,
quam ad Decocta interna , vel externa liqui-
da

DE CATAPLASMATE COCTO. 249

da (230. 303. 326.) ; ut tanto citius justa obtineatur consistentia (343.) : modo non requiratur coctio longior ad Materiem (346. s.) emolliendam.

v. Oleum, Butyrum, Axungia, &c. si pro Menstruo fuerint (346. n.), perparca recipi; ne igni diutius admota rancescant, & acris redantur. Unde Frixio potius aut simplex Colliquatio, quam Coctio, tum plerumque heic usitata est.

d. Pultibus (345.) itidem minorem ferè Liquidi quantitatem sufficere; quia Materies (347. d.) tenerior coctione leni facile concorporatur.

s. Accessoria (346. v. 1.) vix certos in genere admittere limites. Virtus & Consistentia eorum magis minusve ad Pultis spissitatem accedens, quantitas Materiae decoctae, & Intentio Medici, heic considerandae. Si fluiditate vel siccitate nimia justam Cataplasmatis formam (343. 345.) pervertunt, Accessoria (346. v. 2. 347. n.) adhibentur.

q. Accessoriorum (346. v. 2.) Proportio ex quantitate & consistentia tam Materiae decoctae, quam Accessoriorum (s.), determinatur. Posterior vero cum non ubique eadem sit, patet, ex priore sola certi quid statui haud posse. Hinc anceps optime semet expediverit addendo

Q 5

re-

250 DE CATAPLASMATE COCTO.

requisiti (347. n.) q. f. Si autem & siccо & liquido uti animus est (ibid.), alterutrius, vel utriusque etiam q. f. praestitui potest.

352. SUBSCRIPTIO praecepit Materiae (346. p.), si opus est, prius consciissae, tufae, aut maceratae, cum Menstruo (ibid. u.) Coctionem. Hujus vero terminum figit Emollitio, Puttilago, Teneritudo; si Materies crassior est aut solidior: si tenera, pulverulenta; pul-
tiformis spissitas limitem ponit, quam & pro-
mовet jugis sub Coctione agitatio, quippe &
miscelam reddens aequabilem, & empyreuma
arcens, ubi Liquidi parcior adest copia. Su-
peradditur dein coctae Materiae Contusio &
Cibratio, si stamina ejus coctione satis emol-
liri nequeunt. Pulpae tandem, vel Pulti pa-
ratae, ab igne remotae, aut mox removendae,
ad miscenda jubentur Accessoria (346. v.).
Formulam claudit: *F. Cataplasma vel Puls.
D. ad Fictile.*

353. SIGNATURA patet ex (345. 328.). E-
pithema hoc fere semper adPLICatur calidum;
quandoque linteaminibus inclusum; ne inqui-
net. Alias & proxime ante adPLICATIONem de-
mum miscentur eidem volatilia, v. g. Vinum,
Spiritus, & similia, quae tunc, nisi vulgaria
sint, seorsim exhibet Pharmacopoeus. Ubi
usus longior, aut frequenter repetitus, Cata-
plasmatis nimiam efficit siccitatem, tantillum

Li-

DE CATAPLASMATE COCTO. 251

Liquoris, quocum id coctum est, aut alterius idonei, ipsi inter calefaciendum adfundи jubetur. Caetera ex loc. cit. intelliguntur.

354. Usus eximus est in Tumoribus, Inflammationibus, Abscessibus, Gangraena, Obstructionibus, Contusis, Ambustis, Doloribus, &c., ubi emoliendum, refrigerandum, stimulandum, adtrahendum, demulcendum, sopiendum, maturandum, discutiendum, Acre corrigendum; modo Materies apta scopo feligatur.

355. SPECIMINA sunt.

*

Cataplasma Emolliens, Narcoticum: ad Exemplum H. Boerh. Mat. Med. p. 65.

R. Rad. Altheae, unc. ij.

Capit. recent. Papav. hort. cum Sem. N°. iv.

Fol. recent. Hyoscyam. nigr. m. 5.

Micæ Panis albi. unc. iij.

Contusis, cum Lacq. recent. q. s. ad emollitionem usque decoctis, trajectis, adde

Olei Solani. unc. j.

Farin. Semin. Lini q. s.

Ut F. s. a. Cataplasma.

S. Calidum parti dolenti applicetur, donec remittat dolor.

Cata-

252 DE CATAPLASMATE COCTO.

*

Cataplasma Antisepticum ; ad Gangrenam : juxta Exemplum H. Boerh.

Mat. Med. p. 100.

A. ℥. Rad. Helenii. unc. ij.

Herb. Tanacet.

Absynth.

Scordii ana unc. iij.

Baccar. Juniper. unc. iſ.

Conscissa , tusa , decoque in Aq. & Acet. ana q. f. ad teneritudinem. Conatus dein & per Setaceum traejectis admisce

Sal. Gemmae. unc. f.

Ol. Nardini. unc. iſ.

Farin. Lupinor. q. f.

Ut F. f. a. Cataplasma.

B. ℥. Spirit. Matrical. unc. iv.

Camphorae. drach. j.

Concute ad solutionem usque.

D. seorsim vitro clauso.

S. Cataplasma (A.) calidum, irroratum prius tantillo Spiritus (B.), applicetur cum pannis fineis parti affectae , & Vesicula Oleo madefacta detineatur : removetur quolibet triborio.

Puls

DE CATALPLASMATE COCTO. 253

*

Puls Emolliens, Stimulans, in Pus Maturans.

Vide H. Boerh. Mat. Med. p. 90. 91.

R. Farin. Tritici.

Lini recent. ana unc. iii.

Cum Acet. & Olei Lilior. alb. ana q. s.,
sub jugi agitatione, cocta leniter, re-
dige in Pultis consistentiam, cui dein
admisce

Pulp. Cepar. sub cineribus affatar.
unc. ii.

Gumm. Ammoniac. in Vitello ovi so-
lut. unc. j.

D. ad Fictile.

S. Admoveatur calide loco affecto: renovetur
quater de die: ubi arescit, tensillo Buty-
ri insulsi emolliatur.

Aliud simile. Ibid. p. 90.

R. Fol. Acetos. recent. m. iv.

Butyri insulsi. unc. j.

Ad ignem leniter, parum, decoctis adde

Fermenti panis. unc. ij.

Gumm. Sagapen. in Vitello ovi solut,
unc. S.

F. f. a. Cataplasma.

S. Ut prius.

Cap

254 DE CATAPLASMATE COCTO.

Cataplisma Suppurans , ad Bubonem Venereum.

Vide H. Boerh. Mat. Med. p. 248.

Rx Ficus molles, maturas, ad Lib. fl. Mell. recent. unc. ij.

Galbani in Vitello Ovi solati. unc. j.

F. f. a. cum Ag. coquendo Cataplasma.

S. Admoveatur calidura partii affectae, cum panno lineo quadruplicato: renovetur post 4 vel 6 horas.

De

Cataplasmate Crudo.

356. C ATAPLASMA CRUDUM (344.), spiffestate Bolo vel Electuario (127. 138.) proximum, nec lubricam Cocti (345.) Mollitatem, nec Miscelam adeo acquabilem, semper poscit vel admittit.

357. MATERIES ejus in genere est, qualis Boli (128.) ; hinc Excipiens vel Excipienda.

a. Excipiens est vel (1.) Mollis : uti Conservae, Rob, Electuaria, Mel, Balsama spissa, Extracta mollia, Succi densi idoneo menstruo soluti, inque pultis formam rursus cocti, Sapo, Fermentum Panis, Mica hujus recens

DE CATAPLASMATE CRUDO. 255

recens aut macerando emollita, Butyrum, Axungia, Unguenta, Pulpae, Stercora recentia, Vegetantia recentia aut Animantia viva, eorumve Partes molles, succosae, in pastam tusae, &c. Vel (2.) Liquida: Vinum v. g. Acetum, Spiritus Vini, Aquae stillatit. Lac, Mucilago, Syrupus, Oleum, Ovi Albumen & Vitellus, Urina, Lixivium, Succus pressus, tum enumerata (128. q.).

¶. *Excipiendam praebeant Sicca quaevis Pulverulenta, e Regno triplici petita.*

358. *DELECTUS*, juxta Scopum Medici & Formulae hujus dotes (356.) determinandus, facile intelligitur ex iis, quae haec tenus de Externalibus diximus. Nota insuper paucis

¶. *Vegetantia recentia dum deficiunt, substitui posse sicca idoneo liquore macerata: prout & de Pane jam dictum (357. ¶. 1.).*

¶. *Bulbos & Fructus quandoque prius assari sub cineribus; ut Pulpam exhibeant tusa molliorem.*

¶. *Mollia (357. ¶. 1.) saepe sola, aut &, si spissiora sunt, cum Liquidis (2.), absque Siccorum (ibid. ¶.) accessu, adhiberi. Alias & Sicca sola cum Liquidis: tum vero vel haec requiri paullum glutinantia, vel Sicca ejusmodi, quae Liquido permista facile cohaerescunt. Frequenter & Molle & Liqua-*

256 DE CATAPLASMATE CRUDO.

quidum simul inservire excipiendis Siccis , aut
Sicca illis cogendis.

3. Ingredientium numerum esse , qualem in
Electuario (140. §).

359. ORDO quoque similis ; ac (141.) , ob-
tinet.

360. DOSIN eaedem limitant conditions ,
quae (349.).

361. QUANTITAS GENERALIS , minor sae-
pe , quam (350.) , ne unc. j. quidem quando-
que excedit , & raro ad aliquot Libras usque
augetur : quum enim praeparatio heic facilior
sit & promptior , creberrime una tantum Dosis
simul praestituitur : quod ipsum scopus quo-
que saepius flagitat , quam in Cocto (353.355.).

362. PROPORTIONEM Ingredientium mutu-
am novit ferè , qui dicta (133. 144.) confert
eum vi medicata & consistentia Materiae , quam
feligit (357. 358.) , cum dotibus Formulae
(356.) , Doli (360.) , & Quantitate Generali
(361.). Adde

4. Spissitatis gradum (356.) heic non adeo
constantem esse , quin alias major , alias mi-
nor adhibetur ; sive scopus id , sive natura
Materiei , postulet . Profundè penetraturis
consistentia dilutior magis convenit (322. 2.) ,
&c. Proportio hinc nec ubique eadem obti-
net §

DE CATALPLASMATE CRUDO. 257

net; licet tamen in genere ferè similis sit dactae in Electuario (144.), aut Bolo (133.).

¶. Usitissimè heic Excipientem Materiem vel mollem, vel liquidam (357. &c. 1. 2.), vel utramque, saltem q. s. praescribi, aut &, hujus quantitate definita, Excipientia (ibid. §.) molem non determinari. Unde facilis dubitanti expeditio.

363. SUBSCRIPTIO injungit contusionem, miscelam, ut F. s. a. *Cataplisma*, aut *Epithema*: promiscue enim hoc illove nomine uti quidam solent. Quandoque a parte, cui id applicatur, nomen habet: unde, quae Carpis admoventur, *Epicarpia*, quod Fronti, *Frontale*, &c. audiunt. Saepissime tamen pars modo adscribitur, cui adponi debet; maximè si & ejus suo super Vehiculo (320.), panno nempe lineo, laneo, serico, corio, stu- pa, &c. (328. 7.) extensionem Pharmacopoeo committimus; tumque magnitudo etiam & figura Vehiculi commemorari potest (339. §. 2); quanquam posterioris tanta heic non habetur ratio.

364. SIGNATURA, facilis ex (328. 353. 363), partem fovendam, tempus, modum applicandi, de quo paullo ante (363.), &c. exponit. *Vehiculum* (ibid.) saepe liquore idoneo, Aceto, Vino, Oleo, Alcohole, Epithemate liquido, imbuitur prius, quam Cata-

R plasmat

258 DE CATAPLASMATE CRUDO.

plasma excipiat. Alias & Inclusio heic obtinet (353), ne partes inquinentur. Calida, tepida, frigida, sit applicatio pro scopi & materiae diversitate; rarius tamen calida, quam Cocti (ibid.).

365. Usus idem ferè est, qui (329. 354.), at minus universalis. Epispastica, Vesicatoria, frequenter hac formâ adhibentur. Spissitas major Cataplasma plerumque Epithemate Lido minus promtè in partes profundas penetrabile reddit, minus etiam citò dissipabile: unde diutius, fortius, agit in externas.

366. SPECIMINA funto.

*

Epicarpia Antifebrilia.

Vide H. Boerh. Mat. Med p. 136.

℞. Uvar. Corinthiac.

Summit. Lupuli.

Sal. marin. ana unc. ij.

Contusa in Paltem D.

§. Excepta linteis Pulsuum locis adplica ad Arterias, duabus horis ante ingruentem paroxysmum.

*

Epithema Stomachicum, Roborans, pro Infante. Ibid. p. 223.

℞. Flaved. Cort. Citrei ras. unc. 5.

Nuc. Myristic. drach. ij.

Vini Hispanic. drach. iij.

M. conterendo simul in Mortario.

§. Excepta micâ Panis adplicantur Stomacho.

Ca-

DE CATAPLASMATE CRUDO. 259

*

Cataplasma Adstringens , ad Haemorragiam partis externae vulneratae.

Vid. H. Boerh. Mat. Med. p. 104.

R. Sang. Dracor. drach. j.

Sarcocoll. drach. ij.

Lap. Haematit. drach. 5.

Bol. Armen. unc. j.

Tenuissime pulverisata , mista , excipiantur

Album. Ovor. q. s. ut F. Cataplasma.

S. Exceptum id Stupā Alcohole Vini madidā
admoveatur vulneri , tum vesica vel fascia
circumpositā firmetur.

*

Epithema molle , Excitans , Cardiacum.

R. Summit. tener. recent. Melissae.

Abrotan. ana
unc. 5.

Theriac. Andromach. drach. iij.

Caryophyll. arom.

Cinnamom. ana drach. j.

Cum Vini Rhenan. generos. tantillo con-
tusa D. ad fistile.

S. Extensa super pannum Scarlat. Vino Rhe-
nano prius madefactum , tepida , regioni
Cordis adplicentur.

R. 2

C. 2

*

Cataplasma Acre, Emolliens, Stupefaciens.

Vid. H. Boerh. Mat. Med. p. 92.

R. Fermenti Panis acris. unc. ij.

Sapon. Venet. ras. drach. ij.

Mellis. unc. f.

Ol. Chamazmel. infus. drach. ij.

M. F. s. a. Cataplasma.

S. Calidum imponatur Abscessui maturo, apriendo, donec integumenta macerata sensum perdiderint.

*

Cataplasma Emolliens, Anodynum.

R. Micae Panis Siligin. in Lacte dulci macerat. Lib. f.

Vitell. Ovor. No. iij.

Croci pulveris. drach. ij.

Farin. Lini q. f.

Ut conterendo F. Cataplasma.

S. Cum linteamine duplicato, aut panno laneo, dolenti parti adplicetur calidum.

Nota. Ad hactenus traditam Epithematum Historiam (318 ad 366.) pertinent & AMULETA; ut ideo, his qui nisi volet, inde facile haurire queat generalia, quae in iis praestituendis observanda sunt. Specialia docet recepta circa quodvis opinio. Ad Cruda Cataplasmata (356.) retuleris & Cataplasma Emplastrodes ex Therriaca supra linteum aut alutam extensa parari solitum, Ventriculo praeprimis & Intestinis reborandis dicatum.

De

*De**Balneo.*

367. **B**ALNEUM est Medicamentum Externum, quod Liquoris vel Vaporis specie, absque Vehiculi interventu (320. 328. v.), superficiem corporis humani externam adluendo, opeim praefstat.

368. Patet igitur Humidum aliud, aliud *Vaporosum* esse. Utrumque insuper vel est *Universale* vel *Particulare*, prout toti corporis superficie, aut hujus tantum parti, inservit. *De Humido* prius dicam.

*De**Balneo Humido.*

369. **B**ALNEUM HUMIDUM, ut variis partibus, varioque modo, applicatur, varia accepit Nomina. Universale (368.) *Balneum* proprie appellatur: si vero dimidiae corporis regioni tantum, a Scrobiculo Cordis aut ab Umbilico ad Crura aut imos usque Pedes exprorectae, dicatur, *Semicupium*, *Infectionem*, *Inseffum*, vocant: si Pedibus, *Pediluvium*: si Capiti, *Capitiluvium*: si aliis partibus, *Lario*,

262 DE BALNEO HUMIDO.

vatio, *Lotio*, *Lavamentum*, audit: si ex alto, vel guttatum, vel continente rivulo, in partem depluit, *Embroche*, *Stillicidium*, *Impluvium* dicitur, cuius tamen usus hodie, praeterquam in Thermis Naturalibus, ferè exolevit.

370. MATERIEM dat Liquor medicatus quiunque, diffusior, scopo aptus, saepissimè vulgaris, absque Pharmacopoei operâ parabilis, nec formulâ egens: ut Aqua simplex, salsa, saponata, Lixivium cinerum; Lac dulce, hujus Serum; Thermae naturales; Oleum blandum; Aqua permista Laeti, Vino, Aceto, Oleo, quod Hydrelaeon vocatur, Butyro; Decoctum domesticum Furfurum, Partium Animalium, &c. Alias tamen & arte Pharmacopoei parata Decocta (224.), Infusa (211.), Mixturae (272.). Confer (321.).

371. DELECTUS patet ex dictis (299. 322.). Virtus apta, Penetrabilitas & Consistentia liquida heic praeprimis spectantur, neglectis, quae ad Colorem, Odorem, &c. attinent. Caeterum

a. Heic praeprimis, ubi Liquor Simplex sufficit, Composito is Officinali praeferatur (29. 31.) ; quia moles major sumptum auget. Unde ad Universalia (368.) vix nisi vulgaribus (370.) utimur. Memento tamen & (23. 30.).

g. Pin-

DE BALNEO HUMIDO. 263

¶. Pinguium & Aquosorum , si simul adhibentur (370.) , permixtio tam exacta heic non requiritur , medio ut Sapone opus sit (274. §).

γ. Quae ex Fossilibus , Nitro , Sale mar. Alumine , Vitriolo , Sulphure , Calce viva , Alcali fixo , &c. parantur , ut non ubique usu omni careant , Thermarum tamen naturalium vires nunquam planè exprimunt.

δ. Numerus Ingredientium vix major esto , quam in Decocto (226. ψ.).

372. ORDO idem est , qualis in Formulae similis , internae , (370.) , praescriptione.

373. DOSIS dictat superficie humectandae (369.) amplitudo , & vasis balnearii constructio.

374. QUANTITAS GENERALIS saepissime unā tantum Dosi (373.) constat ; praecipue cum Universale est aut majori superficie aptatum Balneum (369.). Minorum partium Lavationes etiam ad plures Doses praeconstituantur simul , quarum tum quantitas juxta (325.) facile determinatur.

375. PROPORTIO Ingredientium mutua similibus limitatur conditionibus , ac (326.) , additis simul (373. 374.). Nota insuper

ε. Pleruinque virtutem heic non admodum contractam exigi : ut ideo Menstrui vel Excipi-

pienis proportio longè capiatur major, quam
ad similia Liquida interna.

β. Quin saepissime Menstrui q. s. ad Deco-
cta heic usitata saltem praescribi.

γ. Alias & Decoctum vel Infusum parari
posse consuetā in Internis proportione (217.
230), valde saturum, idque dein, usus tem-
pore, adfuso plure Menstruo aliove liquore
idoneo dilui: quod maximè ex usu fuerit in
Balneis diffusoribus conficiendis; ne Ahena
grandiora eò requirantur.

376. SUBSCRIPTIO, ratione praeparationis,
est, qualis similium Liquorum internorum
(218 ad 220. 231. 279). Depuratione exacta
non opus (219, d. 2. 3. 4.). Imo materies
solida saepe in ipsa Cupa Balnearia cum Men-
struо infunditor & maceratur, aut alio in vase
cocta simul dein suo cum liquore in Cupam
injicitur, ut frictioni, insestui, &c. serviat.
Creberrimè & heic, in Balneis praesertim ma-
joribus, locum habet (220. 231.); dum Ma-
teriem tantum exhibit Pharmacopoeus in do-
mo aegri infundendam vel decoquendam;
quin haec quoque Sacco lineo, laneo, quan-
doque prius insuitur, qui, Fots Sicci instar
(331.), parti adfetae, sub usu Balnei, admo-
vatur, aut pulvinum praebeat insidenti: quod
in Semicupiis maximè usitatum. Claudit hinc
Formulam: *F. Liquor, vel Species, vel Saccus,*

pro

DE BALNEO HUMIDO. 265

pro Balneo, Semicupio, Pedilavio, &c. (Vide 369.).

377. SIGNATURA intelligitur ex (60. 369. 373. 376.) comparatis ad ea, quae de legitimâ Balnea administrandi ratione suggerit justa Indicationum Doctrina: neque enim paucis haec complecti licet; pluribus autem obstat instituti mei ratio. Vide Cl. F. Hoffmanni Opuscul. Physico-Medica, tum Medic. Ration. System. Tom. III. Sect. II. Cap. X. & alios.

378. Usus Balneorum, hodie rarer, Veteribus frequentissimus, nec ad munditiem modo & delicias, sed ad prophylaxin quoque & therapiam Morborum aptissimus, humectando, emolliendo, demulcendo, adtrahendo, discussiendo, roborando, aperiendo, refrigerando, calefaciendo, attenuando, sopiendo, &c. in chronicis, acutis, externis, internis, malis sumnum fert auxilium; licet nec noxis careat intempestivè adhibitus. Vid. Idem Cl. F. Hoffmann. loc. cit.

379. SPECIMINA sunto.

Lotio Mundans ad Pediculos planos Pubis.
Vide H. Boerh. Elem. Chem. T. II. p. 488.

M. Mercur. sublimat. corros. gr. iv.

Aq. stillat. Rosar. unc. iv.

M. D.

S. Tantillo hujus Liquoris laventur mane & vesperi loca infestata.

R 5

Semi-

*

Semicupium Emolliens, Anodynum, Calculo Ureteribus impacto proficuum.

Vide H. Boerh. Aphor. §. 1426.

R. Rad. Altbeae. unc. iv.

Herb. V. Emollient. ana m. iv.

Flor. Papaver. Errat.

Chamaemel. ana m. ij.

Conscissa insuantur laxè Sacculo lineo quadrato, ad lumborum dimensionem aptato. D.

S. Saccus coquatur per $\frac{1}{2}$ horam in Lact. dulceduplo aquae diluti q. s. Liquori calenti infideat aeger ab umbilico ad crura usque, Sacco lumbis supposito, manè & vesperi per horam. Interea bibat Decocatum Diureticum H. Boerb. Mat. Med. p. 244. descriptum.

*

Lavamentum ad Intertriginem.

R. Ag. stillat. Rosar. unc. x.

Tinct. Benzoin. unc. j.

Sacch. Saturn. drach. j.

M.

S. Lac Virginale, quo partes excoriatae, prius aqua abstergae, laventur.

Bal-

DE BALNEO HUMIDO. 267

*
Balneum ad Glutinosa, pro Infante.

Vid. H. Boerh. Mat. Med. p. 44.

R. *Summit. Rutae.*

Sabinae.

Absinthii.

Tanaceti.

Chamaemeli. ana m. iiij.

Cum *Aq.* decoct. Pintis xij. admisce

Sapon. Venet. unc. iv.

Sal. Sarmentor. unc. j.

F. Liquor pro Balneo.

S. *Huic tepido infideat aeger collo tenuis mane
& vesperi per $\frac{1}{2}$ horam : post fricitur cor-
pus universum cum pannis laneis, fuccis,
calidis.*

*
Pediluvium Refrigerans, Paregoricum.

R. *Fol. recent. Salicis.*

Malvae.

Lactuc.

Nymphaeae. ana m. ij.

Flor. Rhoead. m. j.

Cap. Papav. alb. No. vj.

Nitri. unc. ij.

Conscissis, tusis, mistis, F. Species
pro Pediluvio.

S. Spe-

268 DE BALNEO HUMIDO.

S. Species cum Aq. pluv. q. s. coquantur , sub finem addendo Aceti Vini Pint. j. Decoctum tepidum sit pro Pediluvio , cui insidat aeger ad crura usque per horam , ve spere : egressus ad somnum se componat.

*

Balneum Emolliens , Antisepticum , ad Gonorrhoeam.

Vid. H. Boerh. Mat. Med. p. 245.

℞. Fol. rec. Rutae.

Scordit.

Alliariae.

Malvae. ana m. ij.

Cum Aq. decoct. & expressis admiscet
ad Lib. ij.

Sapon Venet. drach. j.

Spir. Vini comm. drach. vij.

S. In hoc tepido Virga & Scretum immergantur ter quaterve de die , spatio $\frac{1}{2}$ horae : dein panni lanei eodem Decocto immersi , & expressi , omni applicentur Pubi , Scroto , Perisaco.

De

De

Balneo Vaporoso.

380. **B**ALNEUM VAPOROSUM (368.) est Medicamentum externum, cuius Vapores ad superficiem corporis externam aut foras patentem determinati, vel & cum aëre adtraicti, scopo Medici satisfaciunt.

381. Vapores autem (380.) e Materie vel (a.) exhalant sponte, naturali atmosphaerae calore acti: quae *Odoramenta* audiunt, inferius demum explicanda; quum cognitionem quo-rundam, de quibus nondum egimus, supponant. Vel (b.) admoto igne exutiuntur: de quibus nunc dicemus.

382. Posteriora (381. b.) *Liquida* sunt vel *Sicca*: illa vocabo *Vaporationes Humidas*: haec *Suffitus*, *Suffimenta*, *Suffumigia*, cluent. Utrumque, uti Balneum Humidum (368.), in *Universale* & *Particulare* distinguitur. De *Liquidis* prius agam.

De

De

Vaporatione Humid.

383. **V**APORATIONIS HUMIDAE MATERIES est Liquor omnis, ignis ope in Vapores resolubilis medicatos : cuiusmodi sunt Aqua simplex, Lac, hujus Serum, Vimum, Acetum, Spiritus Vini, Urina; Praeparata & Composita Officinalia, Aquae stillatit. Tincturae, Essentiae, Elixiria, Spiritus, & similia ; tum ex his aliisque arte selectis confecta Infusa (211.), Mixturae Mediae (272.), aut Contractae (283.), praeprimis vero Decocta (224.).

384 DELECTUS, practer toties jam de Extensis dicta, notare jubar

». Vapores heic vel incensionis, vel, quod frequentius, ebullitionis igne de Materie (383.) excuti; hinc virtutem in ea requiri hoc illoce calore volatilem,

β. Videndum ergo prius, quo uti calore velis aut possis; ut huic dein aptam feligas Materiem: hac enim manente eadem, pro ignis diversitate diversus erit Vapor. Alcohol Vini bulliens exhalat Alcohol, accensum vero Aquam.

7. Un.

DE VAPORATIONE HUMIDA. 272

v. Unde si bulliendo, ut saepissime fit, vaporandum, vanus ea admiscueris, quorum virtus Liquoris, quo uteris, ebullientis calore dissipari nequit. Adstringentia ergo, Extracta coctione spissata, Animalia ac Fossilia fixa, &c. inepta. Optima, ex quocunque Regno, quae aquae incocta efficaces stillant Aquas, Spiritus, aut Olea. (a). Emolliens quoque, Demulcens, Sopiens vis, licet penitus fixa videatur, aliqua tamen ex parte, coctionis ope, in Vapores abit.

d. Patet hinc Decoctis hujus Formulae ea etiam idonea esse, quae, quod virtute gaudent volatili, ad interna minus convenient (226. a. §. v. o.) ; modo & Coctio & Vaporatio simul perficiatur.

e. Ubi varia inter se misces, disce ex Chemia mutuas aliorum in alia actiones. Docet haec bina Fixa inter se juncta Vapores dare volatiles, & contra Volatilia figi mixta Volatilibus aut fixis. Calcem vivam aut Alcali fixum adde Sali Ammoniaco, Acidum Vitrioli Nitro, Sali Comuni, &c. Acidum Nitri, Salis, Aceti, junge Alcali volatili, fixo, Terrae absorbenti, &c. Credes dicta.

ξ. Me-

(a) Vide H. Boerh. Elem. Chem. Vol. II. Proc. I. XV. &c.

272 DE VAPORATIONE HUMIDA.

ζ. Memor denique suimae penetrabilitatis Vaporum igne actorum cave ne laedas profuturus.

η. Numerus Ingredientium est, ut in similibus Internis (383.).

385. ORDO itidem nihil habet peculiare.

386. Dosis Mensurâ aut Pondere nunquam, sed ex Vaporationis duratione plerumque determinatur: unde vel Liquoris Quantitas Generalis tota simul igni exponitur, vel ejus modò pars circiter sufficiet, si minus, plure dein adfuso supplenda. Quandoque tamen, ubi foetoris corrigendi gratia Essentias tantum aut Oleis pretiosis utimur, Dosis ad Guttulas aliquot restringitur.

387. QUANTITAS GENERALIS scitur ex vaporanda superficie & Vaporationis duratione ac frequentia: ut ideo Lib. j. ij. iij. & plures aliquando praefituantur. Si tamen Dosis aliquot modo Guttae constituunt (386.), Scrupulus etiam aut Drachmula sufficit.

388. PROPORTIO mutua Ingredientium patet ex iis, quae hactenus de Externis similibus dicta sunt (303. 326.). Menstrui ad Decocta & Infusa saepissime heic modo q. s. praescribitur.

389. SUBSCRIPTIO est, ut in Balneo Liquido

DE VAPORATIONE HUMIDA. 273

do (376.). Neque heic, nisi simplici Defusione, depuratur Liquor. Quin & saepe Materiem tantum decoquendam praebet Pharmacopeus; ut coctio denum coram aegro, inter Vaporandum, fiat (384 d.). Sacculo etiam quandoque includuntur Species, qui Vaporatione peracta calidus adfectae parti applicatur. Subscribitur ergo. *F. Liquor*, vel *Species*, vel *Sacculus*, pro *Vaporario* vel *Balneo Vaporis*.

390. SIGNATURA, praeter communia, singulari heic Utendi modum exponit, qui pro vario scopo varius est.

a. Si Vapore corrigerandam modò atmosphaeram requirit Foetor, Contagium, Aér putridus, Pestilens, &c; prunis in loco infecto positis vel adfunditur Liquor, vel super his in olla repanda locatus bulliendo in Vapores solvitur per aëra diffundendos.

b. Si corporis aegri superficie proximè applicandus Vapor; variae inventae sunt Domunculae, Sellae, Arcae, Machinae fornicate, intra quas stans, sedens, jacens aeger, corpore nudo, aut tenui linteamine tecto, capite foras porrecto, coercitum excipit Vaporem, natum de Liquido vel accenso, v. g. Spiritu Vini, vel fervente; dum id, igne etiamnum bulliens, oxyüs in loculum reponitur eò adaptatum, & frigescenti aliud fervefactum substituitur; aut Silicibus candefactis super-

S fun.

274 DE VAPORATIONE HUMIDA.

funditur, hinc in illud conjiciuntur, aliis augendi, cum refrixerunt.

γ. Si cavum quoddam, Auris v. g. Nares, Fauces, Bronchia, Vagina, Uterus, &c. aut minor corporis superficies, Vapore maceranda; Infundibula, Stragula, ex usu sunt.

δ. Quae ante, sub, & post Vaporationem agenda, tum ejus durationem, iterationem, &c. ex Indicatione sua in singularibus discit Medicus.

391. Usus Vaporarii insignissimus, Balnei Liquidi similis (378.), & vel longè efficacior, videatur apud eundem Cl. Hoffmannum loc. cit.

392. SPECIMINA sunt.

*

Vaporarium particulare, Emolliens, Resolvens, ad Anginam Inflammatoriam.

Vide H. Boerh. Mat. Med. p. 137.

R. Acet. Samb.

Rosar.

Calendul. ana unc. j.

Aq. still. Samb. unc. vj.

M.

S. Vapor calidus hauriatur infundibili ope in fances.

Bal-

DE VAPORATIONE HUMIDA. 275

*

Balneum Vaporosum universale, Nervi-
num, Antiparalyticum.

Conf. H. Boerh. Aphorism. §. 1068. 1069.

℞. Herb. Majoran.

Menth.

Mari Syriac.

Fol. rec. Cochlear.

Summit. rec. Rutaæ.

Flor. Chamaemel.

Baccar. Juniper. ana m. j.

Conscissa, tusa, mista, digere in Phiala
alta Chemica, cum Aceti & Spirit.

Vini vulg. ana q. s. per diem & no-
ctem.

S. Liquor bene calidus, una cum Speciebus,
in ollam effusus, reponatur in loculum
Fornicis Sudatorii, ac Silicibus carentibus
injectis fervens detineatur. Sub Fornice
decumbens Aeger, ingestu prius Decocto
attenuante, Vapores excipiat nudo corpore,
ut sudet per $\frac{1}{2}$ horam aut ultra, si vires
ferunt. Sudoribus deteratis corpus fricitur
pannis laneis, calidis, fuccis, villosis.

S 2

V 2-

*
Vapor Suaveolens ad Foetorem loci corrigen-
dendum.

R. *Effent. Ambar.* drach. ij.

Ol. still. Caryophyllor. gutt. xxv.

Cinnamom. gutt. x.

M. D. *Vitro* probe clauso.

S. *Hujus aliquot Guttulae prunis non fuman-
tibus, aut Silici ignito, instillentur.*

*
Vaporatio Emolliens, Resolvens, ad Gra-
vem Auditum a causa frigida.

R. *Folior. Absynth.*

Rosmarin.

Summit. Rutae. ana m. $\frac{1}{2}$.

Flor. Lavendul. unc. $\frac{1}{2}$.

Baccar. Laur.

Semin. Cumin. ana drach. iij.

Conscissa, tusa, mista, insue Sacculo.

D.

S. *Coquatur Sacculus in q. s. Vini : Vapor ope
infundibuli immittatur Auri affectae, ma-
ne & vesperi per $\frac{1}{2}$ horam : post Saccu-
lus ipse e decocto exemptus, valde calens,
Auri adplicetur, firmetur.*

Va-

*
Vapor Antiloimicus.

R. Aceti Vini vulg. Pint. ij.

Sal. marin.

Nitri.

OL. Vitriol. vulg. ana Lib. 8.

Aq. purae. Pint. j.

M.

S. Immissa in ollam fictilem vitreatam, repandam, super prunas reposita, in limine dominus aut cubiculi leniter evaporent.

De

Suffitu.

393. **S**UFFITUS (382.) est Medicamentum Siccum, cuius accensi vapore per Atmosphaeram diffuso, aut ad superficiem corporis aegri externam, hujusve in ostia admiso, Medicus finem suum adsequitur.

394. MATERIEM ei primariam praebent Sica quaevis, vel Inflammabilia vel Volatilia, quae igne cremata Vapores fundunt medicatos. Quare huc maximè recipiuntur Vegetantium partes solidae, tum Succi densi, Resinae, Gummi, Gummi-resinae, Balsama ficoa, &c.

S 3

Bx

Ex Animali Regno Moschus, Zibethum, Castoreum, Fella inspissata. Ex Regno Fossili Succinum, Ambarum, Sulphur, Nitrum, Cinnabaris, Sal Ammoniacus, &c.

395. FORMA Suffitū est vel *Sicca Pulverulenta*, vel *Sicca Cohærens*, solida.

a. Prior, particulis constans plerumque longe crassioribus, quam Tragea (107.8.), exhibit vel Pulverem dictum *Fumalem*, prunis inspergendum, vel *Nicotianam Medicatam*, vulgaris instar Tabaci, e fistula hauriendam.

β. Posterior, particulis exactius mistis, & apto glutinante coactis, varias fingitur in figuræ, *Trochiscos* vel *Pastillos*, *Baculos*, *Candelas*, *Aviculas Cypriæ*, *Taedas minores*, maiores, quae prunis injecta, fornaci calidae adfricta, accensa, fumos spargunt requisitos.

396. DELECTUM MATERIAE (394.) LIMITAT SCOPUS MEDICI & FORMA SELECTA (395.).

a. Hinc quae ad delicias, aut foetorem loci corrigendum, adhibentur, nonnisi suaveolentia recipiunt, Aromata v. g. Thus, Styracem, Ladanum, Benzoën, Ambarum, & similia. Ubi roborandum, calefaciendum, siccanum, dissipandum; Resinae, Gummi, Gummi-resinae, Aromate etiam non suavissimo praedita, tum Succinum, Sal Ammoniacus, &c. optima. Hystericis Foetida, Castoreum, Asafoe-

foetida, Galbanum, &c. magis apta. Sulphur, Nitrum, putredini adversa. Venereis opponitur Cinnabaris.

β. Vegetantium partes solidae natura sicciores, aut arte siccatae, tantum huic quadrant, facilius quippe inflammabiles.

γ. Liquores etiam aromatici, coactiores, non tamen aquosi, sed flammam alentes, ut Essentiae, Olea, Balsama liquida, siccis restrixta dosi admiscetur: prout in internis quoque obtinet (110. & 174. & 4.).

δ. Nicotianae Medicatae (395. &) Basin Tabaci Folia praeparatis constituant: minor ailiarum Herbarum, Florum, Corticum, Aromaticum, &c. quantitas accedit. Excluduntur Succi igne liquefcentes, obstructuri quippe canalem fumisugii.

ε. Cogendis massis Formae posterioris (395. &) Mucilago Gummi Tragacanthae, Ladanum liquatum, Terebinthina, aut Balsamum quoddam liquidum, inservit.

ζ. Pastillos, Candelas, Aviculas Cyprias, Saccharum quandoque ingreditur, quo materies reliqua & magis diffundatur, & vividius ardeat.

η. Quae semel accensa, sponte dein proferente scintillatione, ignem alere debent, ut

S 4 sunt

sunt Candelae & Aviculae Cypriae , levioris ligni , Salicis v. g. vel Tiliae , Carbonem recipiunt aliis intermistum , utpote propagando paullatim igni aptissimum .

9. Taedis majoribus constituendis Cera Basin exhibet .

10. Ubique heic , maximè si Vapores proximus corporis superficiei applicandi , hujusve in ostia intromittendi sunt , cogita & peripheriae bibacitatem (322. 9.) , & sensilissimam internorum teneritudinem , & miram denique Ignis vivi vim , corporum concretorum principia separantem , mutantem ; ut cautus feligas apta scopo , adfectis partibus amica , non nocitura aliis . Cinnabaris , movenda salivae impar , dum concreta manet , igne resoluta redit in Mercurium . Benzoë , Succinum , &c. concremata an pristinum Benzoinum & Succinum evaporant ? Chemiam consule ! Disces alia .

11. Prostant saepe in Officinis iam parati Suffitus formæ ferè cujuscunque . His igitur , si scopo respondent , utenti nova compositione supercedere licet ; quum diu satis incorrupti perfistent , imo tantillo Liquidi idonei , aromatici (y.) , intermisto aut illito adpropriari queant .

12. Numerus Ingredientium ingens saepe heic

heic congeritur. Concinna tamen brevitas ubique laudanda (29.).

397. ORDO, qualis in Pulvere & Trochiscis internis (112. 176.), heic obtinet.

398. Dosis, in variis varia, rarissimè Pondere, saepe Numero aut Mensura, determinatur. Pulverum (395. a.) Drach. j. ij. Pugill. j. jj. prunis injici jubentur. Nicotianae (ibid.) Dofsi limitat coni Fistulae Tabacariae capacitas. Trochisorum, Candelarum, Avicularum (ibid. b.), №. j. jj. iij. prunis imponuntur vel accenduntur. Baculi (ibid.), quantitate incertâ, fornaci adfricantur. Taedae incendiae numero & tempore determinari possunt.

399. QUANTITAS GENERALIS ex usu diutius, brevius, continuando, saepius aut rarius iterando, colligitur. Quae molestiorem exigunt subactionem, formationem, uti sunt pleraque Formae posterioris (395. b.), vix infra Lib. 8. simul praescribito; nisi cum Officinalibus uteris (395. a.). Confer (180.).

400. PROPORTIO mutua Ingredientium ex Indicatione Medici, virtute & pretio Materiae, tum Forma expetita (395.), cognoscitur, collatis ante dictis (87 ad 92. 115. 181. 303. 396.).

a. Efficaciora, Cariora, ad utramque Formam (395. a. b.) plerumque minore ad reli-

S 5 qua

qua proportione recipiuntur. Idem de Liquidis (396. γ.) obtinet.

β. Tabaci Folia, pro conficienda Nicotiana Medicata (395. α.), triplo, quadruplo, sextuplo, & ultra, caeteris copiosiora capi solent.

γ. Glutinantis (396. ι.) ad Trochiscos, Canellas, &c. (395. β.), q. s. praescribitur: Cerae ad Taedas (396. ι.) dupla, tripla, reliquorum quantitas.

δ. Carbonis (396. η.) itidem q. s. aut aequalis vel dupla reliquorum quantitas ferè sumitur. Simili penè modo & Sacchari (*ibid.* ξ.) Proportio se habet.

401. SUBSCRIPTIO mandat Comminutionem *groppo modo*, Mitionem, &c. ut *F. Pulvis pro Suffitu*, *Nicotiana Medicata*: Subactionem cum Glutinante, ut *F. Trochisci*, *Baculi*, *Aviculae Cypriae*, *Taedae*, &c. Neque caeterum Moles horum aut pondere aut mensurâ determinari solet. Ubi Officinalia praestituntur (396. ρ.), patet, non opus esse Subscriptione, nisi forte Liquidi intermistio aut illitus commendandus. Addi potest. *D. ad Chartam*, *Scatulam*, &c.

402. SIGNATURA ex (60. 393. 395. 398.) facile intelligitur. Nota

α. Formas omnes (395. α. β.) saepissime tantum

tantum Atmosphaerae corrigendae gratia adhiberi; & Baculos quidem, Candelas, Aviculas Cyprias, Taedas, non nisi huic servire scopo; at Pulveres & Trochisces etiam vaporando proximiū corpori. Prior igitur usus cum delicias modò aut Prophylaxin plerumque spectet, vix exactius regimen requirit.

B. Si vaporandum corpus; pleraque (390. *B. v.*) memorata heic quoque obtinent. Vapores tamen accensione semper (393.) excutiuntur. Quandoque Subuculae, Cuculli, Sacculi (340. *B. 2.*), fumigantur prius, quam corpori adplicantur. Alias & Panni lanei, lanei, Vapore sicco imbuti, fovendis aut fricandis partibus inserviunt.

403. USUS, passim jam indicatus, Voluptati, Prophylaxi, tum Therapiæ aptus, roborando, calèfaciendo, discutiendo, siccando, præstat plurimum. Sunt &, quibus Cinnabarinus Suffitus ad Venerea placent; licet haud satis tutò ubique (396. *u. i.*). Nec tenero Pulmoni admodum convenire putem adustos acrum Vapores (*ibid. i.*).

404. SPECIMINA funto.

Suffitus Antiloimicus.

B. Myrrh.

Flor. Sulphur.

Nitri ana unc. j.

M. F. Pulvis grosflus.

S. Hujus Pugill. aliquot in prunas inspersis
vaporentur Cubicula aut Aedes.

Suffi-

*

Suffitus Roborans , Discutiens , ad Hydro-
celem.

Vide H. Boerh. Mat. Med. p. 212.

R. Benzoin.

Oliban.

Sarcocollae.

Resin. Guajac. ana unc. f.

Camphorae. drach. f.

Masticas. unc. j.

Salis Ammoniac. scrup. ij.

M. F. Pulvis.

S. Hujus incensi vapor excipiatur nudo Scroto ,
dein panni lanei fumo hoc vaporosi , calidi ,
superapplicentur.

*

Nicotiana Suaveolens , Cephalica.

R. Herb. siccata. Salviae.

Majoran. ana m. f.

Thymi.

Flor. siccata. Lilio. Convall.

Rosar. ana pug. ij.

Cort. Cascarill.

Cinnamom. ana scrup. j.

Comminutis crassiusculè adminisce

Fol. Nicotianae consciffor. unc. iv.

Tum consperge tantillo Effent. Ambar.

D.

S. Ut in Fronte. Sugatur fumus mane , per
dimidiam aut integrum horam , ex Fistula
tabacarie.

Suffu-

*

Suffumigium Anti-Rachiticum.

Vid. H. Boerh. Mat. Med. p. 255.

R.. Benzoin.

Masticas.

Succin. ana unc. j.

Lign. Aloës.

Cort. Cinnam. ana drach. ij.

Caryopbyll. arom. drach. j.

Contusa, mista, cum Terebinib. Venet. q. f.
redigantur in Trochiscos. D. ad Scra-
tulam.

S. Trochisci pro Suffitu, quorum aliquot pru-
nis injiciantur, dum ante ignem sedet in-
fans nudatis inferioribus. Pannis etiam
laneis, siccis, borum fumo imbutis, frice-
tur Spina Dorfi, Abdomen, &c. manè &
vesperi.

*

Baculi Suaveolentes ad Fornacem.

R.. Ladan.

Styrac. calam.

Benzoin. ana unc. j.

Bals. Tolutan. unc. R.

Paly.

Pulv. Rad. Irid. Flor.

Cort. Cascarill. ana drach. iiij.

Ol. Lign. Rhod. gutt. xx.

Cum f. q. Mucilag. Gum. Tragacanth.

*Aq. Rosar. extract. F. Massa, quae
formetur in Baculos instar Cerae Si-
gillaris.*

D.

*S. Forñaci aut testae calidae adfricetur parum
Baculus ad discentiendam Mephitim.*

*

Aviculae Cypriæ.

R. Oliban.

Masticæ.

Benzoin.

Cort. Thymiam. ana unc. j.

Baccar. Juniper. unc. 8.

Caryophyll. arom. drach. ij.

Sacchar. alb. unc. iv.

Carbon. Salicis. lib. j.

*F. omnium Pulvis subtilissimus, qui
cum Mucilag. Gumm. Tragacanth. in
Aq. Rosar. factæ q. f. subigatur &
effingatur in Aviculas vel Candelas.*

*S. Dueæ, tres, &c. accensæ reponantur in
loco odore grato inficiendo.*

Tac-

*

Taedae Odoratae.

R. Easdem vel Similes Species Formulae
praeced. exceptis Saccharo & Car-
bone.

Cerae flavae duplum ad. p. o.

Concorponentur & formentur in Taedas
minores vel maiores.

S. Ardeant hae ad delicias aut ad Propylaxin
in locis infectis.

Nota. Huc & referri potest Clyisma ex
Fumo Nicotiana, usus satis noti, singulare
artificium in praescribendo non exigens. Quin
Cassofleta etiam P. Morelli Meth. Praescr.
Form. p. 291. ex hac tenus dictis facile intelli-
gitur.

De

Emplastro.

405. **E**MPLASTRUM est Medicamentum ex-
ternum, in frigore solidum, haud
tamen friabile, calore liquefcens, ductile, glu-
tinosum, ex Oleosa materie maximè paratum,
quod, idoneo super Vehiculo extensum, par-
tibus corporis externis varios in usus imponi-
tur. Vocatur id *Dropax seu Picatio*, ubi Pi-
cem pro basi habet; *Sparadrapum*, *Tela Em-
pla-*

plastica, si Vehiculum eo utrinque obductum est.

406. MATERIES ejus vel *Excipiens* est vel *Excipienda*.

a. *Excipiens*, in genere Oleosa, pinguis, tenax, vel est (1.) Liquida: ut Olea pressa, infusa, cocta. Vel (2.) Spissior, sequax: ut Pinguedines, Medullae, Butyrum, Mel, Unguenta Officinalia, &c. Vel (3.) Tenacior, glutinosa: ut Terebinthina, &c. Vel (4.) Durior in frigore, sicca, cohaerens: ut Cera, Resinae, Gummi, Gummi-resinae, Emplastra Officinalia, &c.

b. *Excipienda* iterum vel (1.) Liquida est: ut Liquores aquosi, Mucilagines, Decocta, Infusa, Succi pressi, Olea Aromatica, pressa, stillatitia, Balsama liquida, nativa, artesacta, Tincturae, Spiritus, Vinum, Acetum, Fel, & similia. Vel (2.) Spissa: ut Succi densi, Extracta, Sapo, Amalgamata, &c. Vel (3.) Sicca pulveralenta: ut Calces Metallicae, Pulveres Vegetantium, Animantium, Fossilium &c.

407. DELECTUS ut ex arte fiat, Indicatio Medicorum, Materiae aptae (406.) natura, & Emplasti Dotes (405.), requiruntur cognitae. Hinc scito

a. Lat.

a. Laudari in Emplastro (1.) Consistentiam in frigore siccain, digitos non inquinantem, (2.) Ductilitatem sequacem in leni calore, ac Mollitatem. (3.) Lentam Tenacitatem; ut Vehiculo & Parti facile adhaerescat. (4.) Mixtione Ingredientium homogeneam.

b. Dos prior (**a. 1.**) pendet a Materie (406. **a. 4. b. 3.**): alteram (**a. 2.**) efficit Excipiens (406. **a. 1. 2.**): tertiam (**a. 3.**) Terebinthina & Gummoso-Resinosa (406. **a. 3. 4.**): postremam (**a. 4.**) producit artificiosa omnium concorratio.

c. Excipiendo (406. **b.**) haud ubique opus: Excipientium enim species (ibid. **a.**), arte junctae, Emplastrum praebent optimum. Sola Cera & Terebinthina, proportione aptâ colliquatae, absque aliis, omnes Emplastri doles (**a.**) exhibent.

d. Oleum (406. **a. 1.**), vel huic analoga (ibid. **2.**), tum Terebinthina & Cera (ibid. **3.** 4.), plurimorum Emplastrorum Basiu consti-tuent: Cerae tamen & Terebinthinae Pix alliquando, Resinae, Gommi-Resinae, substituiuntur.

e. Quin sola etiam Pix, aut Gommi-Resinae, pistillo calido diductae, aut Oleo Spirituve apto emollitae, pro Emplastro sunt.

f. Oleum quoque solum, cum Calce Sa-

T
tufa

turnina, Lithargyrio v. g. Minio, Cerussa, sat diu coctum, in Emplastrum abit.

n. Liquida Aquosa (406. β. 1.), quorum in volatili principio virtus haeret, ne receperis: necessaria enim heic humoris aquei per cocturam diffratio simul & vim dissipat.

g. Vegetantium partes specificè leviores, & vi per magnum volumen diffusa praeditae, vix aptae, quae pulveris specie hac ingrediantur. Harumce Succum, Decoctum, Infusum, Oleum, Extractum, rectius adhibueris.

z. Salia, praeterquam Metallica quaedam, ut Saccharum Saturni, &c. rarius heic in usu sunt; quam vel aegrè misceantur, vel sub mixtione pereant volatilia, vel vi emplasticâ aliorum enerventur, vel deliquio noceant.

z. Qui accedunt Pulveres (406. β. 3.), vel solubiles sint oportet, vel tenuissimi, ut acquabilissimè interteri queant (α. 4. β.).

λ. Hinc & Extracta, Succi densi, Gummi Resinae, & similia, nisi vel colliquari cum aliis, vel in Pulverem comminui possint, apto prius Menstruo, Aceto, Vino, Oleo, Terebinthina, Vitello Ovi, &c. solvuntur.

μ. Quandoque Vegetantia aut Animantia, quorum virtus in Emplastro desideratur, cum Vino prius, Aceto, Oleo, Axungia infunduntur,

DE EMPLASTRO.

291

tur, decoquuntur, friguntur; ut colatus, expressus, Liquor dein, cum aliis, in formam Emplastri cogatur.

9. Argentum vivum si recipitur, Tercbin-thina id vel Axungia figendum prius, aut Menstruno apto solvendum.

¶ Prostet autem satis plerumque ingens Em-
plastrorum Officinalium numerus, Magistrali
ut compositione, faltem diffusiore, vix opus
sit. Unde usitissimum Officinale modo praec-
scribitur solum, aut plura simul, idonei ope
Olei, Spiritus, Tincturae, Elixiris, &c. emol-
lienda, subigenda. Alias & loco Basis inser-
viunt, cui reliqua scopo admodumata, Pul-
veres, Gummi, Resinae, Succa, &c. inter-
ventu Excipientis (406. a. 1. 2. 3.), admi-
scuntur. Sic praeparationis opera & tempus
compendifieri, error vitari facile potest.

• Numerus Ingredientium parcior heic, ut
ubique, laudabilis. Compendio (z.) qui util-
tur, pauca scribendo complecti poterit pluri-
ma.

408. ORDO, licet saepius a quantitate desumatur (57. v.), Excipientium illis, quae q. s. praescribuntur, ultimò locatis (ibid. t.), istamen optimus videtur, qui præparationis ordinis maximè responderet. Excipientia hinc & Excipienda, quae coctione concorporari de-

T₂ bent,

bent, aliis praecant: sequantur, quae sola egent colliquatione; tum quae massae ab igne renotae demum admiscenda, Pulverulenta, Volatilia, &c. At nec fcrupulosa accuratione opus est, ubi de Pharmacopoei dexteritate constat.

409. Dosis & QUANTITAS GENERALIS
heic plerumque aequales sunt; quia raro plures Doses simul praescribuntur. Partis tegendae, aut Vehiculi oblinendi, magnitudo consideranda. Quum vero aetas varia, habitus corporis obesior, tenuior, &c. plurimum differentiae faciant, generalis limes figi heic nequit: unde, si Compositione utimur Officinali, aut Magistrali simpliciore (407. v. s. §.), saltem q. s. praestituere expedit, determinata interim parte, quae Emplastro tegi, aut magnitudine Vehiculi, quo super extendi id debet. Compositio Magistralis prolixior quantitate parcā haud praescribatur. Si plurium Dosum Quantitas exigitur, usus frequentiae & diuturnitatis simul habenda ratio.

410. PROPORTIO mutua Ingredientium similibus, ac Delectus (407.), limitatur conditionibus, tum vario consistentiae Emplastri gradu. Nota enim

et. Pro diverso Emplastri usu triplicem obtinere Spissitatis gradum; Mollirem nempe ad Cerata accedentem; Medium; Duriorem. Emol-

mollientibus, altum penetraturis, ad mobiles partium flexuras adipicandis, Sparadrapis (405.), prior magis convenit: Exsiccantibus, Adstringentibus, Firmantibus, &c. bini posteriores.

$\beta.$ Proportio hinc pro variâ spissitate ($\alpha.$) ita ferè determinatur, ut sit pro

Molli	{	Olei unc. j.	Cerae	{	unc. i.	Pulver.	{	unc. $\frac{1}{2}$.
Media					unc. ii			dr. vij.
Duriore					ij.			unc. j.

$\gamma.$ Oleo autem analoga habetur Materies pinguis, spissa, (406. $\alpha.$ 2. 3.): Cerae adfinita reliqua (ibid. 4.) recensita: Pulverum quoque defectus plure Cerâ aut huic analogo suppleri potest.

$\delta.$ Pulverum tamen pondus specificum & singularis indoles ratione Oleosorum simul attendenda. Fossilia ponderofiora minus plerumque spissant levioribus. Calces Saturninae plurimum Olei aut Pinguedinis imbibunt.

$\epsilon.$ Liquorum Aquosorum (406. $\beta.$ 1.) Proportionem suo ex scopo figit Medicus: quum enim coctio plurimum difflet; reliquorum inter se Proportio fere manet eadem.

$\zeta.$ Succi spissi, &c. (406. $\beta.$ 2.), ut vel Cerae vel Axungiae densitati propiores sunt, huic illive adnumerantur ($\gamma.$): quamvis restricta saltem quantitate addi soleant.

T 3 $\eta.$ Ce-

z. Ceram albam si adhibes, cum flavâ fragilior sit, Proportio ejus paullum imminuenda. At flavae usus heic ferè frequentior.

g. Memento & frigore densari corpora magis; ut Hyenie Mollium (406. a. 1. 2. 3.), Aestate Duriorum (*ibid.* 4.) augeas quantitatem.

e. Quae emollitioni inserviant (407. s. §.), aut solutioni (*ibid.* a.), q. s. praescribuntur.

z. Est & usitatissimum, Olei & Cerae, vel his adfinium (*v.*), utriusque aut alterutrius quantitatem Pharmacopoei peritiae relinquere determinandam: quâ viâ commodè evitatur error.

a. Sic quoque Emplastro Officinali si jungere voles alia scopo magis apta (407. §.), horum consistentiae gnarus facile videris, liquido, molli, tenace, an duro insuper opus sit Accessorio, cuius q. s. addendum.

411. SUBSCRIPTIO praecipit.

a. *Massae Emplasticae Praeparationem.* Haec fit vel (1.) Emollitione, lenis caloris aut Menstrui adminiculo obtinendâ (407. s. §.); quod *Massare* vocant. Vel (2.) Colliquatione; sicubi Materies igne fundi, & fusa ritè inter se coire potest, nec nisi Pulveribus intertritis, aliisve fa-

facile solubilibus, misceri debet. Vel (3.) Con-
ditione etiam accidente; quae requiritur, cum
vel humor aqueus est diffundens (406. p. 1.),
vel vis medicata fixior e Vegetantibus praem-
primis extrahenda, rejectis partibus solidis, vel
Calces Metallicæ, præsertim Saturninae, inti-
mius dissolvendæ. Ordinem & Encheires,
quæ ad legitimam Praeparationem pertinent,
heic prætereo, tum ob (7. v. 8.), tum quia
industriae Pharmacopœi committuntur. Con-
fer & (408.).

p. Extensionem super Vehiculo, quod pan-
nus est lineus, sericus, gossypinus, alu-
ta, &c. prout superficies contegenda va-
riè mobilis, tenera, magis minusve con-
spectui patens, Emplastrum diutius, brevius,
retinendum, &c. Magnitudo ejus & Figura,
itidem pro variis partibus usibusque varia, vel
exemplo chartaceo simul transmissio, vel pol-
licibus, aliave mensura, determinatur, vel
parte saltem, cui adplicandum, memoratâ,
Pharmacopœi relinquitur peritiae; quippe cui
notum ponitur, Scuti figuram Stomacho,
Lunatam Hepati, Ovatam Lieni, Orbicu-
lata Utero & Umbilico, Oblongo-qua-
dratam Reni, & sic porro, adsignari. Exten-
sio ipsa, pro vulgaribus Emplastris sat nota,
pro Sparadrapis (405.) fit telam vetustate de-
tritam, non laceram tamen, aut Chartam,

T 4

mas-

massae Emplasticae liquatae immergendo, undequaque infectam extendendo, refrigeratam laevigando. Extensum Emplastrum quandoque Oleo illinitur, alias conspergitur Pulvisculo; ne vel tenacius adhaerescat, vel inquiet. Alii eodem fine Sindone rubrâ, albâ, decussatim *interpassata*, ut vocant, aut peripheriae adsutâ, totum id aut marginem ejus, qua corporis superficiem continget, obtegunt.

412. SIGNATURA ex (60. 405.) abunde intelligitur.

413. USUS Emplasti multiplex, emolliendo, discutiendo, maturando, detergendo, siccando, roborando, adtrahendo, glutinando, Vulneribus, Ulceribus, Tumoribus, ab aëre defendendis, Turundis, Plumaceolis, Adsperginibus (308.), Vulnerum labiis, Offibus fratriis, &c. continendis, aptus. Pstrothra, Rubefacientia, Vesicatoria, hac quoque forma adhibentur. Nec virtus tantum in superficie consistit, sed altius quoque penetrat: ut Aromaticæ, Mercurialia, Opiata, docent. Observando tamen cutis spiracula quibusdam nocens, pruritum, pustulas, Erysipelas, creat.

414. SPECIMINA funto.

Em-

DE EMPLASTRO. 297

Emplastrum Anodynum, motum sedans,
ad Scirrum nec resolutione, nec ex-
stirpatione medicabilem.

Yid. H. Boerh. Mat. Med. p. 109.

R. Succi recent. expressi & puri
Fol. Hyoscyami.

Papaver. hortens.

Phellandrii. ana unc. iv.

Leni igne coque, inspissa, sub finem
admisce

Cerae albae. unc. viij.

Ol. infus. Rosar. unc. j.

F. f. a. Emplastrum.

S. Hujus q. s. super Aluta debitae magnitudi-
nis & figurae extensum parti scirrhosae,
prius Nutrito ibid. descripto oblitae, adpli-
cetur.

*

Emplastrum Dissipans, ad Bubonem Ve-
nereum.

Ibid. p. 248.

R. Flor. Sulphuris. unc. f.

Sacchar. Saturn. drach. j.

Picis Sutoriae. unc. ij.

M. F. f. a. Emplastrum super Aluta ex-
tendendum.

S. Adplicetur loco adfecto. Recurretur quovis
die.

T 5

Em-

*

Emplastrum Hystericum Sydenhami.

*R. Galban. in Tinct. Castor. solut. & co-
lat. drach. jj.*

Tacamahac. drach. jj.

M. F. Emplastrum: extendatur super
Aluta orbiculatâ pro Umbilicali re-
gione.

S. Ut in Fronte. Admoveatur calidum Umbi-
lico.

*

Emplastrum Defensivum rubrum.

Vide H. Boerh. Mat. Med. p. 68.

R. Ol. Rosac.

Cerae alb. ana unc. vj.

Boli Armen.

Sang. Dracon. ana unc. i ℥.

Rosar. rubr. pulveris. unc. ℥.

Cerae in Oleo calore leni liquatae, tum
ab igne remotae, paullatim intere re-
liqua subtilissimè pulverisata, jugiter
agitando, donec simul refrixerint.

S. Hujus q. s. super Linteamine extensum ad-
plicetur Vulneri ad aërem arcendum &
continenda reliqua.

Em-

*

Emplastrum roborans , calefaciens , carminans , Stomachicum.

R. *Emplastr. de Baccis Lauri.*

Cumino. ana q. f.

Malaxata cum *Balsam. Peruv.* tantillo
extende super tela gossypina , scutiformi , tege Sindone rubra decus-
tim interpassata.

D.

S. *Scutum Stomachicum , quod calidum regioni
Ventriculi adponatur , & subinde Balsami
Peruviani , aut Olei vel Spiritus Menthae ,
tantillo irroretur.*

*

Sparadrapum ad Fonticulos.

R. *Emplastr. Diapalm.*

Grat. Dei. ana pt. ij.

Ol. Amygd. dulc. rec. preff. pt. j.

Calore leni , sub continua agitatione ,
colliquatis , tum ab igne remotis , in-
tinge longa Chartae albae , satis fir-
mae , segmina , tres circiter digitos
lata : ritè infecta exime , extende ,
cultro aequa , suspende , ut sponte sic-
cescant , tum in segmenta quadrata
discinde & exhibe.

S. *Chartae inceratae pro deligando Fonticulo.*

Spa-

*

Sparadrapum Pectorale, emolliens, re-
solvens, ad Tussim a frigore suscepto.

R. Unguent. Althaeæ compos. unc. j.
Adipis Gallin. drach. iij.

Olei press. Sem. Papav. unc. f.
Cerae citrin. unc. ii.

Simul leni igne liquefactis immisce
Rad. Irid. Florent. subtiliss. pulveris.
drach. j.

Olei express. Nuc. Myrist. scrup. j.

Detentis in fluore immerge telam lineam
veterem magnitudinis & figuræ in
Charta transmissa descriptæ: probè
imbutam extende, laeviga, & laxè
convolutam exhibe.

S. Tela Emplastica, quæ Pectori adponatur;
tegatur panno lano, rubro, villoso, aut
pelle Cati.

*

Emplastrum Resolvens, ad Contusa.

Vid. H. Boerh. Mat. Med. p. 83.

R. Rad. Bryon. in farin. redact. unc. ij.

Flor. Sulphur. unc. j.

Mercur. nigri. drach. iij.

Galbani puri & s. a. soluti. unc. iv.

Emplastr. de Melilotto. unc. ix.

Ol. Chamaemel. q. s.

Ut F. Emplastrum.

S. Hujus q. s. Linteo inductum adplicetur par-
ti contusæ.

Nota.

Nota. Sunt & Sparadripi species, quae ex Talco, Camphora, Borace, Cerâ & Oleo, parantur, TELAE COSMETICAE, de quibus vide P. Morell. Meth. Praescr. Form. p. 246. Rarò has Magistraliter componendas prescribit Medicus: unde vix adeò hujus sunt loci.

De

Cerato.

415. CERATUM, Cerotum, Cerelaeum, est Emplastrum (405.) mollius, mediae ferè inter Emplastrum & Unguentum spissitatis. Neque enim hodie, ut olim, quaecunque ex Cerâ composita, sive Unguenta, sive Emplastra, Cerata vocamus: unde nec eorundem in Liquidiora & Solidiora divisio locum amplius habet.

416. MATERIES, DELECTUS, ORDO, DOSIS, QUANTITAS GENERALIS, similia heic, ac in Emplastro (406 ad 409.). A Cera & Oleo quidem Nominis (415.) origo est: at neque isthaec adeò constanter hodie hoc accedunt, quin saepe, ipsis etiam omisssis, Materiem praebent reliqua (406. 407.) enumerata. Rariū & heic Magistrali utimur Compositione: frequentius Officinali; dum vel Ceratum prostat idoneum, vel, hoc deficiente, Emplastrum.

piastrum Olei ope ad mollitem Cerati deduci facile potest (407. §.).

417. PROPORTIO mutua Ingredientium sola discrepat; quippe quae talis est, ut Olei unc. j. recipiat Cerae unc. $\frac{1}{2}$. Pulver. drach. j. i $\frac{1}{2}$. pro ponderis specifici varietate: aut &, omisso Pulvere, Cerae drach. v. Adde tamen

a. Dari & heic aliquam latitudinem; ut Consistentia alias paullo mollior, alias densior fiat, nec Proportio dicta constantissime semper teneatur: unde profectum, quod Officinalium quaedam, ab aliis Ceratorum ordini adscripta, aliis Unguenta vel Emplastra audiant.

b. Porro, quae (410. v ad a.) dixi, huc etiam applicari possunt.

418. SUBSCRIPTIO & SIGNATURA, mutato faltem Nomine (415.), eadem est, qualis (411. 412.). Sparadrapa (411. b.) etiam crebro inde parantur; quum massae his convenienti molliores (410. a.). Dantur & Cerata quandoque in Fictili aut Vesica, si usui dicantur longiori; ne Vehiculo inducta per moram arescant nimis aut deliquescent. Est quoque ob mollitem facilis eorum extensio.

419. Usus idem, qui Emplastri (413.), & vel hoc etiam frequentior: multoties enim Cerati modò spissitate gaudent, quae nomine Em-

Emplastri praescribuntur. Durities ejus & tenacitas, quam Emplastri, minor magis id commendat, ubi virtus altius insinuanda (410. a.), partes molles, sensiles, harumve flexurae, contegenda, aut noxae a densioribus timenda sunt (413.).

420. SPECIMINA funto.

* Ceratum exsiccans, obtundens, Antiphlogisticum, ad Ulcera Tibiatum inveterata.

R. Cerat. Defensiv. caerule. Pharm. Leid.
unc. iij. vel q. v.

D. ad Fictile.

S. Hujus q. s. extensum super Linteo adplicetur Ulceri, prius puro, siccis, aut idoneo Balsamo imbutis, carptis tecto. Renovetur quovis die semel.

* Ceratum adtrahens, Emmenagogum.

Vide H. Boerh. Mat. Med. p. 214.

R. Emplastr. Oxyccroc.

de Melilot. ana q. s.

Cum OL. Rutae. q. s. malaxando in consistentiam Cerati redacta extendantur super Aluta lunata juxta exemplum transmissum. D.

S. Pubi & Inguinibus adplicetur.

Ce-

*

Ceratum Resolvens, ad Scirrum Lienis.

R. Gumm. Ammoniac.

Galban. ana unc. ℥.

Dissolvantur *Acet. Squillit. q. f. & cum*

Cerae citrin. unc. ℥.

Ol. infus. Absinth. q. f.

Leni igne colliquata redigantur in Ceratum, quod super Aluta ovata, instar linguae bubulae, extensum D.

S. Ceratum Spleneticum, Hypochondrio sifistro, in regione Splexis adPLICANDUM.

De

Unguento.

421. **U**NGUENTUM est Medicamentum externum, Cerato (415.) mollius, Mellis ferè aut Electuarii (138.) consistentia, calore liquescens, ex Pinguibus maximè constans, quod externae corporis superficie vel illitum, vel Vehiculi interventu adPLICATUM, vires medicatas exserit.

422. MATERIES in genere eadem heic est, qualis Emplasti vel Cerati (406. 416.).

423.

423. DELECTUM quoque similes (407.) li-
mitant conditiones. Scilicet

a. In Unguento exigitur (1.) Consistentia
haud quidem diffluens, at sequax tamen, etiam
in frigore, mollis Axungiae velut aemula. (2.)
Mollities lubrica, asperitatis expers. (3.) Ho-
mogenea ingredientium Miscela. Unde patet,
quaenam huc apta Materies, quae Praeparatio.
Conf. (407. *a. b.*).:

b. Oleum (406. *a. 1.*), Pingue (*ibid. 2.*),
Terebinthina (*ibid. 3.*), Cera (*ibid. 4.*), ho-
rumve Analoga (410. *y.*), aptâ quantitate col-
liquata, sine accedente alio, in Unguentum
abeunt: ut ideo nec heic Excipiendo (406. *b.*)
opus sit, nisi id postulet Indicatio.

y. Cera, Pix, Resina, Gummi-resina, Em-
plastrum vel Ceratum Officinale, & similia
(406. *a. 4.*), seorsim singula, aut plura simul,
Oleo emollita, pariter Unguentum praebent,
absente licet materie (*ibid. a. 2. 3. b.*).

d. Quin Axungia, Medulla, Butyrum, &c.
(406. *a. 2.*), sola etiam, absque vel Liquidi
vel Durioris (*ibid. 1. 4.*) accessu, Unguenti
ferè dotes habent; aut, si paullo mollius id ex-
petitur, quod in Magistrali frequens, tantillo
saltem egent Olei; si spissius, Cerae vel Pulve-
ris pauxillo. Terebinthinae tamen tenacitas (*ibid.*
3.) divisorem exigit Axungiam, Oleum, vel

Vitellum Ovi, ut Unguentum fiat.

¶. Hinc nec Terebinthinae, nec Cerae, hec adeo creber usus est, ac in Emplastro (407. 8.). Absunt saepissime a Magistrali. Minus etiam convenit Cera altum penetraturo.

¶. Si Liquida aquosa (406. 8. 1.) recipere suadet scopus, haec cum Oleo vel Pingui (406. u. 1. 2.) coquenda, ut aqueus diffletur humor: unde, quod (407. 1.) dictum, & hec valet.

¶. Longiore tamen tritu Aquosa cum Pinguibus quandoque in Unguentum rediguntur, absque coctura. Docet Rosaceum: docet Nutritum: ut constet, bina etiam Liquida, sine evaporatione, sic posse spissescere: at minus id universale.

¶. Praeter Excipienda (406. 8. 2.), aliquando & Pulpae & Electuaria huc adhibentur cum Pingui glutinante permiscenda. Quin tota alias Unguenti massa, Electuario similis, Oleo & Pinguibus caret: ut videre est in Aegyptiaco.

¶. Pulveribus excipiendis (406. 8. 3.) Oleum quandoque solum, aut Aceto junctum, sufficit: quod maximè in Saturninis obtinet. Alias vero glutinans insuper spissius (406. u. 2. 3. 4.) requiritur.

z. Draſtico , inflammantia , rodentia , cautus adhibueris , nec niſi probè fracta lenioribus ; ne vel cutem , vel introvecta corpus universum , moleſtè adſciant .

x. Quae mutandis interioribus dicantur , Mat-terie conſtent penetrare apta , nec nimis te-nace (*z.*).

μ. Heic & consultius eſt , Compositis uti Of-ficinalibus , ſat numerosis , uno , vel pluribus inter ſe junctis , ſolis , aut extemporaneā alio-rum miſcelā ſcopo facile aptandis . Confer (407. ξ.).

η. Caeterum quoque dicta (407. 9. ad *z.* *z.*) heic locum habent . Salium tamen ut frequen-tior , ita Calcium Fossilium parcior , maximè in Magiftralibus , uſus eſt .

424. ORDO idem , qui in Emplastro (408.).

425. DOSIS ex magnitudine partis inungen-dae ſcitur , alia non egens limitatione .

426. QUANTITAS GENERALIS eidem condi-tioni (425.), tum uſus frequentiae & longitudi-ni aptatur : uude ut unciā quandoque minor , ſic alias librā etiam major requiritur .

427. PROPORTIO Ingredientium mutua in-telligitur ex (410. 417.), collatis ad (421. 423.) .
Nota

a. Consistentiam heic non adeo fixam eſſe ,
V 2 quin ,

quin, pro vario scopo, spissior paullo aut mollior obtineat: prout & Officinalia lustranti patet. Mollia magis apta partibus teneris, penetrationi, frictioni, &c. Densiora firmius inhaerescunt, tardius absorbentur, magis obstipant.

$\beta.$ Triplicis esse Consistentiae Materiem huc aptam (422.): Liquidam, Siccam, Mediam. Unde ut Ingredientia magis minusve a spissitate Unguenti (421. 423. &. 427. &.) distant, variana eorum inter se Proportio.

$\gamma.$ Mollia (406. &. 2. 3.), quacunque fere Proportione inter se mista, in Unguentum coenit. Si tamen nimiam metuis densitatem, Olei q. s. adjunge. Terebinthina quid reposcat singulare, vide (423. &.).

$\delta.$ Olei unc. j. cum Cerae aut hujus analogis (410. $\gamma.$) drach. ij. iij. Unguen constituit. His si Pulverem (406. $\beta.$ 3.) addis, Ceram pro rata minue; ut hujus tint drach. ij, illius drach. j. i^s; aut, quantitate Pulveris definita, Cerae q. s. adde; nisi scias, Pulverem cum Oleo ex se cogi in Unguentum posse (423. &): tum enim, Cerā omissa, augere Pulveris quantitatem ad drach. iij, quandoque iv, licet.

$\epsilon.$ Patet hinc, quid agendum, ubi dictis ($\delta.$) Mollia ($\gamma.$) accedunt: manet quippe Proportio illorum ferè eadem, tanquam si haec abfuiscent.

$\zeta.$ Si

¶. Si Nutritum paras ex Oleo & Aceto Plumbi (423. n.) ; aequalem ferè utriusque quantitatem , aut alterutrius q. s. cape : si ex Oleo , Aceto simplice , & Sale vel Calce Plumbi ; priorum ana p. j. posterioris p. f. sufficit.

¶. Unguentum Officinale si pro basi est , ex addendorum consistentia (β.) facile noveris , an & quali opus constitueret , cuius plerumque q. s. adscribitur . Oleum densitatem , Cera nimiam corrigit mollitatem .

¶. Denique huc etiam transfer , quae dicta (410. γ ad λ.) ; quum & heic valeant . Analogia saltem Olei & Pinguium (406. α. i. 2.) in Unguento minus videtur obtinere .

428. SUBSCRIPTIO , pro vario praeparationis modo varia , vel simplicem praecipit Mixtionein , ubi haud opus igne ; vel paullatim confusorum Tritum diu protractum , si Pinguibus Aquosa permisceri debent (423. n. 427. 2.) ; quae Nutritio vocatur , ipsumque Unguentum Nutritum : vel Colliquationem ; vel & Coctionem : quarum quidem similis ratio , ac in Emplastris (411. α.) . Formulam claudit : F. s. a. Unguentum vel Nutritum . D. ad Fictile . Rarius super linteо id aut alutā , Emplastri instar (411. β.) , extenditur : quod dum fit , marginem Vehiculi , ad digitī latitudinem in ambitu , Emplastro tenaciore munire aliquando expedīt ; ut Unguentum calore diffluxurum coērceatur .

429. SIGNATURA , praeter utendi modum , nil habet singulare. Vel enim linteo aut corio inductum , carptisve , plumaceolis , turundis , putamine nucis Juglandis , &c. exceptum Unguen parti applicatur aut immittitur ; vel, quod frequentius , calidum , frigidum , Balneo , Lotione , Frictione , quandoque praemissis , illinitur. Caetera , quae partium delectum , usus frequentiam , longitudinem , Regimen , &c. spectant , Indicatio in casibus singularibus docet. Conf. (328. s. 1. 2.). In Draitalicis , Mercurialibus , Catharticis , &c. adhibendis cautos velim ; ne applicatione crebriore aut longiore Ptyalismos , Hypercatharses , aliave mala creent.

430. USUS Unguenti Medicis , Chirurgis , frequentissimus , emolliendi , discutiendi , maturandi , detergendi , calefaciendi , roborandi , soipiendi , demulcendi , acre corrigendi , &c. virtute pollens , non externa modo , sed penetrabilitate , quam Emplastri aut Cerati , majore interna etiam mutat potentius : ut Mercurialia , Purgantia , Opiata , foris applicata , salivam , alvum movendo , compescendo , monstrant. Intempestivus tamen , & materie minus apte selecta , quandoque etiam nocet fibras laxando nimis , aut oscula cutanea obstruendo (413.), aut validius adficiendo interiora (429.).

431. SPECIMINA funto.

Un.

Unguentum Digestivum ad Contusa, at-
tenuans, antisepticum.

Vide H. Boerh. Mat. Med. p. 76.

R. *Terebinth.* unc. ij.

Vitell. Ovor. no. j.

Exaēte mistis admisce

Unguent. Basili. unc. ij.

Aloës purae. drach. iv.

F. s. a. Unguentum.

S. *Hujus tantillum plumaceolis exceptum impo-*
natur loco contuso, tegatur Emplastro de Galbano
& Fomento, ibid. descriptis.

*

Unguentum Anodynum, motum Sedans,
Scirro dolenti aptum.

Ibid. p. 109.

R. *Aceti Lithargyrii unc. j.*

Ol. express. Sem. Hyoscyami.

Papav. alb.

Rosar. infus. ana drach. ij.

F. s. a. Nutritum, cui sub finem admisce

Opii puri. gr. vij.

S. *Nutritum Pacans, quo leniter inungatur lo-*
cus affectus, ac dein tegatur Emplastro ibid. de-
scripto.

Unguentum Purgans, Anthelminticum,
pro Infante.

Vid. H. Boerh. Mat. Med. p. 231.

R. Fellis Taurini.

Aloës pur. ana drach. j.

Unguent. *Althaeæ.* unc. j.

M.

S. *Hujus pauxillo inungatur subinde locus Umbilici: aut pars dimidia Juglandis nucis putamine excepta eidem loco adponatur.* Cautelam heic necessariam vide ibidem.

Unguentum laxans, mitigans, sopiens, ad Pleuritidem.

Ibid. p. 150.

R. Unguent. Popul.

Althaeæ.

Nutrit. ana unc. j.

M.

F. Unguentum

S. *Hoc calido latus dolens, ter de die, inungatur, superponendo dein Fomentum, ante in His tor. Epithematis liquidi p. 232. descriptum.*

Un-

*

Unguentum Emplastrodes, roborans, ca-
lefaciens, Stomachicum, ad Nauseam
vel Vomitum, a perturbato Liquidi
Nervosi motu ortum.

R. Cerat. Stomach. Galen.

Theriac. Andromach. ana drach. vj.

Ol. Nuc. Myrist. express. drach. j.

Bals. Peruvian. drach. f.

M. F. s. a. Unguentum: illinatur Alu-
tae scutiformi, cuius margo ad digitu-
tudinem obducta sit Emplastro Mu-
cagin. aut Meliloti.

S. Scutum Stomachicum, quod regioni Ventri-
culi adplicetur.

Nota. Ex hac Unguentorum Historia intelli-
gitur quoque UNGUENTI POTABILIS seu BAL-
SAMI VULNERARII INTERNI confectio, cuius
usus caeterum ad Eleetuaria aut Pilulas (138.
160.) ferè pertinet. BALSAMA VULNERARIA
EXTERNA plerumque ab Unguentis hand dis-
crepant: sunt tamen aliquando liquidiora; at vix
Magistraliter parantur.

V S D e

*De
Balsamo Odorato.*

432. **B**ALSAMUM ODORATUM est Unguenti (421.) species, ex Olidioribus spissiore Pingui exceptis constans, inunctioni serviens, tenuissimo Odoris principio praeparatis actuosa. Parum hinc ab Unguento differt.

433. MATERIES eadem ferè, quae (422.), at limitatior, *Excipit vel Excipitur.*

a. *Excipiens vel (1.) Primaria* est Pinguis, spissa : ut Oleum Nucis Myrist. expressum, Pinguedo inodora, alba, v.g. Porci, &c. Medulla crurum Vituli, Butyrum, Cera, Unguentum Officinale, Pomatum, Rosatum, Nervinum, &c. Balsamum Odoratum Officinale, Manna ; aliquando & Gummi-resinae. *Vel (2.) Secundaria Oleosa*, liquida : ut Oleum vilius pressum, infusum, coctum, aut & Balsamum nativum, liquidum, Peruvian. v.g. Copaib. &c.

b. *Excipienda itidem vel (1.) Primaria* Virtutem respicit, estque Liquida : ut Olea aromatica, stillatitia, pressa, Balsama liquida, nativa, artefacta, Essentiae, Spiritus, Sal volatile oleosum, &c. Aut Spissa : ut Extracta &

Ele-

Electuaria generosiora, Opii, Croci, Theria-
ca, Guimmi - resinae, Opium ipsum, Mo-
schus, Zibethum, & similia. Aut Sicca: Aro-
mata v. g. Crocus, Cinnamom. Caryophyll.
Benzoë, Castoreum, Ambarum, Succinum,
hujus Sal, &c. Vel (2.) Secundaria Colo-
rem conciliat: quo adhibentur Pulveres tenuif-
simi, Magisteria Alumine excussa, Pigmenta
varia, Smaltum, Coccionella, Curcuma, Um-
bra, Asphaltum, Cinnabaris, Succus Rhainni
cathartici, Santalum rubrum, Grana Chermes,
Ochra, Bolus Armen. &c.

434. DELECTUM docet, praeter dotes (423.
a.) heic etiam expetas, scopus: qui cum in
eo situs sit, ut halitu penetrante mutatio requi-
sita fiat (432.), Odoris heic potissimum ratio
habenda; ne is vel noceat, vel alienis corrump-
atur, enervetur. Coloris cura, minus qui-
dem necessaria, at usitata tamen; hinc nec
prorsus negligenda. Unde.

a. Excipiens Primarium (433.a.1.) eligitur
inodorum, albissimum; ne Excipientorum O-
dores vel Colores mutet. Nucistae Oleum
pressum, ope Spiritus Vini colore & odore
privatum, frequentissimi heic usus est; ut ideo
& *Corpus pro Balsamo* vocari soleat. Caetera
Pinguis (ibid.), ne rancida sint, cavendum: un-
de & recentissimis, & quandoque aquâ idonea
prius

316 DE BALSAMO ODORATO.

prius lotis, opus. Nec ferè, nisi Cera virginea, alba, heic adhibetur.

¶. Est tamen, ubi & Olidum praeferuntur Excipiens; si tale id est, quod Excipiendi vim augere queat: ut sunt Unguenta & Balsama Officinalia, Oleum Nucistae crudum, Gummi-resinae, &c. Horum tunc ea feligenda, quae scopo respondent. Coloris correctio facilis per (433. ¶. 2.).

γ. Cera sola rarius Excipit; quum plure saltem Oleo satis mollescat. Crebriùs cogendis tantum Pinguibus mollioribus (ibid. a. 1.), restrictâ quantitate, inservit.

δ. Excipiente Secundario (ibid. a. 2.) haud ubique opus: massae justò major spissitas id modo exigit. Eligitur autem vel odoris expers, vel reliquis virtute congruens.

ε. Excipienda Primaria (ibid. β. 1.) requiruntur scopo apta (432. 434.), inter se convenientia, parvâ mole efficacia, tum Excipienti aequabiliter miscibilia. Quare eorum maximè, quae Spiritu Rectore gaudent agiliore, & vel Oleosae sunt naturae, vel Oleo facile nubunt, frequens heic usus. Olea infusa, cocta, vix nisi fine dicto (δ.), huc accedunt. Sicca, si quae adhibentur, minus solubilia, tenuissimum in Pulverem redigere expedit.

8. Nec tamen sola locum heic habent suaveolentia : habent & Foetida quandoque : ut ex recensitis (433. §.) patet. Unde Moscho, Zibetho , Ambaro , haud ubique opus : imò satius plerumque isthaec omituntur, injucunda quippe plurimis, aliis & nociva. Confer (85. 100.).

9. Pigmenta (433. §. 2.) ferè adcommendantur colori Bafis, a qua nomen Balsami, vel ideae Virtutis , quam id exseret, aut Morbi , cui opponitur. Hinc Balsamo Rutaæ v.g. viridis , Succini flavus , Rosaram ruber , Cardiaco laetus , Ant-apoplecticō, Ant-epilepticō tristis , aquilus , niger , conciliatur color. At neque hoc fuco semper opus.

9. Cave autem, ne Pigmentis utaris acribus, litu nocituris. Pulvis aut Magisterium ejusdem corporis , e quo petita Basis , plerumque commodum praebent. Tale cum deest , aliorum (433. §. 2.) copia sufficit.

10. Heic quoque Balsama Officinalia, si quae prostant scopo idonea , vel sola , vel accessu aliorum magis aptata adhibendo , operosa compositione supersedere licet, ut (407. §.).

* Numerus ingredientium , uti (407. e.), laudatur.

435. ORDO , qualis in Emplastro (408.).

436.

436. Dosis heic parcior, nunquam certò li-
mitata, numerum & magnitudinem partium
ungendarum sequitur.

437. QUANTITAS GENERALIS, ob Dosis
(436.) parvitatem, rarissimè unciā ill. major,
faepius drachmas aliquot saltem aequat, pro
varietate conditionum (426. 436.) : imò vel
minor etiam praescribi potest, si Officinale com-
positum adhibetur (434.).

438. PROPORTIO mutua Ingredientium ex
(427.) facile intelligitur; modò & Excipienti-
um & Excipiendorum, tum Balsami confi-
ciendi, nota sit consistentia. Scito hinc

a. Unguento (421.423. a.) plerumque paul-
lò spissius esse Balsamum; quandoque tamen
& illi simile; imò vel liquidius etiam; ut Li-
nimento propius videatur. Diutius adservanda,
in perà circumgestanda, Deliciis inservitura,
&c. ferè duriora fiunt: in iis, quorum ad-
frictu promptissima requiritur actio, tenuitas
major amatur.

b. Excipientis ideo & Excipiendi Proportio-
nem haud constantem obtinere; usitatius ta-
men ita figi, ut sint v.g.

Corporis pro Balsamo (434. a.) - - - unc.i.

Excipiendi { Liquidī - - drach. j. ij. ij.

Primarii (434 b.1.) } Spissi & Sicci drach. B. j. ij.

Secundarii (ibid. 2.) - - - quant. suff.

v. Pa-

DE BALSAMO ODORATO. 319

v. Patet hinc, si Excipiens Oleo Nucistaræ fuerit mollius, minuendam esse pro rata Liquidi, augendam Spissi vel Sicci Excipiendi quantitatem; nisi forte liquidius volueris Balsamum (a.).

d. Solet etiam Cerae drachma mollioris Excipientis v. g. Axungiae aut Unguenti unciae addi (434. v.); ut obtineatur consistentia Corporis pro Balsamo (b.) aemula, manente tunc eadem Excipientorum Proportione (ibid.).

s. Cera sola si Excipit (434. v.), duplo Liquidi Oleosi opus est, ut rite emolliatur. Sive ro & Siccum insuper accedit, hoc pro Cerâ habendum. Unde tum Excipiens Secundarium (433. a. 2. 434. d.) praecipue ex usu est; ne pretiosiorum aut acriorum copia major requiratur. Ejus ergo q. s. addi potest.

z. Ex Balsamis Officinalibus (434. i.) si componis, respectu consistentiae Proportio qualis cunque valet. Scopus ergo solus limites tunc ponit. Si vero his alia etiam misces, ex hac tenus (a ad z.) dictis facile videris, qua Proportione utendum, aut quod constituens adhibendum, ubi majoris minorisve spissitatis metus est. Confer (427. n.).

n. Saepissime autem solâ Excipiendi quantitate determinatâ, Excipientis modò q. s. adscribitur, aut duorum Excipientium alterutrum saltem certo pondere praestituitur. Imò quandoque,

320 DE BALSAMO ODORATO.

que, Excipientis pondere definito, Excipiendi quantitas arbitrio relinquitur Pharmacopoei.

9. Caeterum conferantur dicta (410. 427.).

439. SUBSCRIPTIO est: *F. s. a. Balsamum. D. in Pyxide Stannea, Plumbea, Eburnea, Ligneâ, vel Fidili.* Aliquando cavo valvae putaminis nucis Juglandis indendum jubetur; ut Umbilico imponi queat. Conficiendi modus plerumque Pharmacopoei creditur dexteritati.

440. SIGNATURA, praeter Nomen a Basi aut Virtute peitum (434. n.), Applicationem memorat, quae, similis ferè Unguentorum (429.), adlinendo plerumque aut infriundo fit. Rarius Balsamum, vehiculo exceptum, parti tantum imponitur (439.). Loca sensiliora, aut nudioribus majoribusque perreptata vasis, Nares v.g. Tempora, Vertex, Carpi, Praecordia, &c. ut plurimum apta censemur, quibus hoc medicamen admoveatur.

441. USUS rarer, saepe ad delicias saltem destinatus, quandoque tamen & Nervorum affectibus, Epilepsiae, Apoplexiae, Vertigini, Leipothymiae, Spasmis Hystericis, Hypochondriacis, Doloribus, Flatibus, &c. stimulando, sopiendo, motum mutando, aliâve virtute singulari agendo, opem fert. Suadet autem & heic prudentiam mira principii odoriferi agilitas, & minus aliquando a priori cognoscenda actio in corporis nostri subtilissima.

442. SPECIMINA sunto.

Bal-

DE BALSAMO ODORATO. 321

*
Balsamum fragrans, Cardiacum.

℞. Corp. pro Bals. unc. ȝ.

Ol. stillat. Cinnam. ver. scrup. j.

Bals. Peruvian. scrup. ȝ.

Ambar. gris. gr. ij.

Mosch. Orient. gr. j.

Bol. Armen. q. f.

M. F. f. a. Balsamum.

S. Balsamum Cinnamomi, naribus, carpis,
&c. infricandum. Ambaro & Moscho
exclusis idem fieri potest universalius.

*

Balsamum excitans, Antapoplecticum.

Vid. H. Boerh. Mat. Med. p. 177.

℞. Ol. stillat. Rorifmar.

Tanacet.

Lavand.

Rutae.

Absinth. ana gutt. iv.

Infus. Castor. drach. j.

Unguent. Nervin. unc. j.

Sal. volat. oleof. drach. j.

M. F. f. a. Balsamus.

S. Pro Suffitu sub naribus & circa tempore
adfricetur.

X

Bal-

322 DE BALSAMO ODORATO.

*

Balsamum Succini, Anticatarrhale.

℞. Olei Nucif. express. drach. ij.

Stillat. Succin. alb. drach. j.

Sal. Succin. volat. scrup. j.

Cerae flavae q. f.

Colliquatis, cum Rad. Curcum. pulv. q. f.
tinctis, F. f. a. Balsamum.

S. Balsamum Cephalicum, vertici, temporibus,
pone aures, adfricandum.

*

Balsamum Hystericum.

℞. Sev. Hircis. unc. ℥.

Galban. pur. drach. j.

Af. foetidae.

Castorei. ana scrup. j.

Ol. stillat. Succin.

Cern. Cerv. rectif. ana
gutt. xxv.

Sal. volat. Corn. Cerv. Scrup. f.

Ol. infus. Rutae. q. f.

Ut F. f. a. Balsamus.

S. In Languore aut Paroxysmo illinatur narius,
temporibus, &c.

Bal-

DE BALSAMO ODORATO. 373

*
Balsamum Carminans, Stomachicum, ca-
lefaciens.

R. Balsam. Caryophyll. arom.

Theriac. Andromach. ana drach. iij.

Ol. stillat. Macis. scrup. j.

Cerae alb. q. f.

Ut F. f. a. Balsamum.

S. Ut in fronte. Illuminatur regioni Epigastricae
& Umbilico: tum Operculum figulinum
probè calidum, aut Scutum Stomachicum,
admoveatur.

*
Balsamum Suaveolens, ad delicias.

R. Unguent. Pomat. unc. j.

Cerae albiſſ. drach. j.

Ol. stillat. Cort. Citri. drach. f.

Aurant.

Melissae. ana gutt. xij.

Cinnam. gutt. vij.

Ochrae vel Rad. Cuzcum. pulver. q. f.

Ut F. f. a. Balsamum.

S. Balsamum Citri. Sit pro Odoramento. Eo
& Capilli inungi possunt, aut his peclendis
adbiberi Pecten eo imbutus.

Linimento.

443. LINIMENTUM, *Litus*, est Unguentum (421.) mollius, mediae ferè inter Oleum & Unguentum Spissitatis, illitu efficax. Unde vix, nisi consistentiâ, ab Unguento discrepat; & ne hac quidem semper: uti mox patebit.

444. MATERIE id in genere eâdem gaudet, qua Empiastrum, Ceratum, Unguentum, Balsamum (406. 416. 422. 433.).

445. DELECTUS tamen ex parte aliis est, ob Consistentiae diversitatem (443.). Nam

a. Mollities quidem lubrica, & mixtio aequabilis, similiter heic, ut in Unguento (423. n. 2. 3.), exiguntur: at spissitatis adeo vagi sunt limites, ut non modo medii omnes inter Oleum & Unguentum gradus, sed vel ipsa etiam Olei tenuitas, densitasve Unguenti, quandoque in Litu admittantur.

b. Hinc sola nonnunquam Olea pressa, infusa, cocta, stillatitia, Materiem praebent, spissiore nullo accedente.

v. Alias & Oleis tantum permiscentur Liqui-

quida Aquosa, Spirituosa (406. $\beta.$ 1.), diuturno tritu, aut coctione aquam dissipante, conjungenda.

$\delta.$ Quin ex sola etiam Materie Spissâ, Unguentiformi (406. $\alpha.$ 2.), v. g. Pinguedibus, Unguentis Officinalibus, &c. inter se mixtis, abique accessu Liquidi, quandoque paratur Litus, vero Unguento similis.

$\epsilon.$ Frequentius tamen ex Materie ($\delta.$) & Oleis majorem dantibus mollitem.

$\zeta.$ Sed & Olea cum Materie solidiore (406. $\alpha.$ 4. $\beta.$ 2.) in Litum abeunt.

$\eta.$ Pulvis etiam (406. $\beta.$ 3.) Oleo soli, aut cum aliis Liquidis remixto ($\gamma.$), tritu vel coctione junctus, nonnunquam loco Linimenti est.

$\vartheta.$ Unde patet Formulae molem amanti, ex Liquidis (406. $\alpha.$ 1. $\beta.$ 1.), Spissis (ibid. $\alpha.$ 2. 3. $\beta.$ 2.), Siccis (ibid. $\alpha.$ 4. $\beta.$ 3.), iusta inter se proportione junctis, enasci Litum posse: quanquam concinna brevitas & heic laudeatur (29.).

$\iota.$ Intermedio Sapone aliquando opus est, ubi Oleis Aquea tritu misceri debent; ne mora divortium creet. Vitellus Ovi, Mel, Sapo, Alcali, &c. eò conferunt.

$\kappa.$ Tandem & dicta (423. ad $\tau.$) hue transferri velim.

446. ORDO SIMILIS, ac in Emplastro (408.), heic laudatur.

447. DOSIS & QUANTITAS GENERALIS eadem sunt, quae Unguenti (425. 426.). Quin tamen facilis saepe sit Linimenti solain per miscelam praeparatio, majorque tenuitas vel secessum ingredientium vel virtatis dissipationem faciat promptiorem, parcior plerumque simul praestituitur quantitas, vix unc. iij. vel iv. excedens.

448. PROPORTIO mutua Ingredientium, ob Consistentiae varietatem (445. a.), admodum vaga est; ut ideo sola saepe Materiae virtus limites heic ponat. Nota hinc

a. Vix peccari posse excessu tenuitatis; at omnino spissitatis; quippe quam nimia & illitus & penetratio redditur difficilior.

b. Si Olea sola Materiem praebeant (445. b.), consistentia qualemcumque admittit Proportionem. Vide tamen, ne acria, inflammantia, nimis dominantur: unde haec fere triplo aut quadruplo blandiorum temperare expedit.

c. Si Oleis alia jungis Liquida tritu permiscenda (445. c.), juxta regulam (427. ζ.) procedere licet; nisi cum Spirituosa fuerint aut acriora, salina, &c. His parcius quandoque utendum; ne laedant minus diluta.

d. Si

8. Si Oleis Aquea misces coctione difflanda, idem obtinet, quod (410. 8.) dictum.

9. Si Materie mediâ, solâ (445. 8.), ute-
ris, perinde est, ac (8.). At scito alia aliis
densiora esse; ut caveas nimiam spissita-
tem (a.).

ζ. Si, juxta (445. 8.), Materiae mediae
drach. ij. iij. iv, ut varie denta est, admisces
Olei unc. j. mediocris consententiae (443.),
Litum habebis.

η. Similis acquiritur ex Olei unc. j. & Ma-
teriae solidioris drach. j. (445. ζ.): quod
ipsam & circa speciem (ibid. η.) obtinet.

9. Olei demum unc. j. Materiae mediae
drach. jj. siccae drach. ss. dabunt exemplum
compositionis (445. 9.).

ι. Caeterum repeate dicta (410. 427. 438.),
quorum plurima & heic valent. Adde (445. η.).

449. SUBSCRIPTIO, nomine mutato (443.),
ratione modi præparandi eadem est, quæ Un-
guenti (428.). Quandoque, loco Fictilis, in
Vitro datur Litus, ubi tenuior is est, aut vir-
tute volatili gaudet. Extensio super Vehiculo
heic vix obtinet; Pharmacopœo saltem haud
comittitur.

450. SIGNATURA itidem ex (429.) patet. Ad-
X 4 pli-

plicatio ferè semper illitu perficitur, acceden-
te quandoque Frictione. Si Vesica Linimen-
to humectata parti adponitur, Epithema id po-
tius dixerim (320.).

451. Usus similis Unguenti (430.); quin
promptior etiam penetratio.

452. SPECIMINA funto.

Litus Balsamicus, *Anodynus, ad Papilla-
rum dolores, &c.

Vid. H. Boerh. Mat. Med. p. 221.

o. $\text{℞. Ol. Amygdal. dulc.}$

Infusi Hyperici.

Violar.

Rosar. ana unc. f.

M. F. Linimentum. D. in Vitro.

S. Hujus tantillo subinde oblinatur pars ad-
fecta.

Linimentum Stomachicum, carminans,
calefaciens.

$\text{℞. Ol. infus. Absinth.}$

Crocin. ana unc. f.

Stillat. Menth. drach. j.

Caryophyll. gutt. x.

Bals. Peruvian. scrup. j.

M. F. Linimentum. D. in Vitro.

S. Servias pro inunctione regionis Ventriculi
& Umbilici.

LA

Litus leniens, emolliens, in Dentitione
difficili.

R. *Mucilagin.* Sem. *Cydonior.* cum *Aq.*
Rosar. extract.

Ol. *Amygd.* dulc. rec. press.
Vitell. *Ovor.* ana unc. fl.

Exacte mixtis F. Linimentum. D. ad
Fistile.

S. *Gingivae dolentes* eo subinde demulcentur.

Linimentum Purgans, Antihelminticum,
pro Infante.

Vid. H. Boerh. Mat. Med. p. 231.

R. *Unguent.* *Agripp.*
Arthanit. ana unc. j.

M. F. Linimentum.

S. *Hujus pauxillo inungatur subinde locus Um-*
bilici.

* Linimentum Emmenagogum. Ad Exem-
plum

Ibid. p. 215. 216.

R. *Sagapen.* unc. fl.

Axung. *Castor.* drach. ij.

Cum Ol. infus. *Rut.* q. s. dissolutis admisce
Ol. *stilla.* *Sabin.* drach. ij.

Bacc. *Juniper.* drach. j.

M. F. Linimentum.

S. *Umbilico,* *Pubi,* *Inguinibus* illinatur mane
& vesperi.

Linimentum Antiparalyticum.

Vid. H. Boerh. Mat. Med. p. 180.

℞. *Sapon.* *Venet.* unc. j.*Camphor.* drach. j.*Spirit.* *Vin.* *rectif.* q. s.

Dissolutis admisce

Ol. *Irin.* unc. 3.*Stillat.* *Succin.* drach. j. f.*Spir.* *Sal.* *Ammon.* unc. 3.*Ung.* *Nervin.* q. s.

Ut F. Linimentum mediae consistentiae.

S. Partes adjectae, prius pannis asperis, scicis, calidis, frictae, dein hoc litu perfri-
centur bis de die.

Litus Antipleuriticus mitificans, resolvens.

Ibid. p. 150.

℞. *Sacch.* *Saturn.* unc. 3.*Aceti.* drach. vj.*Ol.* *Rosac.* *infus.* unc. j.

M. F. Nutritum.

S. Hoc calido innungatur latus affectum ter de
die.

Alius Emolliens Sydenhami.

℞. *Ol.* *Amygd.* *dulc.**Lilior.* *infus.**Ung.* *Dialthaeae ana* unc. j.

M. F. Linimentum.

S. Ut praeced. Illite loco superponatur folium
Braffiae.

Li-

Linimentum Balsamicum, demulcens,
ad Intertriginem.

P. Ol. Infus. Rosar.

Express. Amygd. d. ana unc. fl.

Ung. Nutrit s. corp. drach. iij.

Rad. Irid. Flor. pulv. scrup. j.

Cerae alb. drach. fl.

M. F. Linimentum.

S. *Eo oblinantur partes adfectae, prius deter-*
sae.

De

Epispasticis.

453. **E**PISPASTICA, si Pice, ut Basi, con-
stant, *Dropaces*, si Sinapi recipiunt,
Veteribus *Sinapismi*, si ruborem modo indu-
cunt, *Phoenixmi*, *Rubefacientia*, si & Vesicas
excitant, *Vesicatoria*, dicta, vel sunt Cata-
plasmata Cruda (356. 365.), vel Emplastra
(405. 413.), vel Cerata (415.).

454. Eorum igitur Praescriptio ex Historiis
(loc. cit.) intelligitur: Materiem dictat titulus
Stimulantium in Materie Medica: Usum ex-
ponit Indicationum Doctrina: ut ideo pluribus
heic non opus sit (7. a. p. 8.).

455. SPECIMINA ideam dabunt pleniorum.

Dre-

Dropax ad Membrum Paralyticum.

Vid. H. Boerh. Mat. Med. p. 179.

R. Picis. unc. jj.

Galban. pur. unc. j.

Piperis tenuiter contus. drach. iij.

Castorei. drach. j.

Ol. Irini. q. f

Ut F. f. a. Emplastrum ad Alutam.

S. Parti affectae, prius frictae, adponatur calidum; priusquam refixit, iterum subito avellatur: quod repetendum, donec pars rubeat, tumeat, caleat.

Pasta Rubefaciens, * antifebrilis.

Ibid. p. 136.

R. Summit. Rutae virid. unc. ij.

Semin. Sinapi. drach. ij.

Contusa exhibe ad Epicarpia.

S. Adplicantur Carpis ad Pulsuum loca, aliquot horis ante ingruentem Paroxysmum.

Sinapismus Cataplatimodes.

Ibid. p. 240.

R. Fermenti acidi Panis. unc. vj.

Rutae. m. j.

Semin. Sinapis contus. drach. vj.

Salis.

Aceti. ana unc. g.

M.

S. Applica ad cava Pedum & Poplitum noctes atque dies.

Phoe-

*

Phoenigmus Emplastrodes.

Vid. H. Boerh. Mat. Med. p. 240.

R. *Emplastr. de Melilot.*

Galbani.

Sagapeni. ana unc. j.

M. Extende super duabus Alutis ova-
tis.

S. Applicentur cavis Pedum.

*

Simapisinus fortior Veterum, Vesicatorius

R. *Ficum siccari. in Aqua tepida mace-
rat. contusar. part. j.*

*Semin. Simpis seorsim tenuissime con-
tas. part. ij. vel iiij.*

Accuratè mittis F. Pasta.

S. *Adplicetur loco indicato, donec Vesica enda-
ta sit.*

*

Vesicatorium Cataplasmodes.

Vid. Ibid. p. 45.

R. *Cantharid. sine aliis contritar. in pulv.
tenuem. drach. ij.*

Accuratè misceantur cum

*Fermenti Panis, pauxillo cum Aceto
subacti. drach. vij.*

D.

S. *Applica spatio xij. horarum, vel donec in
Vesicam manifestò Epidermis elata sit.*

Em-

*
Emplastrum Vesicatorium.

R. *Empl. de Mucilagin. unc. 15.*

*Cantharid. sine aliis tenuiter pulveris.
drach. jj.*

Terebinth. Ven. q. f.

Accuratè mitta extende super Alutis or-
biculatis. D.

S. *Applicantur sub utroque Poplite, aut alibi;
ut Indicatio fert.*

De

Fricio.

456. **F**RICIUM vel Fricatorium voco Medi-
camentum, quod superficie corpori
externae, molli, perfricandae dicatur.

457. Triplex id est ratione Consistentiae;
Siccum; Molle; Liquidum. Prius, fumi spe-
cie, adhibetur Fricioni Siccae: posteriora
Humidae.

458. MATERIES & FORMA intelligitur ex
(272. 283. 369. 393. 421. 432. 443.): Mix-
turae enim Mediae, Contractae, Lotiones,
Suffitus, Unguenta, Balsama, Linimenta,
huic scopo serviant.

459. USUS summus, Veteribus laudatissi-
mus,

mus, nec hodie contemnendus, haud late^t
eum, qui novit, quantum Fricio introve-
hendis ac in actum deducendis conferat re-
mediis.

460. SPECIMINA paſſim dedi locis ſupra
(458.) citatis. Unum addo

*

Fricium, Mixturae mediae formâ, Anti-
paralyticum.

Vid. H. Boerh. Mat. Med. p. 179.

R. Sp. Lavandulae. unc. iij.

Sal. Ammon. drach. ij.

Tinctur. Caſtoei. drach. iv.

Aq. ſtillat. Lavand. unc. vj.

M.

S. Perfricentur hac cum Mifturâ partes.

D E

FORMULIS EXTERNIS

PROPRIIS.

461. Supersedifsem de his ſcribere; quum re-
ipsâ ab haetenus expoſitis non diver-
ſae ſint, ſed eaedem, partibus modò singula-
ribus adaptatae (294.), ac peculiari hinc no-
mine donatae. Ut tamen hoc ipsum conſtet,
omnisque eximatur ſcrupulus Tyroni, com-
pendio eas tradere conſtitui.

De

*De**Formulis CAPITI dicatis.**De**Cucufd.*

Vid. (331. 342.).

*De**Frontali.*

462. **F**RONTALE est Medicamentum, quod
Fronti & Temporibus, vario fine,
adPLICatur.

463. Quae huic parando adhibentur, For-
mulae sunt Epithema Liquidum, Siccum, Ca-
taplasma Coctum, saepius tamen Crudum,
Unguentum, Balsamum, Linimentum: ut
ideò ex (320. 331. 345. 356. 421. 432. 443.)
facilis fit eorum, quae hoc pertinent, intelle-
ctus.

464. SUBSCRIPTIO & SIGNATURA, praeter
Nomen & Partem (462.), nihil singulare ha-
bent. Quandoque & Materies Nomen For-
mulae mutat; ut, quod Oleum & Ace-
tum, praecipue Rosacea, recipit, vocetur
Oxyrrhodinum, quod ex Constipantibus cum
Liquido in Pultem coactis constat, *Anacolle-*
ma.

ma. Caeterum & , Vehiculi loco (328. v.),
heic nonnunquam servit Placenta e Rosis, a
destillatione residuis, compactis, nata.

465. Usus, maximè refrigerandi, hume-
randi, demulcendi, sopiendi, repellendi, ra-
riùs discutiendi, adtrahendi, calefaciendi, sco-
po dicatus, in morbis Capitis internis & ex-
ternis, circumspectionem requirit; ne, cau-
sa minus sublatâ, inducatur stupor, aut, ex-
terioribus constipatis, introrsum augeatur im-
petus. Inde Materiae hic aptae Delectus pa-
tet.

466. SPECIMINA funto.

*

Oxyrrhodinum demulcens ; refrigerans,
sopiens.

R. Olei infus. Rosar. unc. iß.

Acet. Sambuc. drach. vj.

Tinct. Opii cum Spir. Acet. par.
drach. ij.

Aq. stillat. Rosar. unc. iij.

M. f. a. F. Oxyrrhodinum. D. cum
Placent. Rosac.

S. Placenta hoc liquore irrorata Fronti & Tem-
poribus utrinque adipicetur: exsiccatæ ruru-
sum humectetur; donec somnus obrepat.

Y

Froß

*
Frontale Cataplasmodes, Hypnoticum.

R. Fol. recent. Hyoscyam.

Flor. Rhoead. ana drach. ij.

Capit. rec. Papav. hort. cum Semin.
no. iij.

Cum Acet. Rosac. q. f. in pastam tri-
ta exhibe.

S. Inclusa linteo Fronti adplicantur tepida.

*
Frontale, Linimenti forma, Anodynum,
discutiens, ealefaciens.

R. Unguent. Nervin. drach. vij.

Theriac. Andromach. drach. ij.

Croci pulveris. gr. viij.

Ol. infus. Chamaemel. q. f.

Ut F. Unguentum molle.

S. Exceptum stupis cannabinis, duobus linteis
inclusum, Fronti imponatur.

*
Anacollemia Conslipans.

R. Bol. Armen.

Succ. Acaciae. ana drach. ij.

Masticas.

Sang. Dracon.

Lap. Haemat. ana drach. j.

Cum Album. Ov. conquaſſ. q. f. redacta in
pultem excipe stupis cannabinis. D.

S. Fronti & Temporibus adplicantur.

Sac-

*
Sacculus Frontalis, calefaciens, discutiens,
 ad Cephalalgiam aut Vertiginem, a
 causa frigida natam.

R. Herb. rec. Rutaæ.

Fol. Rosmarin.

Flor. Chamaemel.

Sambuc.

Summit. Anethi ana m. fl.

Caryophyll. arom. drach. fl.

Conscissa, tusa grosso modo, include
 binis Sacculis oblongis, interpassan-
 dis. D. cum

Spiritus Lavandul. unc. iij.

*S. Alternatim Fronti adplicantur irrorati prius
 Spiritu simul exhibito.*

Nota. Referri huc possunt Emplastra Tempo-
 ralia, ex dictis de Emplastro (405.) sat intelligenda.

De

Collyrio.

467. **C**OLLYRIUM dicitur Medicamentum,
 quod Oculis extrinsecus, scopo
 vario, applicatur.

468. Variis & ipsum Formis gaudet ante
 descriptis; ut Injectionis (295.), Adspergi-
 nis (308.), Epithematis Liquidi (320.), Sic-

Y 2 ci

ci (331.), Cataplasmatis Cocti (345.), Cru-
di (356.), Lotionis (369.), Vaporationis
Humidae (383.), Suffitūs (393.), Unguen-
ti (421.), Linimenti (443.). Quare ex loc.
citat. lux refulget heic necessaria.

469. Jubet tamen Visū nobilitas, & sum-
ma Organi teneritudo facilisque a causa etiam
levi corruptio, seriò monere, ut vel Acria,
vel Repellentia, si quibus opus, adhibeantur
circumspectissimè, nec nisi tenuissimè laeviga-
ta sint, quibus nocitura inest scabrities, sicuti
vel Collyriis Siccis, Sief Arabibus dictis, in-
fervient, vel Liquidis saltem misceri, nec
plauè solvi, poterunt. Unde & Acriorum
mistio aequabilissima, & Liquidorum quando-
que colatio commendanda.

470 ADPLICATIO pro forma & scopi varie-
tate discrepat. Liquida vel linteis imbibita im-
ponuntur, vel siphunculi aut calami ope in-
stillantur. Spissa vel vehiculo apto excepta
admoventur, vel illinontur. Sicea inspergun-
tur, vel ex calamo insufflantur.

471. Usus multivarius, plurimis Oculo-
rum vitiis sat aptus, modo prudenter institu-
tus, (469), emolliendo, roborando, matu-
rando, resolvendo, refrigerando, sopiendo,
detergendo, derodendo, se commendat.

472. SPECIMINA funto.

Col-

*

Collyrium Liquidum, Antiphlogisticum,
repellens, in initio Ophthalmiae
externae.

R. *Aq. stillat. Plantag.*

Rosar. ana unc. iij.

Troch. alb. Rhaf. drach. 8.

Sacchar. Saturn. gr. vj.

M. *D. ad Vitrum.*

S. *Collyrium, quo concusso imbutum linteum quadruplicatum imponatur Oculo adfecto;*
recentetur omni triborio.

*

Collyrium Cataplasmodes, Antiphlogisti-
cum, emolliens, demulcens.

R. *Pom. dulc. q. v.*

Affentur sub cineribus, aut cum

Lact. dulc. q. f. coquantur ad mollitatem.

Pulpae per setaceum trajectae unc. j.
admisce

Micæ Panis alb. drach. vi.

Album. Ovi in liquorem conquass. q. f.

Ut F. *Cataplasma.*

S. *Hujus q. f. linteo exceptum calidè admov-
eatur Oculo, firmetur sine compressione.
Renovetur quartâ quavis horâ.*

*

Collyrium Vaporosum, stimulans, roborans, ad Paralyzin Palpebraruin.

R. Herb. Majoran.

Thymi.

Mar. Syriac. ana m. g.

Flor. Lavandul.

Chamaemel.

Bacc. Juniper. ana drach. iij.

Conscissa, tusa, D. ad Chartam.

S. Species robortantes, quarum pars quarta cum Vin. rubr. pint. $\frac{1}{4}$ infusa per horam maceretur, tum ebulliat vase aperito, & vapor exhalans per infundibulum determinetur ad Oculum affectum, spatio quadrantis horae. Id fiat manè & vesperi.

*

Collyrium Siccum, detergens, leniter erodens, ad delendas Cicatrices opacas Corneae diaphanae.

R. Sacchar. cand. albiss. unc. j.

Alumin. uſt. scrup. ij.

Vitriol. alb. gr. x.

M. F. Pulvis subtilissimus.

S. Hujus tantillum bis de die loco erodendo imponatur.

Col-

*

Collyrium, formâ Unguenti, ad Trachoma.

R. *Ung. Rosac. unc. j.*

Tuiae præparat. drach. ij.

Sacchar. Saturn. scrup. j.

Camphor. gr. vj.

Ol. infus. Rosar. q. f.

Ut F. Unguentum molle.

S. *Hujus tantillum illinat Palpebris omni ver-*
sperâ, cubitum iturus.

De

Nasalibus.

473. **N**ASALIA sunt Medicamenta; quae
 Naribus admoventur, tum sanitatis,
 tum voluptatis ergo. Atque alia quidem toto
 suo corpore, aut vaporibus igne excussis, im-
 mittuntur Naribus, alia effluviis sponte exha-
 lantibus Olfactûs modò organum adficiunt.
 Illa Errhina, haec Odoramenta vocantur.

De

Errhinis.

474. **E**RRHINORUM FORMA multiplex in
 genere est *Liquida, Mollis, vel So-*
lida.

Y 4

&. Li-

a. Liquida sunt Infusa (211.), Decocta (224.), Succi (235.), Emulsa (246.), Mixturae Mediae (272.), vel Contracta (283.).

b. Mollia dant Electuaria (138.), Unguentata (421.), Balsama (432.), Liniimenta (443.).

c. Solida constant Pulvere (106. 308.), eoque tenuissimo vel mediocri (107. *a.* *v.* 309.), Suffitu (393.), Turundis Pyramidalibus, *Nasalibus* propriè dictis, quae ex Pulveribus & Glutinante, Mucilagine v. g. Albumine Ovi, Terebinthina, Melle, Ladano, Cera, &c. ad modum Trochisci (172.), componuntur, aut & saepe simpliciores ex Rad. Betae, Cyclamitis, Iridis, &c. aptè scissis, vel Foliis Be-tonicae, Nicotianae, Cortice recenti Aurant. &c. contortis, formantur.

475. MATERIEM, hujus DELECTUM, &, quae hic pertinent, reliqua docet Scopus, & Forma varia (474. & loc. ibid. cit.).

476. ADPLICATIO Liquidorum (474. *a.*) fit injicendo (295.), adtrahendo & eluendo (369.), vaporando (383.), aut, instar Fotū Liquidī (320.), cum carptis, turundis, lin-teis, &c. immittendo. Mollia (474. *b.*) illi-nuntur, aut cum vehiculis mox memoratis induntur. Pulveres (474. *v.*) inflantur, adtrahuntur; Suffituum (ibid.) accensorum fumus in Nares dirigitur; Turundae (ibid.) intruduntur.

477. Usus variâ se virtute, adstringente, emolliente, demulcente, sopiente, aperiente, stimulante, Ptarmicâ, Mucum elicente, mandante, detergente, &c. commendat, aequè in morbis Narium propriis, quam aliarum partium, quibus evacuatio per Nares conductit. Sternutationis tamen motus universum corpus violentissimè concutiens, tum evacuationis hujus consuetudo, usu frequentiore inducta, aegrè rursus tollenda, prudentiam heic inculcant.

478. SPECIMINA sunto.

*

Decoctum mundans ad Ozænam.

Rz. Rad. Aristoloch. rot. unc. β .

Herb. Veronic.

Menth. ana m. j.

Cum Aq. pur. q. s. coque vase clauso
per $\frac{1}{8}$ horae.

Colat. unc. xij. adde

Tinct. Myrrb.

Aloës. ana unc. β .

Mell. Rosac. unc. i β .

M.

S. Injiciatur hujus tepidi q. s. aliquoties de dies
tum Gossypium aut carpta eo imbuta adpli-
centur.

Y 5

Li-

*

Liquor Stipticus ad Narium Haemorrhagiam.

Vid. H. Boerh. Mat. Med. p. 161.

R. Alumin. rup. drach. j.

Aq. stillat. Plantag. unc. j.

M. Solve.

S. Turundis ingestis applicetur cavo Narium.

*

Suffitus Roborans, nimiam per Nares destillationem minuens.

R. Mastiches.

Olibani.

Succin.

Gum. Anim. ana drach. j.

Herb. ficc. Puleg. drach. ij.

M. F. Pulvis grossus, D. ad Scatulam.

S. Pugillus bujus prunis inspergatur, fumusque tecto capite excipiatur Naribus.

*

Electuarium Errhinum ad Gravedinem.

R. Pulv. rad. Galang.

Irid. Flor. ana drach. j.

Zingiber. drach. g.

Piper. alb. scrup. j.

Mellis comim. q. f.

Ut F. f. a. Electuarium. D. ad Fistile.

S. Ter, quater de die, tantillum Naribus illatur, aut cum Turundâ indatur.

Suc-

*
Succus Errhinus, Muci e Naribus excretionem promovens.

R. Fol. recent. Brassicae.

Betonic.

Anagall. purp. ana q. s.

Aq. stillat. Majoran. unc. j.

Contusis simul succum exprime, cujus unc. iv. adde

Spir. Lilior. Convall. unc. ℥.

M.

S. *Hujus quantum volvē manus capi potest, manē ē vesperi, Naribus adrāhatur.*

*
Nasalia ejusdem virtutis.

R. Herb. sicc. Majoran. drach. iſſ.

Rad. Ellebor. alb.

Sem. Nigell.

Caryophyll. arom. ana scrup. j.

Mastiches. drach. ℥.

Mucilag. Gumm. Tragacanth. in Aq.

Ros. fact. q. s.

Ut F. s. a. Turundae Pyramidales pro Nasalibus.

S. *Manē Naribus immittantur.*

Pul-

*

Pulvis Ptarmicus.

R^o. Fol. siccata. Nicotiana. unc. fl.

Majorana.

Mari Syriac.

Flor. Lavendula.

Lilium. Convallaria. ana drach. ij.

Rad. Pyrethri pulver. drach. j.

Ol. stillat. Caryophyll. gutt. iv.

M. F. Pulvis subtilissimus.

S. Adtrahatur Naribus tantillum, tempore matutino, ut Sternutatio excitetur.

De

Odoramentis.

479. **O**DORAMENTIS (473.) MATERIEM praebet, quidquid odorem sponte exhalat Medicatum, suavem, vel injucundum.

480. FORMA, ut Errhinorum (474.), Liquida est, Mollis, vel Solida.

a. *Liquidam* constituunt Liquores Odorati Officinales soli, aut ex his aliisque paratae Mixturae Mediae (272.), vel Contractae (283.).

b. Mollem dant Balsama (432.).

γ. Soli-

γ. Solidam Pulvis (106. 308.), aut ex hoc & Glutinante apto, Trochisorum instar (172.), coæta Poma, Pilae, Globuli, Smegmata, odorata: quamvis posteriora, quippe deliciis saltem dicata, ex Unguentariorum potius Officinis hodie petantur.

481. ADMVENTUR autem Liquida, Balsama, Pulvis, Poma, Naribus; ut proximè agant in Olfactū organum. Globuli ex collo, aut in carpis, gestantur. Smegma lotioni inservit.

482. Ex his (479 ad 481.), cum Scopo collatis, facile est, quod huc requiritur, præscriptionis artificium.

483. Usus cum voluptati, tum stimulando, excitando, aliorum determinando Liquidi Nervosi motui, Atmosphaeram corrigendo, maximè dicatus est. Repete autem dicta (85. 100. 396. & 441.).

484. SPECIMINA Balsamorum dedi ante (442.): reliquorum haec sunt.

Vapor stimulans Nares, in Apoplexia imminentे a causa frigida.

Vid. H. Boerh. Mat. Med. p. 177.

℞. *Tinct. Castor.*

Spir. Sal. Ammon. ana. drach. ij.

M.

S. Subolfaciat saepe.

Pul-

*

Pulvis Odoratus, Cardiacus.

R. Ol. stillat. Cinnamom. gutt. vj.

Meliss.

Rorismar. ana gutt. iv.

Sal. Volat. ficc. de Sale Ammon. par.
scrup. f.

Sacchar. albissim. unc. f.

Cinnab. nat. subtiliss. levigat. q. f.
ad coccineum ruborem.

Accurate, cito, mista immittantur va-
sculo vitreo, obthuraculo vitreo clau-
dendo.

S. Admoveatur Naribus in Languore.

*

Pomum Odoratum.

R. Ladani. drach. iij.

Benzoin.

Styrac. calam. ana drach. ij.

Herb. Thymi.

Mari Syriac. ana drach. j.

Camphorae. gr. ij.

Ol. still. Caryophyll. gutt. iv.

Bals. Peruvian. scrup. j.

Cum Mucilag. Gum. Tragacanthb. Aq.
Cort. Citri. solat. q. f. F. Po-
mum.

S. Ut supra. Ex iisdem quoque Globuli
magnitudinis arbitrariae formari possunt.

Sa-

*

*Sapo Fragrans.**R. Sapon. Venet. unc. viij.**Pulv. subtiliss. Rad. Irid. Flor.**Flor. Lavend. ana
drach. iij.**Ol. stillat. Cort. Citr. gutt. xv.**Tinct. Benzoin. Aquâ praecipitat. q. f.*

Concorponentur in pastam, ex qua formentur Pilae hinc inde Auri foliolis exornandae.

*S. Lavandis manibus, faciei, inservit.**De**Stomaticis.*

485. **S**TOMATICA voco Medicamenta, quae Oris partibus internis adplicantur. Eorum vero tres sunt species: *Dentifricium*, quod Dentium & Gingivarum vitiis medetur: *Apophlegmatismus*, quo Saliva & Mucus Oris elicetur: *Gargarisma*, quod cavo Oris collendo inservit.

De

De

Dentifricio.

486. DENTIFRICIUM est Liquaum, Molle; vel Siccum.

a. Liquidum dat plerumque Mixtura Media (272.), vel Contracta (283.): quamvis & Liquores Officinales soli, tum Decocta, Infusa, Succa, eò adhiberi queant. Collutorium id, aut Collutio, quoque audit.

b. Molle est Electuarii species (138.): alias & Eclegmatis (149.), aut Linimenti (443.) forma heic usu venit.

c. Siccum praebet Pulvis (106. 308.) tenuissimus aut mediocris (107. *a.* 309.), tum ex hoc & Glutiante idoneo conflati Trichisci (172.), aut Styli Dentifricii; qui tamen hodie minus usitati sunt.

487. MATERIES, DELECTUS, caetera, ex indole corrigendi vitii, & formâ expetitâ (486.), intelliguntur. Acida Fossilia cautè adhibeantur; ne, dum dealbant Dentes, simul ambedant.

488. USUS Dentibus, Gingivis, detergendas, firmandis, labe Scorbatica liberandis, his quandoque, in Dentitione difficulti, emolliendas, refrigerandas, conductus.

489. SPECIMINA sunt:

Col.

*
Collutorium in Scorbuto a causâ calidâ.

Vid. H. Boerh. Mat. Med. p. 193.

R. Myriae Limonum.

Mell. Rosac. ana unc. ij.

Sp. Sal. dulc. drach. f.

Aq. stillat. Rutaæ. unc. jj.

M.

S. Eo saepiusculè laventur Dentes & Gingivæ.

*
Linimentum vide in Historia Linimenti
p. 329.

*
Collutio, Eclegmatis ferè formâ, refrigerans, emolliens, in Dentitione difficulti.

Vid. H. Boerh. Mat. Med. p. 236.

R. Crem. Lact. rec.

Vitell. Ovor. ana unc. j.

Syr. Violar. drach. vj.

Aq. stillat. Rosar. unc. iij.

M.

S. His foveantur Gingivæ dolentes.

Z

Opig.

*

Opiata Dentes detergens, firmans.

Rx. Conserv. Ros. rubr. unc. fl.

Off. Sepiae ppt. drach. ij.

Sang. Dracon.

Cort. Granator. ana drach. j.

Alumin. usq. scrup. ij.

Mell. Rosac. q. f.

Ut F. Electuarium. D. ad Fistile.

S. Manè & post prandium ac coenam eo frumentarum Dentes, tum abluantur cum Spirit. Vini Myrrhato.

Pulvis Dentifricius.

Rx. Pumicis ppt. drach. ij.

Flor. Balaust.

Rad. Irid. Flor.

Myrrb. rubr. ana drach. j.

Lap. Haemat. ppt.

Sal Ammoniac. ana drach. fl.

M. F. Pulvis tenuis.

S. Ut supra.

Tro-

Trochisci vel Styli Dentifricii.

B. Species praecedent.

Mucilag. Gumm. Tragacanth. cum

Aqua Salviae fact. q. s.

Ut F. Trochisci vel Styli probè sicandi.

De

Apophlegmatismo.

490. **A** POPHLEGMATISMI (485.) FORMA iterum triplex est, *Liquida*, *Molis*, *Sicca*.

o. *Liquidam* saepiuscule praebent Decoc̄ta (224.), Mixturae Mediae (272.), crebrius Contractae (283.), quandoque & Infusa (211), Succi (235.), aut Liquores alii officinales, non permisisti.

p. *Mollem* dat Electuarium (138.).

q. *Sicca* varia vel est Suffitūs species (395. a), Nicotianae simplicis, aut Medicatae, fumo ore hausto constans; vel Rotula (199.) sub-lingualis, facile dissolvenda; vel Mansile quid, *Masticatorium vulgò* dictum, solidum, tenax,

Z 2 acre:

acre : quò adhibentur Vegetantium acriorum partes solidae , aut Succi concreti , minus facile liquefientes , tum ex his , & similibus aliis , confecti Pulveres crassiores (106. 107. β.) , hique aut laxi , aut panno lineo , in speciem Noduli , inclusi (219 α. 2.) , aut cum Glutinante in Trochiscos , Pastillosove , coadi (172.).

491. Haud tamen perinde heic semper est , quacunque ex dictis (490.) utaris. Videndum , quaenam Indicationi , Morbi , Aegrius , conditionibus aptior.

α. Occasio praecceps captanda usum Liquidorum (490 α.) , maximè simplicium , aut sola permissione parandorum , commendat (42.).

β Praeferuntur eadem (490. α.) , ubi profundiū e faucibus trahendum Phlegma , idque tenacius est.

γ. Electuarii (490. β.) potior usus est , cum vel manducatio , vel determinata liquidi siccive in ore voluntatio & detentio , aegre fieri potest : ut in Paralyticis & Soporosis affectibus. Id tum , palato adlitum , sensim liqueficens , agit certius.

δ Fumisugium , plurimis minus adsuetis incommodissimum , nimirū in Nervos actione , famisque haud dexterè a cavo Narum , Pharyngis ,

tyngis, Laryngis, prohibitis, Cephalalgias, Vertigines, Tusses, Nauseas, Vomitus, creat.

¶. Pueros, & Delicatores, vix longiori astrinxeris manducacioni. Placent magis Liquida, aut Rotulae acre Saccharo tegentes (490 v.). At his obtusior quoque virtus,

. ζ Ubi lentè, diu, validè, proritandus humor, Mansilia (490. v.) caeteris antehabentur; nisi priorum quaedam repugnant.

492. MATERIES petitur ex iis, quae ore excepta, retenta, mota, vi emolliente aut praesertim stimulante, majorem Salivae & Muci copiam eo adlicere queant. Vid. H. Boerhaave Instit. Med. 1195. 1197. 1200. 1. 2. 3. Quae enim deglutita, Ventriculo recepta, Nauseam creando, Salivam movent, aut in Sanguinem delata, hunc dissolvendo, Ptyalismum excitant, hujus non sunt loci, ubi de Topicis Stomaticis (485.) agimus.

493. DELECTUM docet Remedii vis requisita, & Forma adhibenda (491.).

¶. Emollientia, Saponacea, Aromatica, Oleo vel Sale acri praedita, alia aliis validiora, infinitam heic Medico praebent sylvam, ex qua aptum nodo cuneum quaerat. Inde cum vario Menstruo, Aquoso, Vinoso, Decocta, Infusa, Succos, lenius, fortius, agentes,

Z 3 juxta

358 DE APOPHLEGMATISMO.

juxta datas ante regulas (211. 224. 235.), parare facile. Suavitas, Acumen, Melle vel Saccharo obtinetur.

¶ Mixturis (490 a.) idoneam dant materiem Aquae stillatitiae, Aceta, Spiritus, Tincturae, Essentiae, Olea, Salia, ex similibus (493 a.) confecta; quorum & dilutiora seorsim sumta heic bona.

¶ Nicotiana Medicatae Suffitus ut paretur, ante docui (395 a. 396. b. & seq.).

¶ Aromata, Radices, Cortices, Folia, Semina, acriora, integra, Vino quandoque, Aceto, Spiritu Vini, prius macerata, tum Succi tenaces, similes, odore tamen haud insuaves, Mastiche v. g. Myrrha, &c. seorsim singula, simplex, at efficax, praebent Mansile. Alii nec Nicotiana Folia horrent. Indos Betel & Arecca, cum Calce, mansa delectant.

¶ Haec (¶) contrita Pulveres exhibent (490. v.), ex quibus linteo inclusis Noduli (ibid.), cum Saccharo subiectis Rotulæ (ibid.), cum Cera, Mastiche, Melle, aliove Glutinante, concorporatis Trochisci mansiles (ibid.), Melle plure vel simplice, vel Medicato, exceptis Eleuaria (ibid. ¶) nascuntur.

¶ Abstinendum ubique, maximè in mandidis, ab iis, quorum Odor aut Sapor destabilis;

stabilis; quum nimis evolvatur. Consuetudo tamen vel molestissima etiam mansuefacit (3.).

494. ORDO, DOSIS, QUANTITAS GENERALIS, PROPORTIO, SUBSCRIPTIO, satis patent ex iis, quae de similibus Formulis Internis ante dicta, collatis ad haec tenus (490 ad 494.) exposita, & mox subjungenda Specimina. Pastillorum Moles, heic plerumque major (177.), scrup. j. drachm. ß. imd j. aequat.

495. SIGNATURA pariter ex prius dictis intellegitur. Jejunum ferè Stomachum amat haec Evacuatio: unde aliquot plerumque ante pastum horis movetur; nisi cum in morte periculum. Promovet prono capite, simulque acriam delapsus in Fauces sic cavetur. Ultra semihoram vix protrahitur. Os, post Apophlegmatismi actionem, Aquâ tepidâ, Lacte, aliave blando liquore, eluendum vix monere opus.

496. USUS, caute directus, nobilia praefstat, aliis haud adeo viis semper obtinenda, in Fribidis, Catarrhosis, Soporosis, Paralyticis, Epilepticis, adfectibus, Leucophlegmatia, Angina Aquosa, Odontalgia, &c. Abusus rei optimae pessimus Salivâ, humore utilissimo, privat Chylopoiesin, subtilissimis orbat sanguinem, consuetudinem inducit aegrè rursus exuendam.

497. SPECIMINA funto.

Z 4

De-

360 DE APOPHLEGMATISMO.

*

Decoctum Apophlegmatizans, ingruen-
te Apoplexiâ Frigidâ utilissimum.

Vid. H. Boerh. Mat. Med. p. 175.

R. Rad. Imperator.

Pyrethri. ana unc. j.
Fol. Recent. Rutae.

Majoran. ana m. j.
Flor. Lavand. m. f.

Semin. Sinapis contus. unc. f.

Conscissa, cum Vini Alb. Libr. ij. coque
per $\frac{1}{2}$ horae, vase exacte clauso. Co-
lat. admisce

Spir. Sal. Ammon. drach. ij.
Mell. Anthos. unc. if.

D.

S. Hujus tepidi pauxillum ore detineat ac vo-
lvet, humorem prolectum jugiter exscreans.
Repetat pro necessitate urgente, quavis hora
aut citius.

*

Mixtura similis, Odontalgiae Catarrho-
sae apta.

R. Ag. stillat. Lavandul. unc. vj.

Spirit. Regin. Hungar. unc. ij.

Sal. Ammon. drach. j.

Tinct. Sal. Tart. Helmont. drach. ij,
Zingib. subtiliss. pulv. drach. f.

M. D. Vitra clauso.

S. Ut supra.

Apo-

*

Apophlegmatismus, formâ Succi pressi.

R. *Fol. recent. Bocabung. m. j.*

Cochlear. m. f.

Rad. recent. Ari.

Armorac.

Sem. Sinapis. ana. unc. f.

Conscissis, tulis, exprime Succum, cui
admisce

Vin. alb. unc. i f.

Sacchari alb. unc. j.

M.

S. *Hujus haustulum, omni manè, ore prius aqua
elato, contineat aliquamdiu Scorbuto frigido
laborans, tum expuat una cum saliva sic
prolectâ.*

*

Pulvis Apophlegmatizans,

R. *Rad. Pyrethri.*

Cort. Magellanica. ana drach. i f.

Cubeb.

Cardamom.

Caryophyll. arom. ana drach. f.

Sal. Ammoniac. drach. j.

Ol. stillat. Caryophyll. gutt. vj.

Contus F. Pulvis crassiusculus. D. in
Scatulâ.

S. *Capiat omni mane, jejunus, quantum apice
cultri sustineri potest, & commandat, ex-
spuatque humorem proritatum.*

Z s

Rotu-

*

Rotulae Sialogogae.

R. Species praecedentes subtilissimè tritas.
Sacchar. albiss. Aq. Rosar. solut. & in-
spissat. sextuplum.

Ut F. l. a. Rotulae.

S. Una vel duae sub lingua detineantur, ut sen-
sim liquecant. Excernatur Liquidum ad-
fluens.

*

Electuarium ex iisdem.

R. Species easdem Pulveris subtilissime
communitas.

Mellis Anthos. triplum.

M. exactè. D. ad Fictile.

S. Hujus tantillum Paluto adfricetur in Murbis
soporosis, frigidis.

*

Nodus similis.

R. Pulver. praecedent. drach. ii.

Masticis. drach. iii.

Mista illigentur panno lineo, ut F. No-
dulus.

S. Mandatur leniter mane per $\frac{1}{2}$ horam, ut
Saliva proritetur expienda.

Tro-

*

Trochisci masticatorii.

Vid. H. Boerh. Mat. Med. p. 175.

R. Mastic.

Cerae alb.

Zingib. ana. unc. j.

F. f. a. parvi Pastilli, singuli drach. f.
aut j.

S. Ut supra.

De

Gargarismate.

498. GARGARISMA (485.) est Medicamen-
tum Liquidum, Cavi Oris, maximè
verò Faecium, collutioni, varios in usus,
aptatum. Collutio quoque vel Collatorium au-
dit, praecipue si Gargarisatio, a qua nomen ha-
bet, sub ejus usū non accedit.

499. FORMA ejus, semper Liquida, Infusi
(211.), Decocti (224.), Succi expressi
(235.), Emulsi (246.), Julapii (261.), vel
Mixturae Mediae (272.), species eit, isdem-
que, quibus haec, legibus paratur. Unde ex
dictis (loc. cit.) facile artificium.

500. MATERIEM, hujusque DELECTUM li-
mitat varia Medici Indicatio, & Liquidi spe-
cies conficienda (499.), collata iis, quae de
hac, interno usui dicata, ante (loc. cit.) mo-
nita sunt.

501.

501. ORDO, QUANTITAS GENERALIS, PROPORTIO, itidem sequuntur leges ante (loc. cit.) datas. DOSIS, pondere nunquam determinanda, est, quantum buccis non dispensis commodè capitur.

502. SUBSRIPTIO jubet, F. Liquor pro Gar-garismate aut Collutorio.

503. SIGNATURA, praeter generalia, injungit Applicationis modum, qui non semper idem est. Alias enim Liquidi ore excepti, supinato capite, facienda agitatio; ut concusiae cum eo partes magis undequaque imbuantur, detergeantur, penetrantur. Alias lenis modo ejus voluntatio, aut tranquilla detentio, requiritur, cum partes inflammatae, aliove modo laesae, Gar-garismatum negant, aut Liquidum motum a descensu per Fauces prohibere satis nequeunt. Alias & per Siphonem injectio fit: quod in Infantibus saepe, aut aegris debilioribus, suive non compotibus, necessum. Calidi caeterum usus frequentior est, quam Frigidi. Hoc tamen amant quidam, ubi adstringendum vel repellendum.

504. USUS insignis in quibusvis fere Oris interni, Faucium, partiumque his vicinarum, morbis, Inflammationibus, Tumoribus, Ulceribus, Aphthis, Siccitatem, Colluvie aquosa, mucosa,

DE GARGARISMATE. 369

mucosa, Laxitate, Rigiditate nimia, &c. dum
vis quaecunque expedita, emollientia, adstrin-
gens, humectans, siccans, refrigerans, calefa-
ciens, resolvens, suppurans, detergens, &c.
directè locis affectis applicari sic potest.

505. SPECIMINA funto.

*

Collutio Antiseptica, ad Ulcera Oris, &
Scorbuto putrido nata.

Vid. H. Boerh. Mat. Med. p. 193.

R. Spir. Salis marini. drach. ij.

Aq. stillatit. Salviae. unc. viij.

M.

S. Hoc Liquore colluat Os & Fauces saepius
de die.

*

Collutorium ad Anginam Inflammatoriam,
Antiphlogisticum, resolvens, refrigerans.

R. Aq. stillat. Flor. Sambuc. unc. xvi,

Acet. Vin. destillat. unc. ij.

Sal. Prunell. drach. ii.

Rob. Sambuc. unc. ij.

M.

S. Calido hoc Liquore, ore detento, Fauces af-
fiduò humectentur.

De-

366 DE GARGARISMATE.

Decoctum Emolliens, Demulcens, ad promovendum Ptyalismum Mercuriale.

Vid. H. Boerh. Aphorism. 1475.

R. *Herb. Althaeæ.* m. ij.

Malvae

Flor. Rhœad.

Verbasci. ana m. j.

R. *Rad. Glycyrrbz.* unc. j.

Cum *Seri Laet.* rec. q. s decoct. spatio $\frac{1}{4}$ horae, tum *Colat.* express. Lib. ij. admisce

Mellis puri. unc. ij.

D.

S. *Hoc tepido gargariset & colluat jugiter totum Oris cavum.*

*

Aliud *Laxans* & *Detergens*, ad crustæ *Aphthosæ* lapsum promovendum.

Vid. Ketelaar de Aphthis. p. 38.

R. *Hordæi mundaat.* unc. j.

Pafful. exaciat. unc. ij.

Ficuum. No. iij.

Liquirit. rafæ. drach. iij.

Coque ex *Aqu.* pur. tum *cola* & ex-prime. *Colat.* Lib. ij. admisce

Syr. Jujubin. unc. ij.

D.

S. *Tepidum Ore semper continetur, & si poterit, gargarisetur.*

In-

*
Infusum Balsamicum, consolidans, ad Ul-
cera Faucium mundata.

R. *Herb. Agrimon.* m. j.

Veronic.

Salviae.

F. *Hyperic.*

Betonic.

Rhoead. ana m. **R.**

Infundantur cum *Aq. pur. fervidae.* unc.
xx. stent per horam infusa, vase
clauso, tum Colat. express. admisce
Mell. rosat. unc. ij.

S. Ut supra.

De

Scuto.

Vid. (331. 342. 414. 431.).

De

Clysmate Intestinali.

506. **C**LYSMA INTESTINALE, *Clyster, Enema,* Lavamentum, vocatur Li-
quor, qui Intestino Recto, Evacuandi, Al-
terandi vel Nutriendi fine, injicitur. Pertinet
er-

368 DE CLYSMATE INTESTINALI.

ergo ad Iniectiones , de quibus generatim ante (295 & seq.) actum ; atque inde magna parte intelligitur.

507. MATERIES in genere *Excipit* vel *Excipitur*.

a. Excipiens Liquor est varius, vel (1.) Vulgaris: ut Aqua simplex, Fabrorum, Lac recens, ebutyratum, ejus Serum. Cerevisia, Vinum, Utina, &c. Vel (2.) Praeparatus, in Officinis prostans, aut Pharmacopoeo sat notus; ut praescriptione Magistrali non egeat ejus praeparatio: v. g. Aquae stillatit. Lac Chalybeatum, Decocta Hordei, Avenae, Specier. Emollient. Carminant. Clysmat. ordin. aut materiei cuiusdam singularis, Juscula Carnium, Olea pressa, infusa, cocta, & similia. Vel (3.) Decoctione demum, rarius Infusione, parandus juxta praescriptum Medicis.

β. Excipienda sunt, quaecunque, scopo apta, Excipiente (α.) solvi, aut huic misceri ita possunt, ut requisitam heic Liquoris meabilitatem non destruant. Referuntur haec ad (1.) Solubilia in Aquosis: ut sunt Eleuvaria, Confectiones, Pulpae, Succii, Extracta, Mella, Syrupi, Sapones, Vitell. Ovi, Salia, Saccharum. (2.) Pinguia: ut Olea infusa, cocta, pressa, stillatitia, Pinguedines, Medullae, Se-

v2,

DE CLYSMATE INTESTINALI. 369

va, Butyrum, Balsama, praeprimis Therebinthina, Unguenta, &c. (3.) Pulverulenta non solubilia, quorum tamen rarer heic usus.

508. DELECTUM docet varius Scopus, tum cognita Materiae Virtus, Pretium, prompta Parabilitas, aliaeque tam hujus, quam Aegri, conditiones, facilè in singulare casu determinandae. Unde.

*. Repetendum, quidquid de Injectione prius (299.) dictum.

β. Ubi, quod heic saepe obtinet, citissimo opus auxilio, absint Infusa vel Decocta, quia & Excipienda, ut Olea presla, longam poscentia praeparationem (42.). Neque enim deficiunt jam parata, cuivis apta Indicationi.

γ. Nec utere pretiosioribus, maximè si saepius iterandum Clysma; tum ne emungas Aerum; tum ne corrupta exhibendi ansam capiat Pharmacopoeus, sat haec bona putans cavo putridis adsueto, gnarusque hos liquores raro explorari.

δ. Species Emollient. Carminant. & plerique alia, quae solis Clysmatibus destinata prostant jam composita in Officinis, si potes, cave: saepissime enim exoleta sunt, situ, vermis, corrupta. Levi labore alia praescripseris recens paranda.

Aa

t. O.

270 DE CLYSMATE INTESTINALE

* Oleosa Aqueis excipienda haud adeo exarctam heic, ut in Intestinis (274. 3.), postulant unionem: quamvis & Mel, Vitell. Ov. Saccharum, Sapo, Salia, alio fine, dum scopus fert, addita hanc praestare queant. Terciathinna tamen Ovi Vitello subigenda curatius; ut divisa felicius agat: nam Digestivi loco ferè adhibetur.

¶ Cur vetant Acida miscere Clysmati, qui vel acerrima edam Emetica & Purgantia heic adhibere non verentur? Sanè ubi corrigenda putridago, refraenandus calor febrilis, Acidi dilutioris usum suadent omnis.

* Pulverulentis (507. 3. 3.) facile carueris, cum alia praetexto sint omni scopo idonea. Sim uti velis, nota Cautelam (299. 3.).

* Sal & Oleum frustra ab Anthelmintico Clysmate arcentur. Quis solis dulcibus delestatari Vermes dixerit, cum & in acerrimisnidulentur? Eneasti colliquescant cito, facile dein expellendi.

* Nutrire dum scopus exigit, Juscule Carnium nihil aptius. Visum hoc, mox, ut ingestum fuerat, sanguini admixtum nocuissimum, hinc praeviā Ventricali & Tenuiū Intestinorum Coctionem vix reposcunt. Antifepticō saltem condiendum, si calor corporis nimis ad patredinein disponit.

DE CLYSMATE INTESTINALI. 372

*. Denique , ut Medico nunquam , nisi ex ratione, agendum (11. 12. 15.), ita , Clysmate indicato , mox cogitet , eo quid effici debeat & possit , faciliusq; dein reperturus aptam huic componendo materiem . Videbit hinc , toties heic commendatis Specificis Cephalicis, Pectoralibus , Stomachicis , Hepaticis , Uterinis , &c. vix majora praestari , quam generali Diluentium , Humectantivm , Emollientium , Calefacientium , Refrigerantium , Sopientium , Discutientium , Resolventium , Stimulantium , inaterie . Sic ars Tyroni facilis fit , & servilis aliorum exemplis perpetuo inhaerendi tollitur necessitas.

λ. Quin & farragine inconditā heic opus non esse , ex dictis (*.) patet . Saepe unicum sufficit ingrediens , nullo stipatum Excipiendo . Saepe duo : Aqua , Lac , hujus Serum , cum Melle , Saccharo , Nitro , Oleo , Butyro , &c. Nonne Urina sola , Sal communis Aquae quintuplici solutus , Decoct. Fol. Nicotianae , inter certissima habentur , si valentiore opus slimulo ?

509. ORDO idem heic obtinet , qui in Infusis , Decoctis , aut Mixturiis internis (214.227. 275.) : has enim ad Formulas reducuntur omnes Enematum compositorum species .

510. DOSIS & QUANTITAS GENERALIS aequales sunt ; cum vix nisi una simul praescribatur

A a 2 tur

372 DE CLYSMATE INTESTINALI

var Dosis (68. m.). Haec autem varia est

2. Ratione Aetatis. Ubi haec ferè regula obtinet.

Infanti recens nato	- - -	unc. ii.		
	- - -	provectioni	- - -	unc. iii. iv.
Puero	- - -	-	-	unc. vij. viij.
Adulto	- - -	-	-	unc. viij. x. xiij.

3. Ratione Constitutionis Aegri. Proceri plus ferunt : Parvuli minus. Difficili anhelitu affecti , Intestina flatu distenta, mole extrinsecus incumbente , Foetu v. g. grandiore, Aquis, &c. preffa , vix admittunt copiam majorem, admis- sum cito excutiunt.

4. Ratione Effectus praefandi. Si diluendum, humectandum , emolliendum, refrigerandum, nec alia repugnant , major quantitas conducit. Si validè stimulandum , minor ; ne moles stimulo juncta citius expellat. Si diutius retinendum , minor itidem expedit : quod maximè in iis , quae Nutriendi fine injiciuntur , no- tandum.

5. Caeterum & heic parcior simul injecti co- pia pensari potest iteratione, &c, si quae obstant, per intervalla immitti, quod simul debebat.

511. PROPORTIO mutua Ingredientium, vix certis in universum limitanda legibus , attento ad suam indicationem (508.), Virtutem mate- riae,

riae, Vires Aegri, Sensum hujus majorem minoremve, requisitam Injectionis Consistentiam (299. &c.), &c. determinatu facilis est.

a. Si Purgantibus opus infusis, decoctis, aut intermisstis, haec plerumque dupla recipiuntur dosi, qua darentur ori ingerenda, quandoque & tripla, imo majore, ubi stimulandum fortius.

b. Saliūm mediorūm, quae magis heic usitata, drach. j. ij. ad Liquoris unc. x. pro stimulo mediocri fere sufficiunt. Alias tamen uncia j. imo ij. adhibentur in acerrimis (508.).

c. Eorum, quae Mellis aut Syrupi gaudent spissitudine, latissima iterum Proportio primaria ex virtute Medicata, dein & consistentia, limitatur; ut ideo summa fere sit, si horum & Liquoris aquale pondus sumferis.

d. Pinguium tamen, nisi cum sola totum constituant Clysim, parcior quantitas rarius quartam totius partem exsuperat. Terebinthinae autem vix plus unc. $\frac{1}{2}$. aut drach. vij. ad Liquoris unc. x. recipitur.

e. Solida, Sicca, Pulverulenta, quin majore quantitate admisceantur, prohibet nascitura spissitudo, aut faciliis in grumos coalitus. Drach. j. ij. iij. Adulto (510. a.) satis sunt.

f. Opiatis, aliisque Draſticis, iis maximè,

Aa 3 quo-

374 DE CLYSMATE INTESTINALI.

quorum vis subdola furtim se vasis insinuat,
cautus utere. Est & in Crassis apparatus Nervus;
adsunt absorbentes Venulae. Unde ab
ejusmodi imprudenter injectis quandoque da-
mma pessima. Ab Opii gran. iv. Clysmati additis
aeternum dormivisse visus est aeger.

7. Circumspectus etiam Stimulantia deter-
mina, cogitans, an, quibus, quantis, opus
sit. Alias temerè addita, alias omissa timide
spem tuam frustrabuntur. Si potentissime exci-
tare, expellere, revellere, volueris; stimulo
languente ages nihil. Si diutius retinendum
Clyisma, ut emolliat, diluat, mulceat, foveat,
sopiat, nutrit; ab Acribus abstine.

512. SUBSCRIPTIO, praeter ea, quae Infusionem,
Decoctionem, Mistionem, spectant, similia
ante dictis (218. 219. 231. 279.), nisi quod De-
puratione haud adeo exacta opus sit, ponit:
F. Enema vel Clyisma. Quum vero multis in
locis injectio ipsi demandetur Pharmacopoeo,
aut instrumenta saltem hoc necessaria ab eo pe-
tantur, adscribi insuper potest,

8. Qua Aetate sit, cui injiciendum Clyisma;
an infans, puer, adultus? ut aptus ano tubu-
lus eligatur: licet ex quantitate Liquoris (510.
*) id conjici plerumque queat.

9. Cujus Sexus, si adultus: sequiori enim
mulieres id officii praestant,

q. Tem-

v. *Tempus*, quo immittendum: an mox, an
mâne, vespere, &c.? Nulla hora in univer-
sum huic Remedio inepta est. Urgens ne-
cessitas quamcunque admittit. Alias tamen
vacuo Ventriculo magis probatur ejus u-
sus.

Reliqua, quae hoc spectant, mox tradenda,
supponuntur cognita injicienti.

513. SIGNATURA vix opus, nisi cum Subscri-
ptio (512.) brevior usum non memorat
Tum vero, dato Titulo (60. v 506.), quo-
ad reliqua intelligitur ex modo dictis (512. a.
p.v.). Addenda tamen aliquando, aut & oretenus
injungenda nonnulla, quae applicationis aut
actionis commodo serviunt. Ut

a. Agenda ante *Injectionem*. Haec sua ex
indicatione figit Medicus, varia in variis.
Unum noto: Nutriendi Clysmati praemittendum
aliud Intestina à foecibus repurgans;
ut tanto promptior fiat absorptio.

b. Quae spectant *Injectionem ipsam*. Ubi (1.)
Liquoris justa exigitur Calefactio ad temporem
ferè sani hominis. Vas Clysmi continens, ad-
motum oculo, labiis, aut dorso manus, his
dum calore non infestum est, debitum notat
gradum. Excessus in utramque partem semper

Aa 4 minus

376 DE CLYSMATE INTESTINALI.

minus prodest, saepissime & nocet aegro, & ingredientia, Vitellos, Pingua, coagulat, tubum obstruit. (2.) Situs Aegri traje*&*ui Liquoris per tubum intestinalem commodissimus. Sunt quibus decubitus in sinistrum latus aptior videtur; quod Sigmoideus Coli in Rectum abituri flexus, sinistro latere situs, viam exhibeat declivem. Obstat tamen Recti ab Ano ascendentis declinatio dextrorsum *a.*, hoc in situ magis resistens impulso liquori; pressio dein & compressio tractus Coli in sinistris siti, Recto proximi, ab incumbente reliquorum Intestinorum mole; tum ludentis naturae inconstantia, flexum Coli Sigmoideum quandoque ad dextram Recti formans *b.* Unde cum plurimis decubitus in dextrum latus praefero. Est tamen, ubi nec electio datur. (3.) Quies aegri & pacata Respiratio; ne valide contractis Muculis abdominalibus via ardetur nimis, aut subita fiat injecti repulsio. (4.) Instrumenta, quae variis locis varia in usu sunt, heic non enumeranda. Vid. R. de Farvacques Medic. Pharmac. III. Boek. x. Capit. (5) Inie^cstio haud impetuosa, nec nimis properata.

a. Post Injectionem agenda. Heic revolutio lenis in sinistrum latus, aut in dorsum, quies, trans-

a. Vid. Eustach. Tab. Anat. X. Fig. II. IV.

b. Idem ibid. Fig. V.

DE CLYSMATE INTESTINALI. 377

tranquillus anhelitus, alvi retentio, si Clysmata
diutius retinendum, commendantur.

514. Usus in genere expositus (506. 508.),
laudatissimus, prolixior, quam qui heic figura-
tum describi queat, omni, teneriunae etiam, aetati
aptus, solis nocet Haemorrhoidum fluxui obno-
xiis, si acria adhibentur, tum & nimis, praes-
ter necessitatem, Intestina reddit debiliora aut
stimuli consuetudine segnia, ut, nisi jugi mo-
nita incitamento, ab officio cesserent. Vim Nu-
trientem qui Clysmatis negant, nescire viden-
tur ante dieta (511. 5.). Quin & Lactea in Co-
lo Hominis, Chylo repleta, demonstravit Cl.
Winslow a. A Vino, Spiritu Vini, etiam par-
ciore copia, Clysmatis specie injecto nata te-
mulentia, &c.

515. SPECIMINA funto.

*

Clyisma Meconium induratum resolvens,
evacuans.

Vid. H. Boerh. Mat. Met. p. 225.

R. Seri lact. recent. unc. ij.

Sapon. Venet. drach. ij.

Mell. drach. ij.

M. F. Clyisma

Pro Infante recens nato.

Aa 5 Aliud

a. Exposit. Anatom. Traité du Bas-ventre. 218.

378 DE CLYSMATE INTESTINALI,

Aliud Vermes expellens.

H. Boerh. Mat. Med. p. 235.

R. Vitriol. Mart. gr. xv.

Aq. still. Cicher. unc. iv.

M. F. Lavamentum.

Pro Puero trienni aut quadrienni.

Clyisma Refrigerans, Antiphlogisticum,
in Rabie Cinina.

Ibid. p. 183.

R. Nitri. drach. ij.

Acet. Sambuc.

Mell. Rosar. ana unc. j.

Aq. decoct. Hord. unc. x.

M. F. Clyisma.

S. Injiciatur bis vel ter de die.

Clyisma Nutriens.

Ibid. p. 139.

R. Jar. Carnium unc. x.

Sal. Nitri. gr. x.

Sp. Salis. gutt. vj.

M.

S. Injiciatur octava quaque horâ, postquam pri-
mò Clysmate purgante elota alvus fuit.

Cly-

DE CLYSMATE INTESTINALI. 379

Clyster Emolliens, Anodynus, Aperiens

Calcum pellens.

Vid. H. Boerh. Mat. Med. p. 243.

R. Herb. Malvae.

Parietar.

Heder. terrest. ana m. j.

Seri Lact. recent. q. f.

Coque spatio $\frac{1}{4}$ horae. Colat. express. unc. ixij.

adde Oi. Lini. unc. j.

Nitri pur. drach. ii.

M.

S. Injiciatur mane & vespera.

Clyisma Balsamicum, Anodynum,

Antidiysentericum.

R. Flor. Chamomill. m. ij.

Cum Lact. dulc. q. f. coque vase clauso

per $\frac{1}{4}$ horae. Colat. unc. viiij. adde

Terebinth. Venet. Vitell. Ov. subact.

drach. iiij.

Mell. Rosar. unc. j.

M. F. Enema.

Pro Adulto.

Clysmata Revellens, Salivationis Mercurialis impetum minuens.

Vid. H. Boerh. Mat. Med. p. 251.

R. Flor. Sennae. unc. j.

Agarici drach. iv.

Semin. Carthami, drach. ij.

Rad. Jalapp. drach. j.

Cum Aqua decoct. Colat. unc. xij. injice pro Clysmate.

Nota. De Clystere ex Fumo Nicotianae
vid. Cap. de Suffitu, in fine, pag. 287.

De

Suppositorio.

516. **S**UPPOSITORIUM, Glans, Balaustus, Nodus Intestinalis, est Medicamentum plus minus solidum, rotundum, aut ex tereti oblongum, globuli, conuli, vel glandis formâ, quod Ano varios ad usus intruditur.

517 Saepissimè id, e Simplice Materie petitum, Praescriptione haud eget. Alias tamen data etiam opera componitur.

518.

518. *Simplicis MATERIES & PRAEPARA-*
TIO, satis & in vulgus nota, aliis alia adhibe-
tur, effectu tamen ferè eodem. Ut sunt Sac-
charum coniforme, in globulum aut conulum
redactum, inde confecti cum Moscho globuli
Moschati, officinales; Saponis Veneti frustu-
lum similiter figuratum; Sebum Candelae;
Cereoli particula Butyro oblita; Lardum lo-
tum; Prunum & Ficus inversa; Caseus re-
cens; Chartae bibulae segmentum conicè con-
tortum, Butyro illitum; Mel ad duritiem co-
ctum; Amygdalum Saccharo obductum; glo-
bulus vel conulus ex Alumine factus, Oleo
vel Butyro inunctus; Rapae caudula; Radix
Althaeæ, Malvae, Betae, Brassicae, Sam-
buci, &c. decorticata, debitè formata, Oleo
aut Butyro salito illita; Caulis Porri similiter
aptatus, & similia. Haec ferè vulgaria, in-
fantibus, quin & adultis quandoque adcom-
modata, alvo lubricandæ, magis minusve sti-
mulanda, tum eliciendis ano vermicibus, &c.
inseruiunt.

519. *Compositum est vel Stimulans, vel pro-*
priis Intestini Recti vitiis dicatum.

520. *Stimulantis MATERIES dividitur in Ex-*
cipientem & Excipientam.

a. *Excipient* est Mel ad duritiem coctum,
ut gutta in marmori frigido instillata, frigefacta;

non

non adhaerescat, sed fragilis sit. Sunt, qui huic Electuarium quoddam Officinale, Purgans, aut succum acriorem, simul incoquunt. **Sapo Venetus** etiam pro Excipiente esse potest; **Vitellus Ovi**, aut **Mucilago Tragacanthae**, aut **Saccharum Tabulatum**. At haec rarius.

¶. Excipiuntur eo (n.) Acria quaecunque Stimulantia, secca pulverulenta, vel spissa, quorum infinita, gradu acrimoniae diversa, in Officinis prostant. Ut sunt Sapo, Sal commune, Geminae, Nitrum, Ammoniacum, Alumen, Vitriolum Martis, Stercus murium, Aloë, Myrrha, Fol. Sennae, Agaric. Jalapp. Species hierae, Massae pilular. purgantium, Cochiar. Extract. Cathol. Succus Absynth. inspissatus, Fel Tauri spissatum, Castoreum, tum Purgantium & Emeticorum acerrima, Colocynthis, Trochisci Alhand. Scammonium, Elleborus albus, Euphorbium, Crocus metallorum, &c.

521. Quod Propriis Redi vitiis inservit, MATERIE gaudet pro horum affectuum varietate variâ, Stimulante, Detergente, Erodente, Balsamicâ, Consolidante, Sopiente, Emolliente, Adstringente, &c. Huic enumerandae nullus heic locus. Ejus autem Adaptatio fere triplex est.

¶. Vel enim in massam, priori (520.) similem, duram vel emplasticam, cum simili
(520)

(520. a.), vel alio apto Excipiente, Unguento quandoque, Cerato, Emplastro, coacta, nuda ano intraditur. Emplastrum Officinale, Olco vel Unguento idoneo illitum, solum, heic aliquando in usu est.

8. Vel in Unguenti (421.) aut Balsami (432.) spissitudinem concorporata, linters carpis, goslypio, aut lanâ, excipitur, atque in Globulum, Glandem, aut Turundam, formatur, cui filum adligandum, foras propendens, quo extrahi rursus possit ano immissa.

9. Vel pasta similis (8.) sindoni immissa colligatur in Nodulum, ano intradendum, filo itidem propendente rursus extrahendum.

522. In DELECTU habenda ratio Indicationis, variae Virtutis, praesertim drastricae, Ingredientium, Aetatis, &c. Vid. ante dicta (299. 508. & aliis locis.).

523. ORDO plerumque Excipiendis subjungit Excipientis, maximè si hujus quantitas haud pondere determinatur. Alii & praeponunt.

524. MAGNITUDO Dosis heic exprimit. Si Forma Rotunda eit; alias Pisi, alias Nucis Avellanae, aut & Glandis moles mensuram dat. Si Conica; crassities minimi digiti ejus, cui Suppositoriu applicandum, basin ferè determinat, longitudo sumitur 2. 3 vel 4. digitorum transversorum. Materiae hinc quantitas

titas ferè a drach. j. ad vj. vel unc. j, pro varia Magnitudine recipitur. Exactiori determinationi servit Actas varia; Intestini Recti angustia, major minorve, morboſa; Actio Suppositorii lenior, fortior, aut ad variam Recti aegritudinem requisita: unde si validius in Morbis v. g. Soporofis stimulandum, quandoque ultra digiti longitudinem conus extenditur.

525. QUANTITAS GENERALIS saepissime Dosi (524.) aequalis est. Ubi autem diutius continuata Glandis exigitur actio, ut una haud sufficiat, duae, tres, vel plures simul praescribuntur; ut alia post aliam intrudi possit. Ex multiplicata tum singularum Dosi facilis determinatio Quantitatis Generalis.

526. PROPORTIO mutua Ingredientium sciatur ex consistentia tum Excipientis, tum Excipientorum, & ipsius Pastae efformandae (520. 521.), ex singulorum Virtute, & Remediis desiderata efficacia. Hinc

a. Si Mel induratum Excipit (520. a.), ad hujus unc. j. recipiuntur Excipientorum scrup. iv. drach. j.

b. Si mollius aliud pro Excipiente servit (ibid. & 521. a.), augeri pro rata Excipientum quantitas potest; nisi & Pasta mollior exigitur.

527. SUBSCRIPTIO & SIGNATURA peculia-

ris nihil continent, quod ex ante dictis haud intelligi queat facile. Quae duriora sunt, plurimique leni Oleo, Butyro, Axungia, Sebo, aut Unguento, prius illinuntur, quam adplacentur. Alias & Salivâ id sit, aut, si stimulandum fortius, acriore quodam Oleo. Ante immisionem & Alvus exonerata requiritur, nisi hanc solvendi causa Glans adhibetur.

528. Usus, jam ferè expositus (518.519.521.), sat eximius, Clysmatum Purgantium saepe succedaneus, cum haec aut ab aegris morosis, nimium pudicis, aut ob alias causas, non admittuntur, quin & his injectis, Purgantibusve ore haustis, minus feliciter operantibus, opem ferens, alvum sollicitando, Vermes necando, expellendo, tum in affectibus Soporosis, Paraliticis, Apoplecticis, &c. Stimulando, revelando, excitando, alias &, ubi requiritur, fluxum Haemorrhoidum proritando, conductit. Ne memorem Recti proprios morbos, ulcera, fistulas, Haemorrhoidum dolores, &c. quibus Glandes appropriatae conferre possunt. Cendum, ne stimulantibus frequentius adhibitis natura nimis adsuescat, aut Intestinum adrodatur: unde & haec iis, quibus Rectum fissuris, ulceribus, tumore, dolore, fluxu Haemorrhoidum, &c. laborat, minus adhibenda. Gravidis quoque stimulus acrior quandoque Foetum excutit.

529. SPECIMINA simpliciorum vide supra (518), & H. Boerh. Mat. Med. p. 224. Compositorum haec sunt.

*

Suppositorium Antihelminthicum, necans, expellens Vermes.

Vid. H. Boerh. Mat. Med. p. 235.

R. Mell. cocti ad spissitudinem debitam. unc. iv.

Aloës, unc. 3.

Vitrioli Martis. drach. jj.

M. f. a. F. parva Suppositoria v. g. xij. aut xiv pro Puer. Serventur Oleo demersa, ne deliquescant.

S. Applicentur post alvum exoneratam.

*

Suppositorium Acre, fertiter stimulans, in Affectibus Soporosis, frigidis, utile.

R. Mellis coct. indurat. unc. j.

Sal. Ammoniac. drach. 3.

Scammon. scrup. j.

Troch. Alband.

Rad. Ellebor. alb. pulver. ana scrup. 3.

Euphorbii. gran. jj.

M. F. f. a. Suppositoria No. ii, Oleo Cakorei illineanda.

Glaes

*
Glans ad Alvum sollicitandam, pro Adulto.

R. Sal. commun. drach. fl.

Sapon. Venet. drach. j.

Mell. coctu inspissati. q. f.

M. F. Suppositorium, Oleo Absinth. infuso illinendum.

*

Suppositorium ad excitandum Haemorrhoidum fluxum.

R. Aloës pulveris.

Sal. Gemm. ana scrup. j.

Pulp. Colocynth. gr. v.

Mellis. q. f.

Coctu redigantur in Suppositorium.

*

Nodus Anodynus, ad Dolores ab Haemorrhoidibus.

R. Opii crudi. scrup. fl.

Croci pulveris. scrup. j.

Unguent. Popul. q. f.

Ut F. Pasta, quae inclusa Sindoni, aut Cottone excepta, appenso filo, sit pro Suppositorio.

S. Immittatur Ano, filo foras propendente, & retrahatur post $\frac{1}{2}$ horam.

*De**Pesso & Nascali.*

530. **P**ESSUS, *Pessarium, Talus, Nascale, Penicillus*, sunt Suppositoria, Turundae, vel Noduli, Uterini, Intestinalibus (516.) similes, qui sinui pudoris muliebri, scopo vario, immittuntur. Quum vero & rari hodie usus sint, & facile ex Capite praecedente intelligantur; non est, cur iis immotremur.

F I N I S.



160,-

471

CLXX.





